

大
中
華
浙
江
省
地
理
志

戊午六月

經亨頤署




序

鄉客京師。見奎騰日挾牛腰大卷。犇走十丈軟紅塵中。遙阻與語。奎騰勿遽高聲曰。地理學會。地學會。然則數年以來。編緝地學。是奎騰職志矣。民國七年六月。朝塘客西冷。適奎騰編大中華浙江地理志告成。問序於予。予曰。何成書之速也。奎騰曰。此書專爲中學師範地理教科之用。其文以簡括爲主。教習便於講演。學子易於領悟。如是而已。近擬橐筆二十二行省。游蹤所到。省各一編。三月成一編。不十年全國全志二十二省卒業矣。通志浩如煙海。中材以下不能讀。中人之產不能置。旣置矣。卽浙江向有之志一百二十卷。學子應熟何篇。是以浙人知浙事難矣。博采羣書。芟其繁。削其冗。人手一編。舟車稱便。何如。予曰善。信如君言。省日力。省財力。省目力。全國全書告成。瞭如指掌。中國人無不知中國事也。其爲功於教育界。豈淺鮮哉。奎騰閩人。其太夫人與其妻。皆讀書明理。以教育爲己任。其女現充濟南女子職業學校教員。爲吾女弟子。清光緒三十年。予識奎騰於黑龍江。是爲將軍時代。黑龍江人能識字蓋寡。不數年學校林立。學子莘莘。于于而來。去。何非奎騰之教。有以導乎先路也。猶憶予贈句云。萬里舟車雙伉儷。

大中華浙江省地理志 序

十年湖海幾人師。可以知其佩仰已。蜀東張朝墉。



大中華浙江省地理志序

留京師五年。人事栗落。無以自見。居常內省。深以爲悲。竊謂終我之生。要祇如此而已。歲丙辰。林奎騰先生來。余先以書翰。既晤語。相與道政制之變。數地史之原。所論多合。而尤繫念於中華地志。謂時不可失。吾輩必當急策其成。先生思議豪宕。氣挾風雷。余論偶愜。則笑視屋壁。其志洋洋也。自後遂與先生不數見。余方引爲思。其次年夏。復遇於廠肆。先生葛衣揮扇。贈我新詩。曰。余方厲廠中。共和印局。有所撰箸也。自後余過京。中地學會。必問林先生。且及中華地志事。以先生所主張。係於一國地理學之興衰者。實大也。上月獲賜書。知方殫精浙志。爲湖山造福。而鄉中賢士大夫。又多能交先生。知浙志編葺之不容緩。而今竟獲慶其成也。憶兩載前。余與先生快論過午。其事近肩睫。以余慵廢。居北方無狀。思執筆志地而終不果。坐見先生率管城十萬之師。入兩浙。凱旋門。白羽絳衣。欣欣然擁高纛而前趨也。余一念以爲悲。一念又深以爲喜矣。

民國七年七月 章 嶽

大中華江蘇地理志出版聲明

大中華江蘇省地理志。始業本在浙江之前。自京師中國地學會商承泗陽張蔚西會長相文。勉籌進行。遊山東青島時。亦調查海州丸之航綫。遊皖北。過徐州。攬其形勢。因編安徽地志。道出金陵。編浙江地志。道出上海。凡最近調查。迥異曠昔。竇應盧廳長殿虎。在皖商定例目。前江蘇程都督。復指授山脈地勢。又在中華職業教育社。與黃君炎培沈君恩孚。共研鄉土職業之實用。嘉定童君世亨。稱江蘇省地理志。門分類別。攷據精詳。洵空前絕後之作。披閱一過。爲之神王。傳甲周遊所至。備受歡迎。浙志旣刊。蘇志自不可緩。卽赴上海。籌商蘇志出版事。海內同志。幸賜教焉。

大中華浙江地理志序

昔賈耽悉天下地土區產。迺有古今朱墨之圖。樂史纂列朝人物。蒞文亦成寰宇太平之記。然而八書覲縷。非不富也。而禮樂間缺。必補以孫卿之說。而始完。六夷序論。洵奇作也。而郡國未成。必附以紹統之書。而克備。大抵釀花爲蜜。則世期所甘。採古作材。則夾漈不讓。況收圖籍。而知關梁阨塞。戶口強弱之所在。傳貨殖。而見山澤魚木舟楫轉運之靡窮。其可無農末互參。而井甿備列也乎。吾浙七十五縣。於禹貢屬揚州。秦分爲會稽。而包有閩中之六屬。唐改東西道。而並入吳郡之三州。天文次星紀。潮聲聚曲江。以言文化。則越絕最先。以言政治。則作京伊匹。杭城何以可灌。歲星何以在越。何以通海。而利用錢武肅之宏謀。何以備倭。而重修戚南塘之遺築。象山台溫之岸線。長曲而良港。尤在三門。布樂木業各商之匯聚。甬東而互市。實先五口。湖絲紹酒。海內知聞。天姥栝蒼。郵筒畢達。論其重險。則僊霞獨松。以爲關。訪厥遺蹤。則禹穴姚墟。不可朽。其自薛應旂所編纂。至於陸奎勳所補輯者。雖已羅羅畢載。究則累累因陳。非所以迪新知。促猛進也。然則遷流所及。將終古麗盤皇之區。而山海有情。必纂言待夷堅之手。庶幾

發明物質。敢曰河漢斯言。閩侯林奎騰先生。憤挂朝冠。懺除綺語。專爲有用之學。欲傳奉春之書。近在中國地學會。發起全國地理志。駕言來浙。事此偉編。先通志而告成。謀教育之實益。雖以翅之禱味。黍長法校。亦獲親聆雅訓。似接瀛談。蔡中郎何暇論衡。鄺道元自工經注。五湖北限。通以扁舟。四明東來。如飛鄧杖。則轡軒絕代。安知非蜀本紀之餘支。而鄒夾分傳。必更得越春秋之善本焉。是爲序。

中華民國七年六月十六日天台張翹羽生甫識

序

大中華浙江省地理志。閩侯林子好學好問所得也。林子祖宦蜀。早學蜀語。其言平易。父宦楚。先學楚辭。其文則多言鄉土之物產。山水之形狀。六歲而孤。太夫人授經史。天算地輿之學。世所稱林下老人者也。林子自丙申創時務學堂於鄂。爲湖北民立學校之始。武漢起義而大中華以成。若回溯元功。其在當年識時務諸俊傑乎。湖南之民。尤重林子之學。丁酉創衡州時務學堂於西湖精舍。似府中學之制。戊戌創常寧時務學堂於湘山。似縣立小學之制。蓋林子興學之初。早抱周遊普及之志。黨禍作。林子崎嶇。猺峒苗疆。講學不倦。猺民鄧氏。苗民舒氏。皆名列膠庠。誦法孔孟焉。湘學使吳侍郎樹梅。柯司業劭恣。皆聘林子襄校。得徧遊沅湘澧澧。劉太守若曾。迎林子創辰州中學。在湘出版代微積淺釋。微積集證。圖史通義。由天算而兼括地輿焉。壬寅歸閩。鄉舉第一。嚴子幾道。薦於張燮鈞監督。延致大學教授中國文學史。風行海內外。兼任豫科地理編有講義。嘗以遊學記爲題。試大學諸生。覘其器識。凡林子足跡所未至。古人著述所未見。皆彙錄之。以資他山之助。旋揀發廣西知縣。赴日本考察政治。歸桂林創廣西學

務處。教練警察學校。校閱隨營學堂。此又短衣匹馬。整飭軍警教育之時也。黑龍江程將軍德全。聞名檄調。提調全省學務。手創小學中學師範實業法政。德配祝氏宗梁。手創女子小學。洊升女子師範。及省立女子中學。縣立女子職業。夫婦同負責任者十年。比於內地。雖滿蒙。索倫。巴爾虎。鄂倫春。各族。無不重譯設學。太夫人創女子教養院。移植女民。劬勞壽終。林子旋被舉蒙古教育會長。將遍及游牧之鄉。甫至察哈爾。創師範於張北。商校於豐鎮。因西蒙匪亂。息跡京津。而大中華地理志。於是發起矣。林子以十年之力。經營黑龍江。黑龍江之鄉土志。教科圖。及龍江史論。進化錄。舊聞錄。教育狀況。教育日記。詩集。詩選。唱歌集。刊布海內者。誠前古所未有。察哈爾鄉土志。青島遊記。近歲所見於地學雜誌者。尤可見學問之日進無已也。林子曰。十四年前。吾曹好爲人師。而學不足以副之。今林子不恥下問。學無常師。是以學業日新。非復十四年前之林子矣。林子有弟子六千人。多顯達。爲國民服務。所至皆有東道主人。炳漢在本省議席。承林子之問。凡浙之政治經濟。足以供吾人研究者。願公之大中華。更願浙之學生。學林子所學。好問則裕。益弘我浙學也。中華民國七年六月。嘉善秦炳漢拜序於武林寓次。

大中華浙江省地理志自序

閩侯林傳甲撰

大中華者，中華人之中華也。浙江者，浙江人之浙江也。傳甲以爲中華人之中華，必須中華人知中華，推而各省人知各省，各縣人知各縣，苟地方皆能自治，斯國家可以共和自治之道。自自知始，苟無自知之明，則學業之根本不立。安望其知己知彼，百戰百勝乎。中國地理學會之成立，於茲九年矣。前歲共和再造，始議修大中華地理志。甲編分省區蒙藏，凡三十冊。乙編分縣，每縣一冊，凡一千八百四十四冊。建議之始，杭縣章嶽滄、縣劉仲仁，實先後主任其事。贊成分纂綱要者，凡四百餘縣。張蔚西會長，謂宜舉一縣爲範本。時傳甲遊西山，行吟易水，講易於中學，悟日月爲易之旨。學生百餘輩，佐助調查。不三月而易縣志稿竣，刊在地學雜誌。直隸各縣，依例編纂者日多。傳甲遂遊山東，得師範生四百人爲助，猶未足。百有七縣之數，乃登泰山，謁孔林，眺青州，觀青島，坊子，張店，躬受激刺。於是一百七縣之地理志，由省立各師範中學生暨勸學所分任。幸無缺憾。傳甲於每縣作小序一篇，亦裒然成冊。適老友黃雋珊，任安徽省長，函招遊皖。安徽教育費絀，而師範生研究鄉土地理博物者，其勤實亦他省所不及。省教育會請

駐會編輯。先從省志起草。賴地方父老商榷。不三月而初稿成。交教育廳盧紹劉廳長。先付油印。分寄各縣。俟六十縣地理志成。同時出版。又因上海商務印書館。開股東會議。將擬自寧而滬。正值金陵鼠疫。斷絕交通。乃逕至上海。晤商江蘇省教育會。黃任之。沈信卿。編輯江蘇省地理志。浙江友人。多以爲季春佳日。宜遊西湖。乃因海鹽張菊生指導。放棹孤山。訪文瀾閣藏書。喜文獻明備。此志所采擇古今圖書。已一百餘種。今海宇多故。得此一席樂土。左圖右史。讀書其間。亦天所以厚吾之生也。凌晨早起。訪教育廳伍廳長。譚道德教育。得編交浙之教育家。省教會經子淵會長。主師範教育十年。贊成管見。由師範同人。發起七十五縣學會。編輯七十五縣地理志。利用暑假。各專責成。通志局提調袁道冲。商酌體例。益臻完密。遂計日程功。不敢一時或懈。中學諸生。討論實多。省議會秦吉人副議長。農校周友山校長。皆十四年前大學高材。僉云浙志旣成。當卽出版。并獲交省議會各縣議員。修正本縣地方志。傅甲乃徧受浙江七十五縣教育。焉。講演於農校。因得嘗農產製造。以浙江博物志。望之羣賢。觀光於工校。購學生新織紗綢以爲衣。與山東草帽。安徽皮鞋。同爲國貨。以衛吾身也。甲種商業周季綸校長。

以爲此書亦國貨商品之一。遂由商業生百七十人。襄助豫約。在浙江印刷公司排印。於暑假內。實踐商業。分赴七十五縣發行。法政學校張羽生校長。亦約傳甲講演政治地理。敬舉中華國家根本至計。浙江地方自治遠大弘規。略陳其愚。以備國民採擇。并以浙學可爲法者。質之各省各縣各同學。由自治以謀共和。大中華猶可爲乎。

至聖紀元二千四百六十九年卽中華民國七年六月六日序於浙江省城水亭址廬

敬啟者。中國地理學會。現設北京地安門內黃化門慈惠殿。今教育部傅總長袁次長。在直隸提學司時代。實創始之。本會會員七百餘人。贊成此事者極多。往往審慎周詳。不輕於脫稿。而日本調查吾國。所編支那省別地志。乃次第出版。傅甲實爲國人恥之。近年觀山東安徽師範生。分述鄉土職業地理。裒然成冊。浙江七十五縣學生。鼓舞興起。知大中華雖危可安。敬勸各省各縣教育同人。各研本省本縣地理志。引爲分內之事。傳甲先以出版之書。就正有道。行將負笈問業。叩求我同志努力奮進。已編者刻日出版。未編者計日程功。精神所至。事無不成。大中華前途。責在匹夫者至重也。

毋敢怠惰

毋敢荒嬉

毋敢閒斷

毋諉爲時局不定

毋諉爲經費難籌

孔子之聖道

集大成而已矣

中華之治術

共和而已矣

大中華浙江省地理志凡例

閩侯 林傳甲 初纂

一本編依中學師範學校地理教科書體裁編輯。計總論一章。位置八章。地文地理三十四章。人文地理四十二章。地方志七十五章。共一百六十章。每星期授一章。四年可畢。并可備軍政紳商學界參考之用。

一本編注重實用主義。以實施職業教育。一切應用智識。務舉大綱。言必淺近。事皆平易。用講義體。規定每章字數。甲種實業。亦可採用。力求簡括。自爲首尾。無過多過少之弊。

一本編遵照中華民國新定區域名稱。一切參考書籍。務取最新最切用者。其舊有名稱。爲習俗所通用。不能廢者。亦兼采之。以便交通。

一通志浩博繁重。寒士無力購置。中材不能卒讀。舟車弗便攜帶。本編約爲一冊。俾浙人咸知浙事。合各省暨邊區蒙藏共三十冊。是爲甲編。至於每縣一冊。浙省共

七十五冊。由各縣分纂。彙成一帙。合各省區共一千八百四十四縣。是爲乙編。均可爲單行本。由中國地理學會聯合各省各縣分纂。共成前古未有之盛業。

一 天文地理。遵照教育部中央觀象臺曆書。及本省農業試驗場所實測。浙省疇人著述如中星更漏表。晷景高弧表。談天。五緯捷算。交合捷算之類。多所參考。

一 地圖原據胡氏鄒氏各圖。令以最近浙江水陸道里記。各縣五里開方新圖爲準。過於細密。應分入各縣地理志。現正聯合中華職業教育社。中外輿圖局。另製浙江職業地圖。與本編相輔而行。

一 山脈注意林礦。水利注意航運及疏導隄防。自然地理。皆有自然之利。根據最近調查。不徒模山範水。點綴風景。除關係文化美術名勝外。一切神仙怪異舊說。概不闖入。形勢要區。別徵相片。印成專冊。如西湖天台雁蕩各專圖。可相輔而行。

一 政治地理。根據政府公報。浙江公報。以及教育公報。農商公報。財政月刊。兵事雜誌。本省各項官書公報所公布。舊政已改者。均不臚列。略舉大端。以誌緣起。

一 物產據據商品陳列所陳列。國貨調查表所調查。農業。蠶業。工業。學校。農業試驗

場所實驗及商家製造品已著成效者可爲直觀教授之資料。

一 交通據滬杭甬鐵路各圖表各輪船公司航路表郵政局郵區圖電報局最近調查可爲旅行指南之助。

一 地方志據各縣志及鄉土志各縣最近報告并諮訪省議會各縣議員各學校職教員學生各舉本地最近狀況務求確實每縣一章略具綱領欲求其詳則七十五縣地理志各有專書已商由師範生組織七十五縣學會限於暑假內編成一 本編字學期有根據以目見者爲最要耳聞者次之聞見不及必多方訪問以便修正一切參觀宴會皆挾初稿自隨務期全省之人共研全省地理全國之人共研全國地理以昭詳審乃無愧爲共和國教科書。

一 本編計日程功限期成書原不能過於延久因地理變遷最速必每年修正一次必賴省立學校地理教員任其事省教育會贊其成將來浙江教育實業與年俱進再版三版以後彌覺精詳。

一 本編於浙江方言特有之字及疑問未定各題均附列編末。

一 本編專以地理爲限。此外擬編浙江鄉賢傳、爲修身教科。浙江文學史、爲國文教科。浙江博物志、爲博物教科。浙江名勝畫、爲圖畫教科。浙江唱歌集、爲音樂教科。浙江列女傳、爲女學教科。浙江蠶桑圖、爲家政蠶業模範。願浙江鴻碩、共編成浙江百科全書。

一 修正原稿。有一章而再易三易者。有一縣經數十人閱定者。有諮訪逾月始得函復者。有無心遊歷。一日接洽學者數十輩。修正百餘事者。能以三月成一省志。庶可以十年成全國志。私家著述實代表國民公意也。

一 調查之數。多從其重。如預算元以下。鹽勛石以下。不暇計較銖銖。普通科學。務其大端也。關於款項者。多據已刊冊籍。或已登公報。原有油印鉛印。如果仍有沿訛處。必再三覆校。冀得綜覈大綱。以便將來再版三版。按年改訂。庶幾應人民之需要。爲浙人必讀之書。

編輯浙江七十五縣地理志凡例

大中華浙江省地理志。既成編。浙江省立師範學校職教員。約傅甲講演編輯浙江省七十五縣地理志凡例。傳甲不敏。比年在直隸山東安徽與青年志士商榷者。無不激發其愛國家愛地方之觀念。浙志成得七十五縣同志贊助。今則江蘇福建各同志贊助者亦多。行將觀光江海。歸而服務於鄉土。謹擬例言。以就正於有道焉。

一各縣地理志。依中國地理學會分纂綱要。定名大中華浙江省某縣地理志。以見地方自治。爲國家共和之基。

一各縣地理志。依大中華浙江省地理志爲範本。所有總論。位置。自然地理。人文地理。地方志。各篇。爲各縣地理志之公式。

一各縣學生各組織一學會。共成七十五學會。先以編輯地理志爲職志。其學會規則由各縣學生自定之。

一七十五學會。由第一師範學校發起。聯合省立各校。一致進行。

一七十五學會。公推省教育會長爲總會長。師範地理教員爲總纂。

- 一 每縣必推定一人爲主任。或一二人副主任。以專責成。
- 一 本縣中等以上學生。均有襄助調查編輯修正之義務。不限定人數。
- 一 省志係照師範中學教科書。縣志係照高等小學教科書。
- 一 省志照四年加課。每省一百六十章。縣志照三年加課。每縣一百二十章。
- 一 省志每章約八百字以上。縣志約四百字以上。
- 一 省志地方志各縣但舉大綱。縣志則力求詳暢。
- 一 各省情形不同。或多山。或多水。各篇章節。由各縣分配之。
- 一 本學期將畢。未放假以前。各縣學生須豫備一切。如訪求材料。擬定目錄之類。
- 一 暑假內計日程功。必須始終成書。主任各員。不兼他項功課。以專責成。
- 一 正文一百二十章。每日編四章。三十日可成。合例目計之。四十日可成。
- 一 格式用大中華地理志格紙。每半頁十三行。每行三十三字。用綠色印成。
- 一 稿本百張。裝訂成冊。約計足用。由浙江印刷有限公司承印。（在枝頭巷）
- 一 暑假編成。由地方父老核定。會長總纂彙核。由各縣豫約集款印行。

大中華浙江省地理志采用圖書報章要目

- 浙江通志 浙志便覽 浙江全省輿圖並水陸道里記 中國商業地理 一
統志 小方壺齋輿地叢鈔 地學雜誌 支那省別地志 浙江全省圖 新譯
江海險要圖誌 萬山綱目 金華晷漏中星表 一統輿圖 浙江沿海圖說
海塘輯要 海塘新志 浙江海塘新圖 中國形勢一覽圖 浙江全省輿
圖 浙江省垣水利全圖 地文學教科書 新區域圖 浙江省城廂總圖分
圖 浙江省垣坊巷全圖 浙江省職員錄 浙江郵區地圖 武林掌故叢編
二十六集 武林往哲遺著五十種 政府公報 武林舊事 浙江八旗駐防
營志略 浙江兵事雜誌 浙江財政說明書 農商公報 教育週報 教育
雜誌 兩浙名賢錄 浙江忠義錄 農商公報 湖蠶述 浙西水利備考
南湖圖考 續濬南湖圖志 財政月刊 兩浙防護錄 讀史方輿紀要 兩
浙金石志 農商部第四次統計表 全浙公報 之江日報 浙江民報 西
湖志 西湖遊覽指南 湖山便覽 杭州府志 唐棲志 海寧縣志 富陽

縣志 臨安縣志 嘉興府志 嘉興縣志 嘉善縣志 海鹽縣志 平湖縣志
石門縣志 桐鄉縣志 湖州府志 南潯鎮志 烏程縣志 歸安縣志
長興縣志 德清縣志 安吉縣志 孝豐縣志 寧波府志 定海廳志
鄞縣志 慈谿縣志 奉化縣志 鎮海縣志 紹興府志 山陰縣志 蕭山
縣志 諸暨縣志 餘姚縣志 上虞縣志 剡錄 嵊縣志 新昌縣志 台
州外書 臨海縣志 黃巖縣志 天台縣志 仙居志 太平縣志續志 金
華府志 蘭谿縣志 永康縣志 武義縣志 衢州府志 西安縣志 龍游
縣志 江山縣志 常山縣志 開化縣志 嚴州圖經 嚴州府志 建德縣
志 淳安縣志 分水縣志 温州府志 玉環廳志 永嘉縣志 瑞安縣志
樂清縣志 平陽縣志 分疆錄 處州府志 麗水縣志 青田縣志 縉
雲縣志 松陽縣志 遂昌縣志 龍泉縣志 慶元縣志 雲和縣志 宣平
縣志 景寧縣志 平浙紀略 會稽三賦 甌江逸志 國貨調查錄

大中華浙江省地理志目錄

閩侯 林傳甲 初纂

第一編 總論

第一章 浙江省之名義大要 浙江 之江 湖 兩浙 全浙 浙嶺 浙海

第二編 位置

第二章 浙江在地球之緯度 北極 晷影 晝夜永短

第三章 浙江在中國之經度 中線 節氣時差

第四章 浙江經緯與日月關係 交食 歲首 農家陽曆 浙潮應月

第五章 浙江經緯與列星關係 五行 中星 關星野星命 惜星期

第六章 浙江東略大海之經度 定海雙兄弟島

第七章 浙江南界福建之緯度 平陽南關山

第八章 浙江西界江西安徽之經度 開化白沙關

第九章 浙江北界江蘇之緯度 長興啄木嶺

第三編 地理

第十章 浙江四道七十五縣區域

第十一章 浙江水陸之形勢 禹貢海運 句踐海軍 義烏爲重心點

第十二章 天目山脈 省城湖上諸山 西天目 東天目 莫干山 三峯

第十三章 昱嶺山脈 分界嶺 分水嶺 富春山 銅嶺

第十四章 仙霞嶺山脈 江郎山 常山 馬金嶺 歙嶺

第十五章 楓嶺山脈 匡山 長松山 君子山 栗山 爛柯山

第十六章 雁蕩山脈 仙桃山 分水山 昆山 龍湫 大杉源

第十七章 括蒼山脈 仙居主峯 縉雲山 青田山

第十八章 天台山脈 天台主峯 象山 四明山 奉化山 招寶山

第十九章 會稽山脈 會稽主峯 宛委各支 蕭山 嶧山 金華山

第二十章 杭州灣海岸海塘 江蘇保障 海寧觀潮 塘工險要

- 第二十一章 舟山羣島 避風隅角 附近各島 普陀
- 第二十二章 象山港海岸 霽臺所 大嵩所 錢倉所 爵溪所
- 第二十三章 三門灣海岸 石浦門 南田島 黑山 健跳所
- 第二十四章 台州灣海岸 海門 松門 台州列島
- 第二十五章 温州灣海岸 玉環 鐮鉞埠 甌江口 飛雲江 南北關
- 第二十六章 浙江源流 北源徽港 南源衢港婺港
- 第二十七章 入浙諸水 新安江所匯 信安江所匯 東陽江所匯 富春江所匯
- 第二十八章 運河 江南運河 東塘運河 紹興運河
- 第二十九章 西湖 面積 各堤 名勝 水利
- 第三十章 太湖及入湖諸水 七十二澗 苕水 霽水
- 第三十一章 鑑湖及剡溪諸水 三江 三溪
- 第三十二章 甬江及餘姚慈谿諸水 姚江 奉化江 大澗口
- 第三十三章 椒江及寧海溫嶺諸水 天台北源 仙居南源 溫嶺新河

第三十四章 甌江及飛雲橫陽諸水 龍泉西南源 遂昌匹 飛雲江 橫陽江 附

第三十五章 風向

第三十六章 雨雪量

第三十七章 氣候

第三十八章 地質

第三十九章 溫泉

第四十章 地震

第四十一章 礦物

第四十二章 植物

第四十三章 動物

第四編 人文地理

第四十四章 戶口及民族

第四十五章 言語

-
- 第四十六章 衣服
第四十七章 飲食
第四十八章 居處
第四十九章 器用
第五十章 孔教
第五十一章 佛教
第五十二章 回教
第五十三章 耶教
第五十四章 節序
第五十五章 婚喪
第五十六章 省議會
第五十七章 省行政
第五十八章 道行政

第五十九章 縣行政

第六十章 督軍及省城軍備

第六十一章 鎮守之軍制

第六十二章 海軍

第六十三章 警察

第六十四章 水上警察

第六十五章 財政歲入

第六十六章 財政歲出

第六十七章 稅關

第六十八章 統捐

第六十九章 鹽法

第七十章 司法

第七十一章 各縣司法

-
- 第七十二章 教育行政
第七十三章 普通教育
第七十四章 實業專門教育
第七十五章 社會教育
第七十六章 實業行政
第七十七章 農業
第七十八章 工業
第七十九章 商業及貨幣
第八十章 公園名勝
第八十一章 滬杭甬鐵路
第八十二章 道路及擬修鐵路
第八十三章 輪船航路及民船
第八十四章 電報

第八十五章 郵政

第五編 地方志

第八十六章 杭縣

第八十七章 海寧

第八十八章 富陽

第八十九章 餘杭

第九十章 臨安

第九十一章 於潛

第九十二章 新登

第九十三章 昌化

第九十四章 嘉興

第九十五章 嘉善

第九十六章 海鹽

-
- 第九十七章 崇德
第九十八章 平湖
第九十九章 桐鄉
第一百章 吳興
第一百一章 長興
第一百二章 德清
第一百三章 武康
第一百四章 安吉
第一百五章 孝豐
第一百六章 鄞縣
第一百七章 慈谿
第一百八章 奉化
第一百九章 鎮海
- 以上錢塘道

-
- 第一百十章 象山
第一百十一章 南田
第一百十二章 定海
第一百十三章 紹興
第一百十四章 蕭山
第一百十五章 諸暨
第一百十六章 餘姚
第一百十七章 上虞
第一百十八章 嵊縣
第一百十九章 新昌
第一百十章 臨海
第一百十一章 黃巖
第一百十二章 天台

-
- 第一百二十三章 仙居
第一百二十四章 甯海
第一百二十五章 溫嶺
第一百二十六章 蘭谿
第一百二十七章 金華
第一百二十八章 東陽
第一百二十九章 義烏
第一百三十章 永康
第一百三十一章 武義
第一百三十二章 浦江
第一百三十三章 湯溪
第一百三十四章 衢縣
第一百三十五章 龍游

以上會稽道

-
- 第一百三十六章 江山
第一百三十七章 常山
第一百三十八章 開化
第一百三十九章 建德
第一百四十章 淳安
第一百四十一章 桐廬
第一百四十二章 遂安
第一百四十三章 壽昌
第一百四十四章 分水
第一百四十五章 永嘉
第一百四十六章 麗水
第一百四十七章 青田
第一百四十八章 縉雲

以上金華道

-
- 第一百四十九章 松陽
第一百五十章 遂昌
第一百五十一章 龍泉
第一百五十二章 慶元
第一百五十三章 雲和
第一百五十四章 宣平
第一百五十五章 景寧
第一百五十六章 瑞安
第一百五十七章 樂清
第一百五十八章 平陽
第一百五十九章 泰順
第一百六十章 玉環
- 以上甌海道

大中華浙江省地理志 目錄



大中華浙江地理志

閩侯 林傳甲 初纂

第一編 總論

第一章 浙江省之名義大要

浙江爲中國二十二行省之一。以浙江得名。或以爲禹貢三江之南江。浙水古爲漸水。從水從折。言其曲折也。故又稱之。江象其形也。公牘省文。或單用一浙字。或以澗字題簽。鹽政稱兩浙。舉浙東浙西。而兼及蘇皖也。或稱全浙。卽浙江全省之省文也。昔爲閩浙總督所兼管。故閩浙并稱。又因地方富庶。文教與江蘇埒。故江浙並稱。近日有稱浙江流域者。然浙江上源。出自安徽皖南。浙江全省。不能包括浙江流域也。浙東之甬江。椒江。甌江。皆不入浙。而自入於海。又非浙江流域所能概括也。然就全省地形而從其重者大者。莫若浙江。是以定名浙江。而行省治於錢塘江上。西湖之濱。運河聯絡。逾江淮河津。而達於京師。地方重要。財賦所出。全國賴焉。古爲越國。今猶以越中越郡爲別。

稱從其朔也。浙嶺綿亘於安徽之皖南。爲西北山脈所自來。又因水名而爲山名焉。浙江之面積。廣三十萬四千六百五十四里。與江蘇福建略等。而置縣比江蘇多。浙江之人口。共二千二百六十九萬零四百九十四口。爲全省警察處最近調查數。浙江蜿蜒紆折。東西南北本無定向。舊日習慣。以杭州嘉興湖州三府爲浙西。其實皆在錢塘江北。然不以浙北爲名也。寧波台州温州嚴州衢州金華處州等府爲浙東。實皆在錢塘南。然不以浙南爲名也。浙西近於江。浙東介於海。浙西以省會政治爲中心。浙東以寧波商業爲中心。故風氣小異。皖南黟歙江左蘇松舊隸浙西。鹽區如故。浙爲江名。然浙江沿海。有習稱浙海者。其海岸線延長。海港海灣。紆折於內。海島縈迴於外。謂之浙海亦宜。前清道光二十二年設浙海關於甯波。與天津上海福州廣州共爲五口。而適居其中。海岸線爲文明導線。不亦重乎。浙江地理足以見文明湧現者。莫如錢塘八月潮。浙學之淵源派別。亦與浙江之淵源派別略同。水利在農。交通之利在商。觀黃巖李誠萬山綱目之言山脈。天台齊召南水道提綱之言水系。知浙學鄉賢。精研地理學實用。足爲全國地理志之先導也。

第二編 位置

第二章 浙江在地球之緯度

浙江省城錢塘道杭縣在赤道北緯三十度十七分。自省城測北極出地高度亦三十度十七分。測北極之法於冬至之夜用地平經緯儀測視句陳大星最高最低二數相加折半即得。因北極之處無星故擇最近北極之星爲定點也。

地球圓體與天相應中爲赤道在赤道北一度則北極高一度緯度愈長則北極愈高。中華全國皆在赤道之北居於溫帶無熱帶之苦熱寒帶之苦寒浙江更在溫帶之中無河北之寒嶺南之暑然同爲江浙平原自滬而杭不過半日程而溫度較上海或差至二十度則緯度之差異也立竿見影可測晷影之高弧焉。

全浙緯度各殊温州甌江流域溫度尤高因其近於閩也。溫度高植物發育較蕃。然天台雁蕩山中有因地勢高而漸寒者則不關於緯度也。

地軸自轉赤道居中故赤道之上晝夜平均緯度愈長晝夜永短之差愈大。浙江每年春分以後晝長至夏至而極長。秋分以後晝短至冬至而極短。凡本國安徽江西湖北

湖南、四川、川邊、西藏、及日本之琉球大島、以及他國緯度之與我者、其晝夜刻分亦與之相同。全球北緯相同者、其晝夜永短亦同、無中外之殊也。全浙緯度約占四度有餘、以緯度區畫之、分列如左。

二十七度至二十八度

瑞安 平陽 泰順 景寧 慶元

二十八度至二十九度

永嘉 青田 樂清 青田 麗水 雲和 龍泉 松陽 遂昌 江山 玉

環 溫嶺 黃巖 臨海 仙居 永康 縉雲 武義 宣平 衢縣 常山

二十九度至三十度

鄞 鎮海 奉化 象山 寧海 天台 新昌 嵊縣 上虞 諸暨

東陽 義烏 金華 湯溪 龍游 浦江 桐廬 建德 淳安 遂安

分水 開化 南田

三十度至三十一度

杭 紹興 餘姚 慈谿 蕭山 海鹽 平湖 嘉興 嘉善 桐鄉
海寧 崇德 德清 吳興 武康 安吉 孝豐 餘杭 臨安 於潛
昌化 新登 富陽 長興 定海

第三章 浙江在中國之經度

浙江省城錢塘道治杭縣。在中國京兆中央觀象臺。偏東三度三十九分。地球圖轉。東方西方無定。必先定中線。而後在此經度之東者。曰偏東經度。在此經度之西者。曰偏西經度。中華建國五千年。而建都於燕京。歷七百餘年。是以定爲中綫。全國之經度。以此爲準。浙江省城爲南宋舊都。偏於東南。是以今日經度。亦偏東也。航海地圖。多以英國倫敦格林威治天文臺爲中線。是以於東亞皆稱遠東。猶東亞稱西洋爲泰西也。浙江沿海地圖。譯自英文者。或用英人之中綫。若夫教科關係國民者。宜從中央之中綫。以謀統一也。

經度不同。則節氣時刻不同。各處皆以太陽正照爲午正。在中綫東見日必出早。在中綫西見日必晚。故測緯度之法。宜以月食之時實測。其時刻之差。卽經度之差也。

浙江全省經度皆偏東。約五度有奇。以經度區畫之。分列如左。

偏東一度至二度者

開化

偏東二度至三度者

常山 江山 衢縣 慶元 龍泉 湯溪 龍游 蘭溪 建德 壽昌

分水 於潛 昌化 淳安 遂安 松陽

偏東三度至四度者

宣平 雲和 景寧 泰順 青田 麗水 武義 永康 金華 義烏

浦江 諸暨 桐廬 新登 富陽 杭縣 臨安 餘杭 孝豐 安吉

吳興 德清 長興 武康 崇德

偏東四度至五度者

平陽 瑞安 永嘉 樂清 玉環 仙居 臨海 黃巖 溫嶺 天台

寧海 奉化 新昌 紹興 上虞 嵊縣 慈谿 海鹽 海寧 桐鄉

平湖 嘉興 嘉善

偏東五度至六度者

鄞 鎮海 定海 象山 南田

第四章 浙江經緯與日月關係

浙江經緯關係日躔月離及交食者。餘姚黃炳屋交食捷算。推步之法。頗爲簡便。凡地球之繞日。月球之繞地。日大月小。體質懸殊。日遠月近。視之略等。月球掩日。則爲日食。地影掩月。則爲月食。各地經緯不同。卽食之先後。卽食分之深淺。虧復之方位。又各不同。嚙人子弟。能豫算月日之度數。繪成交食圖。教育部中央觀象臺歷書。繪有本年浙江交食圖。徵之懸象。分秒不爽。中學生既習三角八綫。可以上步天經也。

中華民國之授時。莫重於太陽曆。地球繞日。三百六十五日。又四分之一。周天一次。是爲一年。橢圓之軌道。太陽爲其一心。海寧李善蘭。始譯西人新法。地球與日球之距離。遠近不等。其最近之一點。舊日曆法爲之最卑地球。至此點。卽爲一月一日。是爲歲首。此東西各國所同。南京臨時政府成立之始。適與之合。遂爲萬國同慶大紀念焉。

古人以月繞地一周又日月相合之朔爲一月。上古之人約計三十日爲一月。又約計十二月爲一年。故以三百六十爲當期之日。其後漸知一月不足三十日。一年不止十二月。遂以閏月定四時。故以三百有六旬有六日成歲。歷世愈久。曆法愈密。然有閏則一年十三月。節氣早晚不定。有差至一月者。若用陽曆則每月有一節一氣。且四年之中。只差一日。所差甚微。浙江農夫其播種收穫。皆按節氣計算。卽農人實行陽曆之確證。蓋節氣由於日。朔望則由於月也。

日光功力極大。農人日用而不知焉。晴時日之熱力能助萬物之生長。浙江生物蕃於江北河北塞北者。日光之功也。卽雨露所滋亦莫非日光蒸發之氣。自然地理。且因以變化。浙江日暖。河海不冰。是以冬日交通極便。非河北塞北所能及也。

月本無光。受日光以爲光。浙江潮汐與月相應。月距地近。功用尤見。在正對方向。海水被吸。隆起。越水平線。卽成高潮。在反對方向。地球被掣。退縮。離水平線亦成高潮。而同時相距九十度之兩方。因海水被引他移。潮之低落。每晝夜地球自轉一週。故潮之漲落。凡兩度。又以朔望日月兩吸力相合。故潮最大。上下弦日月兩吸相消。故潮最小。

第五章 浙江經緯與列星關係

浙江在北緯。常見北極附近諸星。不見南極附近諸星。文人以老人星爲南極大誤。黃道周圍二十八宿。並爲恒星。古人但見金木水火土五星。行乎其間。謂之五行。海寧譯書。始知地球爲行星。與五星繞日同。又知天王海王兩行星。軌道苞乎五星及地球之外。共爲八大行星。昔浙人步天者。但有五星捷算。其恒星圖則有方平儀象。今學者於天文地理。僅止白晝課堂教授。空談八大行星。弗辨五星躔次者。未習五緯捷算也。美教會華光嶺天文臺。日本領事署。氣象臺。奪我授時之權矣。

欲知天象之自然。宜先識恒星。堯典夏小正。月令。所有中星。皆爲農時而考察之。故天時卽爲民時。今學子伏案讀書。不見天地之眞象。宜於夜課。補習之。恆星方向。旣明。五星亦可考見。惟木星月蝕。土星光環。金星弦望。中等學校宜置遠鏡。以備實驗。旣可窺見。則高等小學國民學生。亦可上窺天象也。金華晷漏中星表。可爲各縣之法也。

浙江通志。原有星野。各省通志。及府廳州縣舊志。亦多有之。不可不辨。古人以九州以內之列國配列星。與經緯不相應。是以經文中言中星不言分野。傳文中始附會焉。列

國久亡。列星不改。後世交通日遠。塞外西域海外諸國。興亡分合。數倍於九州以內之列國。星野家將何以分配耶。今日地理教科。刪除星野天文地理之眞義。益明。

古人以二十八宿當四時中星。每七宿定一名。有青龍白虎朱雀玄武以象其形。故曰星象。後世術士附會以爲災祥之說。不知一星之微。其大或等於日球。有大於地球數十倍者。合數星而定一名。以便測量。於個人之關係。邈不相及。然浙江文教發達之地。星命選擇之術士。恒分布於名勝遊覽之區。且以葬書堪輿之說。號曰地理。此亦地理學中一重障礙也。觀鐵道之旁。浮屠之樞。多年不葬。以致暴露。皆此輩堪天輿地者。附會災祥。妄言休咎。爲之阻力。願破除迷信者。培心地。以造福。勿泥於陰陽時日也。

舊曆以二十八宿值日。新曆以七曜值日。日月火水木金土於天象無關也。學校名曰日曜社會論之星期。孔教謂之來復。西人謂之禮拜。是日也。學校休業。而種種不道德之事。皆發現於星期。昊天上帝與吾人以歲月。古人惜寸陰分陰。吾人更當惜秒陰。乃不虛此天與之歲月。寒暑頻更。寒假暑假之中。應如何及時修業。以考察鄉土地理之實用。用天之道。分地之利。此則庶人之職業也。

第六章 浙江東界大海之經度

浙江最東舟山羣島，定海縣正東，雙兄弟島偏東經線五度五十五分，一名兄弟山。

東界各縣沿海

平湖 接江蘇金山衛，有白沙灣，自獨山起，有海塘，有外龜山、蒲山、益山各島。

海鹽 東北乍浦接平湖，陳家埭海塘尤重要，縣城西南秦山長壻山、澈浦亦要地。

海寧 鎮海塔至天后宮，凡十七堡，甲區起點至此，凡三十二堡，海塘設備甚密。

杭縣 望江門外，南星橋，將臺山、錢王墓、浮山、浦多土堰，通海潮處，直達於富陽。

蕭山 由臨浦、新壩、礫山、半月山，至鮎魚嘴折東，有蕭山沙地，漲於西興鎮之北。

紹興 北有三江城，爲海灣，其西北之龔山、赭山、鎖鑰、錢塘江口，屹然突出半島。

上虞 百官江口以東，有瀝海所。

餘姚 北有新圩場，沿海鹽田甚多，利濟塘綿亘甚遠。

慈谿 北有觀海衛，形勢雄壯，鳴鶴場鹽田亦饒。

鎮海 縣城扼甬江口，臨海有礮臺、屏蔽寧波，穿山所與定海相望，崎頭山爲海角。

鄞 濱象山港、有橫山、

奉化 濱象山港、有塔山城、海中有紅丹山、

象山 北有象山灣、爲天然軍港、前山所突出爲海角、有東柱西柱二山、

南田 在象山之南、南控三門灣、東有對面山、抬頭山、

寧海 在三門灣內、有健跳所、

臨海 台州灣以北、有前所城、海中有鵝冠田畧諸山、

黃巖 台州灣以南、有海門爲椒江之巨埠、海中有琅磯諸山、

溫嶺 海角突出、海中有松門木耳諸山、

玉環 玉環島在海中、南控温州灣、

樂清 樂清灣、外倚玉環爲屏蔽、

永嘉 甌江口有孤嶼、海中有狀元畧諸山、

瑞安 雲江口外有上關山、海中有銅盤山、

平陽 縣南陽江口、有楊嶼、又南金鄉衛突出爲平陽嘴、又南有鎮下關、

第七章 浙江南界福建之緯度

浙江最南平陽縣南界南關山北緯二十七度十分

平陽

要塞分水關

鄰境福鼎縣

泰順

要塞天分隘

鄰境福鼎縣

寧景

要塞青草隘

鄰境壽寧縣

慶元

要塞黃阮隘

鄰境政和縣

龍泉

要塞黃沙隘

鄰境松溪縣

江山

要塞仙霞嶺

鄰境浦城縣

浙江與福建以山爲界，論者比於四川之劍門棧道，今中國海內一家，內地險阻，徒爲交通之障礙，在昔海道未通，浙江乘船溯流而上，直達江山，陸行逾仙霞嶺，以至城浦，乘舸直下閩江，故以仙霞爲閩浙之綰轂，自海上有輪船計，日可達，福建入京者不必取道於浙江，福建人之至浙江者，亦不必取道於仙霞，昔人視仙霞爲浙之南端，閩之北端，其實閩浙分界，仙霞在南界西端，迤東則愈東愈南，至南界之東端爲最南，山道多阻，除仙霞外，其他關隘，僅通樵徑而已。

第八章 浙江西界江西安徽經度

浙江最西開化縣與江西安徽分界西界白沙關山經度偏東一度三十七分。

西界沿江西各縣

江山

要塞仙霞嶺

鄰境廣豐縣

常山

要塞曹會關

鄰境玉山縣

開化

要塞白沙關

鄰境德興縣

西界沿安徽各縣

遂安

要塞小連嶺 鄰境歙縣

淳安

要害銀山 鄰境績溪縣

交界商場碼頭 街口

昌化

要塞昱嶺關 鄰境績溪縣旌德縣

於潛

要塞西天目山 鄰境寧國縣

孝豐

要塞董嶺關 鄰境廣德縣 孔夫關

安吉

要塞分界嶺 鄰境廣德縣

第九章 浙江北界江蘇之緯度

浙江最北長興縣之北界啄木嶺北緯三十一度十五分。嶺高四十六丈。

長興

陸界 香山在正北。鳳凰山在西北。爲蘇皖浙三省交界。

水界 太湖在縣之東境。

鄰縣 宜興縣南境鼎山。與此相接。

吳興

水界 太湖在北。故舊稱湖州府。大雷山。小雷山。爲太湖中江浙分界處。

陸界 南潯當運河之衝。

鄰縣 吳縣之洞庭山。隔湖。

桐鄉

陸界 烏鎮在北。

鄰縣 吳江縣。

嘉興

陸界 運河王江涇。

鄰縣 吳江縣南之黎里。

嘉善

陸界 鐵路之楓涇車站。

鄰縣 松江縣西南。

平湖

陸界 山塘橋市。

鄰縣 金山縣之金山衛。

江蘇與浙江分界處。皆有河道。舟運往來極便。是以江浙人文。交換智識極易。實由於所處位置之便利也。閩浙山界既艱阻。而海運又奪之。江浙水界易交通。而鐵路復助之。浙江文物。比於江蘇。福建文物不逮浙江者。通塞之異也。安徽江西之界山。亦多梗阻。是以亦不如江浙也。

第三編 地文地理

第十章 浙江四道七十五縣區域

浙江地理。因地勢便利。析爲四道。共七十五縣。

錢塘道 道尹駐杭縣 轄二十縣

杭 錢塘仁和合併 海寧 舊州 富陽 餘杭 臨安 於潛 新登 舊新城 昌化 以上舊

杭州府 嘉興 嘉興秀水合併 嘉善 海鹽 崇德 舊石門 平湖 桐鄉 以上舊嘉興府

吳興 烏程 歸安 合併 長興 德清 武康 安吉 孝豐 以上舊湖州府

會稽道 道尹駐鄞縣 轄二十縣

鄞 慈谿 奉化 鎮海 象山 南田 舊廳以上舊寧波府 定海 舊直隸廳 紹興

山陰 會稽 合併 蕭山 諸暨 餘姚 上虞 嵊 新昌 以上舊紹興府 臨海 黃

巖 天台 仙居 寧海 溫嶺 舊太平以上舊台州府

金華道 道尹駐衢縣 轄十九縣

蘭谿 金華 東陽 義烏 永康 浦江 湯溪 以上舊金華府 衢 龍游 江

山 常山 開化以上舊衢州府 建德 淳安 桐廬 遂安 壽昌 分水以上舊

嚴州府

甌海道 道尹駐永嘉 轄十六縣

永嘉 瑞安 樂清 平陽 泰順 玉環舊應以上舊温州府 麗水 青田 縉

雲 松陽 遂昌 龍泉 慶元 雲和 宣平 景寧以上舊處州府

錢塘道區畫大勢 杭嘉湖之精華。其膏沃與江蘇之蘇松常太相等。浙江下游。卽

浙江之總匯。況有太湖運河。收灌溉交通之利。農商皆受其益。

會稽道區畫大勢 寧紹台之負山帶海。有大會稽山之雄鎮。句踐圖霸所憑藉。介乎浙海之間。輪軌交通。足以握全浙之商權。臥薪嘗膽。毋忘國恥。

金華道區畫大勢 金衢嚴爲浙江上游。合三大源而爲一。故蘭谿扼商途之總滙。

衢縣當南赴閩西赴贛之衝。尤爲扼要。

甌海道區畫大勢 溫處爲浙海之南服。甌江流域。及飛雲江鼇江之域。自成一系。今日四道之區畫。不異於昔日之道區也。

第十一章 浙江水陸之形勢

浙江形勢。水重於陸。禹杭貢道。沿於江海。達於淮泗。早通海運。及句踐命范蠡舌庸。浮海率舟帥伐吳。至於淮汭。焚其姑蘇。徙其大舟。是越之能霸中原。以其有海軍也。五代紛爭。錢氏能保境息民。金元之際。南宋以臨安府爲行在。亦延祚數世。浙江之形勢。固大可憑藉也。中華與世界交通。以沿海爲最早。道光二十一年。英吉利海軍。奪據舟山。提督葛雲飛死之。及和議成。以地還我。有不得割讓他人之約。實爲東海中艦隊屯煤避颶風之要港也。寧波。受外患較早。覺悟亦較早。遂握浙海商權。最優越之形勢焉。中華自前清割臺澎以後。於是俄人租旅順。德人租青島。英人租威海九龍。法人租廣州灣。意大利亦以浙江三門灣爲請。清廷拒之。浙江沿海形勝地。得完全保存。誠他省所不能及。但三門灣。雖存。未嘗築爲軍港。或關爲商港。則形勢雖存。無益於國民也。象山灣之形勢。比於旅順青島。海軍部嘗測繪成圖。欲經營以爲海軍根據地。中央限於財力。各省但知增陸軍。以對內。不知增海軍。以對外。海軍部雖明知之。而不能行。浙江健兒。其守此形勢之區。以待異日之經營乎。

浙江陸地形勢安在哉。就浙江全圖形勢求其重心所在之中心點。其惟義烏乎。浙江夙以文弱名。而威繼光能用義烏兵。平沿海之倭寇。陳師於塞上。胡馬不敢南牧。殆浙江之中堅。欲練海軍。徵之義烏可也。

今日浙江出入之途。以滬杭爲便。浙軍與滬軍實有唇齒相依之勢。辛亥革命。亦由滬而杭。每當戒嚴之時。滬杭之間。檢察最嚴。以防黨人之侵入也。癸丑之役。浙軍屹然不動。南京竟不能成功。及再造共和。浙亦獨立。足以見浙省繫於全局之重也。

全浙財賦之區。以吳興爲第一。嘉湖鎮守使駐之。太湖港汊紛歧。易爲盜藪。因覘形勢而設鎮守焉。此以內河爲重也。寧波鎮守使移駐海門。以戢海盜。亦以外海爲重也。惜軍事家知浙江水重於陸。不能裁陸軍以拓海軍也。

形勢之變遷。本無定也。戰時之形勢在乎要塞。平時之形勢在乎市廛。如拱宸橋當運河之濱。大關之北。甲午戰後。關爲商埠。日本商塵據其衝要。輪舟往來。絡繹如織。昔日荒榛。頓成繁市。自滬杭通車。遂呈衰象。南有封鯨觀。爲明胡宗憲殲倭處。足見浙江形勢繫於苞桑。但願與中華民國永永無極也。

第十二章 天目山脈

浙江山脈自葱嶺之南條遠來。統於南嶺。由大庾至仙霞。紆迴至皖南。突起爲黃山。綿亘爲浙嶺。黃山之麓。黟歙高原之平地。與天目山頂相齊。浙江以西。諸山以天目爲大幹。其主峯爲東天目山、西天目山。

省城湖上諸山。近自天目飛舞而來。嶮崿於分金嶺。自此而南而東。爲龍井。爲大慈。爲玉岑。爲積慶。爲南屏。爲龍。爲鳳。爲吳。總曰南山。從此而北。爲靈隱。卽武林。省城以此得名。爲履泰。爲寶雲。爲巨石。總曰北山。兩山環列。中抱西湖。其餘脈南山。潛走臨平。始露其頂。北山直赴北山而去。孤山聳立湖中。旁無聯屬。最爲幽勝。至北山之中。有寶石。葛嶺。棲霞。飛來峯。北高峰。韜光。下天竺。中天竺。上天竺。南山之中。有雷峰。方家峪。赤山。九曜。石屋嶺。石屋洞。烟霞嶺。烟霞洞。丁家山。風篁嶺。萬松嶺。若吳山在城。中北爲寶蓮山。坡下爲寶月山。東南瑞石山。紫陽洞。南有七寶山。東北爲伍公山云。西天目山。在於潛縣西北四十五里。安徽界上。由黃山徽嶺而來。崖嶺竦疊。西臨後湖。東有瀑布。下注蛟龍池。山高三千九百丈。廣五百五十里。水因山曲折。東西巨源。

若兩目然，故曰天目。東爲茗溪，西爲紫溪，合桐廬水匯於浙，絕頂天柱峰，直起千霄，中峰後有翔鳳峰，西有玉柱峰，蓮花峰，伏虎巖，芝草巖，又有石城高數丈，南北五十餘丈，深邃不可入，附近有峇嶓山，西菩山，金鵝山，金樓山，生仙山，地風山，闔武山，浮玉山，鶴山，在於潛縣境。

東天目山 在臨安縣西五十里，高三千九百丈，周迴八百里，有三十六洞，洞之大者，周一百里，附近有姥山，獨山，公山，東山，西山，玲瓏山，九仙，九州，井戈，石鏡，功臣，碧茂，西徑，垂露，臨安，五柳，雙林，仙掌，安國，諸山。龍鬚嶺，因產龍鬚草得名。

莫干山 在武康縣西北二十七里，西人常來避暑，上有鑄劍池，旁有磨劍石，世傳吳王鑄劍於此，取莫邪干將之義以名。附近有銅隄山，一名銅官山，在吳興安吉三縣交界，昔吳王濞探鄞山之銅於此，有二坎號銅井，有封山爲防風氏所封地，禹山爲夏帝禹所巡狩，金山土色赤，昔有人掘地得金，有泉產金魚，又有銀山，一名永安山。天目三峰 在孝豐西南，與臨安於潛鼎列，又北迤於長興，槍旗嶺，顧渚山產茶。天目支脈 新登嶼山，富陽觀山，餘杭禹航山，海寧赭山，海鹽秦駐山，嘉善嘉興胥山。

第十三章 昱嶺山脈

昱嶺當天目之西南，亦近於黃山，遠接於仙霞，在昌化縣西七十里，高七十五丈，其嶺當浙徽之交，山勢險阻，常置關禦寇，故又曰昱嶺關。

分界嶺之形勢 分界嶺一名棧嶺，與安徽績溪縣交界，綿亘爲龍髯嶺，地名蒲川，又北有黃花嶺，與安徽寧國縣交界，縣南迤爲玉嶺，縣東爲紫微嶺，皆與界上分界嶺相連，附近有唐山、青山、仁山、箕山，百丈千頃，龍塘佛跡，石筍柳相諸山，散布昌化境內，南有銅坑山，高千丈，東接分水，南帶淳安，西亘績溪，最高處有龍池三。

分水嶺之形勢 分水嶺在分水縣，以天目溪與天目山脈相析，縣東之桐嶺通新登，縣西之塔嶺通淳安，縣南之歌舞嶺通建德，而胥嶺則上有子胥廟，是以建德江一作胥江，俗本地圖誤以胥嶺爲貢嶺，附近雙峯玉華、天祿、慶雲、塔山中臺、紫羅石柱、石壁、石筍諸山，而秦遊山近於天目，爲秦始皇南遊庶民觀見處。

嚴陵之富春山 昔嚴州以嚴陵得名，嚴陵山在桐廬縣西四十里，一名富春山，有東西二臺，清麗奇絕，號錦峯繡嶺，乃子陵釣處，附近有戴山、常山、牛山、尖山、靈山、鐘山。

小嶺、娘嶺、桃嶺、安樂、相君、鳳皇、梓芳、舞象、金雞、香爐、龍角、法華、龍蟠、龍洞、環翠、諸山。而清冷山高五千餘仞，周七十里，有一洞四而出泉，溉田五千餘頃。迤於建德境內者，則有烏龍道場、建安、建昌、三雄、萬歲、九峰、馬目、羊亭、方門、屯軍、平壁、高峯、蕙巖、及東山、西山、南山、秀山、橘山、明山、巖山、赤山、焦山、芝山、銅官山。在縣西八十里。秦時於此置官採銅故名。

淳安之銅嶺 銅嶺在淳安縣東七十里，迤於西北之登雲嶺，又名黃泥嶺，西界諸嶺，與安徽歙縣接界，附近有蔗山，當縣東北三十八里，山分八面，水注十派，昔人植蔗故名，其他雉山、燕山皆象形。南山、邁山、羹山、歧山、吳山、密山、響山、尹山、芝山、鳳山、虎峯、仙壇、都督、金鉤、龜鶴、安樂、重坑、靈巖、聖姥、南來、東泉、雲濛、百桂、蜀阜、金紫、諸山，皆散布縣境。

昱嶺之全勢 在天目溪以南，徽港以北，凡昌化以南，分水淳安、建德諸山，皆盤亘其際。山漸高，水漸急，地漸瘠，農利漸薄，林業待興，礦業待闢，山茶之利亦著，不徒爲兵家之要塞也。

第十四章 仙霞嶺山脈

仙霞嶺在江山縣南一百里。高三百六十級。凡二十八曲。長二十里。宋史浩帥閩過此。始募人鑿以石路。南有茶嶺梨嶺。以連於大竿嶺。北趨婺杭。南通七閩。西抵廣信。遂爲通途。又南小竿嶺高一百五十丈。南接福建浦城界。與楓嶺相連。璩公嶺路達柘蒼。紅旗嶺路通玉山。皆絡繹相續。箬山高出仙霞之上。霽景可望衢城。窳嶺在仙霞北。凡常山開化西界。江西安徽界上山嶺。皆仙霞山脈南嶺之大幹。安徽之黃山。卽發脈於仙霞。實昱嶺天目之遠脈也。閩浙二江及江西饒江。皆以此爲分水嶺焉。

江郎山之名義。江山以江郎山得名。在縣南五十里。有石峰三。俗傳有江姓兄弟三人。登其巔化爲石。因以名山。杜佑通典。須郎山發地如筍。有三峰。小江郎山。清湖峭石懸潭。與浮橋映帶。宛然濠濮。此外神仙山。洗仙山。浮蓋仙山。多附會。縣境有航埠。龍眠。馬鞍。景星。鶴鳴。徐王。鵝籠。安定。聖堂。觀星。泉嶺。諸山。瀟岩。白巖。煙蘿。青雲。各洞。皆仙霞之近支也。

常山之湖山。常山一名湖山。在常山縣東三十里。山頂有田百餘畝。湖廣數畝。中有

巨魚。有石環繞如城。故縣以此名。縣境有紫竹山。木棉嶺。桂巖。皆以所產植物得名。禹跡洞出泉。可溉田百頃。塢山在縣治。一名文筆峯。縣東爲挂榜山。皆厲有勸學培材之意。硯山出紫石。可作硯。附近有三衢白馬容車石門巖谷形。弓禹明黃岡諸山。賢良峯爲王介讀書處。趙公巖爲清獻讀書處。足以勵後生之修養也。

馬金嶺之分界 馬金嶺在開化縣北九十里。與安徽休寧縣分界。百際嶺在開化縣北五十里。與安徽之婺源分界。歙嶺在開化縣西北七十里。與江西之德興縣分界。鴉金嶺則迤邐而東。周迴五十里。抵常山界。山勢壁立。靈湫一泓。在山之半。芹嶺。遜嶺。在縣西南相連並高。縣治南亦有塢山。爲文筆峯。鐘山。笏山。各肖其形。蟠桃王母。臥佛。天童。八仙。鳳皇。諸山。二氏所附會也。石耳山。周迴三百里。爲開化婺源德興交界處。卽浙皖贛三省交界處。石壁聳立。嵌空如耳。望彭蠡。觀日出。尤奇。此嶺主峯云。歙嶺之正幹。歙嶺在遂安縣西北七十里。爲仙霞分支。入皖處。徽州諸山之祖。與馬金嶺相連。白潦嶺。佛嶺。猥嶺。楊嶺。安礪嶺。黃連嶺。葵山。仁山。義山。五獅山。白石山。相近。壽昌縣鏡之長嶺。迤爲萬松。青龍。石鼓。玉華。金臺。屏風。各山。及朱山。蘂山。岑山。

第十五章 楓嶺山脈

楓嶺在仙霞之東南。山脈相接。實浙江與甌江之分水嶺。不徒爲浙閩分界也。距江山縣治一百三十五里。蟠於龍泉松陽遂昌宣平衢縣龍游湯溪武義各縣之間。嶺上有楓。夙富森林。樹木培材。涵水源以裕山產。不可緩也。

龍泉之匡山。匡山在龍泉西南百餘里。四旁奮起而中窪下。狀類筐篋。因號筐山。多髯松。彌望入雲。又九漈山。岩高百仞。飛瀑九道。或分或合。形若垂簾。聲如霹靂。他如九姑石馬石棋金鰲石笏諸山。皆在附近。豫章山銅礦。琉華山青器窰。今併廢。

松陽之長松山。松陽在長松山之陽。與望松嶺相對。王羲之望松於此。卯山有怪石如松。酉山與卯山對。各以方向爲名。烏檀山舊出銀冶。今塞。縣境有石印石罌石笏諸山。又有戴火山爲火山遺蹟。一名留明洞山。

遂昌之君子山。君子山在遂昌縣治西南。其南半里有瑞山。西有白馬妙高屏風等山。北有唐山湖山。侵雲嶺。赤津嶺。

宣平之栗山。縣西四里。舊產栗。午溪申溪環之。縣境有楓樣山。墨山。台山。竹客嶺。

衢縣爛柯山 縣南二十里。高千尺。周十五里。有石橋石室。晉樵人王質見石橋下二童子碁。質就橋下看之。二童子指視。質斧柯爛焉。又有王貴山。爲王質之弟。縣境有仙巖道巖金雞鹿鳴諸山。惟西北百里銅山。宋時出銅鉛錫。常有私人采礦。縣治有龜峯崢嶸山並勝。

龍游之龍邱山 昔有龍邱萇隱居於此得名。有九石特秀。山生龍鬚草檉柏。望之五采。楊樹山在縣西南。乃楊盈川種松之處。非楊也。白鶴山今已無鶴。白石山圓石聳二十餘丈。其色純白。唐初以白石名縣。附近有岑山。方山。徐山。杜山。塢山。樓山。

湯溪市聚嶺 縣東南七十里。商旅會於此。必衆而後行。以達遂昌。防山盜也。有時和山。福民山。擂鼓嶺。野老相傳古勸農時。擂鼓督耕之地也。其他吳山。天竺。名太複。

武義講堂山 在縣東二十里。梁劉孝標讀書處。又縣西三里。有書臺山。唐舒元興讀書處。竹巖之行。菊姬山之菊。並幽勝宜招隱。蔣富山在縣東南三十五里。周二十里。多產茶。昔蔣氏居此致富。因名。明招山爲呂東萊講學處。林有年立碑紀云。又有蠟展山。晉阮孚之裔。多居其下。山中教育實業衛生。有益於德育智育體育甚大也。

第十六章 雁蕩山脈

雁蕩山脈。在楓嶺山脈之東。其主峰在平陽縣南百里。南雁蕩山。爲浙閩交界之分水嶺。此山脈蟠迴甌江以南。於飛雲江鰲江之間。有泰順平陽各山。慶元各支脈。與福建犬牙相錯。雲和亦在甌江之南。景寧永嘉各山。綿亘飛雲江北。迤邐不絕。若北雁蕩山。在甌江之北岸。別爲括蒼山脈。蓋南雁蕩直接楓嶺東南。北雁蕩則間接楓嶺東北也。慶元仙桃山。慶元山脈。在楓嶺東南。水爲松溪上源。南入閩江。山有董山。錦山。而仙桃山多桃樹。春花盛開。爛若雲錦。又有霞披松源。天馬溫陽百丈鳳皇石龍粉盒金釵諸山。及烏石嶺橫嶺。

泰順分水山。甌江閩江分水之脊。五代時吳越戰守在此。縣治南北。有天關地軸二山。東西有飛龍舞鳳二山。又有萬羅山鳳皇山。在縣治前後。縣東陳岱嶺龍鬪山。莒岡山。與平陽諸山連絡。

平陽之昆山。平陽縣治。在鰲江之北。南雁蕩山。在鰲江之南。中隔二溪。山脈亦析而爲三。昆山雄麗峻拔。爲縣城之鎮。嶺門山翼其前。仙壇山在東。新羅林亭二山在南。

錦屏山在西。鳴山在北。鳳皇在東南。石帆山在西北。其西南二十五里羅源山。橫陽江流其下。青華山頂有湖。

南雁蕩之龍湫。南雁蕩之名。先著於五代。有十三峯、三洞、二巖。又有石門樓、石華表、釣磯、朝陽谷、石梁、竹坡、月窗、晴虹澗、杜鵑林諸勝。而龍湫飛瀑尤勝。白雲山、玉乳洞、白玉瀑、玉簾瀑、寒瀑、懸樓。可因其萬馬奔騰之水力。以發動汽機、電機。蓋泉注於其巔。飛流濺沫。常如梅雨。龍湫卽在泉下。附近有玉蒼山、松山、陽岩山、羅溪山。

雲和大杉源山。雲和之山產杉。其來久矣。他如龜山、象山、鳳皇山、鯉魚山、婁狗山、白龍山。皆取動物之象爲名。香火山爲禱雨處。培植森林。可致雨也。

景寧之桂山。縣治北山。石方如印。旁生奇木。桂樹尤多。對縣之山。千巖競秀。是爲香山。此外雅山、豸山、玉泉山、筆架山。並秀。洪嶺通道。烏鐵巖尤陡絕。

永嘉巽吉山。縣東南二里。當縣治巽位。故名。有黃土山。足見地質黃土層之沃。綠嶂山。白茶山。足見山之可樹藝也。石門石鼓石室石櫃破石諸山。石質可采以爲材。東山西山環列。陽輿華巖大羅岷岡五峰。東迤爲瑞安海角。入海爲霓嶼龍山箕山。

第十七章 栝蒼山脈

栝蒼山脈。卽北雁蕩山脈。北雁蕩之名。起於南雁蕩之後。故以雁蕩山脈。屬於甌閩諸山。而以栝蒼山脈。包括甌江椒江兩流域之分水嶺。綿亘三百里。在縉雲縣之東。青田縣之北。仙居之南。東迤爲黃巖溫嶺。皆因山而爲縣。南至樂清之北雁蕩山。餘脈爲玉環列島之羣山。松門上陳下陳諸山。

栝蒼之主峯。在仙居縣東南四十里。高一萬六千丈。登之見東海。又名天鼻。巉巖四絕。俯瞰諸山。殆台婺溫處之岳。一名蒼嶺。附近有陽澹山。上多沃田。洞林翠屏諸山。富於森林。水簾山。有瀑如簾。韋羌山石壁。有科斗文。晉義熙有搨本。萬竹山叢薄敷。秀玉几。盛旄。白鶴。凌雲。皆煙雲繚繞。有栝蒼洞。宋光宗書瓊章寶藏鎮之。

縉雲之來脈。栝蒼之來脈。因楓嶺山脈至縉雲。蟲起爲仙都山。一名縉雲山。黃帝時夏官縉雲氏所封。屹立溟右。削成浙東。獨峯孤石干雲。高二百丈。頂有湖。爲火山遺跡。步虛山倚其前。西有好山。初暘谷。小蓬萊。北有瀑布山。飛泉灑落三百餘丈。三嶺。芟嶺。岱嶺。皆與楓嶺仙霞嶺相連者也。

青田之支脈 括蒼彙紀所紀錦屏山、大鶴山、巾子山、石樓山，皆在青田縣境。青田山、金田山，皆有田。南田山爲劉基所居。土沃宜稻。蓋青田爲括蒼之南支也。其他石蓋、石佛、連雲諸山，皆絡繹相屬。

黃巖山脈 黃巖山在縣西一百二十里。爲括蒼迤東之大幹。有大唐嶺。延袤至溫嶺。佛嶺山、客嶺。延袤至樂清之北雁蕩山。其與括蒼仙都相連者，則有五部嶺。縣境有方山、屏山、東山、西山、石磕、松巖、石壁、翠屏、靈石、青龍諸山。而東鎮山則爲海船標準。北雁蕩之名勝。北雁蕩山在樂清之東南百里。東聯溫嶺，西接白巖，南跨玉環，北控蒼山。頂上有湖，水常不涸。春雁歸時，多宿於此。故名。山有東西內外谷。東外谷之峯五。東內谷之峯四十八。西內外谷之峯各二十四。建寺十有八。諸峰峭拔險怪。上聳千尺，皆包諸谷中。嶺外都無所見。至谷中則森然干霄。石帆山在海隅。盤嶼在海。上玉環山脈。北雁蕩山脈起伏海隅。玉環山崛起海中。周五百里。縣治三峰。東青山中。青山半在城內。西青山在城外。流泉環繞，潔白如玉。故名。大烏山、小烏山、雞冠山、花巖嶼、沙嶼，皆散布海中。與玉環山相接近。

第十八章 天台山脈

天台山脈亦由仙霞楓嶺來。與枯蒼分歧。繞仙居之北。而至天台縣。東向寧海。極於象山。南抱南田。象山港北。奉化大幹。極於崎頭山。東繫舟山列島。東西四明山。則蟠迴於腹地。蓋椒江曹娥江之間。皆同此山脈。鄞江且出其腹焉。

天台之主峯。在縣北三里。高一萬八千丈。周八百里。山有八重。四面如一。故曰天台。以赤城爲南門。石城爲西門。金庭觀爲北門。明一統志云。山去天不遠。則詞人誕也。援藤葛。梯巖壁。始得平路。見天台蔚然深秀。上有天堂。醴泉。孫綽一賦。足爲名山先導。赤城桐柏瓊臺雙闕。巖明巖方瀛東。橫靈墟寶華諸山。及方山妙山折山蒼山五峰九峯并勝。劉晨阮肇入山事。本於續齊諧之小說。然探藥種桃亦山中實。利縣南十里銀山。宋元祐舊礦。明萬曆間。三次開採無銀。遂廢。

象山山脈。天台東幹。由寧海石門西溪諸嶺。入象山境。崛起羣峰。在縣北半里。一峰圓聳。形如伏象。近聯鳳躍山。王字山。鼓吹山。而東南之爵溪山。突出海濱。海中小睦大陸。西殊東殊馬鞍秋閑諸山。以牛頭山爲大。卽南田縣。韭山產韭。大蕘山產大蕘。

四明山脈 天台北幹向東北一百三十里。湧爲二百八十峰。中有三十六峰。周圍六百餘里。綿亘鄞奉化慈谿餘姚上虞嵗寧海境。上有方石四面如窗。中通日月星宿之光。故曰四明。有雲根石瀑布如懸河。附近有龍山鹿山鄞山。是以四明海客以貿易豪。太白山視諸山爲最高。阿育王山玉几山杖錫山天童山佛隴山菩提嶺大抵繙流所託足者。灌頂山歲納學租。宋時曾採鐵於此。銀山在鄞縣西南五十里。常產銀。錫山常產錫。此山脈之礦脈。其來甚久。慈谿境內有句餘山。山海經曰。句餘之山無草木。多金玉。郭璞注。山在餘姚南。句章北是也。慈谿又有浮碧大蓬驃騎城門闕峰虎胛諸山。若伏龍山。古有海塘。潮塗泥塗。漸與山相接。今爲魚鹽之地。大忌山。舊石海中。下有暗石。爲舟航往來所忌。今近岸小忌山與之相對。

奉化山脈 奉化山爲天台東幹。南與象山平行。合成象山港之形勢。奉化縣治有印山。鳳山橫山石嶺連山九峰。鮎埼山。邇海而東。至於崎頭山舟山列島。另詳下章。鎮海招寶山各脈 四明支脈。在鄞江以北爲鎮海招寶山。東偃海。舊名候濤山。有金雞山蛟門山虎蹲山屹立海中。

第十九章 會稽山脈

會稽山脈。來自楓嶺。與天台山脈分歧處。爲大益山。東北至白峰嶺。北幹爲會稽山正脈。西幹爲金華山支脈。統括於會稽山脈。蟠迴於曹娥江婺港之間。而浦陽江出其腹。全浙名山之最著者也。

會稽山之主峯。在紹興縣東南十三里。周禮揚州之鎮山曰會稽。山海經會稽之山四方。其上多金玉。其下多砒石。勺水出焉。史記云禹會江南計功。命曰會稽。會稽者會計也。吳越春秋。禹登茅山。以朝羣臣。更名茅山曰會稽山。吳夫差入越。句踐以甲楯五千。保會稽山。蓋焦思嘗膽生聚教訓之地也。陽明洞有禹穴。則藏書處也。

會稽各支脈。宛委山一名玉笥。上有石簞。壁立干雲。升者累梯而上。亦名天柱山。昔禹治水未成。齋戒於此。得金簡玉字。因知山河體勢。秦望山爲始皇望南海處。山南有嶠峴。爲越王無餘舊都。刻石山。有丞相李斯篆。刻以記功者。兩浙金石志以此爲最古。又紹興縣西北四十五里。有塗山。蓋禹會諸侯於會稽。信而有徵。至於塗山。當以淮上峘口爲是。見大中華安徽省地理志。刑塘嶺爲禹戮防風處。西辰山爲禹負

屨朝諸侯處。以及若耶山下采蓮田。蘭渚山之修禊事。皆會稽韻事。若葢山之產蕺。句踐常采食之。種麻於麻林山。種葛於葛山。皆能興實利。今花徑山。多桃李榆柳。亦足見人民之勤矣。銀山錫山。皆在縣東五十里。亦句踐當日鍊冶所資也。

蕭山山脈 蕭山爲會稽北幹。有菊山。茗山。荏山。苧蘿山。黃竹山。足見山產之富。無童山也。龕山扼錢塘江。明時官兵於此破倭寇。鼈子山在海中。與海寧赭山相對。

嵯山山脈 嵯縣以嵯山爲鎮。當會稽之南。實來脈也。白峯嶺。清風嶺。綿亘不絕。

金華山主峯 金華山在金華縣城北二十里。一名長山。自天台赤城發脉至東陽之。大盆山迤邐至此。橫亘金華蘭谿義烏浦江之境。周三百六十里。山巔雙巒對峙。曰玉壺。曰金盆。壺中有湖。名徐公湖。水分二派而下。一瀉山陽達於溪。一瀉山陰入於洞。附近有鹿田山。太陽嶺。銅山。罨窰山。

金華山各支脈 金華西幹。直指蘭谿天福山。在城中。居民環列山麓。縣署在東。風氣完聚。民物蕃盛。甲於東浙。蘭陰山多蘭。頂有塔。義烏石門山中斷。鐵巖山峻拔。馬鞍山之五指。皆足以勗軍國民之尙武焉。吾所以述浙山而終於義烏之武巖八景也。

第二十章 杭州灣海岸海塘

浙江入海之口。曰錢塘江口。廣闊等於揚子江口。東出東海。是爲杭州灣。江蘇之奉賢縣及南匯嘴。皆臨杭州海灣。與鎮海隔海相望。其灣內北岸平湖。乍浦。海鹽。海寧。以至於杭。且西訖富陽。南岸蕭山。紹興。上虞。餘姚。慈谿。以至鎮海。江海之匯。龔緒之交。勢激者二百餘里。堤延者萬八千丈。所以審度潮汐。保護井廬。地至險工。誠要矣。

浙江海塘。爲大中華錢塘。滬。江。蘇。常。三。道。民。田。廬。舍。之。防。關於國計至重。晉唐以後。南江道塞。南宋嘉定以前。潮由中疊出入。南北兩岸。俱無所害。自嘉定十二年。潮失故道。水力直趨於北。海寧南四十餘里。淪入海水。而禪機河莊兩山間。中小疊。旋通旋淤。不能不藉塔山石壩。以殺其北衝之勢。且使大潮不得攔入。以爲汕刷之資。前清乾隆南巡。添設坦水竹簍水櫃。隨時鑲築。加魚鱗石塘。治海尤重於治河也。

浙江海塘之修築。始見唐書地理志。鹽官縣開元元年一役。宋史河渠志。言海塘較多。近則有海塘通志。續志。新志。肇要。今浙江水利委員會海塘測量處。繪有浙江海塘形勢全圖。尤注重杭州海灣。比之寧紹溫台。關係尤重。蓋海甯觀潮。有首當其衝之勢云。

浙江沿海。如温台多山。土性堅結。所有海塘之處。開多礮閘斗門。可知蓄洩之利多。衝決之患少。杭嘉寧紹。江水順流。海潮逆上。南岸自紹興之纂風亭。北岸自海寧大小尖山。激起潮頭。橫搜直捲。加以迴溜油刷。非巨石長椿。密鑲深砌。豈能抵禦。蘇常地尤窪下。全賴杭寧鹽平四縣。二百餘里。捍海塘堤。爲之障蔽。測量家有言。準以水平。長安壩。與吳江浮屠相等。堤坊不固。泛濫之患。且波及於江蘇矣。

塘工自杭縣以東稱海。杭縣以西稱江。三郎廟以西。昔稱險工。三築不成。乃用大石縱橫法。貫以大木。鎔以鐵錠。塘始堅實。其工亦與海塘相似矣。江面寬不及十餘里。海面亦不及數十里。潮來之時。過江流使不得下。以致上激塘身。下搜塘底。冲溢之地。遂爲險工。沙淤卽足護塘。沙去則塘易圯。江塘海塘一也。海塘東起尖山。江塘西起獅子口。或石或土。各因其地勢。設海甯鹽平兩局。各委工程局長。以專責成。海甯南岸。常有沙灘漲起。挑溜北趨。塘工日加危險。江河湖海形勢雖殊。而東坍西漲。理無二致。乾隆時大學士稽曾筠。曾借水攻沙之法。於南岸沙洲。用鐵器隨勢挑挖。或順溜截根。或迎潮挑溝。使江水海潮自爲冲刷。江溜南趨。沙淤北岸。大工以成。

第二十一章 舟山羣島

舟山羣島。當錢塘江之口。大島在其南。小島散布於其北。接江蘇界。春秋時甬東之名已著。距中華大陸至近。南嶺山脉。由天台四明而東迤於海者也。其山如海上之舟。故名舟山。距鎮海僅七十里。距崎頭山僅十餘里。或作岐頭角。或作旗頭山。

舟山附近羣島。皆粗惡陡起。沿濱多石。大半爲巖質。離處又有尖石。疊疊然羅布於水上。諸山之巔皆尖聳。其高有定準之界。山坡皆瘠。覆以石隙。分隔處則有草。

大島之內。皆有小徑。通附近各村落。內種植田。疇外有避風隅。角。舟山平原中。田產富足。鎮埠人家繁庶。島民五六萬。鄰近處常蒸濕。使人不快。山頂出海一千六百餘尺。

舟山鎮海之間。有金塘島較大。黑牆島次之。其間有黑牆水道。其東南大謝山。東有螺頭山。其間有螺頭水道。西人皆括之於杭州灣。俗呼爲寧波海面。

浙省居南北洋之中。舟山又居浙海之中。東西長一百二十里。南北闊六十餘里。北面形勢散漫。南而濱海處。曰道頭。卽定海港。內二里卽定海城。島嶼環列。水道深穩。足以翼蔽寧波。然孤懸海中。四面受敵。必俟海軍足恃。乃可言海防。所有漁船屯集沈家門。

羅釣門。岑港等處。

舟山島嶼其多。分四方列之。舉其大者。其小者不及備舉也。

東 長嶼 嵩山 拗候 東蟹嶼 順母島 塗朱尖 普陀島

南 大盤嶼 小盤嶼 六橫 桃花 大五奎 小五奎 大摘箸 小摘箸

大貓 小貓 茨山 鬪雞 小鬪雞

西 西蟹嶼 洋螺頭 菰茨 裏釣 中釣 外釣 册子

北 岱山 長塗 秀山 長白 大衢 小衢

舟山最東之小島有裏事山。外事山。四姊妹山。雙兄弟山。皆在漁人羣島之東。爲浙江領海最東處。中國經線編東七度英國倫敦海圖偏東一百二十三度半也。

普陀島在舟山之東盡處。與舟山相隔水道。爲蓮花洋。俗名南海。島上廟宇甚多。東向突出一角。成爲南向之沙澳。離角有一小島。普陀之西其淺。北盡處有礁石。東岸石板路一道。爲遊人香客登岸之所。東向有停泊處深十二拓至十四拓。泊船不易起錨。天氣惡濁。不足以遮風。惟佛教以爲名勝。詳佛老章。

第二十二章 象山灣海岸

象山灣北自崎頭山起。南與象山半島之北岸對峙。舟山南之六橫島。屏蔽灣口。形勢天成。灣內廣闊。北有四明山各支。屏蔽北風。海岸線曲作三疊。天然良港。未加人工。西人海圖。作寧母無路港。由舟山寧波下至韭山。皆象山灣之範圍。今舉象山港北岸。象山港南岸。象山港外東海岸。及群島分別於下。

象山灣北岸

霽靄所城 在崎頭山之西

萬金山 南有梅山一島。島上有市。其南有佛肚島。中爲佛肚水道。有中列島。

大嵩所城 華船可直抵城下。

塔山司 有湖頭渡。

鮎鱗市 有路通奉化達甬江。灣內有天門山三山。或名三倍島。

象山灣南岸

西鐵江 港門有分水礁。

黃墩港 柴溪嶺環繞其東。

高泥山 其南有灣深入。

獵戶羣島 其數六。石峯約高二百尺。無人居。以爲標準。

錢倉所城 海濱有蒲門山。海上有西嶼東嶼。并管雞報塗次中葆蒲門四台。

象山灣外東海外

長沙山 海中有蟹腳礁

甸平山 海中有大巖洞

雷溪所 距象山二十里。澳門甚寬。若浚之深。可容鉅艦。青礁碗礁盤礁燕礁頗險。

羊背山 與青門山之間。水道甚淺。

韭山列島 青葱翠嶺。覆以青色。其數九。最大者爲大王。漁人居之。有淡水。峯高五

百餘尺。可爲諸船目標也。

天文臺山 高七十八尺。在坑嶼灣東南盡處。可停吃水二十尺以下之船。

浙洋中路重鎮。宜加整頓。擇地可修船塢。爲將來海軍巡洋休息之所。

第二十三章 三門灣海岸

浙海自天文臺山以南。經象山南之石浦城。南田縣。至三門列島以內。海灣深入。是爲三門灣。乃翻譯之切音。一作沙門灣。或因石浦南有石浦門。由黑山羣島進口。以高出海面八百尺之大佛峰爲的者爲正門。繞黎民島之西爲便門。以足三門之數。又有三山。在三門列島之東北。其實灣內羣島羅列不止三門也。若青門五嶼門是。

石浦門之衝要。石浦港有東西兩門。西之三門紆而淺。東之銅瓦門。流澁而勁。大船出入必待潮平。下灣東門兩港。窄而多礁。無敢試行。石浦城南而深。四五拓至十餘。拓大小船隻。均可停泊。船之尤大者。亦可泊於滿山左右。金漆門之西。惟遇東南風浪甚大。石浦依山爲城。地名鹽倉。東北十里。昌國衛城。大半荒地。

南田縣之形勢。石浦爲象山半島之南端。逾海爲大南田島。今南田縣治。舊名牛頭山。或名牛頭灣。在南田之東者。有檀頭山。狗頭山。銅瓦山。花崎山。南滙山。爲石浦之屏障。在南田之西者。有大島岩。大佛頭。羅漢山。在南田之南者。有南山。設治以來。未能積極經營也。

黑山羣島 有人居者三島。並八石。小而零星。不相連屬。其東爲上海寧波赴閩廣之航線。今於黑山上。建立燈塔。山之最高者。出海三百二十尺。曰馬鞍山。其居民皆福建人。以漁業爲生。最北小島。爲海浪衝激甚多。名曰香菌。其狀與大蕪逼肖。香菌附近。有石蕩滌於低水。中曰沙河島。亦有以北魚南魚名其島者。

三門灣以內羣島 大佛當三門之口。其西有大狗頭小狗頭諸島。又北有田灣各島。又北有煙墩山。西有蛇蟠山。小蛇山。大木山。濤頭山。羅列其際。灣內各岸。亦多半島。崎零之地。

寧海健跳所 三門灣內。深居堂奧者。爲寧海縣。其南與石浦南田相犄角者。則爲健跳所。依山爲城。南面臨水。水道深淺不等。實則小輪儘可出入。距石浦海程七十里。大船須繞至一百一十里。口內西面近城處。一片淺沙。海隅貧瘠。防守可緩。城內大半山荒。西門略有小市。

三門灣以南各島 鍊島。落島。金門島。至無產灣。西有九壘島。松尖島。落練二島。間有散石盪石。伏於海中。航海者必隄防焉。無產灣避風頗佳。

第二十四章 台州灣海岸

台州灣在三門灣之南。因舊日台州府得名。其椒江一名台州河。重鎮所在。厥爲海門。而松門次之。台州列島。亭立大洋。爲航路之標的焉。

台州灣全勢。臨海黃巖溫嶺之海岸線。因河流吐納而屈曲。敞爲海門。其口門之南。北海岸各有護沙。故海塘工程不急。海舶亦不易繞越。皆歸納於海門。

海門之水道。海門口外。水道雖寬。深僅一拓餘。近口處水受兩山約束。流急而勁。水道遂深。據土人云。凡船吃水深十二尺者。非乘大潮不能過此。巨幸其潮之高。由十八尺至二十尺。諸船進口。上溯甚便。自城垣前上至葭芷鎮。水道深三四拓。至四五拓不等。自葭芷以上。分爲二支。一向臨海。一向黃巖。小輪隨潮可入。北有前所。城地方荒涼。無異村落。口外南岸金清門。北岸白岱門。均係民船水道。無關要害。

海門之形勢。海門爲台海之門。口門牛頭頸與小圓山。隔岸對峙。天然關鍵。今於南岸之外。沙牛頭頸。北岸之外。沙小圓山。分建礮台四所。有聯珠礮。以備海警。足以自固。惟土匪海盜最盛。行旅戒焉。

松門衛之大勢。台州灣自海門以南。沿岸淺沙。至松門衛而開一小水道。吃水六七尺之船。止能停泊於十里之外。龍王堂。今石塘以西。至松門水道。亦爲沙淤。潮漲時。僅容小艇。石口有明礁二。暗礁一。城之東南北三面。均係沙灘。潮漲時。卽漫爲汪洋。故無鹽利。城內居民稀少。惟南門稍有市集。勢孤而貧。去縣治遠。無關要害。向無商船。漁舟約百六十隻。

台州列島。海圖於台州列島。僅指上台中台下台。上台指石而言。兩大島之間。有有美港。上台有淡水。但不足供用。一名上大陳山。西北有石。破壞汽船露桅於水面。行者戒懼。北有風暴島。一礁伸出。當東北風盛烈時。華船必避於南島西角之下。風暴島與高頭島之間。其險甚衆。故須謹防。其東有石島。名曰花籃。又北曰東機島。一作田鑿山。金門島一名鷺冠山。大陳山正西。有浪磯山。墨山。道士冠山。白巖山。豬腰山。或爲積穀島。駝背島。至龍王堂山。與松門近。東有石塘島。及蘇丹島。游蕩石。三蒜島。平石。至隘頑灣。有隘頑所城。有海濱。營田街以南。挺爲半島。逾海爲玉環島。則爲温州灣矣。

第二十五章 温州灣海岸

温州灣因昔日温州府得名。俗以甌江爲温州河。今日甌海道所領之海面皆是也。温州以北有玉環。鑄嶽埠。温州以南有飛雲江。大漁口。南北關。今以次述之。

玉環之形勢。楚門城半島以南。玉環島孤懸海中。一名頭巖。爲永嘉之外屏。四圍多有淺泥。大舟不能近岸。西面西青渡。東面黃泥壩。尤低平。惟東南之坎門。山勢環抱。水道深穩。除南風浪大。不能停泊外。其餘各方風力。均有障避。坎門礮台。卑薄無用。北有東門。西門。苔山大青。小青諸島。西有江巖。大烏。小烏諸島。南有鹿棲。珠塢諸島。東有雉冠。大鹿。小鹿。羊嶼。披山。銅針。草嶼。衝擔諸島。

鑄嶽埠形勢。鑄嶽埠在海濱。鑄嶽山以玉環爲外蔽。北有福安堡。大荆山。小荆山。地屬樂清。距縣城三十里。蒲岐所八里。黃花關五十里。沿海有大橫牀。小橫牀諸島。潮時此埠水深四五拓。大輪可由玉環西向西北達此埠。水道深穩。地方幽僻。北面鶻頭埠。水道尤深。前有外國大輪船來此停泊。

温州之形勢。甌江水道甚淺。雖小輪必待潮漲始可入。且沙線變遷大常。黃華關爲

頭重門戶。磐石與龍灣爲二重門戶。楊府山以內則堂奧矣。今於磐石龍灣等處添築礮台。足資扼守。口東有黃大壘。小門。鹿樓。諸島。東南有重山。狀元壘。霓嶼。惟北壘有街市。又大瞿中瞿小瞿。南策東策北策。北箕諸島。南有銅盤。南龍北龍南箕諸島。飛雲江之形勢。甌江之南。瑞安海岸。飛雲江口水道深三拓。小輪可隨潮出入。停泊內河。口外泥灘。入海甚寬。口內潮退。兩岸亦係淺灘。近口有鳳皇齒頭上關下關諸島。江岸平衍。吃水十餘尺之船。可至西門外。北岸東山有礮台。

大漁口之形勢。平陽縣海岸大漁澳。村落甚多。曰大漁小漁等名。獨舉大漁爲目。澳內水深一拓。官山南北深二三拓。中小輪船停此。可避西北風。有茭杯礁。最易識別。產礮極多。寧波商船來此運貨。遂成小市。

南北關及沙埕港形勢。平陽海岸當浙海之最南端。鎮下關南面爲南關山。其北面爲北關山。近北關山有雞心嶼。大圓嶼。木耳嶼。南圓山之西有鼠尾山。鎮下關無城。介浙閩之交。負山帶海。西面沙一港。水道深闊。可泊大輪數十。兩岸尙可擇地修船塢。爲海軍屯集所。礮台在龍巾尾及南鎮。各有當關之勢。

第二十六章 浙江源流

浙江有南北二源。北源曰徽港。南源曰衢港。至建德縣東南會而東北流。經杭縣城南。又東北數折。至海寧入海。

北源徽港。在安徽境。出於浙嶺山脈之陰。黃山之陽。共四源。詳見大中華安徽省地理志浙江流域章。今自安徽歙縣街口以下。入浙江省淳安縣界。南流東經威坪鎮。又東至淳安縣。南有進賢溪來注。又南經灌口鎮東。龍溪自遂安來注。又東經茶園洋溪。有艾溪自壽昌來注。至建德縣治。有西溪自北來注。又東至城南。衢港水南自蘭谿來會而北。形若丁字。北源新安江甚清。游鱗可數。衢港則渾濁相溷。二水合而水勢益大。南源有二。一曰衢港。一曰婺港。衢港亦曰信安江。其源有二。一曰金溪。出馬金嶺。一出百際嶺。合流經開化及常山。至衢縣。有江山縣之文溪。自西南來會。曰雙港口。東有拓土溪入之。又東北經安仁街。又東北至龍游。有箏箴溪。桃溪來注。信安江至龍游。曰灘溪。一曰盈川溪。至羅埠。湯溪二水來注。又東北至蘭谿縣。婺港分南北二渠來會。是以蘭谿商務爲浙江流域中心點。婺港一曰東陽江。源出東陽大盆山。納歌溪。雙溪。

經義烏縣城南。有東陽荆浦溪來會。又納蘇溪。航慈溪。至金華縣城。南有梅溪。自南來會。亦雙溪也。梅溪卽縉雲水源。納好溪。經永康。經華溪。桃溪。至武義。爲南港。會於金華。分爲渠。均與衢港會。二港既會。北納香溪。梅溪。至建德。合於新安江。

二江既合。北經富春。舊驛有北經富春山麓。亦曰嚴陵山。有釣臺。下爲七里瀨。北經胥口。東經桐廬縣。有桐溪。會於潛昌。化諸水來會。曰桐口。水始大盛。通小輪船。又東北至富陽縣界。有溪西北。自新登縣來注。又東北。納壺陽江。又東北。至富陽縣治。南有篠嶺。水自北來。經城西南。注之。以上俗稱富春江。以下俗稱錢塘江。海潮至富春而止。有定山。橫踞江岸。又東有數巨洲。如學校沙。長沙之類。又北流。經東岸。蕭山縣之西南境。有浦陽江。卽浣江。自浦陽諸暨。會數水而西北。流注之。又北。經公館東。爲杭縣西南境。東北流。又折東。作之字形。北經省城南之江干。是爲閘口。南岸卽蕭山縣西之西興也。舊爲錢塘驛路。義渡。今設輪渡。又東北。經老鹽倉。至海寧縣治。蕭山之龕山。與海寧之赭山。對峙如門。入海。海口闊五十里。海鹽之激浦。平湖之乍浦。入杭州海灣。仍爲錢塘江口。江水甚淺。不宜師船。僅平底華船。吃水二尺者。得遊行自在也。

第二十七章 入浙諸水

浙江源流已述正幹。其支流分列於下。

新安江水系

龍溪 卽武強溪。出遂安西馬金店。納靈岩溪。經遂昌縣治。至灌口鎮。入新安江。

艾溪 有三源。出壽昌西南山。東北流。至縣城東南而合。折西北流。入新安江。

信安江水系

文溪 南出仙霞。與福建分界。卽信安江南源。

柘土溪 出衢縣南車牀山。東北流。經龍鼻頭。曲折至縣城東磴渡。入信安江。

箏籜溪 出壽昌南界雞籠山之陽。東南流入信安江。

桃溪 卽靈溪。出遂昌北高平山陽。東北流。經龍游縣城。東入信安江。

湯溪 縣有二溪。東曰派溪。西曰小龍溪。俱出宣平北界山。北流。並經縣城西。又北

至花園村。游埠東。合流注信安江。

東陽江水系

荆浦溪 出東陽千丈嶺。西北流經安文村南。又西北至長衢村。西有夾溪。白東北

來會。經湖溪村南。又西北流至義烏縣西南與雙溪合。

航慈溪 出平巖。爲源潭溪。畫溪。會木衢溪。檉溪。繞溪。經赤岸。至航慈村。合於雙溪。

白龍溪 南出千年山。北經白關橋。東北注入婺港之南渠。

富春江以下水系

胥溪 出桐廬縣西南山。俗曰安仁溪。東流經縣治而入浙。

桐溪 上源即天目溪。出於潛西北天目山。或稱柳漁溪。東南流爲紫溪。有二溪東

北來會。經縣城西會藻溪。又北有昌化縣柳溪雙溪。合而東注。南至分水縣南分

而復合。納前溪。至桐廬入浙。即古浮溪紫溪。

新登溪 新登縣有東溪南流。西溪東南流。至縣東南而合。入於浙。

湖溪 出浦江北坑巖山。合衆流經金沙嶺入富陽。有九靈山諸水來會。北入浙。

浦陽江 出浦江縣西深裊山。曰東溪。會南源。經縣治。合義烏東陽諸暨紹興蕭山

境內各溪水。源流三百餘里。舊稱小西江。自臨浦市入浙。

第二十八章 運河

江南運河。由京口以迄於浙。昔日以轉南漕。松江以南至平望。又南經梅堰。有溪河。卽昔日湖州府運道。西南經震澤鎮來會。又南入浙江界。經嘉興以達杭縣。有小輪往來。浙西水利。亦關係農業。今舉運河重要之水道如左。

王江涇 在嘉興縣北。

烏鎮 南通桐鄉。西通吳興。分潯溪流東北流來會。繁鎮埭於大縣。

嘉善 由烏鎮東支渠達此。

嘉興 分支夾城左右。今年正開浚城河。古之秀水塘也。

南湖 在嘉興城南。與運河會。

平湖 東南支渠所通。正開浚城河。

長水塘 桐鄉縣東南。其東南接海寧。東接海鹽。

桐鄉 城河自北來會。

崇德 原名石門。有河自德清流入。東北有石門塘。北達烏鎮。南接運河。

長安鎮 有海寧河來會。

大麻村 德清東境。

塘棲鎮 杭縣北之大鎮。有唐樓志。繁盛埒於大縣。在德清杭縣之間。

餘杭 支渠相通。爲運河之終點。惟通航路不通小輪船。

拱宸橋 運河輪船碼頭。於嘉湖及蘇常有居高臨下之勢。

東塘運河

南潯鎮 吳興東之大鎮。有南潯志。繁盛埒於大縣。由此可東赴上海。

八里店 至吳興現正開浚城河。

紹興運河

西興驛 東經蕭山縣城。又經錢清鎮。又經柯橋。至紹興西門皆順流。

紹興縣 自東郭東溯高埠。分爲二渠。

曹娥壩 爲運河之終點。

運河歷代疏濬。兩旁多石砌隄岸。是以堅固耐久也。

第二十九章 西湖

西湖諸山。已略見天目山脉。其水不與錢塘通。有閘通運河。旱時則啟。亦天目山泉所匯。杭縣海甯。資其灌溉。全湖面積十六里。計一萬六千八百四十八方丈。每一方里。作五百四十畝。共八千九百二十二畝。共分五區如左。

外湖 六千九百二十畝

西裏湖 一千一百二十五畝

北裏湖 五百七十三畝

小南湖 一百七十四畝

岳湖 一百三十畝

湖內各堤。共分爲三。

蘇堤 亘跨虹、東浦、壓堤、望山、鎖瀾、映波、六橋。長四里。六十九丈。佔一百三十一畝。

白沙堤 自斷橋殘雪。至平湖秋月。長一里一百零七丈。佔四十一畝。

趙堤 長五十六丈。佔湖空七畝。

湖心陸地。可分爲三。

湖心亭 佔四畝二分 湖中遊船輕捷。無載酒徵歌者。可見風俗之美。

三潭印月 佔一百十六畝

阮公墩 佔四畝五分

杭之西湖。唐以前無聞。自李泌鑿通湖流。白居易宋蘇軾。出守是邦。築二長堤。傳爲韻事。復有詩人隱士。林和靖。放鶴其間。南宋後名將韓世忠騎驢其上。忠臣岳飛于謙張煌言卜葬其地。最勝之處。曰初陽臺。及有清康熙乾隆時。屢此巡幸。西湖乃益有聲。湖近在郭外。舊名錢塘湖。又曰明聖湖。金牛湖。石函湖。高士湖。西冷湖。西子湖。稱謂不一。然以其地在城西。故通稱西湖。湖周三十餘里。三面環山。谿谷瀟注。下爲淵泉百道。瀦而爲湖。蓄潔滄深。圓瑩若鏡。遇旱不竭。宋時修治最勤。及元不事濬理。沒爲茭田。明初仍不修。悉成池田桑埂。景泰時始議開關。歷弘治正德。漸復舊規。清初亦失修。康熙以後。疏治不輟。菱藕魚蝦。皆爲名產。龍井之茶。蠶校之桑。桃李之果。公園祠宇。圖書館。亦足點綴湖山。和靖卜隱以來。典史汝霖。太守啟。並美林社。孤山終古屬林家矣。

第三十章 太湖及入湖諸水

太湖卽禹貢之震澤。周禮之具區。亦名笠澤。爲江浙間藪澤之最鉅者。東爲吳淞江入禹貢之中江南江入之。漢書地理志及水經注可考。古之三江也。今太湖已不與大江通。除蘇常水道。東西洞庭山。詳大中華江蘇省地理志外。爰采浙西水利各圖說。以見浙人盡力溝洫。昔揚州厥田下下。近世蔚爲財賦之區。實由吾民之勤也。

太湖之面積。廣三萬六千頃。周五百里。南北一百二十餘里。東西二百里。東南巨浸。以此爲冠。舊爲江浙七府一縣水利。今則在蘇常道西南。滬江道西。錢塘道北。旱時可溉。潦時可洩。實業旣興。交通尤便也。

太湖七十三漮。水利委員會有測量報告書。大錢新塘二漮較深。

吳興三十九漮。苕水出西天目山陰。霅水出東天目山陽。均由此入太湖。

長興三十四漮。夾浦匯安徽廣德、江蘇宜興及安吉諸水。均入太湖。

苕水之源流。天目最高處曰金石山。其南疊嶂卽於濟北境之柳漁源白鵝溪。北流經孝豐縣治。又北經安吉縣治。會東溪。分二派。過莫干山復合。至長興東南。合運河。

會南溪。又於長興東分二支。一東南入大沈灣港。一東北合運河至吳興縣治。西有餘不溪自南來會。又北分二派。一入蔡浦港。卽小梅湖口。一東抱城北而東。會渚水。東至大錢湖口入太湖。是爲最大之河口。此水源流長三百里。湖中有小雷山。

霽水之源流。德清人名曰餘不溪。卽東苕水。其上游卽臨安之南北二溪。至餘杭及杭縣爲安溪。至德清合前後二溪爲餘不溪。至吳興縣治合於苕水。

長興金線泉。源出西北顧渚山。南流有金山水來會。經水口鎮。又東南折而東流。至縣東南夾浦港。入於太湖。水長百里。湖中有大雷山。

長興之箬溪。一名合溪。出縣西至合溪鎮。有南溪支津來會。東經長興縣治北。又會運河支渠。又東北至大沈灣。入於太湖。

長興新塘港。卽南溪。源流五百餘里。較苕溪稍長。此水會餘溪安溪。武康前後兩溪。德清東塘河及西塘河。支津通塘樓。及烏鎮南潯各大鎮。由新涇港入太湖。

太湖之下游。錢塘地勢高。水歸太湖。由吳淞入海。次曰婁江。及白茆港。又有七鴉浦各支浦。是以滬海爲錢塘蘇常之委。而黃浦江括浙西交通之利也。

第三十一章 鑑湖及剡溪諸水

鑑湖古昔周三百五十八里。南並山。凡水出南山者。皆北匯紹興縣治漕渠。已見前章。其源分東西兩溪。舊分東溪流域爲會稽。西溪流域爲山陰。今二縣合併。二溪皆屬於紹興。並列蕭山諸河。共爲三江。分舉於左。

東溪 數源並發。若耶溪出若耶山爲大。寒溪出日鑄嶺次之。曰上竈溪。曰平水溪。

西北流經樵風涇。又北爲會稽山禹陵。又西北至紹興東南。

西溪 數源並發。相溪出藏山嶺稍大。曰巧溪出崇山。曰餘支溪。卽溫涼二泉之合也。至紹興西南。與鑑湖會。俗曰白塔洋。

蕭山 自運河外有西河塘河。其湘湖亦與運河通。水利委員會有實測圖。

三水合流。在紹興北三十里。名三江閘。又名皇宿閘。有三江所有二十八洞。入有杭州灣。距鼈子門八十里。

剡溪自曹娥孝女殉父而後。通稱曹娥江。今水利委員會有實測圖。曹娥鎮對岸百官鎮。因杭甬鐵路設車站名益著。又名百官江。或以縣名直稱爲上虞江。其源有三溪。自

天台、東陽、新昌分列於左。

萬年溪 出天台萬年山。及石橋俱西北流。一名福溪。經斑竹山。有斑竹市。

玉山溪 出東陽之玉山。北流至新昌長潭溪。

東溪 自新昌縣城東來。會曰三溪。

三溪既合。至嵗縣南會西港曰剡溪。稍東折東北。流經浦口。有王宅溪來會。亦有二源。

王宅溪 出東南甯海縣境。

沙溪 出東方奉化縣境。

又北流至清風嶺。嶠浦三界。名曰舜江。過東山至濠壩。有小舜江來會。東南至紹興上虞交界處以下。始名曰曹娥江。西北經梁湖及百官鎮。西又西源會夏蓋湖水。至瀝海所入海。此水源流四百里。越人呼爲東小江。潮勢亞於錢塘。因三江口以內。則越人呼有西小江。合東西兩小江。共成亦小海灣。曰西匯嘴。擬疏濬以暢其流云。

至於沿海沙地。在龔山黨山以北者。在數小水。分水入杭州灣。惟福清埠一支渠。通於蕭山運河云。

第三十二章 甬江及餘姚慈谿諸水

甬江爲浙江沿海最良之港灣。如長江之有吳淞也。鄞縣名義亦古。又名鄞江。有南北二源。分舉於左。

北源之姚江。亦曰舜江。出餘姚縣西南八十里之太平山。西北流至上虞縣南。乃東北出餘姚舊城中間而東。有上壩中壩。過壩卽姚江水。又東經慈谿縣南曰前江。藍溪文溪諸水。皆流合焉。其南有大西小西二壩。東南有南港東港。與奉化江會於鄞縣西南者。二壩之下游。會於鄞縣東北者。南港也。西南入江者。東港也。

南源之奉化江。亦曰北渡江。亦曰東剡溪。出奉化縣西南連山蘇木嶺。東北流經縣城東南而北。稍西有東剡溪。西北自陳公嶺東南流來會。又北分二派。北派稍東。北與慈谿二壩下流會。又東至鄞縣城南派復合。又東北至城東北與姚江之南港會。又東北與東港會。鄞縣東錢湖。經水利委員會。實測修濬。有報告書。

鎮海大浹口。南北二江。合於鄞縣。水益深。可容巨舶。經白沙市。至鎮海縣城屹立海濱。口門狹而深。輪航鱗集。大小浹江會焉。又東一里至招寶山前大浹口。南曰金雞

嶼北曰虎蹲山。又前曰蛟門。入於海。招寶山有礮臺。有燈塔。爲海防最重要之地。餘姚慈谿沿海諸水。

水靈浦江 在餘姚東北東鹽場之東。出石人山。經水靈浦市。北入海。有沙塗。

洋浦 在餘姚慈谿界上。有鳴鶴場。北流入海。

寶山浦 有杜湖北流。經觀海衛。東北流入海。

淹浦 源流最短。北入海。

松浦 有松浦司舊治。

鳳浦 港頗曲。向西北入海。

龍山港 有龍山城。

蟹浦 海中有蟹浦山。

慈湖之水利 慈湖在慈谿縣北。以此得名。鄉民資其水利。如慈母焉。北有杜湖。水利尤著。近年官產標賣。太平湖蓀湖。將爲勢豪所得。與水爭地。以鄰爲壑。知事林觀光。呈准取銷官產事務所原案。不獨兩湖之民被其澤。鄞奉各湖。亦無塌澤之慮也。

第三十三章 椒江及寧海溫嶺諸水

椒江爲台州灣巨川。北自寧海。南至溫嶺。舊屬台州府者。其水系不盡歸於椒江。今遶海而南。先述寧海。殿以溫嶺諸水。爲之首尾焉。

寧海縣入海諸水 舉其較大者。細流仍不備載。

浮溪 出奉天東南經馬岙。至深叻市。東出浮門。號西鐵江。入象山灣。

大溪 出縣西北黃厓嶺。東南流白石瑜溪。經縣城與白溪會。

白溪 出天台華頂山東流。而東北合大溪曰雙港。至亭頭南入三門灣。

海游溪 出天台東界山。經吳岙。過望海樓山。至海游鎮東南流。入三門灣。

椒江之源流 一名靈江。又名澄江。或名海門河。台州河有二源。分叙如左。

椒江之北源 出天台縣西南。與東陽縣接界之大盆山。東北流會諸溪。至平水潭。又

東北至縣西南之清溪街。有清溪西北自關嶺東南流。合南來之左溪。北來之秀溪

銅溪百丈香瀑水嶺諸水來注之。又東有緒溪自北山流經西郭而南來會。過城南

而東。有螺溪自北來注之。又折而東南。經東橫山之麓。折而南。有歡溪自北合東來

之靈溪倒溪諸水。自東北來注之。南納二淡溪。南經臨海百步嶺東麓。小石嶺八疊山西麓。受小水無數。而仙居溪水。自西來會曰三江。

椒江之南源。出仙居南境與永嘉分界之坑山。北流有縉雲界上馮師山二水。東流來會。又東北流。有橫溪合永康之蒼嶺二溪水。自西北來會。又東北流會諸溪水。經磴灘鎮。又東北經田頭村。北有馬嶺溪。自北來注之。又東經縣城南曰大溪。一曰永安溪。納白水溪會於三江。始可行舟。

椒江之海口。二水既合。東南經流臨海至雙江口。北受大田港之水。又東南黃巖縣城北。永寧江自西南來會。亦曰椒江。此江可通舟。至官岙。上源出永嘉之塵山。椒江雲江合。又東經章安鎮金鷺山南麓。又東至海門山前所。對岸即海門衛。海舶交通。亞於甯波。入台州灣。

溫嶺縣新河口。縣東四十里。河自黃巖東南。至溫嶺鎮。長一百三十里。別爲九河。各二十里。綿亘兩縣。入鄉之田。舊有閘十一。入海之口。即新河所。又名金清港。其他小水。有石柱浦源。短流急。自入海。

第三十四章 甌江及飛雲橫陽諸水

甌江爲甌海道巨川。亦曰永嘉江。自麗水大溪。其源有二。

甌江西南源。龍泉大溪。出縣西台湖山。東北流。至縣治。有獨溪。自西北來會。折而東流。經城南而東。稍北有靈溪。自北來會。一名梧桐溪。又東北會安仁溪。又東經雲和縣北。東北有小溪來往。又經均溪村。保定鋪。與遂昌大溪會。

甌江西北源。遂昌大溪。出縣西南貫義鋪。北流折東北。又東經縣城。有後溪來會。又東南經金岸界首田市南。又東南經松陽縣治西南。又東南流。納一小溪。經五尺禹溪。保定。與龍泉大溪會。

甌江之正流。二源既合。北至碧湖鎮安溪。折東至麗水縣西南。有虎踏溪。西北自宣平來會。又東經麗水縣城。自南而東。有縉雲縣溪。自東北來會。又東南數折。有青田東北舂溪來注。又南經大洋村。南溪流始闊。又南至青田縣西北。有彪溪。自景甯縣來會。又南折東。經青田縣城南。又東北入永嘉境。始曰安溪。又會仙居東南之楠溪。過孤嶼。東會永甯河。又東會樂清縣西南之館頭江。又東至磐石衛。南岸爲甯村所。

北入於海曰甌江口。中有二洲曰大靈崑小靈崑。

瑞安飛雲江 源出泰順縣北百丈溪。東北流有莒岡溪。自西來會。其源出於天關山。又東北有小水自西北來會曰馨口。又北有小水自西北來會曰際門溪。又東過金谷山會南溪。又東經瑞安縣城之南。又東至沙園城北。河面漸闊。又東至江岸寨。南爲飛雲江口入海。舊曰安陽江。亦曰瑞安江。

平陽橫陽江 源出縣西南有二。一南出分水關與福建界曰南港。一出西北山中曰北港。合流而東經縣城南。又經錢倉城。水勢始闊。納東塘河南塘河至墨城入海。南岸海岸突出。一曰鼇江。

温州灣諸水 其較大而不入甌江諸巨川者分列於左。

蒲溪 雙溪 芙蓉溪 百龍河 石埭河 小塘河 官塘河 皆樂清海岸
錢溪 清江 在玉環北海岸

海安所溪 直落溪 在飛雲江口北海岸
直浹河 赤溪 沿浦 在橫陽江口南海岸

第三十五章 風向

凡渡中國海。所值之風。東北風則狂而暴。西南風則輕而順。寒天氣重。熱天氣輕。因東北與西南之風。強弱不同。而風雨針因之有高低之象。若隆冬之際。船至中國海濱。而風雨表忽見濕度。則東北風勢將大作。恒在夜間。由陸地來。可趁機擇地守候。

中國東海之濱。自澳門迄於舟山。東北風之發。以陽曆十一月至一月爲盛。惟由十月至十一月十二等月。天氣頗佳。由一月至三月。則雲煙四布。則此風稍停。一二月。有時變作南風。天氣轉濁。而東北風又大作矣。似此天氣。直至五月中旬乃止。然當此大風之作。恒見風雨針豎起。若南向閩海。其風尤烈於浙海。若同時風雨針忽降下。係指東南風之將發也。

東海風候。江浙略同。自春中迄陽曆六月。東風廣被而和。惟帶細雨。纖綿。其時之風。轉而稍北者。東北相參亦微。是時所值西南風甚少。有時天氣晴霽。亦不能久。此時之末風勢乃變。首在東南。卽有西風。亦微而和。至七月末。西風當令。直吹向日本。九月初之風。則東北風。東風與南風互發。而東風最烈。然不常有。

颶風。旋風之最烈者。常見於中國海太平洋以北。臺灣高麗與日本相連。一兩年間。常排突而至。作於五月七日。國恥紀念之際。一三三四等月則無之。據船主韋伯爾所紀如左。

五月 十次 六月 十次 七月 二十二次 八月 四十次 九月 五十八次 十月 三十五次 十一月 十六次 十二月 六次

避颶船泊處 浙江海岸多良港。泊船最安穩無患。分列如左。

北關閩浙交界處 牛港溫州口外南風皇列島間 大瞿風皇羣島之一

舟山 長塗舟山羣島之一 長白舟山西北一島名 大澳子港甬江口金塘島之西

颶風 起於陽曆九月十月之間。由北而西而南而東。方向不定。其四時之風。極爲猛烈。且有大雨。波浪尤汹涌。一發恒三四日。

颶與颶之別 颶之發必圓旋。旋轉一陣。略有數分鐘。颶則挾雷雨而至。怒翻狂舞。不論方向。而沿海或成風災。激湍倒噴。凌厲無前。風雨針所變甚微。或毫無知覺。風力速率。究不如電力。故一有風警。天文台必發無線電。警告海船。知所防衛焉。

第三十六章 雨雪量

浙江緯度。在夏至黃赤大距之北。且地勢北方低暖而南嶺高寒。故降雪限之界限。包括全省。春夏秋皆有雨。至冬令則爲雪。雨量既大。故雪量亦大。大寒積雪平地積五六寸。深山之中。且倍之。但山之高峯。未有入永雪界者。故無盛夏不融之雪山。

浙江雨量。與江淮閩廣。皆一千耗以上。比河北中原。約多一倍。比關東塞北。約多二倍。是以得天時之優越。用天之道。分地之利。農時與天時相應。山中春雪。融化稍遲。涵養水源。涓涓相續。實測全年雨量。每年五十八日。六月最多。得十一日。無一月不雨。

雨雪量與海洋之關係甚大。同此緯度。海濱雨雪量常多。陸地雨雪量極少。浙江多係海洋氣候。故雨量比安徽江西緯度相同之處尤多。以海洋氣候而論。則浙江沿海。受福建廣東沿海之熱流。故雨量比山東直隸渤海沿岸經度相同之處尤多。

浙江氣溫至結冰點以下。與大氣中水蒸氣。徐徐凍結。則爲雪。其通過溫暖氣層。一部溶達地上。則稱霰。若凍結過急。則爲霰。雪之結晶有規則。呈六出形。霰體無規則。其大者則爲雹。或爲農害。每年十二月一月約計每月三日雪。歲計六日也。

浙江大氣吸收水蒸氣之力頗強。觀雨後之土地易乾。澆濯之衣服易乾。知空氣之熱度增則濕度亦增。故熱而不燥。大熱之後。必有大雨。因太湖大海所蒸發之濕氣。因風向卷入大陸者。實爲雨雪量之來源。

水蒸氣比大氣輕。而蒸蒸日上騰。瀾漫空際。與之調和。氣愈高愈寒。則凝成液體。當溫度下降。卽復液體而成微點。是爲露點。不特爲雨雪量之原。卽霜露雲霧各氣象之變化。皆大氣之濕度爲之。

浙海航行。防霧尤難於防風。際海上煙霧迷濛。則吹號以傳聲。其聲隨風透出天氣外。發聲之器。及聲之數目。皆先有豫約以爲準。則大霧漫於平地。行船不能望見燈塔。如無聲號。宜停泊以待霧開而後已。故燈塔與霧號相因而爲用也。

浙江各川河。其深淺若干。每因雨多而漲。雨少而落。沿海沿江。設立浮鋪。因顏色以別淺深。而判左右。又有標竿。上列公尺。植立水濱。以測漲落之數。皆航海所資也。

浙江雖冬日有雪。然不似黃河白河黑龍江之封凍。海口交通。過於津沽。且航行所至。淡水易求。此亦關於雨雪量之實用者也。

第三十七章 氣候

浙江氣候溫和。無嶺南之瘴癘。無河朔之祁寒。噓以海風。盪以暖流。不獨湖山財賦之美。卽空氣之澄鮮。亦足以振起精神。而發皇事業。游西湖者。於春夏秋冬四時風光。及陰晴雨雪佳景。無不心曠神怡。故高士名流萃焉。

居浙江年久者。每謂浙江冬日寒度。過於昔年。閩中父老亦云。昔年不裘。而今有衣裘者。遊關東塞外者。則謂冬日寒度。年減一年。此南北氣候。漸有調和之望乎。

浙江農場。夏日栽植有水稻、陸稻、黍、稷、粱、玉蜀黍、大豆、赤豆、甘藷、甘蔗、落花生、芝麻、麥、藍、紅花、山藍、綠麻、青麻、菸草、地黃、荊芥、除蟲菊、棉、冬瓜、南瓜、西瓜、胡瓜、盒子瓜、葫蘆瓜、茄子、辣茄、莧菜、火白菜、藥芹、菜、甜菜、向日葵、綠豆、烏豆、馬蹄菜、萵苣、芋、薑、雪菲、綿菲、石刀、柏草、石蠶、芫荽、山藥、馬料頭等。農產充牣。氣候所特長也。

浙江冬日。尙可作物。如大麥、小麥、稞麥、燕麥、蠶豆、蠶麥、萊菔、白菜、紫雲英、雪裏蕓、芥菜、黃芽菜、葱、蒜、豌豆、麥冬、紫蘇、玄參、白芷、地黃。至於梅萼含芬。竹筍解籜。不徒松柏不彫。卽枇杷晚翠。亦非河北所有。足見浙江天時之優也。

茲據省立甲種農業學校記載近年氣象一覽表如左。

十二月	十一月	十月	九月	八月	七月	六月	五月	四月	三月	二月	一月
早	早	早	早	早	早	早	早	早	早	早	早
33.3	47.8	59.1	78.8	78.9	79.9	70.3	59.1	52.8	39.7	32.5	25.5
午	午	午	午	午	午	午	午	午	午	午	午
35.5	57.4	63.0	82.2	85.0	85.0	80.5	75.1	64.1	49.4	46.1	35.5
晚	晚	晚	晚	晚	晚	晚	晚	晚	晚	晚	晚
32.0	54.3	66.4	79.2	87.7	91.2	76.8	71.6	60.7	47.3	41.2	32.5
濕度	濕度	濕度	濕度	濕度	濕度	濕度	濕度	濕度	濕度	濕度	濕度
62.0	63.7	66.0	87.3	91.2	82.	78.6	61.8	67.5	76.0	71.2	56.5
風向東北	風向東北	風向東北	風向東北	風向東北	風向西南	風向東北	風向東北	風向東北	風向東北	風向東北	風向東北
25	16	19	15	10	10	16	18	26	27	22	8
風力強3日	風力疾強9日	風力柔	風力疾2日	風力疾2日	風力疾強25日	風力烈1日疾2日	風力疾1日	風力疾強6日	風力疾強7日	風力疾強5日	風力強烈病3日

第三十八章 地質

浙江地質。當錢塘一道平原廣漠。會稽以南。山岳層疊。可分論之。

錢塘平原。舊名杭嘉湖。爲上古湖泊與河流沖積之地。太湖之水漸涸。四圍之腴壤漸露。此平原爲海濱之低原。故測錢塘之潮。高於吳江之塔。以海塘爲障。如歐洲荷蘭爲海底下之國。合江浙平原。與歐洲荷比平原相埒。人口密度最多。山東膠東一道。號爲繁庶。然田疇村落。實不逮錢塘平原之密。遊膠濟路滬杭路者。可比較其狀況。則地勢愈低而愈沃。固中西所同也。故錢江流域地質。以片巖沙巖爲主云。

會稽山岳。禹跡終於會稽。陵谷至今不變。天台雁蕩。來自仙霞。固地球熱度漸散。其收縮橫壓之力。使地皮皺曲益大。成大部分之褶曲山岳。是爲南嶺。古之南條與北條。中條平列。而會稽山岳地。乃在南條之盡處也。各山頂有湖者。皆火山之口。

浙海諸島。浙海潮流激盪。若舟山島與鎮海之海角。南田島與石浦之海角。玉環島與溫嶺之海角。昔本相連。久經海水所侵蝕。皆分離大陸而爲獨立之海島。若黑山列島。近有淺礁。蓋大地所沈。僅存遺跡者。他若石柱山島。多係火山隆起。大抵爲斑

巖。花崗巖或雜以石灰巖。俟組成地質調查會調查焉。

滄海之桑田。鎮海慈谿餘姚之北海濱多沙塗。每當海水低落。居民即修海塘。以捍海潮。與海爭地。海塘愈久愈高。海塘之外。又築海塘。則內塘益鞏固。每拓地萬畝。最宜種棉。獲利頗厚。

地質之變化。浙江地質。在禹貢時爲下下。蓋地球當洪水以後。中原之平原。如今日江浙平原爲低原。而江浙平原之原始時代。其大部分皆覆於海水。且鹽類甚多。故生物不能發達。所謂海濱廣斥是也。其遺蹟之顯著者。只有藻類之下等動物。吾國經籍中以采藻供祭祀。爲泮宮之名產。華屋之裝飾。爲原始時代之紀念。至於浙海煤山。煤層內伏即太古時之森林。至於中古時代則石灰岩之白堊爲著。近古時人類進化。中原之文物。移之於江浙平原。

浙潮之應期。每月朔望及子午之間。海潮分兩支。撲向海甯。漲起十三尺至十九尺。激至杭縣者高亦六七尺。約計十月十日國慶日前後。爲觀潮最盛之時。即舊曆八月十八日。正在武昌起義之前也。

第三十九章 溫泉及泉源

溫泉爲火山遺跡。多含硫磺質。南嶺山脈中。黃山多有之。由皖入浙。地脈山脈。本一系也。古人或以爲有丹砂。或傳會於神仙。今考浙省溫泉之最著者。述其狀況。俟調查地質者詳加研究焉。分列如左。

煖泉 一名湯渚。在南嶼。見陸羽二寺記。

丹泉 此泉之源最高。歷天柱山而下。殷殷若雷。至大滌洞。西百餘步。乃出。甘冽不竭。有方瀦焉。天宇清明。則有赤色。四旁苔蘚。皆爲紫暈。

義泉 開化縣東北百步。廣僅十丈。深不盈仞。泡湧如沸。冬日常溫。夏日則涼。甘美不澗。汲者相望。故稱。

雷分泉 泰順縣三都天湖山之北。成化間旱。耕者爭決致鬪。忽大風震雷。中分其泉。爭乃息。

天開河 玉環於雍正八年築城兩次。雷雨衝開一河。長一千三百二十丈。闊二三丈。載石之舟。直抵城下。以上二事。近於迷信。地質變遷。適逢其會耳。

浙江泉源關係飲料者類多甘冽。省城大井巷大井最著。用資參考。

淳泉 在西湖孤山之麓。忠烈祠內。寒碧一泓。澄澈可鑒。其他涌泉惠泉並佳。

沁雪泉 在西湖大佛身右壁。棠陵方思道題。西湖泉多。錄其著者如下。

武林泉 玉液泉 白沙泉 參寥泉 茯苓泉 定光泉 笱箕泉 蓮花泉

六一泉 虎跑泉 儀和泉 月桂泉 伏犀泉 永清泉 偃松泉 聰明泉

倚錫泉 丹泉 出自天竺者尤衆

撫掌泉 桃花泉 皆在餘杭境。非飲泉 苦水泉 少微泉 皆在紹興縣

龍孔泉 天井泉 東坡泉 皆在昌化。靈源泉 龍泉 皆在諸暨。

幽瀾泉 在嘉善縣 眞珠泉 浮玉泉 虎跑泉 金井泉 皆在吳興縣境

孟姥泉 海鹽甕山之麓。自鷹窠頂來。山厚源深。故瀑布如匹練。

玉寶泉 在長興縣 半月泉 瀑布泉 皆在德清 西山雙乳泉 在鄞縣。

透瓶泉 在奉化縣東三里。以磁器貯之。水透瓶外。此物理學所應研究者。

卓錫泉 應心泉 龍鬚泉 皆在天台縣

第四十章 地震

地震原於地心之熱液。鼓盪涌激。或裂爲火山。溢爲溫泉。民國以來。近兩年疊經地震。學者雖已明地質變遷之理。於測算地動之方向里數。尙未有專家考求。舊志列地震於祥異。一切山鳴地陷泉出。大抵皆地震之類。全浙各地。無不受地震之變動者。其震源之地。大江以南。多發於南嶺。變遷狀況。殆無可考。就通志中關於地震者。略述之。

晉太元十五年。吳興長城夏駕山石鼓鳴。

晉義熙八年三月。山陰地陷。方四尺。

宋泰豫元年四月。醴泉出山陰。

南齊元徽四年。醴泉出昌國白鹿山。

唐景隆國年五月丁丑。剡縣地震。

唐天寶十四載。天有聲於浙西。

唐咸通十三年四月。庚子朔。浙東西地震。

宋紹興三年八月甲申。地震。湖州尤甚。

元至正九年六月台州地震。

元至正十九年正月甲午慶元路地震。十一月台州大雷電。

元至正二十三年十二月丁巳台州地震。

元至正二十六年六月山陰臥龍山裂。

明成化十三年春紹興瓜山裂。

明成化十五年九月二十日申時嘉興地震。至酉始定。

明弘治十二年四月樂清地震。生白毛。

明弘治十八年九月十日嘉興地震。屋瓦皆鳴。十三日金華台州寧波同日地震。

明正德十二年四月永嘉樂清二縣地大震。生白毛。十五年鄞縣雷鳴地震。

明萬曆八年象山地震。十七年海寧地震。三十二縣海寧臨安地震。

明天啟三年十二月二十二日杭州地大震。

明崇禎八年十一月海寧地震。十五年浦江地震。

清順治十一年杭州地震。康熙七年六月杭州復震。三十年台州地震。

第四十一章 礦物

浙江礦物盛於浙東。教育品物公司製有標本。今分類如左。俟浙江礦物學詳言之。

金類各礦

金山海經。句餘之山多金錫。龍泉淡金一兩得黃金七錢。

銀會稽有銀山。天台有赤巖。平陽亦有赤巖。皆產銀。焦溪天井洋並盛。諸暨亦有。

銅越絕書。若耶之溪。澗而出銅。寧海龍鬚山。衢縣銅山。礦脈跨遂德常三縣。

鐵寧海青田。皆出鐵砂。雲和有礦卅處。建德鐵山。宋時已盛。瑞安平陽泰順尤多。

錫越絕書。赤堇之山。破而出錫。松陽縣自唐時已產錫。

汞卽水銀。餘姚龍泉山產。

鉛會稽曰鑄山。產。天台龍泉亦產之。皆含銀質。

鋇安弟莫尼。開化縣所產。昌化。頰口。尤盛。鋇產嵎縣南諸暨東。

鋁卽礬。平陽宋洋山有之。清者爲明礬。濁者爲白礬。巖出值百萬元。由寧波運滬。

鈣卽石灰。凡近山產石處。皆燒造。富陽及杭縣上四鄉尤盛。省城建築多用之。

非金類各礦

- 煤 衢縣開自前明。淳安嚴家山。江山狀元山尤盛。電汽工廠。尙用奉天撫順煤。
- 鹽 漢置鹽官。吳王濞煮海而富。今浙鹽產地。詳見鹽法章。
- 青田石 產青田縣南方山圖書洞。石如玉。柔而栗。宜刻印琢玩器。
- 青石 杭縣多青石。產南高峰。土人采爲金銀錫箔墩。極光膩。又用以爲搗衣砧。
- 鹽硝 省東十里。冬日由地湧起。如霜花。亦名劍脊硝。藥用爲元明粉。紫雪之屬。
- 琅玕 出定海沿岸。碧石。紹興碧山產。紫石英。產諸暨。
- 硯石 天台黃水山所產。印石。天台寶花山產。丹如霞。青如黛。可刻圖書。
- 碑石 吳興白鶴山產。諸暨文石尤美。
- 礪石 吳興仁王山。杭縣臨平山。所產名羊肝石。
- 礦灰 出長興縣。始見於明一統志。
- 蚌珠 杭縣明珠浦生蚌珠。今少。寶珠石。諸暨寶珠山產。
- 橐籥沙 出浙海岸。采爲鼓鑄銅錫之模。

第四十二章 植物

浙江植物蕃庶。茲舉其特盛及特異者。餘俟浙江植物學詳言之。

穀類

稻 早稻 雪稻 鐵稷 虎皮稷 朱口稷 烏稷 黃香稷 杭 紅糙

稷 稌 糜 粳 鄞縣多產之。又有種稌出金華山鄉。

黍 黃黍 白黍 黑黍 杭縣間有種者。俗曰小米。植於薄田歉歲。

麥 大麥 小麥 蕎麥 不如稻產之多。梁 用之以釀酒。

豆 蠶豆 赤豆 綠豆 青豆 黑豆 大抵植於田墜蔬圃。及土厚田瘠者。

麻 苘麻 脂麻 浙東最佳。可榨油。可漚麻爲織品。

蔬類 蓴產湘湖者最美。蔓菁、雪裏燕、茭白、薯蕷、皆陸產。昆布則產海中。餘分列如下。

菜 油菜 黃芽菜 芥菜 臺心菜 苔菜 紫菜 石花菜 萍菜 莧菜

瓜 南瓜 甜瓜 冬瓜 王瓜 絲瓜 壺蘆 惟西瓜專解暑。金瓜爲玩物。

筍 苦筍 紫桂筍 虎爪筍 燕筍 黃鶯筍 毛筍 銀筍

蕈 木耳 石耳 松蕈 雷蕈 胭脂蕈 菌類多毒。笑蕈。矢蕈不可食。

茶類 龍井 上雲 園茗 赤城 天目 昌化 岍茶 顧渚

果類 林檎 櫻桃 楊梅 雪桃 葡萄 朱欒 蓼莫即野葡萄 白果 枇杷

榧 桃 李 梅 杏 榴 梨 栗 橙 橘 棗 柑

木類 琪樹 香柏 海石楠 棕櫚 錦漆 羅漢樹 鴛鴦木 烏柏 黃楊

桑 松 柞 櫟 檀 楮 檉 櫛 楊 柳 榕 樟 杉 桐 槐

水產類 藕 菱 芡 藻 荻 菰 香蓀 候潮草。出溫嶺。潮至則開。退則合。

藥類 甘菊 薄荷 貝母 黃精 菖蒲 天明精 骨碎補 龍骨 枸杞 朮

花類 牡丹 玉蘭 玫瑰 菊 桂 海棠 山茶 木芙蓉 水仙 薔薇

特產 蓬莖茂 圖經本草。浙西有之。頗類蕺荷。蕨 其粉可療飢。

蕺 越王種之一名臭膽草。歛食。剮其根以食。諺曰。豐年惡爾臭。凶年賴爾救。

禹餘糧 本草綱目。海米亦薺草類。生東海地。澤山島中。狀如鵝卵。味苦澀。可救荒。

菝葜 本草綱目。浙人謂菝葜。又名王瓜草。根曰金剛根。

陸產

鶴 嘉善鶴湖。已不產。鶴。嘉興鴛湖。亦少鴛鴦。惟鴻雁鳧鷖。及鵝鴨成羣。海鷗亦衆。
青鸕 產嘉善北鄉湖蕩中。頗肥。俗言水裏鷓。岸上鸕。江鷓 產江海間。能知風。
黃雀 金雀 翠雀 青鸞 烏鵲 大抵以色列者。
報春鳥 畫眉 鸚鵡 鷓鴣 頻伽鳥 郭公 泥滑滑 搗藥禽 以聲別者。
竹雞 杉雞 潮雞 天雞 皆似雞類。以桐花鳳爲最美。
山馬 產仙居蒼山。野生動物。人能馴之。馬牛所以爲人用也。
豪豬 產天目山。今日少。家畜豬亦此類。人能馴豬羊爲芻豢。
玉面貓 俗名柿貓。性喜食柿。其肉肥美而香。脂多不膩。舊以充貢。
熊 上虞景化鄉橫山。有馬熊。嚙傷牧童數人。熊能人立。狗熊。人熊。皆動物進化者。
猴 孝豐天目山多有之。天台山有金絲猿。隱於石梁間。會稽獍母猴。其患已息。
狢猯 狢類猿而綠。猯類狗而黃。猴屬之大者。出樂清石門山。猿爲人之原始。信歟。
野人 續南雁蕩志。被毛。赤髮。狀如人立行。蓋動物進化之進於人類者。今無。

第四編 人文地理

第四十四章 戶口及民族

浙江全省戶口。屠寄前清地理教科書。只列一千一百八十四萬餘。民國新地理。始列二千二百八十四萬。可見三十年人數加一倍。今年全省警察處。最近調查表如左。

戶	數男	女	共	計
錢塘道	九八一四五四	二八七七二九二	二三三七二七〇五	五二四九九九七
會稽道	一九三七〇九五	四九五六二六〇	四〇九七八八四	九〇五四一四四
金華道	七〇九一五二	一九七二八三二	一六三四三二二	三六〇七一五四
甌江道	一〇三九二八二	二五四〇一五九	二二三三九〇四	四六六六九八三
合全省總數計之	四百六十六萬六千九百八十三戶	二千二百六十九萬零四百九十四口		
以省城總數計之	六萬八千九百五十九戶	男十六萬九百四十九	女十二萬五千四百十三	

浙江民族。合五大民族。而以漢族爲主體。分列如左。

漢族 縉雲爲黃帝命官。餘姚爲大舜遺裔。少康庶子封越。孔子大宗在衢。

滿族 杭州駐防。原有八旗。共和以來。同爲國民。有優待。無慘殺。或冠漢姓而同化。

蒙族 伯顏有祠。謀統一而不擾民。廉氏有莊。習儒書者能中道。蒙古學遺址尙存。

回族 清真寺。清真教徒。來自西域。久漸華風。已與漢族無異。惟宗教小異。

藏族 天竺高僧。東遊震旦。飛來駐錫。普陀證佛。宗風至今不衰。

浙江舊爲越族地。昔盛今衰。民族興衰。可爲殷鑒。則我民族不可不自競也。

越之都會 會稽以南。浙江流域。皆於越地。甌江流域。皆甌越地。漢族殖民焉。

越之廣大 安徽山越。福建閩越。兩廣百越。雲南滇越。越南南越。亦漢族殖民焉。

越之衰微 平陽西南。溫處南境。畚客三萬餘。男逸女勞。服裝言語。與漢族異。

浙江民族。移殖海外者多。外族內向。居留者亦衆。

大和族 日本在拱宸橋。有租界。有領事。遊歷內地者。尤絡繹不絕。

白種 寧波溫州商場。內地教堂醫院。莫干山避暑地。及西湖梅莊。皆有西人遊跡。

第四十五章 言語

浙江各縣。言語頗不一致。吾國民幸賴文字統一。足以相通。近日教育家議國語統一者甚多。山川閒阻。水土異宜。習慣自然。改革不易。茲分列各地語系如左。

杭縣語 宋都臨安。各省人民雜居。彼此交換。爲一種官話。直把杭州作汴州。蓋其語來自中原。千乘萬騎。舉族南轅。如東晉之在金陵。惟原有土語。仍存留少數。故自成一杭州語。二十五萬人之省會適用之。

寧波語 寧波因通商最早。外人居寧波久者。且能作寧波語。長江上下。機器匠多。寧波人當輪船火車交通之際。故寧波語爲世人所注意。在上海蔚成一大團體。紹興人 紹興人音以其刑名錢穀之學。幕遊於各省。關東西域。皆有紹興人足跡。其語言較杭州難解。較寧波易解。

台溫處各語 台州。溫州。處州。舊日三府言各不同。不但他省人不能解。卽本省人亦有不解者。且不但府與府異。實縣與縣異。其語音已與福建相近。較寧波語尤爲難解。卽學習官話。仍多以土音爲語尾也。

金華語 浙水上流。昔年與省城交通甚便。故語言較台溫處爲易解。然衢縣以西

如淳安之近接徽港者。亦間有歙夥之語。由皖南傳來也。

由此觀之。則浙語之歧異者。大別已十餘種也。其來他省語言轉入者。如

北京語 舊日駐防滿蒙人操之。滿蒙人入關後。鮮能操滿蒙語者。亦無滿蒙書籍

福建語 沿海如觀海衛。昔徙閩兵戍此。今仍操閩音。浙海各島漁人多操閩音。

回疆語 清真寺阿喲。誦可蘭經。實用回回語。甘新滇黔皆可通。本地原人多不解。

以上數種或爲官話。或與官話大異。或文字亦異者。至於語言之外國傳來者。則日盛

一日。知世界大同。終必至同文同音而後已。如

印度語 老嫗誦佛號。南無阿彌陀佛。恃爲生計。及菩薩波羅蜜之類。皆出自梵音。

歐美語 通商以來。英文最通行。近日中等以上學校尤重之。法文德文。亦有學者。

日本語 甲午敗後。留東者日多。目的團體手續方針之類。常流露於士大夫之口。

浙江方言之殊異者。宜別撰浙江方言考。以爲統一國語之準備。里諺頗多。格言若輯

以爲通俗教育。大有益也。若牆門孫土戶兒。入脚行之類。則市井之口頭禪也。

第四十六章 衣服

浙江爲國貨蠶絲最盛之地。五畝之宅。樹之以桑。湖桑種植之法。湖蠶養育之術。原有專書。清季杭州府知府林啟。設蠶學館。研求益精。民被其利。葬之孤山。建林社以祀之。全浙桑林日盛。且衣被歐美。以光吾國之黼黻文明。工業學校新出花樣尤佳。

綾 舊產柿蒂花綾。及湖州烏眼綾。在唐時名甚著。今服用者少。

羅 有花羅素羅。染絲織者名熟絲羅。紹興亦產之。

綢 有績線爲之。用絲熟而輕織。桐鄉有濮院綢。今通行紡綢。線春綢。核桃綢。

錦 成方罨紋。嘉興所出名曰嘉錦。新出格子錦綢。爲木機所織。

絹 縝密勻薄。宜書宜畫。雲絹尤精緻。又有官絹。局絹。生絹之目。

紗 有實地紗。亮紗。芝麻紗。銀條紗。葵紗。鐵線紗。夾織紗。包頭紗。以綺霞亮紗爲最。

縐 湖縐以湖州得名。北京人誤呼洋縐。非是。綺霞花縐。尤爲精羣。用鐵機織成。

緞 振新公司綺霞緞。緯成公司緯成緞。皆爲杭城鉅廠。天章日新等。亦花樣翻新。

浙江蠶業。及縲絲各廠。有裨於女子職業最多。虎林揚華。織綢各公司。起於湖墅焉。

浙江不但絲織品發達。綿織品亦多。於潛等處。不宜桑而宜棉。白而細密。精者曰綿。粗者曰絮。鄉民皆爲之。杭縣笕橋海甯硤石爲盛。

紗廠 拱宸橋有鼎新紗廠。蕭山縣亦有紗廠。寧波有和豐紗廠。

布廠 杭城孩兒巷華利布廠。登雲橋大豐布廠爲著。其他家庭自織愛國布亦多。麻織品亦與棉織品並重。

綦布 杭州舊產。麻苧二品。青白間花。

苧布 吳興白編布。一名白夏布。

黃草布 出璉市。暑月可爲衣。今所出止可作帳。不堪服。

織襪鐵機頗小。價尤廉。家庭工業。百元以外資本亦足以謀生。其工廠之著者。則有

萃隆襪廠 雲祥襪廠 裕和襪廠 杭城已五十餘廠。女工由二十人至百餘人。

杭城裁縫。多以中西成衣爲職。然浙人多剪髮不易服。惟軍人之軍服。警察之警服。最爲整齊。法官出庭有法服。文官執公不著公服。祭祀亦不著祭服。間有用大禮服者。爲數甚少。學生制服漸多。民國嘉禾等章。名器太濫。佩帶者少。或漸進於平民政治歟。

第四十七章 飲食

國貨出於浙者。絲爲首而茶次之。龍井茶葉爲世人所重。尤爲國人所重。西湖獅子峯一稱本山茶。作豆花香。有雨前明前之別。色青味甘。爲全浙雋品。可稱綠茶之冠。相傳其葉采自龍井之樹。製葉之水爲虎跑泉。故特清冽。杭菊加入。尤馨逸。其他名茶已詳植物章。略舉品茶之地。以誌湖山之清興如左。

樓外樓 城站旅館。卽屋頂花園。有電氣升降機。坐茗其間。雲樹山光。挹人眉宇。夜則萬家燈火。尤爲鉅觀。

西園 瀕西湖。波光雲影。歷歷在目。爲新市場中之清淨地。與樊圃鄰。

湖山共一樓 西湖第一樓 湖山喜雨臺 坐茗並佳。

浙江之名酒。以紹興著名。酒記所稱越州蓬萊酒。

老酒 以遠年陳釀爲最。每甕必標年號。藏之久矣。紹興東浦周氏最佳。

豆酒 其法以綠豆爲麴。邑釀多。秫少。秫以此。

蕭釀 蕭山金井。爲徐氏園。汲取釀酒。名曰蕭釀。與越酒並重。

麩藥

蓼生水澤曰虞蓼。今用爲麩藥。

浙江茶酒並佳。食品亦著。君子以飲食宴樂。可紀也。分列省城各飲食店如左。

菜館 聚豐閣 小有天 錢塘春 一枝香

西餐

大利公司 福利公司 舶來煙草。消耗國民現金於飲食之外。宜改也。

飯館

王順興 加香肉魚頭豆腐可口 趙長興 紅燒肉亦有名

麪館

近水臺 三和館 萬雲館 多不備舉

素食

浙一館

教門

西一館 西悅館 西樂館

浙江食品。以金華火腿著名。蔣腿尤佳。東陽蔣氏薰蹄。用煙薰。非火也。淹曬薰收。如法者。果勝常品。以所淹之鹽必台鹽。所薰之煙必松煙。氣香烈而善入。製之又及時。故久而彌旨。又有一種風蹄。不用鹽漬。名淡腿。出浦江。又楓涇丁氏醬腿及蹄筋。味亦適口。浙江官膳。約計每月六元。學生膳費。每月三元六角。浙江師範生。只給十個月半費。開支尤爲撙節。他省所無。鄉民粗食。月需二元。城市則近三元。可以見生活之程度也。

第四十八章 居處

浙江民居稠密。入浙江境。見居民異於他省者。約有數端。

瓦屋四簷。他省多前後二簷。浙江各鄉。多四面滴簷溜者。

紅磚大門。督軍公署。省議會。師範學校。凡新建西式大門。必用紅磚。

橋多高拱。因內河行船。故用階級。乘車者必降輿。

廁所木几。形如列几。人坐其上。肥料公司所建。亦可見廢物利用。

以上見浙俗之特異者。至於關係衛生待改良者。尙有數端。

街巷過狹。惟新修馬路。頗爲廣闊。其他舊有小巷。以弄名者。或不容二人並行。

院宇過小。城市地價昂貴。建築時不免少留餘地。

浮厝過多。郊外沿路小屋。存棺年久。多暴露者。停葬之俗宜改也。

浙江建築。夙尙儉樸。今日猶見古人舊俗。略見數端。

竹籬茅舍。西湖濱尙資以點綴。浙多產竹。編籬尤便。有隱君子居之。

版築土墻。有高至二丈者。足見土性之黏合。亦有賢人在野而未遇耶。

蠟殼爲窗。舊家窗格不用玻璃。以蠟殼代之。其薄如紙而透明。可障日光。浙江省城近西湖新市場一帶城垣業已拆爲馬路。是以形勢大變。昔年湧金門繁盛之處。今已衰落。今日繁華之地。數倍昔時。最著如左。

旅館 旅客暫時居處之地。華屋廣廈。如富貴家庭。一切器用。多仿歐風。其價值昂於舊日之客棧數倍。城站旅館爲盛。湖濱新新各旅館尤開適。

戲園 城站第一舞臺。西湖鳳舞臺。規模宏壯。比舊日廟宇中戲臺。日進於華侈。浙江八旗駐防。自改革後。居住自由。富者已遷居他處。貧者仍給官屋二百間。居之。整齊排比。如學校齋舍。大類張家口蒙古營云。

浙江江山船墮民。原不准登岸。民國已一律平等。卜居江干。有舍賤業而營工商者。西湖名勝。時有豪族建築別業。值數十萬。然虧累公帑。入官標賣者有之。名士山莊。或及身而數易主人。名曰某莊。一時之名詞而已。居民多有堂名。尋常民房。四隅多有界碑爲誌。某衙某第。亦有傳世數百年而不變者。至於婚喪之日。搭彩匠技藝頗精。結構巧妙。有他省所不能及者。

第四十九章 器用

杭之器用。夙爲國人珍愛者。原有五。杭之目。分別如左。

杭扇 舊推芳風館。今則舒蓮記。馳名中外。輸出甚多。摺扇。紈扇。鵬毛扇。草扇。並佳。

杭線 舊推張允升。

杭粉 孔鳳春最佳。近時有製擦面牙粉者。

杭烟 宓大昌元奇呈奇白奇爲著。

杭剪 舊推張小全。鍊鋼頗精。近日張近記尤著名。

浙江器用。關於家庭所必需者。

食鍋 鐵器之最有用者。名稱食鍋。與他省異。

木器 皆稱中西木器。舊式拙而耐久。新式巧而易碎。漆器 太嫩者轉不耐用。

竹器 廉於木器。而竹製茶几圍屏聯額。皆甚工緻。

陶器 龍泉窰最精美。今洋磁及磁鐵。消耗甚多。

浙江器用。關於美術之應用者。

鐵畫 山水花鳥。或四幅。或八幅。爲他省所罕觀。

湖筆 名重海內。省城邵芝巖甚著名。

顧繡 女工精美。埒於蘇繡。湘繡。女子職業學校。成績甚精緻。

塑像 各寺觀土木像頗精。岳忠武於忠肅像。尤凜然有生氣。兒童所玩泥人。亦佳。

浙江自外貨輸入。其器用關係吾民生計者。不可不紀也。

膠皮車 勞動苦力謀生。省城及各商埠先有之。

縫衣機 勝家公司所傳習。貧家婦女。或倚以謀生。織襪機 貧家倚以謀生。

電燈 省城寧波先設廠。若温州吳興蘭谿諸暨各大縣。漸次添設。

浙江器用進化。大抵由古拙而趨於輕便。家用之最有關係者。

農器 浙西水田所用。與浙東山田所用各異。

籐轎 輕便勝於官轎。官吏亦多舍官轎而用籐轎者。

篷船 小船以布爲篷。比玻璃窻扇大船。便於掉運。傘 温州產。近爲洋傘所奪。

浙江舊日百工器用。並備。惟當歐美物質文明日進之時。正宜仿造外貨。以維國本也。

第五十章 孔教

孔子紀元。今已歷二千四百六十九年。昔子貢南使。先成存魯。霸越之功。貨殖待價。開陶朱。實利教育之先。二賢祠在柳洲亭。祀端木子仲子。自宋高宗南渡。衍聖公亦南遷衢州。是爲聖裔之大宗。不在山東。而在浙江。武康縣有亞聖村。孟家橋宗族亦蕃。宋學旣昌。浙學彌著。孔教爲國家施教之本。政治所出。實爲國教之深。人心者。臨安舊都。尤尊孔教。中國危而不亡。亡而能光復者。賴有教也。茲述孔教之關於地理者。如左。

園壇 舊在嘉會門外南六十里。宋人郊天之處。以昭事上帝。實國家之大禮拜堂。聖人知天異天。希天。昊天上帝。鑒臨不爽。天視民視。天時民時。今浙民清晨焚香告天者。或朔望歲時拜天者。民心可上格天心矣。此臨安志之故蹟可考者。

藉田 舊在玉津園。今爲先農壇。天子猶躬三推之禮。以風示四方。重民事也。孔教以實業教育普及社會。全浙收農桑之利焉。

大學 卽大學。今之國立大學也。南宋初。權以臨安府學措置。其齋舍。有服膺。禔身。守約。習是。養正。存心。節性。持志。率履。誠意。經德。允蹈。循理。時中。惇信。果信。務本。貫。

道觀化立禮。今浙江人文薈萃。將籌設浙江大學。弘我孔教也。

泮水 本魯國大學水名。浙江各縣儒學。皆有泮池。古人在泮。獻因獻。馘習射。經訓昭然。實有軍國民教育精神。昔日學政。兼管武生。今之學校。尤崇體育。以衛國焉。浙江大儒。崛起於宋學之後者。莫若陽明。今日本人崇拜王學者尤多。因固有之良知。以收知行合一效。可以修政治。可以治軍旅。以馴致乎富強。先賢王守仁。所以配饗於孔廟。以學術爲勳業文章之本也。

浙學至近代。姚江之大義益昌。舜水之學且大顯於日本。黃梨洲之發揚民權。足以膺全國孔教聖徒。知仁民救民安民之道。垂爲學案。當爲浙江鄉賢傳。萃先哲之嘉言。往行以措之於實踐。游先哲之故里者。可以興起。以孔教大義爲修身大本焉。

浙江省孔教會。設有支部在杭州府學舊址。各縣亦有支會。女子亦有孔教會。在本場巷。以篤修四德。省城因岳忠武女銀瓶篤孝。築孝女路上虞因孝女殉父。謂剡溪爲曹娥江。修曹娥壩。其他節孝坊表。爲閭里之光者。地理志不能備舉。足見孔教崇尚貞節。全國同風。浙江風化出自闔門。教育始於家庭者。實以孔教爲本也。

第五十一章 佛老

浙江之俗信鬼神。尚釋老。寺觀之盛。過於他省。今舉其關於地理者。

天竺山 天竺本印度二字之轉音。卽漢之身毒。西湖自靈隱至天門。周數十里。兩山相夾。巒岫重裹。皆稱天竺山。有下天竺、中天竺、上天竺。是爲三竺。香火甚盛。上天竺寺兩旁。徧設香燭店及旅館。鱗次櫛比。營業者皆釋門弟子。春時香市漸盛。鄉民扶老攜幼。焚香頂禮。以祝豐年。俗呼香客。舊曆六月十八日。士女傾城而出。笙歌徹夜。則游觀者未盡出於信仰。若瑪瑙經房。袈裟僧帽店。亦他省罕見也。

飛來峯 晉僧慧理嘗登山而歎曰。此是中天竺國靈鷲山之小嶺。不知何年飛來。因駐錫建靈隱寺。按山峯中外相似者極多。佛子理想新穎。猶道家所謂移山地理學之變遷。無此理也。留爲西湖詩料亦佳。

普陀山 普陀落伽山。一名補陀。華嚴經又稱補怛洛伽山。蓋梵名也。猶華言小白華云。乃善財第二十八參觀音菩薩說法處。傳記傳東洋西紫竹旃檀林者是也。孤縣海中。諸山半土半石。所名巖峯洞窟皆石也。奇險詭幻。洞壑天然。以菩薩頂

爲衆峯之傑。高五里餘。潮音洞在普濟寺左。龍灣之麓。金沙盡處。巖石叢起。沙中廣畝餘。齒齒然不容足。從崖至洞脚。高二十丈。上虛下窅。若漏屋。潮水奔入。鏗訇鏗。聲若轟雷。洞巔有穴。孔名天窗。倒窺之。玲瓏嵌挂。險怪百出。每浪投孔中。飛珠噴沫數十丈。士女向洞叩拜。有投崖捨身者。今已示禁。亦善體慈悲之旨矣。

葛洪井 在普濟寺後。煙霞館側。相傳葛仙翁煉丹之井。繞霑涓涓。日夜不息。又有仙人井。在寶嶺下。石窟寒氣侵入。雖酷暑不可久居。沙土中有孔。注泉不竭。曰仙人井。距海不百步。乃甘美如此。天然之沙瀝也。道家近於衛生。吸新鮮之空氣。而飲清水。本足以却病。卽可以延年。佛地中有仙蹟。足見釋老無教爭也。

天台山 道書言桐柏金天洞天。王子晉所治。九峯迴環。有夷齊石像。道士謂夷齊爲九天僕射。治天台。意者夷齊不食周粟。與道家辟穀絕粒。近人廢止朝食之說。爲近桃源洞。舊有儼仙亭。及雙鬢峯。玉屏風。諸勝。萃於劉阮村。神仙眷屬。傳爲佳話。是以房中之術。亦出於道家。今日青年學子。研究男女衛生者。或墮入魔道焉。桃源勝境。本道家地。乃以老僧守之。足見釋老合而爲一。皆吾儒之神道而已。

第五十二章 回教

浙江回教。爲數甚微。亦五大民族之一。其人自稱西域。在中國各處散居者。亦多以西方爲尙。故在西湖之上。亦占一席之地焉。舊志多詳於佛老之寺觀。於回教多不注意。今以調查所得。分列如左。

清真教堂 在杭縣西湖錢王祠之南。當湧金門之西南。又有回回堂。在南大街文錦坊。其堂四方。壁立五六仞。有回回文匾額。中開圓門。如自鳴鐘。兩旁石欄朱漆。內門題曰禮拜寺。回教之禮拜。與耶教之禮拜各異。以舊曆言之。回教用牛婁鬼亢四值宿。耶教用房虛心昴四值宿也。以新曆言之。卽金曜日俗所謂星期五也。回教徒皆讀孔教經書。不信佛老。不拜偶像。亦無入耶教者。

清真教義塚 在清真教堂之南。當清波門之西北。回教團體既堅固。生則聚居。死則叢葬。因回教葬儀所用經典。與佛老大異。故自置義塚。各縣有回民聚居者。必於禮拜寺置塚。否則歸骨於此。其面積之廣闊。忠義墳遠不能及也。學士港以北。谷家湖頭。見其弘敞焉。

清真教門館 西樂館設於回回堂前。西悅館亦在其隣近。西一館則在聯橋直街。回教以食豬肉爲厲禁。故各處教門人。必食教門館。漢人無所不食。近日科舉已廢。無不食牛肉之迷信。又於衛生各書中。知牛肉之滋養。過於豬肉。是以教門館亦爲學界所趨。前清之例。以私宰耕牛爲罪。今民國設屠獸肉。回教人之業屠牛者。但徵其屠宰稅而已。清真教門人之貧者。多設餅店。或賣滷鷄滷蛋。亦必有小木牌書教門二字。可見其信教之堅矣。

清真學校 杭縣回民不足二百家。無甚富者。故清真小學。尙不甚發達。其兒童多附入各城鄉小學者。自黃河以北。清真學校。多添回文。其商家亦用回文匾額。自江以南之回族。幾全化合於漢族。按孔子教小學洒掃應對。洒掃以清潔爲主。應對以真實爲主。清真學校。實不出洒掃應對之聖訓云。

清真書報 中華郵政。凡寄亞拉伯回文信。必須開口。始能達土耳其。因已對德奧宣戰。故檢察清真書報頗嚴。又因甘肅新疆有土文星報出版。曾經甘肅省長呈准通飭禁閱。

第五十三章 耶教

耶教分天主福音兩派。歷明清兩朝。由沿海漸傳播於內地。其昭事上帝。與孔教同。而祈禱之誠。又同於佛老。今信者日多。分列其關於地理者如左。

省城禮拜堂散布各地如左

太廟巷口 紫荊橋 清泰門直街 淳佑橋 上皮市 三橋址

馬所巷口 太平橋 同春坊 天水橋 湖墅左家橋 拱宸橋

基督教青年會 在省城大方伯省立第一中學校之對門。基督教因以吸收吾國之青年者也。吾國民最重祠墓。浙省尤甚。根於孔教之慎終追遠。基督教敬天而不祭祖。故士大夫相戒不入基督教。今教會別立青年會。與社會教育相連合。有德育智育之溝瀆。並設圖書閱報之室。體育運動之場。凡青年人所嗜好之不失其正者。皆爲之設備。如飲食沐浴之細。務從其廉且潔。故入會者比入教者多。久則由入會而入教矣。

廣濟醫院 在省城大方伯。爲英國教會所設。故大書大英廣濟醫院。英國教士施

醫藥以濟人。每日踵門求醫者約百餘人。掛號時九點鐘以前。但費銅元五枚。九點鐘以後倍之。十點鐘以後又倍之。所以提倡早起也。候診室懸有耶穌傳教各像。候診時派人講道。分發印刷物品。勸人入教。所懸匾額甚多。醫學既精。瘡瘍皆起。歸功於上帝。私立廣濟醫校。在院內。部准以專門同等學校。暫行備案。

之江大學校 江干二龍頭。距城市遠。便於修養。教會學校在浙者。以此校爲領袖。有天文台以測驗氣候。西人設學之尙實用也。吾國大學只北京一校。於浙江人文薈萃之區。宜自設大學。今之江大學。已刊雜誌曰之江潮聲。且聯約翰南洋滬江金陵東吳六大學。共開運動會焉。校內大學生七十餘人。附中學生百餘人。

蕙蘭中學校 蕙蘭中學校。並附設蕙蘭高等小學校。又有弘道女子中學。其規模殆不在蕙蘭之下。不偏於男子。省立未有女子中學。此亦吾國教育部令所明定而未實行者。浙省教育家應注意也。至教會女學。附有幼稚園。亦有裨蒙養。

聾啞學校 在省城瑞石亭。教會設立。以教育人民之有廢疾。聾啞不能聽。不能言。工作之專。目力之細。普通人不及也。

第五十四章 節序

浙江節序。尙多循用舊曆。今以新曆爲主。以期改革。易曰。澤火革。君子以治曆明時。今浙江對於新曆。已行於官署學校者。如左。

頒曆 教育部中央觀象臺曆書。已由省公署分發各縣各校各機關。

日記 視學皆有日記。學生亦有日記。書肆所印學校日記國民日記皆適用。

日曆 每日一張。按日揭去。日日常在壁上。適於日用。

月份牌 陰陽并列。有圖畫甚美。報館商店因有利用爲廣告者。

陽曆既頒。紀念爲重。茲舉其重要者。

一月一日 南京政府成立。各公署學校慶祝。懸國旗。結燈綵。并賀新年。實行新曆。

二月十八日 隆裕遜政。南北統一。大紀念。國旗用五色。誌五族共和。自是日始。

四月八日 中華民國國會正式成立。自是日始。

十月十日 國慶日爲武昌起義之期。又名雙十節。農家有秋。學校宜開運動會。

十二月二十五日 共和復活之期。適爲耶穌生日。故佈道各教會。慶祝彌歡。

浙江光復。浙江重要紀念也。

舊曆九月十四日 民國初元以來行之。

舊曆不能遽革者。舊俗繫之也。惟官署迎春牛。護日蝕。業已廢止也。錄舊俗如下。

元旦 夙興焚香拜天。次五祀。次祖宗。少者各拜尊長。戚黨相賀。

上元 起十三終十八。官府弛禁。准民間張燈。光復後漸衰。戒嚴時禁絕。

清明 墓祭懸紙錢於冢。今有用錫箔製式銀元式者。所壓花紋亦細。

端午 以角黍相遺。江干有龍船競渡。今禁止。

中元 僧道作盂蘭會。放燄口。

中秋 天台以十六觀月華。海寧以十八觀潮。與他省異。

重陽 登高飲菊示酒。文人或賦詩。

冬至 爲祀天大典。與孔子八月二十七日大成節並重。

除夕 放爆竹花炮。易於引火。經警察廳查禁。

其他四月八日爲佛誕。事佛者益虔。等而下之。一切神誕。漸隨迷信而破除也。

第五十五章 婚喪

浙江婚喪禮俗。今昔迥殊。察社會之狀況。分舉如左。

婚禮之習俗。

合婚 父母之命。媒妁之言。二者雖備。尙須請星命家合婚。離合決於片言一紙。俗謂之草八字。殆異於古人之問名。可謂之問卜也。杭城命相之多。儼然一職業也。

傳紅 先備小禮。送庚帖。

下盒 先期媒人求新人衣裙尺寸。以備製衣。豫定婚嫁吉期。亦選擇之事也。

花轎 偶有改用馬車彩輿者。

禮節 舊禮拜天。拜祖。拜尊長。今文明結婚。有用鞠躬禮者。亦異於西教之儀式也。

儀仗 前清牌傘。光復後不用。惟鼓樂仍用之。

服裝 大禮服爲正式。男子用之者少。新婦障面芙蓉紗。則最新流行品。

妝奩 有全鋪房一封書之名。言無所不備。然不常有。尋常四箱一廚爲最多。

廟見 完婚第三日行之。杭俗遺風所載。舊禮頗繁。今日趨於簡矣。

喪禮之習俗。

批書 凡人逝世。先請陰陽門眷。名爲山人批書者。選擇入殮之時辰。及月建之宜。避者。然後分報親族。

贈賻 至親有送棉箱被褥者。省城錫箔最多。歲值六七萬元。關係數十萬人生計。樹燈 女婿孫婿乾兒女所送。共佛燈四十九盞。有寶蓋曲柄。

棺殮 底下稍用桴炭草紙。再用七星板壓住。然後以衾褥入殮。

成服 三日請道士念經。設孝堂。

回煞 道士推算以鐵屑赤豆置門口。煞卽不來。

做七 第六日拜十王懺。

百日 做功德。拜大懺。飯僧八十至二百四十人不等。寺鐘貝葉經梵文。僧無識者。

開弔 在出殮前一日。所有器具。素儀店可承辦。

除靈 在禫服將滿之時。利用除日。

入祠 偉人烈士。多於追悼會舉行之。

五十六章 省議會

浙江省議會。在省城高喬巷。原爲總織局舊址。清季設諮議局。宣統元年建築。光復後設臨時省議會。民國二年始正式成立。今日之選舉區域。以道區爲複選區。共定額一百五十二人。各區額數。視選民人數之多寡爲比較。

浙江省議會議決案關於全省利益者如左。

浙海漁業公司 官商合辦經營海洋而捕魚事業。設事務所於鎮海。

浙江水利委員會 調查全省水利及工程上之規畫督促事宜。

浙江省立苗圃 第一苗圃在省城。第二苗圃在蘭谿西鄉。

浙江內河運放竹木取締 由水上警察核明給照。

模範繅絲廠 招商承辦由省欸借給五千元。五年分還。承辦人須有萬元資本。

模範工廠 改良靛青。試辦於江山。改良水產製造。試辦於定海之舟山。

浙江省大富義三倉章程 永濟倉義倉富義倉。規定推易糶補施粥各事項。

甲種水產學校 先設漁撈製造兩科。於寧溫海產豐富地方。實習漁艇。

其關係各地方之利益者尤多。茲舉其著者。

錢江義渡改設輪渡。

補助吳興椒江商業學校。

設置新縣 臨海花橋鎮。寧海亭旁鎮。原有兩縣丞地。併設一縣。擬改爲三門縣。旋以公民等以併縣種種窒碍情形。請取銷原議。因關係地理頗重。附著於此。

其質問各案關係地方最重要事項。分舉如左。

外海上警察巡船事項。

外海商船護船槍械護照事項。

疏濬桐江上游航路事項。

移添統捐分卡事項。

浙西水利經費計畫。

浙江地方實業銀行帳目。

國民代表監督地方行政。爲政治地理之本。本省單行章。全省公民程由之公議也。

第五十七章 省行政

浙江省行政官制自光復時。浙江巡撫部院衙門付之一炬。由軍政府析而軍民分治。其官制殆三變矣。分列如左。

都督時代 民政長

將軍時代 巡按使

督軍時代 省長

省長名義最允。省長公署在蒲場巷。因等高校舍之舊。前臨池水。清光可鑑。節樓憑眺。風景和煦。異於前清舊署。堂高廉遠。是以地方秩序安寧。教育實業。歲有進步。民政使時代四司令分列爲四廳。如左。

內務司 全省警察處兼省會警察廳 太平坊巷

財政司 財政廳 蒲場巷

教育司 教育廳 花市路

實業司 實業廳 柴木巷

巡按使時代。分總務內務教育實業四科。以政務廳廳長總其成。浙江於護國時獨立。曾改設民政廳。共和再造。仍改政務廳。今分列其職務如左。

秘書 有秘書長。機務秘書。警政秘書。財政秘書。司法秘書。別有公報處主任。

第一科 考核他科不屬之事。 第二科 考核關於內務之事。

第三科 考核關於教育之事。 第四科 考核關於實業之事。

浙江省公署。自巡按使時。部定年支一十四萬元。月支一萬一千六百六十六元。較初設行政公署時。月支三萬三千餘元。僅及三分之一。五年度豫算增至二十萬元。

全省警備隊。由省長節制調遣。設總司令部於舊日學署。由地方費開支。國家費補助。歲支百萬。有統帶六員。管帶三十員。哨官哨長。各一百四十員。全隊什伍長號護正副兵七千五百八十四名。分駐瓶窰鎮。梅溪鎮。百官鎮。臨海。衢縣。永嘉。共分六區云。

浙省各公署。除地方行政。分列各章外。若外交部特派員。交涉公署。設在舊將軍署。關係國家對外之權尤重。今本省財政及司法行政。中央已委省長監督。惟關稅及烟酒專賣局。印花分稅處。尚由財政部派員郵電輪路。由交通部辦理。

第五十八章 道行政

浙江共分四道。所處之地位不同。行政特別注意所在。可分論之。

錢塘道 第一等缺。道署設三科。一總務。二內務。三教育實業。及諮議會計收發各員。

道治 省城附郭。公署距省長公署甚近。省長有事。代拆代行。或代表祭祀蒞會。

察吏 道尹爲吏治講習所長。平時考核候補縣知事才能。以備任用。如昔之藩司。

地勢 杭嘉湖平陸。皆江海故地。由洳沮斥鹵。化爲桑麻。故以海塘爲最要大政。

民情 其民富足安樂。其俗工巧華侈。湖山清奇。士勵風節。婦工尙勤。率作。

生計 陸地耕桑。海有魚鹽。環山而處者有竹木。近城市者多工商。

會稽道 第一等缺。道尹俸給八千四百元。公費一萬二千元。經費一萬四千六百元。

道治 通商口岸。輪軌交通。海陸之會。不獨浙海關監督。負交涉責任也。

察吏 會稽習法律刑名者。萃於紹興。吏能奉法。民知守法。可以爲法治國。

地勢 東臨巨海。放船長驅。一舉千里。枕山臂江。島嶼星列。海防尤爲國防大政。

民情 樸茂醇實。矯厲鷲健。有世界知識者。多營業於外。

生計 世界交通。早受激刺。機械駕駛。多從事於實業交通。

金華道 第三等缺。道尹俸給四千八百元。公費七千二百元。經費一萬三千元。

道治 衢爲浙上游。形勢重於蘭谿。故由門戶移治堂奧。

察吏 金華民淳訟簡。蘭谿則輕諾而訟多。可以無事治。不可以多事理。

地勢 南抵甌閩。西界皖贛。下瞰吳越。陸則峭嶮萬重。鳥道一線。諸水所會。入於江。

民情 東陽尙勤。義烏尙武。常山尙儉。其君子多輕世而傲物。

生計 山多田少。水淺地磽。木炭紙茶之利。以興。割漆榨油畜豚。以爲副產。

甌海道 第二等缺。道尹俸給七千二百元。公費九千六百元。經費一萬三千二百元。

道治 永嘉東南名郡。距省獨遠。依山爲城。環海爲池。甌江流域。自成一都會。

察吏 民以賦役後期爲恥。故不煩催科。慶元等縣教育待興。關係尤重。

地勢 大海界其東。羣山環於內。礬礦已獲大利。其他礦產。正待探勘。

民情 東甌王信鬼。故多祠宇。其俗質實。處州尤躬儉。尚樸素。

生計 稻麥豆歲三熟。夜浣紗而日成布。名雞鳴布。

第五十九章 縣行政

浙江各縣行政共分爲三科。縣知事俸一等月三百元。二等二百六十元。三等二百四十元。合署內自辟椽屬分四等。一、二等中兩縣七百元。其餘一等月五百五十元。二等四百六十元。三等月三百八十元。其行政事項如左。

第一科 其職掌爲政務。其關係政務各機關於左。

警察所 以縣知事爲所長。警佐專其責成。

警察分所 各鄉大鎮市設置。以警佐駐之。如昔日之分防。

保衛團 每團設團總、保董、甲長、牌長。常駐團丁、義務團丁、組織之。

自治委員會 有城自治、鄉自治等機關。杭縣名自治公所。

商會 爲縣城最有實力之團體。成立較早。會款較裕。

農會 分縣農會、鄉農會二種。

貧民習藝所 或名貧民工廠。

其他慈善機關 如貧兒院、牛痘局、施醫局、各善堂之類。或以縣稅補助辦理之。

第二科 其職掌爲財政。其辦理財政事宜如左。

(一) 征收國家稅事項。如地丁、糧捐、抵補金、契稅、屠宰稅、印花稅、牙稅、當稅、烟酒牌照稅。皆屬國稅大宗。悉報解於國庫。

(二) 征收地方稅事項。如自治附捐、抵補金、附捐、學款、警款、公益費、準備金。皆爲附加稅大宗。仍用之於地方。

第三科 其職掌爲教育。設教育主任及助理之外。又有縣視學爲知事耳目。巡迴視察。其所轄分設之機關如左。

勸學所 爲全縣教育之總機關。調查學齡。支配學款。補助縣知事。管理縣立及城鄉之國民學校。

縣教育會 爲全縣研究教育機關。改良私塾。以合於國民教育。庶幾普及。其分會則爲城鎮鄉教育會。

縣立高等小學校 縣立乙種實業學校
通俗圖書館 各縣必須設立。鄉鎮亦設分館。及巡迴文庫閱報社。宣講所。

第六十一章 督軍及省城軍備

浙江舊設巡撫。節制提鎮。兼有撫標之兵。且有浙江將軍。率八旗兵駐防。民國維新。都督實兼有舊日將軍之重。寄共和統一。興武將軍。功在不朽。及共和再造。定名督軍。實昔年總督之別稱。專理軍務。以省區爲軍區。暫編陸軍二師。以重國防。

浙江督軍公署。在省城梅花碑。爲前清織造之舊署。本爲旗缺。光復後缺裁。此亦革命大紀念也。曾改第六師司令部。興武將軍曾建軍署於興武路。規模壯麗。然由兵家形勢言之。不若梅花碑之深處堂奧也。

省城附近駐兵之地。佑聖觀距軍署最近。猶右臂也。第四師之精銳駐焉。水亭趾設有柵欄。查夜甚嚴。閩閩得以安枕。浙江第一第二兩師分駐國境。近則援閩出發焉。督軍公署之官制。承都督將軍之舊制而損益之。設參謀長領參謀處。分軍務、軍需、軍法、軍醫、四課。各置課長課員。副官處置副官長。有電務、密電、收發、庶務各處。繕校室、文庫、石印所。分派員生司事。以重職守。軍署經費。照中省年支七萬八千元。浙江夙爲儒將所出。軍事教育尤爲重要。其機關如左。

陸軍譯學館 軍學補習所 憲兵研究所 皆先後畢業

陸軍測量局 班員分一二三等。按成績積分以遞升。在舊藩署。有測繪學校。

陸軍同袍社 有談話及講演。並赴笕橋各團營。宣講關岳傳記。並組織體育會。

軍事編輯處 兵事雜誌。分圖書論說學術戰史法令公牘列國軍情國內要聞及

別錄雜俎文藝小說。月出一冊。並刊軍事教育各書。風行各省。

浙江陸軍組織完備。因世界科學以發達。其機關如左。

陸軍醫院 在保叔山。地勢軒敞。合於衛生學。又軍馬治療所。在大螺螄山。

軍樂隊 在舊糧道署內。研究樂典。共奏國歌。足以激起青年豪氣。

工兵連 在錢王廟。捍海錢塘。至今民思其德。防海如防敵也。

浙江省城憲兵司令部。在上倉橋。旅司令部。在饅首山。軍械局。在報國寺。糧秣廠。在武林門。被服廠。在柴木巷。機關鎗連。在梅花碑。礮兵團。在西湖慶昭寺。騎兵全團。駐笕橋。陸軍監獄。在百歲坊巷。沿滬杭路之嘉善嘉興及崇德。皆省城之要害。是以分駐各營。全省軍費。三百六十萬元。增至六百萬有奇。

第六十一章 鎮守使之軍制

浙江曾設有提督一員。駐紮寧波。統轄水陸各師。並於處州鎮、衢州鎮各設總兵一員。節制綠營。有副將、參將、游擊、都司、守備、千總、把總、外委等官。凡營兵二萬四千八百二十人。原有營產。暫緩標賣。今鎮守使其體制。若昔之提鎮。分別如左。

嘉湖鎮守使 陸軍部列爲中缺。年支經常臨時費三萬六千元。嘉湖與蘇境。水陸皆通。軍隊查街。並於水道添築水柵五十餘處。又於南潯、泗安、屠甸、石灣、王店各鎮。添設軍用電話。布置嚴密。陸防之重要者。曰嘉興、曰嘉善、曰楓涇、曰沿路、站線。曰吳興、曰泗安、界牌關。每處一二營。界上嘉善、吳興、桐鄉三縣。與蘇聯防。昌化、淳安以南。與皖聯防。太湖警察。亦會同江蘇。設立專署。江蘇轄地較多。担任經費三分之二。太湖山在孝豐、安吉各縣交界。已成盜藪。鎮守使呂公望。督孝豐縣知事林觀光。越境緝獲要犯多名。太湖宴然。

寧台鎮守使 陸軍部列爲簡缺。年支經常臨時費三萬四千元。台防警備隊。改編游擊隊。歸其節制。黃巖、天台、溫嶺、仙居、臨海。請領鎗械。沿海陸防之重要者。曰寧波、曰

鎮海、曰温州、曰台州、甌甬洋面。時報盜警。鎮海要塞總台官。擇重要口岸。酌設警鐘。定海玉環。與閩聯防。以禦海氛。江山開化。景寧龍泉。宣平亦與閩聯防。以戢山盜。凡外人游歷。妥爲保護。并察其行動。外國兵艦來往。由本國兵艦跟蹤防護。商船進口。卽由海關嚴密稽查。漁船夜行。巡船須隨時注意。嚴禁私運軍火。及外人測繪地圖。嘉湖形勢。昔日形勢。在嘉興府屬者。莫重於乍浦。所激浦。所今二所。海塘重要。海防並不重要。因水淺而潮湧。不足以停巨舶也。濮院。沈新城。沈王江。涇。皆曾駐兵。舊日湖州府屬。則有雙林。沈含山。沈菱湖。沈爲左翼。四安。馬要。烏鎮。南潯。獨松。關爲右。大錢。伍浦。新涇。港。元通橋。楊樓。喬樓。陸家灣。夾浦。斯圻。敵樓。香山。大沈瀆。西莊。新塘。七埭。漾。小沈瀆。各汎。皆自來用兵駐守之地也。

台州等處形勢。梅嶽。桃渚。爲左翼。赤墘。漚浦。關頭。爲右翼。吳都。小雄。泗淋。爲中權。小圓山之礮臺。烏巖。汎之輪防。寧海有石橋。西廓。大橫。健跳。響巖。海游。曼巖。東巖。牛腿。東山。越溪。拓浦。胡陳。大胡。下應。上下浦。缸窰。海口。西塾。溫嶺。有松門。隘。頑。江下。金清。但昔年紅衣馬蹄。百子蕩寇。諸礮。多已朽廢。新器日出。兵備宜求改進也。

第六十二章 海軍

浙江海軍。前明已設衛所。以固海防。前清於海門鎮、溫州鎮、定海鎮、各設總管一員。節制水師。共有一萬二千五百三十二人。其編制亦同於綠營。今海軍形勢迥異。曠昔。其關於浙江者。分列如下。

象山灣軍港。海軍各艦操演水陣。并以軍港爲駐泊之所。建築工程浩大。需費尤鉅。迄今未成。已用三四十萬元。經次長曹嘉祥駐港督工。費絀未竟。

招寶山衛戍區。離鎮海一里。有天后宮。山勢雄壯。爲寧波門戶。有鎮遠、威遠、綏遠、安遠、平遠、宏遠、各礮臺。其他沿海礮臺。由總臺官查明地點。一律規復。沿海之要隘。燈塔最重。依海面編號。詳註地名。如左。

三十八號 臨海縣北魚山

三十九號 鎮海縣七里嶼

四十號 文虎蹲山一名八嶼

四十一號 定海洛伽山北角、普陀南之東

四十二號 定海小龜山兼江蘇之領海、

四十三號 定海嶼心島、一名福而該奴島、

四十四號 江蘇崇明縣自節山南頂兼浙江之領海、

警船浮類

第一號 鎮海甬江中游山江礁、

警船椿類

三十五號 永嘉縣江心寺石上、

三十六號 鎮海縣金塘州南角、一名鱷魚角、

三十七號 又金塘內鵝礁、一名布難得礁、

三十八號 又虎蹲山尾礁、

三十九號 夏老太婆礁、即大游山東北角、

三門灣瞭望樓 三門灣爲浙海第一門戶。今於港內廟島築一瞭望樓。並設電鏡電

鈴。直達靖江礮臺。駐防軍艦。游弋不定。不備錄。

第六十三章 警察

浙江全省警察處 民國五年由前巡按使查照部頒整頓警政辦法大綱呈准設立。嗣因浙省獨立旋浙江警政廳統轄水陸營警事宜。是年十二月改組全省警務處專管陸警。七年五月遵照中央頒布各省區警務處組織章程改組內設秘書二員分設第一、第二、第三、第四、四科每科設科長一、科員二、視察長一、視察員八、技正一、技士一、警員若干。民國二年遵照中央頒布地方警察廳官制就省會警察局改組共分四區。處廳均設太平坊廳內分總務、行政、司法、衛生四科。每科設科長一、總務、衛生、設科員二。其餘設科員一、勤務督察長、督察員、技士各一。外四區各設署長一。

浙江省城警區之分割如左

- | | | |
|-----|--------|------|
| 第一區 | 省城城站等處 | 分駐所七 |
| 第二區 | 新市場及西湖 | 分駐所五 |
| 第三區 | 拱宸橋湖墅 | 分駐所四 |
| 第四區 | 關口江干 | 分駐所二 |
- 各所設署員一

浙江省會警察分編各隊如左

巡邏警察隊 保安警察隊 偵探隊 消防隊

浙江全省警費一百二十八萬元。警額九千一百九十二名。分列如左。

全省警務處 四九〇〇〇元

省會警察廳 三三九〇〇〇元 二千八十六名

杭縣四鄉 四二〇〇〇元 三百十四名

寧波 一一八〇〇〇元 六百九十名

永嘉 三三〇〇〇元 三百二十九名

七十二縣 六九九〇〇〇元 五千七百七十三名 由省酌劑盈虛支配

衛生事項 省城有浙江病院、惠民病院、各縣間有醫局。省城清道檢驗屠宰甚嚴。慈善事項 省城同善堂、育嬰堂、普濟堂、濟良所、平民習藝所、貧民工廠、棲流所、貧兒院、均紳富創辦。或官款補助。冬季由三倉開辦粥廠。以惠貧民。

特別警察 山林巡警。惟孝豐所特有。路警 鹽警 法警 各隸於所屬機關。

第六十四章 水上警察

浙江水上警察分內河外海兩廳。

內河水上警察廳署設拱宸橋臨運河。其區署分駐之地如左。

第一區第一隊 拱宸橋 分塘棲。良渚。三里洋。三墩。各分隊。均在杭縣境。

第二隊 紹興江寧橋 分紹興馬山江橋。太平橋。樊江。餘姚。斗門。各分隊。

第三隊 杭縣江干水登橋 分杭縣聞口。富陽。蕭山。聞家堰。義橋。各分隊。

第四隊 蘭谿下卡 分蘭谿附八坊。建德。東關。麻車埠。龍游。茶圩。衢縣。朝

京埠。金華大橋頭。各分隊。

第二區兼第五隊 嘉興城 分崇德。石門灣。洲泉。桐鄉。雙橋。嘉興。陡門。報忠。埭。

第六隊 嘉興王店 分嘉興鳳喙橋。新篁鎮。桐鄉濮院鎮。海寧硤石鎮。

第七隊 嘉善干窰 分嘉善天凝莊。冶窰。三店。嘉興塘匯。

第八隊 嘉善西塘 分嘉善俞匯。南匯。陶莊。嘉興丁家棚。

第九隊 平湖 分平湖虎嘯橋。新埭。嘉善鍾埭。嘉興新豐。

第三區兼第十隊 吳興南潯 分南潯。織里。晟舍。北廻橋。皆吳興地。

第十一隊 長興虹星橋 分和平鎮。呂山。大東門。虹星橋。皆長興地。

第十二隊 吳興菱湖鎮 分吳興下昂。菱湖。德清洛舍。雷甸。

第十三隊 吳興烏鎮 分吳興烏鎮。雙林。練市。德清新市。

第十四隊 長興夾浦 分吳興大錢小梅。長興新塘夾浦。

遊巡隊巡艦五 一禦武 二中華 三致果 四翊麾 五宣節

外海警察廳。其管轄區域。以寧台溫爲重。又甌江派出所。亦由內河撥歸外海管轄。

遊巡隊兵艦五 一超武 二新寶順 三永福 四永靖 五永定

警額 一千四百七十二名。分隸十一署。

經費 三十二萬九千七百七十一元。

寧屬商捐 八千七百元。
台屬商捐 五千一百元。
漁團編戶給牌。所以護商緝盜。輔水警之

沿海漁團
溫屬商捐 六千二百元。
不足酌收照驗費。以資補助。

第六十五章 財政歲入

浙江財政國家稅所收入。依五年度豫算。列於之左。

租稅 一一、七四九、七八五^元 田賦、漕南抵補金、屯糧、租課、捐稅、等。

雜收入 二五五、四八五^元 司法收入、官產生息、塘工、綱捐、息款、當帖、漕糧、官股。

中華財賦倚東南。蘇爲冠。浙其亞也。浙西十數縣。水腴土沃。賦率最高。承宋襲明。殆八百年。其他諸縣。亦銀米兼收。視西北諸行省。不啻倍蓰。徵商曰釐。示千取一。於浙言財政。除鹽綱關權。既有專官外。則舉其大端。不過租稅及雜收入二大端而已。

諸縣舊徵米。別爲漕南。漕者輸致京倉。南者留資軍餉。今易而徵銀。此外尙有祭祀孤貧等米。附徵於南糧。今改爲抵補金。每斗折銀三角。其南米不及三角者。照舊辦理。各縣地丁折徵銀元。正稅每兩一元五角。糧捐三角。特別則五角至一元不等。是以昔徵一兩者。今徵二元有餘。多者至二元八角。田地山塘四項。最高最低之限度。又各不等。額徵之類。減去荒淤爲應徵之數。減去蠲緩拖欠爲實徵之數。是以歷年不同。但可約計其大概耳。

浙江省民國六年度省地方歲入三百二十三萬二千一百七十六元。其要目如左。

地丁附加稅

七一三、三八九元

共七十四縣。玉環無。

漕南等米抵補金附加稅

六八六、二二九元

共六十三縣。

屯糧及租課附加稅

一一、〇六四元

舊日六衛及樂清代徵玉環租穀。

貨物附加稅

八九六、四〇〇元

百貨、茶、糖、烟、酒、絲、繭、花、紗、綢、緞、捐。

雜稅捐

五三五、一五三元

錢、當、牲、畜、油、雜、船、貨、房、警、船、牌、捐。

雜收入

三二八、九四一元

省款、公產、租息、學費、田租之類。

臨時雜收入

六〇、〇〇〇元

繳還公款。

浙省光復以後。各縣自治團體。依據本省單行自治章程。紛紛於統捐徵收貨物。帶收附捐。東鱗西爪。自爲風氣。負擔不得其平。懋遷多生障礙。而紛爭羣起。支配尤難。民國三年。行政公署。據部頒稅法草案。將是項附捐。規定統一。定名貨物附加稅。委託各徵收局帶收。舊有自治各項附捐。一律取消。各屬學校、警察、慈善、公益。向取資於附捐者。仍照案撥給。地方應行振興實業。并酌量在此項附稅補助。

第六十六章 財政歲出

浙江財政國家稅所支出。依五年度豫算。列之於左。

認解中央欸

一、五〇〇、〇〇〇元

劃解中央償還英德金欸。

舊欠內外公債

九九〇、二〇〇元

禮和洋行本息。愛國公債。實業銀行押欸。

陸軍部所管

七九八、四三二元

購置服裝。建營舍。退伍年金。各特別費。

五、四〇〇、〇〇〇元

督軍署。及兩師。測量局。編輯所。經常臨時費。

內務部所管

九五二、二七八元

省公署。警察廳。參衆兩院議員。旅費。特別費。

二、六一四、三九五元

省長公署。道縣公署。警察廳。經常臨時費。

外交部所管

二六、一七〇元

特派交涉署經費。招待外賓。商埠交涉。

農商部所管

一八、六五七元

鑛務林務專員。南京河海工程學校等。

司法部所管

八〇七、三二一元

各級審檢廳。各縣司法。及法警監獄等費。

財政部所管

六〇八、六七三元

財政廳各捐局。徵收費。聯票印刷費。

浙江共和以來。秩序安輯。軍府節蓄儲蓄。省署協濟中央。洵非他省所及也。

浙江省民國六年度。省地方歲出三百萬零零四千八百一十三元。比歲出相抵。尚盈餘二十二萬七千三百六十三元。全數作為豫備金。於本省有特別需要時。經省會議議決。得支銷之。其豫算分內務、財務、教育、實業、四端。分列如左。

內務費

經常 一、四六七、三五五元
省議會警備隊。省城警察。工程。水利之類。
臨時 一八五、五二七元
延會。初選。複選。測繪。修葺。通志局之類。

財務費

經常 一六一、五九三元
各項徵收經費。
臨時 無

教育費

經常 八五六、二三六元
各學校、圖書館、及留學經費。
臨時 一五三、七三九元
營造、購置、聯合運動之類。

實業費

經常 一一六、五〇三元
農場、農會、苗圃、工廠、商品陳列所之類。
臨時 六三、八六〇元
開墾、籌備、修繕、購置之類。

國積民而成。徒會箕歛。力屈已久。以地方之財。發展地方事業。觀歷年省議會豫算決算。綜覈精密。知邦基之立。必理財而後。可言救國也。

第六十七章 稅關

浙江之海關。開關商埠者。三。分列如左。

杭州關監督。杭州商埠在武林門外。原有大關。卽北新關。清季同治間左文襄奏罷之。大關之北。爲拱宸橋。跨運河之上。橋下可通小輪船。光緒甲午。中日和議成。關爲商埠。日本人來者日多。日本領事署在石塔兒頭。英國亦設領事於此。杭關監督公署。卽在拱宸橋堍。所有旅館茶樓戲園娼寮。大抵摹擬上海。日本浪人有演劇集賭售煙者。戴生昌小輪船公司。挂日本國旗。深入內地。閘口雖非通商口岸。已有美孚亞細亞煤油行棧。出口則以絲茶爲大宗。歲值二千萬元。

浙海關監督兼甯波交涉。甯波開埠。在五口通商之始。浙海鈔關。實始於康熙二十五年。差部員監督。雍正以後。甯紹台道兼理。道光二十五年。因南京條約開放。洋關商港。咸在甬江之岸。西對縣城。人口二十六萬。商務發達。冠於全省。甯波同鄉會團體最固。多經商於海外。甯波商埠。有英日奧二國領事。蓋唐時日本使臣。卽由此登陸。明時葡萄牙人。卽斂關互市。濱海而處。漁船出入多至八千餘隻。輸

出海外者以平水茶、棉花、絲綢、紙扇、草帽爲大宗。歲值一千四百萬元。

甌海關監督兼温州交涉 温州商稅。清初因距浙海鈔關遙遠。委令溫處道就近

監收。光緒二年與英人締結煙臺會議條約。開爲商埠。有英日奧三國領事駐此。通商港在永嘉城北。人口八萬。街市寬廣清潔。商務未盛。樟腦明礬。尤爲出口大宗。茶業亦盛。歲值約計一千萬元。

浙江稅關監督。雖由財政部請簡。實權則在稅務司。備聘客卿爲政。且關稅值百抽五。訂入條約。稅款所入。又抵作賠款。借款。愛國志士悲之。

浙江開關以來。商民仿上海開設報關行者日多。如拱宸橋之天寶琛、恒義公、萬豐之類。皆依稅關以爲生活者也。

外貨入口。究竟以歐美爲大宗。英美煙公司。銷耗吾民之經濟最鉅。觀美孚亞細亞兩公司。自置輪船。自置油車。自置油池。想見煤油大王商戰之烈。廣告尤多。日本商品如仁丹、清快丸各藥。其消耗亦近於紙烟。商標廣告亦深入內地。不止爲稅關大宗也。出口貨少。入口貨多。現金外溢。國是以速貧也。

第六十八章 統捐

浙江省財政廳分設機關。以統捐徵收局爲多。茲舉其總分各局地點如左。

杭縣

分城站、登雲橋、良山站、東新關、觀音關、板橋、良渚、寬橋、臨平、喬司、鳳山門、良山絲捐、分南、北、西、臨平、江干、喬司、三墩、廠紗稽徵局、駐拱宸橋、關口統捐、分螺螄埠、江船埠、

富陽

分新開場徵收浮山、留下、大諸橋、慶豐關、但收茶捐。

硤石

分鎮東、鎮南、袁花、舊倉、海昌、駐長安鎮、分宜家橋、斜橋、周王廟、查塘、

石塘、許村、塘樓、分武林頭、八字橋、餘東關、分瓶窰、閑林、

嘉興

分新陸、王店、王江涇、新篁、塘滙、平湖、分廟橋、乍浦、青陽滙、白沙、西門、

嘉善

分楓涇、西塘、俞匯、

海鹽

分沈蕩、及桐鄉南門、濮院鎮、石門灣、青龍橋、屠甸、

吳興

分百民橋、潘公橋、務前河、輪船埠、新市、分東西南北小南五柵、虹橋、應雷殿、烏鎮、分西南北三柵、及槌市、菱湖、分東南北大西四柵、及善山、裏河灘、雙林、分萬元、漁浦、祐村、

武康

分楊樹灣、三埠橋、長興、分豐樂橋、夾浦、新塘、南潯、分東西南北小

西五柵、溱里、孫家壩、馬要、陳澆、

雲水橋

分大錢、小梅、織里、大漣、錢澆、鄞縣、分濠河、南門、蟹浦、龍場、招寶山、丈

亭、甬站而柴橋、甬北、定海、奉化、天童、穿山、霽霽、寶幢、橫溪、韓嶺、泥堰、各茶捐、

寧波洋廣捐 分新江橋、咸昌門、何家街、寧波船貨捐、分江東船、小江船、後海、

寧波閩貨捐 分鎮海、紹興、分東西路、車家埠、探花橋、周家橋、

紹興洋廣捐 分新埠頭、餘上慈鎮花捐兼餘姚徵收局、分竹山港、竹山橋、候

青站、馬渚站、統捐、崧廈、下陳、古窰、浦龍場、鎮海、百官、鄞站、南匯花捐、

安昌統捐兼花捐 分瓜漚花捐、龜山莫家港西卡統捐、衙前華舍絲捐、蕭山頭蓬鎮、倉前鎮、丁

曹娥 分蕭壩外江內河、百官外江車站、梁湖、賀家埠、桑盆、新建、塘灣、倫塘、上躡、亭下、六詔、

聞堰 蕭山 局設義橋鎮 分外江、內河、蔣家埠、浴美橋、新壩、廠紗、 分東江、嘴內、河、潭頭、村口、西興、俞家潭、外江、義橋、內河、井亭、徐、蕭山西門外、

海門 分巖頭、金清、石箬、河頭、江廈、關嶺、西墊、蘭谿、分馬口嘴、南門、黃盆灘、

嚴東關 分南門、威坪、黃光潭、龍游、分衢縣及湖鎮稽查所、

常開 駐常山縣、分招賢、華埠、西門、南門、官塘塢、清湖、大溪灘、

永嘉 分西門、雙門、南輝、蒲洲、狀元橋、竹嶼、及大荆茶捐、溫洋廣貨捐、

瑞安 分南門、西門、平陽、古鼈頭、赤溪、嶺門、麗水、分廈河、青田、龍泉、

第六十九章 鹽法

兩浙之名。惟鹽法足以當之。浙鹽區域。北括蘇松。西及皖贛。今兩浙鹽運使署。在省城金衙莊。兩浙鹽業協會。在舊運司署。鹽務稽核造報分所。在下馬市街。浙鹺公所在薦橋。雜誌則有兩浙鹺政錄。學校則有私立鹺業學校。所轄鹽場二十五處。冬日產鹽每月十餘萬擔。夏日產鹽。每月多至三十餘萬擔。原定全年分銷二百一十五萬六千擔。六年豫算。增至二百三十萬擔。茲舉各場每月最多產額如左。

仁和場	煎鹽一萬擔餘	杭縣地	許村場	煎鹽八千擔餘	海寧地
黃灣場	煎鹽七千擔餘	杭屬地	鮑郎場	煎鹽九百擔餘	海鹽地
海沙場	煎鹽九百擔餘	海鹽地	蘆瀝場	煎鹽四百擔餘	平湖地
大嵩場	煎鹽一百擔餘	鄞縣地	鳴鶴場	晒鹽四百擔餘	慈谿餘姚界
岱山場	晒鹽八萬擔餘	定海北	穿長場	晒鹽三千擔餘	鎮海穿山長山
清泉場	晒鹽一千擔餘	<small>鎮海</small> 鄞縣界	玉泉場	煎鹽三千擔餘	象山地
三江場	煎鹽二萬擔餘	紹興地	錢清場	晒鹽三千擔餘	紹興蕭山界

東江場 煎鹽二萬擔餘 舊紹屬 金山場 煎鹽一萬擔餘 舊紹興

餘姚場 煎鹽十萬擔餘 餘姚地 黃巖場 煎鹽五百擔餘 兼臨海溫嶺界

杜瀆場 煎鹽二百擔餘 舊台屬 長亭場 煎鹽一百擔餘 寧海地

雙穗場 煎鹽三千擔餘 瑞安地 長林場 煎鹽二千擔餘 樂清地行處屬

上望場 煎鹽一千擔餘 舊溫屬 南監場 晒鹽一千擔餘 平陽地古熬頭

北監場 晒鹽四千擔餘 舊溫屬玉環坎門

兩浙鹽區兼銷鄰省者如左。

許村場 行安徽廣德、江蘇溧陽宜興、

黃灣場 行安徽廣德、郎溪、江蘇蘇常鎮、

錢清場 行安徽舊徽屬、三江場亦行舊徽屬、

金山場 行安徽舊徽屬、及江西廣信、餘姚場三江場亦行廣信、

閩鹽由福建漁船商船載入溫處在鎮下關完稅運往寧波台州照現行稅加征。若崇明商船夾帶淮鹽漁船偷輸山東長蘆鹽皆在兩浙緝私局之例禁云。

第七十章 司法

浙江省司法各官廳均在省城錢塘路。規制一新如左。

浙江高等審判廳 廳長一。庭長三。推事五。候補推事二。書記官長一。書記官十九。

浙江高等檢察廳 廳長一。首席檢察官一。檢察官二。書記官長一。書記官八。

杭縣地方審判廳 廳長一。庭長一。推事五。候補推事二。書記官長一。書記官八。

杭縣地方檢察廳 檢察長一。首席檢察官一。檢察官二。書記官長一。書記官三。

省監獄署 監獄長一。主任看守長三。技士一。候補看守長一。西醫一。

省城以外設有地方審檢廳者。因商埠所在或爲道治也。

鄞縣地方審判廳 廳長一。庭長一。推事五。候補推事二。書記官長一。書記官八。

鄞縣地方檢察廳 檢察長一。首席檢察官一。檢察官二。書記官長一。書記官三。

金華地方審判廳 廳長一。庭長一。推事二。候補推事二。書記官長一。書記官六。

金華地方檢察廳 檢察長一。檢察官二。候補檢察官一。書記官長一。書記官三。

永嘉地方審判廳 與金華同。

永嘉地方檢察廳 與金華同

地方廳以外又有第一第二高等分廳如左

金華高等審判分廳 監督推事兼庭長一。推事二。候補推事一。

金華高等檢察分廳 監督檢察官一。候補檢察官長一。書記官三。

永嘉高等審判分廳 與金華同。

永嘉高等檢察分廳 與金華同。

按清季省城設高等審檢廳。杭寧溫三府各設地方審檢廳。仁錢鄞永四縣暨拱宸橋商埠各設初級審檢廳。均於光復時解散。民國元年。臨時省議會議決設省法院及檢察廳於省城。第一至十一地方法院及檢察廳於各舊府治。設縣法院七十五處於各縣治。及看守所。後漸次裁改。乃如今制云。

律師公會 省會一百八十餘人。鄞縣金華永嘉亦設公會。

司法收入 歲計約二十萬。一訴訟費。二狀紙費。三抄錄費。四沒收金。五罰金。

改良監獄 已設地方廳之處。均設地方看守所。其餘各縣。漸注意衛生及工作也。

第七十一章 各縣司法

浙江省各縣知事兼理司法者其組織如左

承審員 由縣知事薦請高等審判廳廳委任。限於法政專門學校畢業。或候補縣知事。所有審判案件。仍由縣知事負完全之責任。其偏僻小縣訟牘無多。縣知事自行審訊。或不設承審員。

書記 由縣知事委任。承辦司法文牘事務。

錄事 由縣知事考選文理清順。書法敏速者。凡錄稿錄批。以及當堂錄供。關係甚重。有由書吏改業者。

承發吏 送達民事傳審文書。及強制執行事宜。

檢驗吏 卽昔日之仵作。專任驗傷驗屍事宜。

司法警察 以拘傳刑事犯人爲其職務。

管獄員 由高等裁察廳委派。管理監獄事宜。今改良監獄。教授作工。成績尙少。亦因經費不足。防範難周。舊式監獄。不適工作之用。囚糧實報實銷。在司法收入。可

以撥補。

看守所 凡未決犯留置者入看守所。已決則收入監獄。雖判決而未確定者亦入

看守所。

待質所 民事案件暫時候審之處。傳票已豫定時期屆期而未屆時者人證於此

守候。

收狀處 派錄事辦理。亦有由縣行政收發員兼理者。所有晚清門政之習業已剷

除。狀式照部頒定價。不能抄者由錄事收繕狀費。民事訴訟應貼印花稅。均照部

章辦理。

教養院 獲盜無確證者撥入。亦感化教育之一也。

昔日知縣署之刑名幕友。皆以紹興人世習其業。不但在本省各縣。即各省各縣之幕府。無不有之。雖極邊偏僻之地。苟能有賢有司。聽訟能得其平。則成邑成都。如會稽之生聚教訓。若紹興秋桐。豫之治吉林黑龍江。即以提法裁判。爲政治之本也。堯舜之世。訟獄謳歌歸焉。是所望於民之父母也。

第七十二章 教育行政

浙江教育行政機關。自清季改提督學政。爲提學使司。光復後又數變矣。其概略如左。

教育司 民政長行政公署。簡任職司長。具稿案呈。如各部司長。

教育科 巡按使署政務薦任待遇科長。爲椽屬幕職。

教育廳 教育部請簡。

浙江省教育廳成立以來。其分科組織如左。

第一科 掌管印信。收發文件。整理案卷。擬撰機要文省。辦理獎案。統計會計。庶務。

第二科 主管普通教育。社會教育。及縣學務機關設立變更事項。

第三科 主管專門教育。甲乙種實業教育。及外國留學事項。

浙江省視學。分區視察。應將該區教育狀況及整理方法。詳細其報廳長。

第一區 區域臨時指定。或以道區域爲區域。

第二區 同

第三區 同

第四區 視學五人。留一人在省。整理報告編輯。故分爲四區。

浙江省教育行政之統計。其大綱如左。

學校	校數	人數
國民學校	五三六二	二五一〇四一八
高等小學	六六四	四二二四〇
乙種實業	一二	一四八七
中學	二五	四三九五
師範學校	一一	一〇三七
女子各校	一八二	一〇一九八
甲種實業	八	九八三
專門學校	二	六七六

浙江教育行政大端。以勸學所長會議爲最重。檢定教員。調查學齡兒童。次第舉行。其考試日本留學生。籌備浙江大學。升辦農工商專門學校。皆關係至重也。

第七十三章 普通教育

浙江省普通教育。首重師範。校址區數。視昔年十一府之區畫。且係半費。中學區域同。

編號	校址	師範名額	師範經費預算	中學生名額	中學經費預算
第一	省城	三九七	四二、三〇九	二八〇	一六、一〇六
第二	嘉興	八〇	九、九三二、	二七〇	一七、〇〇六
第三	吳興	八〇	九、九三二、	二〇〇	一四、八二八
第四	鄞	二四〇	二六、四六七、	三二〇	一八、五九〇
第五	紹興	二四八	二四、五〇八	二四〇	一三、三五二
第六	臨海	八〇	九、九三二、	二七五	一五、九三八
第七	金華	二四六	二三、三三四、	三七五	一七、六七四
第八	衢	八〇	九、九三二、	二六〇	一五、一八八
第九	建德	八〇	九、九三二、	三〇〇	一五、四三四
第十	永嘉	二二七	二四、八一	三二〇	一九、一六二

十一 麗水 二〇五 一二一、一七七、 二七〇 一五、二六四

女子 省城 二四〇 三〇、五二四

浙江省立女子師範只一校。縣立女子師範。受省款補助者五。亦無異省立也。

嘉興縣立 寧屬縣立 以上二校各補助二千元

紹興縣立明道 台屬縣立 虞屬縣立 以上三校各補助一千元

浙江省立中學以外。私立中學。受省款補助者三。縣立中學受省款補助者一。

私立安定中學 私立宗文中學 均在省城各補助三千元。

黃巖私立扶雅中學 諸暨縣立中學 各補助一千元。瑞安、永康、嵊縣、東

陽、均有縣立中學、私立體育學校。略與中學同等。補助三千元。

浙江尚無省立女子中學。省城有私立惠興女學。捨身殉學。今由高等小學畢業。升辦中等一級。即名曰惠興女子中學校。原係私立。受縣款補助。

浙江省城尚無千人至二千人以上之模範小學。至於改良私立學校。欲去其私塾舊習。尚待合併年級。化散爲整。調查學齡。俾及時就學。宜自省城始。

第七十四章 專門實業教育

浙江專門學校二。曰醫藥。曰法政。分列如左表。

名稱	校址	學生	經費豫算數	附記
公立醫藥專門學校	省城於院前	一九五	六〇、七八二	有附屬病院
公立法政專門學校	省城馬坡巷	三三九	一七、五九二	
浙江甲種實業學校六。曰農業。曰蠶業。曰水產。曰森林。曰工業。曰商業。分列如左表。				
名稱	校址	學生	經費豫算數	附記
省立甲種農業學校	省城北笕橋	二二七	二七、九九一	分農林獸醫
省立甲種蠶業學校	西湖金沙港	九五	一七、一二四	歲有養蠶費
省立甲種水產學校	臨海	一〇三	一一、七二二	分漁撈製造
省立甲種森林學校	建德南門	八〇	七、六八六	有實習造林場
省立甲種工業學校	省城報國寺	四五〇	五九、七二四	最重應用化學
省立甲種商業學校	省城平安橋	二〇〇	一四、一六八	有銀行實踐室

浙江各縣立甲種實業學校。受省款補助者有四。

寧屬縣立甲種工業學校 寧屬縣立甲種商業學校 均補助三千元

吳興縣立 溫屬縣立 台屬縣立各甲種商業學校 均補助一千元

浙江尙無省立女子職業學校。惟省城一校。原係私立。在奎垣巷口。由省款補助四千元。近擬收歸省立云。

浙江留東西洋學生。皆係專門實業。分列如左。

歐美 學生三十名 每月一百六十元

日本 學生一百四十名 每月四十二元。或三十六元。三十三元不等。

浙江學生。肄業北京大學。及農業專門者。本省酌給津貼。如左。

北京大學 六十七名 每省年給六十四元

北京農業專門學校 十五名 同前

浙江人士。服務北京教育部大學校者甚多。歷任教育總長。大學校長。多係浙人。浙學洵爲國學之光矣。今省教育會。建議於省議會。設浙江大學。誠當務之急矣。

第七十五章 社會教育

浙江社會教育。由教育家依法令組織者。以省教育會爲中堅。萃古今學術。研高等教育。莫盛於公立圖書館。其關於通俗教育者。則有公衆體育場。通俗圖書館。及擬設之模範通俗講演所。若報章及閱報所。舞臺及文明劇。以及改良說書之類。將以次設施焉。分叙如左。

省教育會 在省城新市場。新建會場。規模宏敞。每年由省補助款四千元。民國六年。全年教育會聯合會。開會於此。七年前都督湯壽潛。捐遺產二十萬元。

公立圖書館 在西湖公園鄰近。文瀾閣舊址。建築崇閎。度藏美富。善本極多。有分館在省城大方伯第一中學之南。便於觀覽。日曜日閱者尤多。附屬印刷所。凡官書局舊板。完全保存。歲支萬餘元。有田租。鐵路股息。印售書籍。各項收入云。

省立公衆運動場 設場長及指導員。裝置各項運動機械畢備。

通俗圖書館 照部頒通俗圖書館規程設立。附於運動。爲各縣模範。

省立模範通俗講演所 由省長咨省議會豫算。

閱報所 省城及各縣公共機多有之。除京滬各報外。浙江所有報章雜誌如左。

浙江公報 全浙公報 之江日報 浙江民報 浙江新聞 爲日報類

教育週報 法律週報 兵事雜誌 警察雜誌 西湖散記 爲雜誌類

印刷所 出版利器。爲文明嚮導。除上海商務印書館各分館外。浙江印刷業則有

浙江印刷股份有限公司 在省枝頭巷 武林印書館 新新活版印刷所

溥利印刷所 竹簡齋石印書作 西冷印社 中合印書公司

集會結社 浙江多雅集。或以宗教。或以道德。化成國俗。表章鄉賢。甚有益也。

孔教會 孔教會女子部 佛教總會 青年會 蠶絲會

林社 張社 秋社 陶社 南社支部 均在西湖

樂石社 追社 音樂會 球會 雄辯會 多附設於學校

社會教育事業之待興。附管見於此。

改良新劇 化扮講演。勝於空談。示以道德智識技能。尤易於感覺。

改良說書 市攤小本。重於教科。誨盜誨淫。宜加檢查。所謂寶卷者。加以修正。

第七十六章 實業行政

浙江實業行政。自清季設勸業道以來。光復後改爲實業司。又改爲實業科。今由農商部請簡實業廳廳長。浙江官辦實業。已有初基。分列如左。

浙江農事試驗場 在笕橋。設場長一分。種菘病、蟲害、蠶桑、森林、畜牧、農菘、六科。各

設主任技術員一分。觀測科主任技術員一分。并設助手學習生各員。及長工四十二人。短工平均月一百五十工。種子、肥料、飼料。各有特別費。共歲支二萬二千餘元。

原蠶種製造場 在艮山門外。設場長一分。調查製造兩科。各設主任技術員。因養

蠶爲製種必要之事。分春蠶、夏蠶。按期實驗。講置蠶連蛾袋。及一切必要品。招生二十名。傳習推廣。自養蠶時起。至檢種時止。約計五個月。各給膳費。

女子蠶業講習所 附設桑園有所長一分。學監舍監各一。學生百人。每人月給膳費三元四角。飼育春蠶、夏蠶。實習時刻最多。歲支經費一萬一千餘元。

省立苗圃 一在省城。一在蘭谿。原係錢塘金華兩道創辦。今均收爲省有。各設圃長一分。又推廣二圃。共爲四圃。每圃歲支二千六百七十六元。特別費以種子肥料。

農具爲要。地租糧費。皆與民間一律。省城造林地點。則在茗帚灣。

浙江機織傳習所 設所長兼技師。及意匠師。機織助手。絲織工。紗織工。添置鐵扣。綜線。鉛錘。篋子。緯管。目板。硝子板。等類。消耗紙板顏料畫筆。意匠紙染等類。傳習五十六名。各給膳費。每年共支經費七千八百七十二元。

改良靛青製造模範工廠 分製造場。植藍場。各設工頭。而以技術員指揮之。傳習生十人。以三個月爲期。特別費有油。柏肥料。提灰藥。品。靛葉。靛桶。等費。

改良手工造紙傳習工場 設場長技術員。傳授菘徒。設烘紙室。購搗料磨光各器。製造水產品模範工場 廠長兼技術員爲專門大學畢業。有鹽乾。罐儲。鈕扣。牙粉。改良製糖廠附設種蔗試驗場 廠長兼場長得較易。助手助手。薪水尤微。掌車。掌灶。傳習尙易。此由福建仿效者。金溫兩屬。既經成立。台衢擬各設一所。

改良磁器傳習工場 設場長兼技術員主任各一。傳授菘徒二十名。
水利委員會 附有測量隊。實測以備疏濬。爲農商根本計畫。技正林大同督測量隊。實測各水道。刊有水利叢刊七種。宜籌專款疏導焉。

第七十七章 農業

浙江省農會。在吳山阮公祠。昔年由省款補助一千二百元。今增至四千五百七十二元。有農會報農產陳列所。農產品評會。所需調查費。講演費。防止費。雜費均由省款補助。其餘農家私人建設新事業尤多。茲擇其重要者可仿行之。

大佛頭曹氏樹木場 餘杭林牧公司 臨平生農業公司 覽橋有象公司

省城肥料總公司 湖州雲野公司 西湖隆興茶葉公司 覽橋有年公司

浙江農桑之盛。多見人力之勤。茲由實地調查所見者。書之以各省人民效法焉。

無曠土 浙江非盡平原。山地亦收種茶。種竹。種漆。種薯之利。惟地所宜。

廣溝渠 運河兩旁。皆係石岸。不致因行駛小輪。冲刷堤土。既資保障。又利交通。

鑿深地 湖泊蓄水。不肯涸之爲田。以備灌溉。且有養魚。養鴨。種菱藕之利。

陌上桑 田埂隙地種桑。不礙其耕耘。既可養蠶。又可得綠陰。桑皮紙。桑葢酒。亦佳。

無游民 農民鮮袖手枯坐者。農暇作工。如苧帚草鞋之類。農忙時婦女亦爲之助。

耕且讀 三家之邨。亦有鄉塾。誦習孔孟。有孝弟力田之風。

浙江農產製造。由甲種農學實驗。新組織公司。亦多民間製造銷路較廣。并附列之。

碾米 省城大有豐。大生源。同仁。機器各米廠甚多。紹興城機碾亦多。至十餘家。

捕漁 江浙漁業公司。勢力雄厚。設在上海。漁業公司。領官股五萬元。已還二萬元。

麥麪 省城薦橋。有益生。怡豐利。孩兒巷。有裕和。各公司。上海無錫麪粉。亦多運浙。

煎鹽 餘姚黨山。定海岱山等處。鹽田之利。重於糧田。同爲民食。獲利尤豐。

榨油 餘姚明豐公司。用棉核榨油。清潔足資食用。其他用柏油製臘燭者。亦有用。

火腿 金華火腿公司。所出蔣腿茶腿。運往各省者甚多。

造醬 醬園招牌大字逾丈。省城惟和同福。泰甚著。亦應用化學。勝於日本醬油。

釀酒 紹酒而外。省城有釀高粱酒者。如阜豐等。甚爲發達。

製煙 宓大昌。宓家昌。皆製水烟。無仿作紙烟者。

蒹羹 景陽觀采西湖蒹菜。盛以玻璃。封以火漆。遠方可以嘗新。宜運銷於北方。

藕粉 西湖名產。可久留。可致遠。適於衛生。

豆腐 拱宸橋艮山門車站。有賣岳飛豆腐者。熱氣蒸騰。一銅元三枚。其味極佳。

第七十八章 工業

浙江工廠之多。爲全國冠。農商部第四次統計表稱之。教育部令。獎許工業學生畢業。能改良國貨。女工多於男工。亦見女權發達。今舉各公司。有益民生。卓然自立者如左。

織綢工廠 歲值已千八百萬兩。運銷各省。輸出海外。省城緯成規模遠大。營業最盛。振新次之。天章、悅昌、文、蔣、廣、昌、久、成、大新等。已三十餘家。在吳興粹華亦著。

織布工廠 華利 大豐 在省城 西門大布廠 在永嘉借領省欸。

織毛巾工廠 杭州華新工廠。

紡紗工廠 鼎新 在拱宸橋。臨運河。和豐 通久源 均在鄞縣 通惠公

在蕭山。

繭絲工廠 全浙蠶絲最著者。二十縣。歲值六千萬元。若再推廣。可至萬元以上。

大綸 在杭縣塘棲 合義和 在蕭山 公益 在吳興大通橋。

製鐵工廠 武林鐵工廠在省城。能製學校用車牀。及建築用各件。提花抽水機器。

開煤工廠 在長興廣興爲最。江山、諸暨、桐廬皆有之。分見各縣。

電燈工廠 省城大有利 寧波 永嘉 蘭谿 諸暨 餘姚 紹興 吳興

均已設廠。

火柴工廠 輟耕錄。杭人削松木。鎔硫黃塗其頂。名發燭。或名火寸。足見發明最早。

光華公司在江干。有官股。定價最廉。正大新 自新。均在寧波江北泗洲塘。

製藥工廠 中華醫藥公司在三元坊。神州藥房在清河坊口。若霞氏製藥所

在紹興。

肥皂工廠 大利工廠資本一萬。用萬象牌。振興、裕通各廠。先已開辦。

電話工廠 省城通江干、拱宸。寧波通慈谿、鎮海。吳興 嘉興 均已設局。

造紙工廠 益生 在孝豐縣。借有官款。

玻璃工廠 大同 在省城興武路已停。麗華 在省城駱駝橋。

浙江工業家。多以作爲名。如木作、籐作、漆作、銅作、鐵作、錫箔作之類。百工居肆。各城市多有之。雖乏共同之道德。實具獨立之精神。見鐵作所製水龍。保險箱。手搖製襪器。無異東西洋。近又發明紅皮。價值極廉。知我國工業發達。華工之勢力。終當凌駕歐美也。

第七十九章 商業及貨幣

浙江杭州總商會。在保佑坊。城北商務分會。在湖墅。各業亦有分會。謂之會館。如左。

米業 綢業 絲業 機業 木業 柴業 茶葉 藥業 酒藥 扇業 典業

錢業 衣業 布業 烟業 箔業

凡各業能組合會館者。其業必盛。湖州、紹興、四明、奉化、餘姚。在省各有會館。其商人亦自成一團體焉。

浙江金融。有國家銀行二。地方銀行二。餘爲商業銀行。

中國銀行 在三元坊。有分行在寧波、溫州、海門、紹興、蘭谿、湖州、嘉興、餘姚、共九處。

交通銀行 在珠寶巷。有分行在寧波。

浙江地方實業銀行 在太平坊。有分行設在海門。

杭縣農工銀行 由國稅撥給股本十萬元。設在上珠寶巷。接濟農工。最有益。

華孚銀行 在清河坊。浙江興業銀行 在太平坊。

殖邊銀行 在薦橋焦棋杆。四明銀行 總行在上海。分行在寧波。

浙江商品陳列所附設勸工場。在省城保佑坊。分類陳列。以便展覽。已擇列於各章。各縣商會亦仿造以利推行。

浙江特別之商業。爲他省所無者。則過塘行是也。萃於閩口者如左。

韓大來 正豐昌 同豐泰

浙江商人立業於上海者甚多。考察商業地理者所當注意也。得前列四名之三云。

第一 寧波 人數十餘萬。爲各商領袖。資本家。勞動家。兼而有之。

第三 紹興 人數三萬。營銀行酒店爲多。亞於廣東人。維持國貨則過之。

第四 杭州 嘉興之書業。金華之火腿業。皆膾炙人口。不脛而走。在上海總發行。

浙江之貨幣。通用墨西哥銀圓。俗呼爲鷹洋。或誤爲英洋。吾國銀元。七錢二分。卽取法墨西哥。每元兌小銀圓十一角。又銅元三四枚。或銅元一百二三十枚。市上鈔票。惟中國交通二種。洪憲時未受停兌之損失。亦無外國紙幣流行。浙之大幸也。錢莊有定期票。同行滙撥。不支現銀。若期前算支。必須貼水。寧紹等處。於地方縣稅之收支。或用紙幣。價格比現銀相同。甯紹均爲過帳碼頭。紹興加現水十元。寧波加六七元不等。

第八十章 公園及名勝

浙江各縣多有湖山園亭。足資遊眺。以涵養公德。并以景仰先賢。分列如左。

杭縣

西湖白祠蘇祠岳墓林社
圖書館最重公園次之

餘杭

超然館在大滙山

新登

陳氏園石羊山下晁補之
與蘇子瞻遊此

嘉善

橡林啜茶所
采芝室在楓涇

平湖

松風台

長興

慶亭為孫權擒虎處陸匯
為龜蒙別業

安吉

百家園有叢桂堂

慈谿

清道觀
慈湖

象山

望崧樓 觀關亭
圓橋方壺二亭

紹興

禹陵 鏡湖
蘭亭王羲之修禊處

餘姚

雲詠亭在秘園
舜江樓

新昌

支道林放馬所

大中華浙江省地理志

公園及名勝

海甯

仰高亭 小普陀 尖山
為觀潮之處

臨安

因巖堂有白香山詩

昌化

合溪亭在東坡祠上許由
亭在箕山旁

海鹽

秦始皇屯兵處
九松里在飯山

桐鄉

雪筠齋在濮院鎮
醉花堂芍茶最盛

德興

有范蠡故宅
回溪棋盤在浮玉山寨前

孝豐

山頂
鮑琦築有鮑琦亭

奉化

明張蒼水被執處
龍津

南田

吳越兩山亭
畫水壁在覺苑寺

蕭山

百樓山魏伯陽宅

上虞

東湖銅柱銅塔園風臺在
天門山西

臨海

富陽 亭山晉處士孫曇得名
嵩所在石頭山

於潛

清白亭在岩巒山下

嘉興

滄湖 鴛鴦湖 煙雨樓
標齋 構李亭吳越戰地

崇德

石門吳築石門以距越

吳興

白蘋洲三園五亭
雪溪館杜牧所居

武康

餘英溪雙鴛沼沈約宅
孟郊古井

鄞縣

荆公台有王安石西亭詩

鎮海

觀辰樓在伏龍山上

定海

普陀 海光閣

諸暨

航津亭南宋高麗使來朝
越王允常故都

嵊縣

金庭山王羲之宅紅粉石

黃巖

李商隱著書堂 景賢坊
靈巖有飛瀑小樊川

一五九

天台

劉阮洞 石梁
王羲之墨池
朱文忠題壁

溫嶺

水樂亭 白雲亭 老老

東陽

翫珠亭 阮孚遊處

武義

菱塘諸園 鹿外堂

衢縣

孔聖家廟 承澤堂

常山

留春園 白龍洞 獨往

淳安

讀書林 青溪
柵源吳與山越戰處

壽昌

第一峯 屏山

麗水

小橋山 南園

松陽

雲山堂 信美堂 半亭

慶元

蕉坑亭 秦松

景甯

洗心亭 西山爽氣亭

平陽

仙居

小西湖 項羽山 盡美
亭朱子所更名
蘭皋亭 古柏垣 告天

蘭谿

溪上亭 有戴叔倫詩

義烏

靈淵精舍 容百人

浦江

姑蔑城 古松

龍游

烏石山 古松

開化

聽雨軒 朱子有詩

桐廬

釣臺 在富春山 漢嚴子陵

分水

五雲山 唐施東齋讀書處

青田

東谷園 軒轅邱

遂昌

南田山 明劉基世居

雲和

玉井峯 有會一堂

瑞安

覺是亭 清趣亭

泰順

北湖萱竹堂 海觀亭
蓮花巖

甯海

丹邱亭 書林 讀書徑
瀛巖亭 沈約遊處

金華

元榭樓 季原書屋

永康

桃巖有洞 容數百人

湯溪

風月台 兜率台

江山

百花廳

建德

日涉園 有白巖飛瀑

遂安

石船在 行口

永嘉

瓊瑤嶺 古虬松

縉雲

柑園 謝靈運讀書堂

龍泉

望海亭 顏延之築 以望海

宣平

縉雲山 有縉雲堂 巽亭

樂清

苦齋在 匡山之巔

玉環

雙柱門 樂成館 盤谷精舍
無綫電台

第八十一章 滬杭甬鐵路

浙江省城交通。出海之口。以全國言之。莫重於上海。以全省言之。莫重於寧波。今滬杭通軌已久。杭甬之間。已由寧波達曹娥。至杭紹之間。尙待建築也。分述如左。

滬杭鐵路 中國交通部轄各鐵路。及日本朝鮮各鐵道。均可在杭購票聯運。

上海北站以南 梵王渡 徐家匯 龍華新站 龍華 此聯合滬寧者。

上海南站以南 梅花弄 莘莊 新橋 明星橋

松江以南 石湖蕩 由此入浙江境

楓涇 爲省北鉅鎮。有楓涇塘。

嘉善 有水路通上海。又輪船直達平湖縣。

嘉興 水路有輪船通濮院、烏鎮、雙林、菱湖。至湖州。爲路線中一大支線。

王店 硤石 斜橋 周王廟 硤石有船通袁花海鹽。故爲大站。

長安 許村 臨平 笕橋 長安有船通海寧。故爲大站。

拱宸橋 艮山門 杭州 拱宸橋係支路。有專車通閘口。笕橋至艮山。不經拱宸。

南星橋 閘口 南星石材可資建築，閘口有渡船，在三廊廟，美政橋，並聯合輪船，

寧波至曹娥鐵路

寧波 莊橋 洪塘

慈谿 葉家 丈亭 蜀山

餘姚 馬渚 五夫 驛亭 百官 曹娥江

杭縣至紹興

閘口 富陽 因錢塘廣闊，故紆道至此，江流既狹，乃便於造橋，

里山 義橋 臨浦 浦陽 浦陽江須造橋，

蕭山 錢清

紹興 陶堰 東關 與曹娥接軌，

滬杭甬擬修支路

寧柴鐵路 由寧波大橋至鎮海柴橋，

湖墅鐵路 由拱宸橋至湖墅九里，

第八十二章 道路

浙江省之道路。因輪船火車。交通便利。省城及重要城市。已築馬路。然驛傳舊路。關於行旅往來。將來擬修鐵路。以與福建、江西、安徽鐵路相聯。其計畫路線。可列舉如左。

甬福路線

- 由寧波鄞江至奉化縣治。沿江岸行。或取道西塢。則不由奉化。
- 由奉化至寧海。經方門市、西墊市、梅林市、三埠。
- 由寧海至臨海。經桑洲、珠香、兩頭門、三埠。或經海游亭旁、東塍、三埠。
- 由臨海至黃岩。經汛橋、水家洋、二埠。
- 由黃巖至海門。經葭沚埠。
- 由海門至溫嶺。經洪家場、澤國鎮、二埠。
- 由溫嶺至樂清。溫嶺縣至縣西溫嶺市。又經大荆、虹橋、二市。
- 由樂清至永嘉。經柳市、甌江須造大橋。
- 由永嘉以南。經瑞安縣、平陽縣、林溪、逾分水關。接福建之福鼎縣。

富贛路線

由富陽擬修車站起 沿江至桐廬 或紆道至新登 以至桐廬。

由桐廬而南 經安仁鎮、乾潭鎮至嚴州 卽建德 又由大羊鎮、女埠鎮至蘭谿。

由蘭谿以西 經羅埠、洋埠、湖鎮至龍游 又經漳樹潭至衢縣。

由衢縣以西 經航埠至常山 又西南接江西之玉山縣 支路至江山 可入閩。

杭皖路線

由杭甬以北 經循大道至吳興通廣德 接安徽蕪湖鐵路 以通中江。

由餘杭以西 經臨安於潛、昌化至安徽老竹嶺 達於屯溪 接寧湘鐵路。

浙江道路直達三鄰省大道而外 其支線之重要者如左。

紹蘭支線 由紹興楓橋、諸暨、牌頭、白馬橋、浦江至蘭谿 金蘭支線 至於易華。

金台支線 由金華經武義、永康、壺鎮、橫溪鎮、皤灘、仙居、白水洋、張家渡至台州。

金甌支線 由金華武義、縉雲、循電桿至温州。

其他水陸道里 詳於各縣地方志各章。

第八十三章 輪船航路及民船

浙海輪船航路。分外海。內河。以次分列如左。

外海航路最重者

上海至寧波 太古老公茂兩公司。皆有船來。中國公司。以招商局爲最鉅。本省公司以寧紹爲最鉅。每日開行。惟禮拜日停。然寧波買金不賴汽船而賴民船。上海至溫州 招商局每星期專開一次。近有福興輪船公司之保民輪船。亦走溫州。惟明礬出口。則以小南船裝運焉。

上海至定海石浦海門 德利輪船公司。有源利輪船。平安公司有平安輪船。越東公司。有永利輪船。蕃盛公司。有蕃盛輪船。

上海至普陀 夏季由上海直放。每星期五六開行。

寧波至沿海 由寧波至鎮海小輪二。至定海石浦海門小輪二。至穿山象山岱山小輪二。至興化泉州。另有寧波八閩公司輪船。

沿海之沙船 北至江蘇山東直隸奉天。南至福建廣東。運粗重貨物。共千餘艘。

內河航路最重者 運河有招商戴生昌寧紹慶記立興江千有錢江振興各公司

杭縣至上海 由拱宸橋因火車便行人少 上海至平湖海鹽新塢乍浦

杭縣至蘇州 由拱宸橋 又硤石雙林新市至無錫有老公茂小輪船

杭縣至吳興 由拱宸橋經塘棲菱湖荻港袁家匯至湖州

吳興至上海 由南潯運河

杭縣至桐廬 由聞家堰漁山富陽窄溪至桐廬上溯一至分水用快船一至嚴

州蘭谿用駁船上溯至江山舊爲入閩之要道常山爲入贛之要道

杭縣至紹興 錢江義渡今議決改輪渡由西興經蕭山錢清柯橋東浦至紹興

杭縣至趙家埠 由聞家堰義橋至臨浦爲煤油船至姚公埠輪拖至趙家埠民

船上溯至諸暨

寧波至餘姚 此路因火車便行人少 寧波至鎮海 寧波南至西塢奉化

海門至黃巖 海門至臨海 均爲小輪船

温州至瑞安 由塘河經漁田白象塘下莘塍等埠每日開行兩次

第八十四章 電報

浙江電報管理局。由交通部專員辦理。省城電報局。在金芝麻巷。除鐵路沿路各站。自設電線外。今調查各電局地址及線大概如左。

嘉興 桐鄉 石門（今改崇德） 杭州

以上幹線。由蘇州接入。計設四線。但桐石兩局。僅有兩線進局。

江干 蕭山 紹興 諸暨 浦江 蘭谿 衢州 江山

以上幹線。由杭用水綫過江。接至福建浦城局。計設三線。但江干、蕭山、諸暨、浦江、江山。僅有二線進局。

嘉善

由嘉興幹線分支。

平湖 乍浦

由嘉興幹線分支。

南潯 湖州（今改吳興）

由嘉興幹線分支。

拱宸橋 德清 武康 莫干山

由杭州幹線分支。

鎮海 龍山鎮

由寧波單綫分支。

寧海 台州 黃巖 海門

由寧波單綫分支。

餘姚 甯波

由紹興接設雙線。

東陸

由台州單線支接。

金華 武義 縉雲 温州

由蘭谿接設單線。

第八十五章 郵政

浙江郵務管理局。雖名隸交通部。實權則在外人。由海關分析而成。局設杭縣三元坊。省城之車站。拱宸橋。三元坊。清和坊。六克巷口。皆有支局。而日本郵便局。則設於拱宸橋。日本租界。亦侵我國權。一大端。與滿蒙山東相若也。民信局。惟存永和全盛永利耳。

一等局

寧波溫州

因原係海關稅務司兼管。且與各國往返。郵件較多。

二等局

湖州	嘉興	嘉善	海鹽	海寧	餘杭	平湖	桐鄉	鎮海	定海
慈谿	餘姚	紹興	蕭山	諸暨	富陽	桐廬	嚴州	蘭谿	嵗縣
台州	瑞安	平陽	處州	金華	衢州	常山	龍泉	青田	樂清

以上縣治或舊爲府治。或素稱繁盛者。或地當衝要者。

南潯	硤石	長安	濮院	乍浦	雙林	塘棲	菱湖	梅溪	臨平
----	----	----	----	----	----	----	----	----	----

莫干山 石浦 海門 百官 臨浦

以上著名各市鎮。其繁盛或等於大縣。

三等局

德清 昌化 甯海

以上三縣德清爲航路郵路之衢。昌化爲浙皖陸路重地。甯海於沿海爲次要。

郵寄代辦所

各縣 除上列二三等局以外。凡縣城均有郵代辦所。各市鎮較盛者亦有之。

海島 重要各處。已設郵寄代辦所。視腹地尤重。分列如左。

定海東南沈家門 普陀 瀝港 岱山 南田 玉環之坎門 北巖

郵路重要者

每日開班晝夜兼程 餘杭臨安於潛昌化達安徽屯溪 餘姚至鳴鶴場觀海

衛宓家埭 百官至嵗縣 紹興至楓橋諸暨浦江 桐廬至嚴州蘭谿龍游

衢州航埠常山達江山玉山 其次者詳以下地方志各章。

第五編 地方志

第八十六章 杭縣

杭縣治。北緯三十度一十七分。東經三度三十九分。

沿革 禹貢揚州地。禹杭舊迹。秦曰錢唐。隋曰杭州。唐改唐爲塘。宋因吳越納土。嘗稱

仁和。南宋都此。號臨安。清爲杭州府。治仁和錢塘二縣。民國併仁錢。廢府爲杭縣。

疆界 襟江帶海。擁湖負山。靈秀甲天下。其縣境東盡於錢塘江干。西界餘杭。北接崇

德。南毗富春。南北百四十里。東西百有五里。距京師四千二百里。

山脈 吳山第一峯。實杭城之鎮。半在城中。北爲寶蓮山。寶月山。東南瑞石山。南有七

寶山。實自西湖之龍井。南屏蜿蜒而至。爲南山。而武林天竺。總爲北山。皆來自天目。

水絲 杭城東河卽運河。俗呼菜市河。中河與小河通。西河舊爲清湖河。皆通舟運。西

湖灌溉海寧。故由海寧擔負國稅。錢塘江築塘捍海。故支渠皆北向運河。分溉嘉湖。

物產 浙絲有杭線。浙茶有龍井。浙棉有自製愛國布。杭菊可飲。白菊尤良。杭芍可入

藥。杭扇得各國賽會優獎。餘若西湖蕪菜藕粉。塘棲枇杷。半山桃楊梅。臨平麻甘蔗。

生薑、寬橋黃麻、橫里芡實、三橋紅菱、留下邊筍、東門瓜、北墅藕、並佳。

實業 田賦額徵十四萬兩以上。杭嚴衛屯田額徵二千兩以上。工廠日增。各公司資本多至數十萬元以上。尤能提倡國貨。仿造洋貨。女工多於男工。

教育 杭縣勸學所。有小學教育研究會。縣立高等小學在城者五。在鄉者十。國民學校在城者十。在鄉者一百二十所。貧兒院一所。

城市 杭縣公署。在新市場。臨馬路。湧金門至錢塘門。城已拆。湖濱市況日盛。但大商家仍有上城一帶。城北湖墅至拱宸橋。城南南星橋至閘口。皆爲中外商業所萃。

鄉鎮 寬橋上車藥材。多至十八種。麥冬爲全國之冠。臨平因設有車站。地方發達。塘棲爲運河要道。商務向來繁盛。瓶窰爲西北水陸重地。有警備隊駐守。其他如東鄉之喬司。西鄉之留下。北鄉之三墩良渚。均爲農民交易之鎮市。皆通郵遞。

交通 東北出艮山門爲滬杭鐵路。近通嘉興嘉善。遠達松江上海。可購南京北京聯絡之車票。正北拱宸橋小輪船。由運河通吳興蘇州上海。西有民船通餘杭。南由閘口江干。溯江小輪至桐廬。渡江小輪。由西興達紹興。

第八十七章 海甯縣

海甯縣治北緯三十度二十七分。東經三度五十八分。

沿革 秦漢時海鹽縣之鹽官。吳置鹽官縣。陳永定二年置海甯郡。尋廢。隋以鹽官屬

餘杭郡。唐屬杭州。宋屬臨安府。元升海甯州。明爲縣。清爲州。民國復爲縣。

疆界 東界海鹽金牛山。西界杭縣上舍涇。南與蕭山以江爲界。北至崇德之白塔。東

南界餘姚山石樵。西北界德清大麻堰。東西百三十里。南北七十里。距省百二十里。

山脈 由杭縣武林來。赭山高七十五丈。屹爲海門。附近有巖門山、雷山、綿亘至東北。

則有袁花山、爲妙果山、所鑿斷。附近有管山、白鶴山、葛嶺山、贊山、紫微山、沈山、尖山、

青陽山、石棋山、至望夫山、廟山、至海鹽。

水系 海在縣南半里。明成化時。在縣治南十里。潮汐往來。埒漲不一。斜塘河、袁花塘

河、水深可容小輪船。二十五里塘河、與長安鎮之間。水淺。但行小船。硤石湖、源出茶

湖、南通麻涇港、迤西南入洛塘河、東界海鹽界黃道湖、環邑之北、亦號萍江。

物產 海產有鱸、蚌、卽黃甲、澎湖、一名鸚哥嘴、鱉極大、鱸魚、鱗魚、鱒魚、海蝦、尤有味。硤

石織布。視他縣爲佳。綿綢染成松陰色。峽川楊柳。亦成美蔭。錢山則產水仙花。

實業 額徵銀十萬兩以上。農業舊爲杭屬之冠。合富陽餘杭臨安三縣。始能及之。長

安鎮有本滋桑秧公司。硤石鎮有華通振興信通各襪廠。鄉鎮亦有商會。

教育 李壬叔先生。續譯幾何原本。及重學談天。創開地球繞日新學說。爲近世科學

教育開山。縣城及硤石皆有乙種商校。諸家鎮有農校。男女高小六。國民學校百餘。

城市 東南障海。北帶洋江。所謂白鋪江練。青點海門。富致之邦。氣象發皇。城西有嘯

園。卽陳氏安瀾園舊址。新營旅社。則共和春甚著。蠶汛時設繭捐局焉。

鄉鎮 硤石爲縣北鉅鎮。及上塘河之長安鎮。皆輪軌交萃。繁盛比有大縣。兩區鄉校。

亦較發達。距硤石三里伊橋鎮。近亦進步。馬牧港鎮大荆場。皆臨錢塘江。斜橋鎮臨

許公塘。亦有車站。袁花鎮。丁家鎮。諸家鎮。皆在郭店塘。新倉鎮。在備塘。

交通 由滬杭鐵路之長安站。市東之建上。乘小船至海寧北門塘。約計二十里。二小

時可達。觀潮者每由北門。出東門。至海塘之牛角尖。只三里許。至硤石站西南湖。有

老公茂小輪。水程五十里。二小時。卽至海寧。若斜橋站。只二十里。惟不如硤石之便。

第八十八章 富陽縣

富陽縣治北緯三十度四分。東經三度二十五分。

沿革 秦置屬會稽郡。曰富春縣。後漢屬吳郡。晉咸安二年更名富陽。越吳時名富春。

宋太平興國三年。復名富陽。後因之。陳屬錢唐郡。隋屬餘杭郡。唐以後屬杭州。

疆界 東界杭縣湖塘山。西界新登分派峴。南界諸暨縣嶺峰。北界餘杭篠嶺。東南界

蕭山古石碑。西南界浦江金沙嶺。西北界臨安芝羅嶺。東西五十五里。南北一百一

十五里。距省西九十里。

山脈 由天目來者二支。一爲縣北姥岑山。東至赤松山。吳鼻山。而至石頭山。觀濤之

所。又名觀山。一由新登至縣西者。爲紫微山。鹿山。貝山。由會稽來者二支。近諸暨之

向天嶺。五雲山。安頂山。近桐廬者爲下南嶺。姚家嶺。夾江流而對峙焉。

水絲 富春江。卽錢塘上游。桐廬下游。江心有新漲之學校沙。江北有白洋溪。銅嶺水。

步橋水。合流入江。江南有壺源江。稠溪。大源水。靈橋水。漁山水。分流次第入江。

物產 富陽有井紙。顏隲所產榧子。以火煨食。比他處更香。王洲橋皆接生。桐洲烏柏。

樹葉可染帛。子可取蠟。核可榨油。石榴大者如碗。礦產則石灰最盛。鹵市亦獲厚利。實業 農田額徵三萬八千兩以上。男力耕耨。女勤蠶織。其沙地亦擔負餘租。牧地有牧租。造紙造燭。老小勤作。近有用土澁。依化學仿造洋澁者。運澁至省。設立公司。

教育 民業詩書。敦樸素。縣立高等小學一。高等小學附國民學校者十一。國民學校四十七所。

城市 縣城東跨觀山。西臨苕浦。南俯大江。北帶後河。城內及北門外河道。均經疏濬。東西南北四門之外。又於儒學前關門曰文明。蠶汎時設繭捐局。

鄉鎮 湯家埠臨富春江。漁山埠在其下游。場口鎮在枝流湖泖水之上。柏樹鎮在支流剡浦水之上。可通舟。青雲鎮在支流步橋水之上。亦通舟。魁口在安吳川。餘若大源鎮在東南。高橋鎮在北。皆鄉人交易之要地。

交通 富春江即錢塘江上游九十里。航船本一日程。由省城開口上溯桐廬。輪船過此。只須半日程而已。郵路西至新登縣五十里。南至大源十五里。由縣至省。則經過里山鎮聞家堰。上溯桐廬。則經場口東梓關窄溪。

第八十九章 餘杭縣

餘杭縣治北緯三十度十四分。東經三度十三分。

沿革 禹杭舊地。秦置餘杭。縣名迄今不改。秦屬會稽郡。吳屬吳興郡。隋初爲杭州治。

大業初爲餘杭郡。唐屬杭州。吳越徙治。號清平軍。宋初軍廢。縣治縣名。至今仍之。

疆界 東界杭縣長橋。西界臨安杜塢橋。南界富陽篠嶺。北界武康馬頭山。東南界杭縣西溪。西北界安吉獨松關。爲宋元用兵。戰守最要之關隘。東西四十三里。南北八十四里。距省西北七十里。

山脈 天目山脈。由孝豐界上來者曰新嶺。卽銀山嶺。自安吉來者曰羊凹關。卽銅菱

關。迤爲富陽界上之銅嶺。而臨安界上繇拳嶺。迤爲武康界烏臺嶺。杭縣界玄壇嶺。

水道 南苕溪自臨安縣來。經石門渡。烏龍灘。古牛墩。龍舌嘴。至瓶窰鎮。入杭縣界。枝

流北苕溪。出獨松關之分水嶺。經浮橋。大橋。竹山橋。陶村。入於南苕。南湖納蒼步嶺。

石孟嶺水。流爲南渠河。卽餘杭塘河。經螺螄港。靈源。至長橋鎮。入杭縣界。水利亦饒。

物種 蠶種最良。有烏龍泥種。白皮種。各縣多取於此。由拳村出好藤紙。苕溪旁多苕

華種樹亦成林。桑麻自足。能盡地利。

實業 農田額徵三萬七千兩以上。百工技藝。舊皆外郡之人。今多出本邑。閭閻董穉。均能御蠶。振興公司。所製各種皮紙。由上海分銷各省。

教育 縣立高等小學一。高等小學附國民學校者二。國民學校二十有八所。清季維新而革命之學說。實基於章太炎之表章國粹。近日通俗教育講演所。規程甚善。

城市 南臨苕溪有水門二。東西南北四門。周迴六里。東曰賓陽。路通瓶窰鎮。市上商況頗發達。蠶汎時設繭捐局。東門外統捐局。曰餘東關。

鄉鎮 東鄉有瓶窰鎮。爲駐兵要地。商業亦盛。南鄉有倉前鎮。地處衝繁。北鄉有雙溪鎮。黃湖鎮。附近有古城村。西鄉距臨安近。無大市鎮。石門渡。丁公橋。亦爲陸路之津要。其他若杜墟橋。烏龍灘。南苕流域。有富庶之象焉。

交通 隋鑿運河。自京口通餘杭而止。餘杭爲運河上游。水淺不能輪船。每夜有航船往來。一夕可達。安臥而至。不耗旅行之時間。經縣東之倉前鎮。及界上之長橋鎮。至西湖之赤山浦。卽達省城。昌化於潛。臨安。孝豐。晉省者。多取道於此。

第九十章 臨安縣

臨安縣治。北緯三十度一十四分。東經三度十三分。

沿革。後漢析餘杭時。置臨水縣。晉太康元年。更名臨安。梁陳隋省。唐武德七年。復置臨水。光化三年。復改臨安。吳越爲安國縣。宋改順化軍。尋廢軍。復縣。南宋以爲府名。元明清以來因之。

疆界。東界餘杭杜塢橋。西界於潛橫塘。南界新登閩嶺。北界孝豐倪嶺。東南界富陽青樹嶺。西南界新登笥嶺。東北界餘杭進賢西村。西北界於潛天目山。東西五十里。南北一百一十里。距省西北百里。

山脈。東天目山。已見前章。

水系。南苕溪自東天目雞籠尖發源。經碧淙街。納董溪。青嶺鎮。南納平溪。水口山麓。納郛溪。神仙壩。東納馬跪泉。又經五跨堰。納錦溪。黑龍壩。納雙林溪。至汪家埠。入餘杭界。又中苕溪發源穆公山。會猷溪。白水溪。至黃公壩。入餘杭界。

物產。臨安石。色微青。或深青。其質甚怪。嵌空洞穴。大山谷中有桑麻。絲枲之利。其原

蠶白皮種。銷紹興蘇杭者十七八萬張。

實業 農田額徵二萬五千兩以上。山多田少。鮮巨富。男耕女織。無貧民。婦女繅絲。北工於南。商賈貿易。南多於北。

教育 縣立高等小學一。高等小學附國民學校者六。國民學校城鄉共三十二校。改良私塾尙多。

城市 俗重遷徙。數十世不忍析居。故多著姓。在吳越時名衣錦城。明初始遷治於今所。有垣周五重。內外俱民產。

鄉鎮 東鄉有青山鎮。在百江嶺東。附遠有五柳村。南鄉有鶴山鎮。在金裝嶺東北。又有三口鎮。在觀音嶺西南。汪家埠在餘杭界上。西鄉青嶺鎮在護龍嶺附近。碧淙街而西有化龍鎮。西南有橫潭鎮。

交通 臨安郵路。東至餘杭四十里。經百江嶺。高不過五丈。西至於潛六十里。昔日視爲幹路之支路。今郵差晝夜兼行。於頭村門嶺爲要道。至於西北赴孝豐俞嶺。昔爲幹路。今郵路不由此。西南由甘嶺萬福橋。南出新登。亦爲昔年幹路。

第九十一章 於潛縣

於潛縣治北緯三十度十四分。東經二度五十四分。

沿革 漢置於潛縣屬丹陽郡。吳屬吳興郡。陳屬錢唐郡。隋屬餘杭郡。唐武德七年置沿革。漢置於潛縣屬丹陽郡。吳屬吳興郡。陳屬錢唐郡。隋屬餘杭郡。唐武德七年置沿革。漢置於潛縣屬丹陽郡。吳屬吳興郡。陳屬錢唐郡。隋屬餘杭郡。唐武德七年置沿革。

潛州旋廢入杭州。宋屬臨安府。元屬杭州路。明清屬杭州府。今屬錢塘道。

疆界 東界臨安橫塘塍。西界昌化蘆嶺羅紋嶺。南界分水磚山埠。北界安徽寧國縣之千秋關。東南界新登浮雲嶺。西南界昌化金雞嶺。東北界安吉水凝嶺。東西六十里。南北一百一十五里。距省西北一百七十里。

山脈 天目山脈已見前章。崖嶺竦疊。上有霜木。皆數百樹。謂之翔鳳林。天目松針短而犀健。栝子松三針。華山松四針。

水系 虞溪出福壽嶺。千秋橋至零口橋西。有豐凌溪。自安徽寧國縣來會。至雙溪口會東關溪。以下名浮溪。又納藻溪及龍翔嶺之水。又納紫溪及大源溪。小源溪至石壁山西麓。與分水縣分界。

物產 以於尤爲最著。盤結怪醜。號獅子尤。黃嶺產桃。山獸則有玉面狸。絲繭之利。近

歲頗盛。其稻有青粳。花殼羅尖。白殼羅秬。拷百擔。並爲嘉種。

實業 農田只額徵萬兩有奇。不及大縣十之一。男務耕桑。女務紡織。治生之勤。亦大縣沃壤所不及。產棉各地。仿種洋棉。收益較多。

教育 縣立高等小學在城內。學生百餘人。大地里有私立高等小學一。城內有國民學校三。縣立女子高等小學一。原由教會所經營。已由本縣教育界收回。

城市 惟南門至北門大街一。商業六七十家。居民百餘家。縣署在東門。學校尙爲適中。俗儉而質。民勤而武。難服而易化。

鄉鎮 於潛鄉鎮之大者。必沿河流。印渚鎮在分水縣界上。爲較盛。麻車埠次之。後渚鎮。其他紫溪藻溪之類。亦因沿河稍有市集。太陽鎮在縣西。爲昌化往來之衝。亦有市集。餘則村居而已。

交通 於潛縣城通小船。下達桐廬大水一日。小水二日。上水三日。至七日。上游舟運。只可達後渚鎮。陸行至省城。計程二日。達餘杭。由夜航一夜至省。北出千秋關。一日至安徽之寧國縣。下達宣城。有輪船出蕪湖。

第九十二章 新登縣

新登縣北緯三十度四分。東經三度一十五分。

沿革 吳析富春置新城縣。尋廢。晉復置屬吳郡。隋省入錢唐。旋復。唐省入富陽。旋復。

吳越名曰新登。宋復名新城。置南新。又省入元明清。皆名新城。民國避重名。改新登。

疆界 東界富陽界牌頭碑。西界於潛寶福山。南界桐廬白峰山。北界臨安金嶺。東南

界富陽高平嶺。西南界分水縣桐嶺。東北界臨安吳村。西北界於潛縣浮雲嶺。東西

九十五里。南北九十里。西北突出一隅狹長。距省西南一百二十里。

山脉 自於潛臨安界上天目山分支。爲青牛嶺。中爲箬葉嶺。東支爲鳳皇山。西支爲

百丈嶺。其靈秀處曰滴水岩。燕子嶺。縣東楓樹嶼之東。有銅坑。今不產銅。

水系 松溪自臨安黃嶺發源。至火燒亭入界。經歲寒橋。方家橋。至雙江口。與葛溪會

爲甌江。葛溪發源百丈嶺。經洞橋岩石堰。南津橋。與松溪會。松溪支流有洛塢溪。葛

溪支流有武源溪。里仁溪。葛溪。隴塢溪。湘溪。甌江經淥川深浦。至上港入桐廬界。

物產 種松采葛。溪水因以得名。楓樹桃花。山嶺因以得名。柏嶺桐嶺。咸富森林。菽麥

新登。農人有慶。近年繭市亦盛。山地客民。猶以蕎麥爲食料。茶不多而味亦佳。

實業 農田額徵萬兩有奇。草萊盡闢。機杼常聞。蠶汎時設繭捐局。陶土之質甚良。土法所製粗碗。應力求精細。可媲美德造紙工藝。亦微嫌粗率。應力求進步。

教育 縣立高等小學二。一在縣城。一在七賢鄉。女子高等小學附國民學校者一。國民學校五十餘所。城區爲盛。

城市 東門曰元始。南門曰嘉惠。西門曰利遂。北門曰貞成。僻處山間。因山爲城。大唐順二年杜稜築。繫鳳堰水。號爲新城。屢圯屢修。遺址已爲古城矣。

鄉鎮 洞橋鎮。淶川埠。深浦埠。皆由河流而成市集。南鄉峴口鎮。在淶川埠稍東。西鄉三溪鎮。亦在葛溪之經流。且分水縣之廣陵溪所注。故爲水陸之衝要。北鄉永昌鎮。跨黃泥橋。亦松溪之流域。

交通 郵路東行五十里至富陽。有石板鋪成之大路。甚平坦。舊時所經楓樹巔銅坑雙清亭。狩山殿。柏子嶺。入富陽界。路甚崎嶇。西南至桐廬。西至分水。北至臨安。西北至於潛。皆有陸路。非郵遞所經。行旅亦少。

第九十三章 昌化縣

昌化縣治。北緯三十度九分。東經二度四十四分。

沿革 秦漢晉爲於潛地。唐初紫溪縣。析置武隆縣。尋省入。又復置。改唐山。或稱唐昌。

吳越更名金昌。唐復故。晉改橫山。後改吳昌。宋太平興國三年。改昌化。元明清因之。

疆界 東界於潛界頭溪。西界安徽歙縣。以昱嶺關外星橋鋪爲界。南界淳安沈嶺。北界安徽寧國縣黃化關。東南界分水。以洪嶺外爲界。西北界安徽績溪縣。以蕨嶺外爲界。東西八十五里。南北一百四十五里。距省二百一十里。

山脈 昱關山脈。已詳前章。鎊礦脈尤深邃。已開採者。縣南之青山潭。西浩塢。東山坪。旋停。黃柏嶺亦產鎊。又十二都黃檀坪有黃鐵礦。康山雞血石極多。苗線色明如晶。赤若硃。或青如黛。九都北塢猪山頭有黃銅礦。

水系 頰口溪自安徽績溪縣流入。經路口鎮。株柳鎮。湯家灣。白牛鎮。至縣治前。跨縣前橋。又經河橋鎮。小漏灘。大漏灘。入於潛縣爲紫溪。其支溪則有雲溪。自昱嶺來。物產 山有漆。有栗。有材。有柴。有竹。木炭。晚山有松墨。有松脂。千頃平原植。靛。青山產。

金銀魚、昌化茶以木竹坪爲最。筍乾出周富山。績嶺之蕨可救荒。一都三都。繭業亦盛。藥有青皮、香桂皮、花樹果、五倍子、白果、黃肉。農產製產有粉乾、柏油、桐油、青油、山實業。農田額徵只八千兩有奇。蠶汛時設繭捐局。工藝有湯家灣之紙。官堆名著全國。其他分行參、毛參、大參、參皮、頂各種。雙石鞭、毛長紙亦多。九都十都麻布、土棉布教育。縣立高等小學二。一在縣城。一在義干。國民學校四十餘所。湯家灣河橋各有三校。且私立居太多數。社會教育現擬改良風俗。自改良農學始。

城市 東西二城已建。南北二門未建。舊城因北方負山不設門。自登龍門而東。轉唐山西南至濟溪。凡築城七里。後於御史谷中創東西二關。民國以來市況發展十倍。鄉鎮 南鄉河橋鎮、西鄉湯家灣均爲水陸總會市而發達。其餘著名之各鎮市則有白牛鎮、手窰司鎮、株柳鎮、頰口橋、路口鎮。而十二都白牡丹、紅芍藥爲鄉村之名卉。交通 由縣入省。第一日經於潛至臨安。第二日經餘杭至省。爲陸路郵程。晝夜兼程。二十四鐘即達。西行百里。即安徽老竹嶺。爲屯溪要道。若水行則順流而下。一日至分水。二日至桐廬。三日乘輪船到省也。皖民過境必由之途。居留者亦衆。

第九十四章 嘉興縣

嘉興縣北緯三十度五十二分。東經四度三分。

沿革 秦由拳縣屬會稽郡。漢屬吳郡。吳更名禾興。又改嘉興。隋省入吳縣。唐復設。屬蘇州。後梁屬杭州。又爲秀州治。宋爲嘉興府治。元爲路治。明爲府治。析秀水縣。治同城。清因之。民國初合併。改名嘉禾。旋避重名。仍名嘉興。

疆界 東界平湖白馬堰。東南界海鹽界首。東北界嘉善界首。東北界江蘇吳江縣三十里。西北界崇德及桐鄉之烏鎮。嘉興地東西廣八十里。南北六十四里。秀水併入。地東西三十八里。南北四十五里。距省北一百八十里。

山脉 緝山在縣治東北。宋時積酒壘所成。縣東有胥山。西南有艾山。皆小阜也。

水系 韭溪在城內。卽商湖支流。經縣城而達運河。錦帶河則環城爲渠。城北曰秀水。運河上自濮院。下達王江涇。爲正幹。青龍在縣南。由海鹽來。石漢塘在縣東。自平湖來。均爲大支。其餘若梅溪、藕溪、西溪、爽溪、穆溪皆支渠。所匯范蠡湖、鴛鴦湖尤著名。物產 出口貨以絲爲大宗。繭行收繭。新曆五六兩月最盛。嘉南嘉北設繭捐局兩處。

稻米足民食而有餘。湖蕩設簍養魚。並植菱芡。櫛李甚佳。其種漸絕。

實業 湖蕩星羅。水利甚便。沮洳之鄉。今爲樂土。額徵銀二十一萬兩以上。嘉湖衛額徵五萬兩以上。城內有電燈電話公司。布廠多而規模小。精勤廠線襪亦佳。

教育 省立第二師範中學兩校。縣立高等小學在城者二。各縣高等小學附國民學校者六。國民學校七十有四。嘉禾女子師範學校。成立頗早。私立啟秀女學亦完美。城市 車站。在東門外。新築洋房頗盛。有馬路。以旅館茶店爲多。商肆以北門大街爲最盛。銀行在焉。南門次之。絲行米行亦多。城內有電燈電話。氣象一新。且有戲園。鄉鎮 嘉興鄉鎮。依投票地點。約分十七區。一城區。二王店。三新塍。四王江涇。尖敦角。渠東廉謙。五新豐。六塘匯。三店。玉溪。七鍾埭。八南匯。梅湖。九池西。澄溪。十雙橋。十一陶涇。濮院。十二新篁。十三漢塘。十四餘賢。十五鳳石。十六東棚。十七棲鳳。

交通 滬杭鐵路。南至省。北至滬。往來利便。運河小輪船。四達之中衢。東至平湖。南至海鹽。日內即可往復。西至吳興。一夜可達。北至蘇州。計程一日半。其他新塍南匯。皆通民船。小輪專用以載客。若運貨仍以民船爲最多。婦女亦操渡船。陸行者甚少。

第九十五章 嘉善縣

嘉善縣治北緯三十度五十三分。東經四度一十二分。

沿革 明以前本嘉興地。宣德五年始析置嘉善縣。仍屬嘉興府。清因之。民國廢府屬錢塘道。

疆界 東至楓涇界江蘇松江縣。東南至香花橋界平湖。南至石龍橋界嘉興。北至蘆墟界江蘇吳江縣。東北至白魚蕩界江蘇青浦縣。東西三十九里。南北九十八里。距省北二百里。

地勢 沮洳低地。因溝渠整飭。化爲沃衍。無山脈。故缺之。

水系 魏塘自嘉興流入。經跨塘橋入城濠。有冬瓜湖。合運涇港。顧家濱。蘆魁塘。北至汾湖。陳河巷。入江蘇吳江縣境。華亭塘田縣東城壕分出。納油車港。楓涇塘。入江蘇松江縣界。分流爲小寺橋港。由茜涇塘。至上自蕩。入江蘇青浦縣界。伍子塘自嘉興流入。分六斜塘。茜涇塘二支。經流由華英港。北入祥符蕩。

物產 菽類有豌豆。缸豆。香珠豆。刀豆。裙帶豆。龍爪豆。羊目豆。白豆。赤豆。綠豆。黃豆。烏

豆。僧衣豆。瑪瑙豆。蠶豆。梅豆。凡不宜水稻者必種豆。瓜類亦蕃。竹亦有十二種。

實業 斜塘楊匯。髹工鎗金鎗銀法。以黑漆爲地。刻山水花卉。調雌黃韶粉。以金銀箔

傳之。爲美術出品。農田額徵九萬六千兩以上。甄瓦窯七百餘處。歲值二百餘萬元。

教育 縣立高等小學四。師範講習所一。女子高等小學一。國民學校。城鄉共二百餘

所。鄉學以西塘最爲發達。私立女校。以善善文化創辦尤早。

城市 有門四。水門五。城河屢淤。屢濬。既設車站。城外益繁。修旅館。茶樓。萃焉。英美煙

公司紙煙。日本仁丹。廣告侵入內地。是以現金流出日多。蠶汛時設繭捐局。

鄉鎮 楓涇百貨輻輳。丁義興。罐頭蹄筋。葱鴨。黃雀。馳名甚遠。運涇港。有楊廟鎮。天寧

莊鎮。小寺橋港。有丁家柵鎮。六斜塘之白圭橋。有干琴鎮。臥龍橋之西塘鎮。工商亦

盛大。雲寺市。姚家橋市之類。亦爲鄉民交易之地。

交通 縣城及楓涇。並爲滬杭鐵路重要車站。北通京滬。南至省城。最爲便利。有小輪

船。通上海及平湖。若西塘。天寧莊等鎮。皆有航船往來。各港小船如織。陸行者。惟在

附近往來。稍遠必由水道也。

第九十六章 海鹽縣

海鹽縣治。北緯三十度三十四分。東經四度一十一分。

沿革 春秋越武原鄉。秦漢海鹽縣地。隋始置海鹽縣於此。梁末。侯景置武原郡。陳廢。

仍屬吳郡。永定初屬海寧郡。尋省入鹽官。後復設。屬蘇州。宋屬嘉興府。元明清因之。

疆域 東南迫海。西南老寨山界海寧。北馬溼橋界嘉興。東北行素菴界平湖。正西長。

水塘界桐鄉。東西廣六十四里。南北袤八十八里。至省二百七十五里。

山脈 天目東支自海寧來。綿亘海上。爲談仙嶺。突出海濱。爲葫蘆山。屏蔽澈浦。建礮。

臺於寨基山。北有楊山。葛山。豐山。陸墓山。點綴平原。東有秦駐山。突出海角。散爲草。

鞋山。綉山。韭山。普山。白塔山。亭立海中。近於海岸。天目東支之盡處也。

水道 招賢塘自海寧來。經秦王廟。通元鎮。至慶豐橋。分而爲烏邱塘。又經滕金橋。港。

口。過甸神橋。至歟城鎮。清松橋。自海寧洛塘河。合長湖。黃道湖。來。分流爲嘉興塘。自。

孟家堰。至葉家橋。南流入城壕。分爲平湖塘。入平湖界。長水塘自海寧來。入嘉興界。

物產 海濱煮鹽。名副其實。有海沙鹽場署。在縣東北。鹽場有西施王廟。絲繭產額亦。

盛。禾麥麻稂亦自給而有餘。果物以梅子爲最多。

實業 農田額徵六萬五千有奇。地形高仰。山谷隄防。足以捍海潮。其土黃壤。其井泉甘。溝洫蓄蓄不易。故民利於早熟。

教育 縣立高等小學校三。女子高等小學二。國民學校二百餘所。鄉校以沈蕩文風爲盛。其教育家之先覺。能編輯小學教科書。風行全國。上海商務印書館之成績也。城市 城在吳人禦越城西北。周六里餘。東瀕大海。設南北三面有濠。城門四。水門三。與澉浦城有犄角之勢。蠶汛時設繭捐局。

鄉鎮 澉浦爲海防海塘重地。海沙白沃。廟爲齋署重地。關係軍政財政至鉅。通元。歟。城。沈蕩。三鎮附近。農產發達。工商亦隨之而發達。其他港口橋頭。及設堰置閘之地。多成市集。

交通 縣城有壕河。通小輪船。經歟城鎮。沈蕩鎮。餘賢埭。而至嘉興。與鐵路聯絡。又有航船通澉浦。歟城。沈蕩。各有航船通硤石。上游通元鎮。亦運航運。縣西沿長水塘。爲鐵路所經。未設重要車站。

第九十七章 崇德縣

崇德縣治。北緯三十度三十五分。東經三度五十一分。

沿革 春秋越地。北至禦兒。五代吳越析嘉興地。置崇德縣。屬秀州。宋屬嘉興府。元升

崇德州。明後縣屬嘉興府。清康熙元年改石門縣。民國避重名。復改崇德。

疆界 東北繡溪橋界桐鄉。西南安業橋界德清。東南大有橋界海寧。西北界小平橋

吳興。東西五十二里。南北二十七里。距省城一百一十里。

地勢 冲積平原。極目坦蕩。無邱陵。故山脈缺焉。

水系 運河經流。自德清入境。經安樂橋前。至下塘河口。經松老高橋。彭河橋。大通橋。

包角堰橋。分爲南沙渚。又長安塘來會。至縣治小南門。弔橋。分爲中沙渚。又過青陽

橋。分爲北沙渚。又過拱辰橋。分爲瓜塔涇。又過羔羊橋。分爲沙木涇。有羔羊涇來會。

又過徐家涇口。至石門鎮。北與桐鄉分水。至新興橋。有錢林涇來注。至繡溪橋。流入

桐鄉縣界。

物產 穀中糯盛行。有早糯、旱糯、中秋糯、豬血糯、晚秋糯、矮脚糯、香粳糯、鴨嘴糯。其桑

種有青桑、白皮桑、荷葉桑、鷄腳桑、扯皮桑、尖葉桑、火桑、山桑、紅頭桑、青鳥桑、

實業。農田額征六萬四千兩以上。重桑麻。勤稼穡。稻蟹之列。夙稱饒庶。商賈射利而近華。蠶汎時設繭捐局。棉有鐵核、白核二種。

教育。縣立高等小學校三。高等小學附國民學校者一。國民學校四十四所。女子高等小學一所。女子國民學校三所。

城市。城門四。水門三。元末張士誠。據蘇州時所築。明時因禦倭寇。度地營築。增城門一。水門二。添築箭臺敵臺。併堞培高。雖今昔形勢少異。可激勵國民禦侮之氣矣。

鄉鎮。石門灣爲縣北大鎮。昔年縣治以此得名。洲前鎮臨上莫涇。貿易亦盛。對門涇之常樂寺。長濠涇之張緒滙。長安塘之八里亭。南沙渚之長春橋。中沙渚之萬興橋。北沙渚之匠染橋。石人涇之興隆橋。皆有小市集。

交通。運河通行小輪船。縣治及石門鎮均輪船所經。縣南有航路十二里。卽達長安車站。但長安塘未通小輪耳。大南門外原有皂林驛。今驛站已裁。陸行惟往來附近而已。

第九十八章 平湖縣

平湖縣治北緯三十度四十四分。東經四度一十二分。

沿革 秦置海鹽縣於此。隋以後移置今海鹽縣。遂爲海鹽地。明宣德五年。析海鹽置

平湖縣。屬嘉興府。清仍之。民國屬錢塘道。

疆界 東南界海。西界嘉興。西南界海鹽。北界江蘇松江及金山。西北界嘉善。東西界

三十九里。南北六十八里。西南至省二百四十九里。

山脉 海寧沿海。來脉爲雅山、觀山、陳山。有天后宮保安城各砲台。東北龍尾山、獨山。

迤於黃盤洋海面之壓卵山、大孟山、小孟山、菜薺山。上盤山下盤山。無草山。北支爲

黑山。灘滸山。東支爲白山、小白山、紐子山、鬪牛山、對寬山。

水系 以東倉爲中心。來源三。一爲嘉興之漢塘。二爲海鹽之海鹽塘。以及海鹽之黃

泥港。三爲乍浦塘虹霓堰之水。其由東湖分出之水有三。一魚圻塘。東北流會松風

港。至趙莊涇。二廣陳塘。東北。又分爲鹽船河。三六里塘河。至界河。均流入金山縣境。

物產 繻之品有金釵繻、羊脂繻、馬鬃繻、榧子繻、白殼繻、西洋繻、竈王繻、蘆花繻。家園

杜筍鞭筍燕來筍茶筍並佳。鱖魚卽河鮪。湖中間亦網得。靈溪出細布。絲繭亦多。

實業 農田額征六萬二千兩以上。官河畜河。歲有港稅。士夫家政尙勤。女工居什之

七。夫耕婦織。最勤苦。今啓新光華各襪廠。絲光襪。協義興製酒公司。有葡萄養血酒。

教育 縣立高等小學三。高等小學附屬國民學業者三。國民學校三十有四。女子小

學三所。曾設師範講習所。改良鄉校。小學每人歲費七元以上。爲七十五縣之冠。

城市 九峰三泖。環以大海。明嘉靖前無城。島倭爲亂。始奉檄築城。圖度形勢。增女牆。

崇雉堞。城門六。水門三。東據當湖。收挽舟飛控之效焉。蠶汎時設有繭捐局。

鄉鎮 乍浦在縣東南二十七里。元時已通番舶。明湯和始列亭障。前清以副都統駐

防。並設海防理事二同知。城濠深固。今在海疆已爲次要。梁莊寨城。舊有巡檢。烽墩

臺。今無郵電。不如全公亭。新倉。虎嘯橋。一帶尙爲海濱繁盛之鄉鎮也。

交通 平湖出入以嘉興爲要道。有小輪船。與鐵路行車時刻聯絡。每日來回。必由新

豐。若通上海。慶記立興小輪船公司。上溯乍浦。下達新埭。以入蘇境。爲南北幹線。西

北經鍾埭。至嘉善。有小輪船。東至新倉。亦有小輪船。西南至新篁。則用航船。

第九十九章 桐鄉縣

桐鄉縣治北緯三十度四十分。東經三度五十五分。

沿革 本嘉興縣地。明宣德五年。析置桐鄉縣。屬嘉興府。清因之。蓋割嘉興六鄉。設治

於梧桐鄉鳳鳴寺。以鄉名爲縣名。

疆界 東界嘉興。東南界海鹽。海寧。西南界崇德。西北界吳興。北界江蘇。吳江。東西三十五里。南北六十里。距省會一百七十里。

地勢 平原無山。

水系 運河經流。自崇德縣石門鎮入界。經洪濟橋。曹家窰橋。萬年高橋。繡溪橋。登雲橋。毛家渡。永新港口。文星橋。北正家橋。入嘉興界。白馬塘。自洪濟橋分運河之水。經烏鎮。至九里橋。與江蘇震澤分界。金牛塘。自繡溪橋分運河之水。過郭瑣橋。陳莊鎮。入白馬塘。又石人溼。自崇德入境。經屠甸鎮。至濮院鎮。入嘉興界。南沙渚塘。自崇德來。合沙渚。入海寧縣界。

物產 濮院紬。一鎮商賈。歲買數十萬金。桐鄉有花絹。官絹。羅筐絹。素絹。帳絹。畫絹。花

綾、錦綾、素綾、花羅、素羅、花紗、腳踏紗、縐紗、龍潭布、桐鄉布、眉公布、烏鎮布、筵布、苧布、實業。農田額徵五萬六千兩以上。今農會設立業勤桑秧公司。出品尙多。平民習藝所。及鎮通惠公司。仿造各種香煙、雪茄烟、紙捲煙、衛生煙、將比隆南洋兄弟矣。

教育。縣立高等小學二。高等小學附國民學校三。國民學校三十有五。女子小學三所。夏禹勤儉、秦伯遜讓、遺風猶存。其教育家能競爭全國教科。卽中華書局也。

城市。宣德設縣之初。尙無城。天順成化中創修。嘉靖時因防倭成。上磚下石。水門四。城樓四。城河舟楫交通。東門外之東市頭。

鄉鎮。青鎮在北。水陸輻輳。生齒日繁。富家大姓。甲於浙右。前清設有巡檢。在吳興者。名烏鎮。至今爲財政徵收重地。濮院鎮在東北地方。工商近益發展。其他爐頭鎮、陳莊鎮、屠甸鎮、亦爲著名市集。

交通。有小輪船。東由濮院通嘉興。西由烏鎮、雙林、菱湖通吳興。東南有航船至硤石。西北由烏鎮、盛澤、平望通蘇州。晉省者。在硤石換車。赴滬者。者在嘉興換車。客貨出入極便。

第一百章 吳興縣

吳興縣治北緯三十度二十五分。東經三度二十七分。

沿革 秦置烏程縣。吳爲吳興郡。隋廢郡置湖州。唐屬江南東道。改浙江西道。吳越改

宣德軍。宋析置歸安縣。元爲湖州路治。明清爲湖州府治。民國併二縣。復名吳興。

疆界 東至江蘇吳江潯。桐鄉。璉市。西至長興水濱。北至太湖口。東南至崇德白馬

村。西南至安吉石門村。

山脈 自安吉來。道場山。何山嶺。望鄉嶺。總管嶺。沙嶺。耀武。關聯於武康。錦雞山。銅盤

嶺。白鶴嶺。小剎山。金安山。吳嚶山。潛山。陽奎山。北白山。干山。雙井嶺。皆天目支

水系。運河自鎖苕橋。碧浪湖。過南潯極樂寺。入江蘇界。枝流有潯溪。中塘。新興港。若

苕溪。自德清來。自月河以下。東苕溪。一名雪溪。枝流有西塘河。山塘溪。莊嶺溪。妙喜

港。呂山塘河。北塘河。裏塘河。濃港。廿五。吳興河。九里塘。沙村塘。楊堡塘。思溪。橫港。長

超港。紫金塘。潞村。西塘。埭溪。金山溪。西苕溪。自長興來。會於東苕溪。濃港。十三。

物產 御苑出溫山。著於茶經。湖桑之種。冠於全國。其蠶種名曰吳興正種。曰蓮心。並

優良。湖縹湖絲。名馳海外。湖筆亦爲文人所寶重。竹木果廬之利。皆足民用。

實業 額徵銀二十一萬三千餘兩。附加三萬元。爲全省第一繁富之區。尺寸之隄必樹桑。環堵之隙必課蔬。土潤而物豐。以勤儉長子孫。無敢以傲康墮先業。

教育 江左尙文。湖學日盛。今縣省立第三師範中學。吳興甲種商業及教會所設東吳第三中學。縣立高等小學十五所。國民學校一百一十二所。女學九所。

城市 市民儀雅而周巽。城內子城。卽古烏程縣治。項王故城。舊名紫金城。又名極樂城。晉郭璞欲移郡於東遷。其女啟璞母徙。因舊址損益之。可永無殘破之虞。璞從之。鄉鎮 東鄉業織。南鄉業桑。菱蓄魚。西鄉業薪竹。北鄉業蔬。南潯爲運河鉅埠。南潯志紀其繁盛。霅水橋亦扼要。雙林鎮在中塘。新興港善連港。妙喜港皆有鎮。烏鎮北市。在瀾溪塘。菱湖鎮。荻港。袁家滙。在苕溪上。他於槿市。千金市。思溪市。東林市。並盛交通。有小輪船。共有招商。戴生昌。立興。正昌。四家。碼頭在城內館驛河。由晟舍。南潯。通上海蘇州。又有小輪船。由袁家滙。菱湖。塘棲。以通省北之拱宸橋。長興。安吉。孝豐。民船。皆會於城下。德清。武康。水運亦便。其西溯長興。泗安鎮航船。陸路通安徽廣德。

第一百一章 長興縣

長興縣治北緯三十度五十九分。東經三度十三分。

沿革 晉析烏程故障地。置長城縣。屬吳興郡。隋省入烏程。旋復。沈法興置長州。唐改

長州爲綏州。雉州旋廢入湖州。吳越更名長興縣。元升州。明清以來復爲縣。

疆界 東界吳興白鶴嶺。西界安徽廣德龍目嶺。南界安吉小溪橋。北界江蘇宜興懸

腳嶺。東南界吳興。宋嶺。東北至太湖口。東西一百三十里。南北一百二十里。東南至

省城二百五十里。

山脈 山連屬而秀拔。自安吉天目北來者。爲分水嶺。培富嶺二支。安徽廣德之界嶺。

分爲康山。郎山。岷山各支。北迤爲襄王嶺。道濟嶺。東迤茗嶺。啄木嶺。入江蘇宜興界。

水系 水逶迤而清深。西苕水自安吉來。枝流吠橋。蠡塘。孫瀆。和平。下殷。胥倉六港。經

流至目山。渡入吳興界。四安溪出朱灣嶺。亦入吳興界。箬溪出茗嶺。入太湖。支流。槐

花。礪水。罨畫溪。無胥港。隔山港。車渚港。北溪。呂山塘。中橫塘。北橫塘。漣港。三十四。

物產 茶以顧渚最著。羅岍亦佳。蕪菜出吳城湖。一名西湖。莖上有冰涎。滑澤可食。飛

雲山多楓櫟。石郭山生楊梅。絲繭之利尤厚。其蠶種曰王新。

實業 農田額徵八萬兩以上。地臨輿區。猶多艱食。蠶汎時設有繭捐局。近日廣興煤礦公司。探勘多處。將來發達。未可限量。

教育 縣立高等小學一。高等小學附國民學校者四。國民學校五十有五。乙種農業學校一所。尤重實驗。女子高等小學附國民學校一所。

城市 吳闔閭弟夫槩築城狹而長。因名長城。縣有雉山。又名雉城。唐武德後始治今所。城門六。水門二。東曰清河關。通吳興及太湖。西曰大雄關。通合溪。

鄉鎮 鴻橋鎮在縣正東。呂山市在縣東南。夾浦鎮在縣東北。和平鎮在縣南。合溪鎮在縣西。四安鎮在縣西南。水口鎮在縣北。皆爲一鄉農商交易之總滙。其他李家巷市。陳村葛逕村。亦爲交易之場。

交通 縣治航路通吳興四十五里。與輪船聯合。縣南之和平鎮。四安。林成橋。虹安橋。皆有航路。達吳興。東北夾浦鎮航路。亦達吳興。郵程皆不經縣治。是以吳興之郵件愈繁。長興愈簡。西出青峴嶺。義峰嶺。通安徽廣德。尤以界牌爲衝。茗嶺通江蘇宜興。

第一百二章 德清縣

德清縣治北緯三十度三十六分。東經三度三十分。

沿革 本烏程地。唐天授二年。置武源縣。屬湖州。景雲二年。更名臨溪。天寶初。始名德清。後因之。

疆界 東界崇德大麻村。西界武康金鵝山。南界杭縣五林村。北界吳興渚前瀆。東南界杭縣古駱塘。東西廣五十五里。南北四十里。南至省城九十五里。

山脈 自武康來。爲司馬嶺。大肚嶺。東有龍山。鳳山。東茅山。西茅山。蟠於縣東者曰烏巾山。縣南爲乾元山。嶺北爲火爐山。東北爲灰山。天目支麓。自此化爲平洋。

水系 運河自杭縣塘棲來。經福德橋。平橋。望仙橋。安樂橋。獅虎橋。入崇德界。枝流東莒溪。復分爲白雲橋。下舍市二水。而莒流經流卽餘不溪。自武康來。過縣治東南。經虹橋。灰山。至錢家潭。入於嘉善界。枝流有勞家。陡門水。西塘。西溪。北流。東塘。高橋。三白潭。橫塘。城頭。漾。油車。漾。東牌頭。蠡山口。澈村。洋溪。灰山塔等水。咸資灌溉。

物產 苧溪以苧著。又名白縑布。絲繭之利尤厚。山鄉多樵蘇之利。水鄉則灌溉有資。

菱味佳而多。運銷上海等處。

實業 農田額徵五萬八千兩以上。介在山澤之間。其民饒樂。新市電燈公司業已舉辦。自立商會。家庭工作甚勤。尙無大工廠。有繭捐局。蠶汎時設之。

教育 縣立高等小等一在城。一在新市。其他均附國民學校者。三國民學校七十。女子高等小學附國民學校二所。學者有俞曲園遺風。其教育家則考工而尙實焉。

城市 唐天寶時徙百寮山南。卽今縣治。宋修石城。明初徙其石修海塘。止存土郭。聯絡溪山。啟七門。倭寇犯浙。復修城改爲五門。又設水門三。城內南四舖。爲商塵所萃。鄉鎮 鄉俗議姻則嚴氏族。舉葬則急塋兆。故立葬社以周貧。行多婚於凶歲。皆事之近古者。東鄉龍安橋之新市鎮。有五柵。均設徵收局。繁盛過於縣城。澉村市。下舍市。白彪市。略有商店。塘棲煙火萬家。舟航千百。與杭縣共之。有唐棲志。北鄉大通橋之洛舍鎮亦爲津要。

交通 縣治爲武康航路門戶。但本縣新市塘棲通小輪船。比縣治尤便。下舍郵件亦航達塘棲。但本縣航路由苕溪者可上達瓶窯餘杭。下達菱湖吳興。支路可達上柏。

第一百三十三章 武康縣

武康縣治。北緯三十度三十四分。東經三度二十三分。

沿革 後漢析烏程地置永安縣。晉初改永康。又改名武康。隋廢旋復。吳越改屬杭州。

宋元明清屬湖州。

疆界 東界德清金鵝山。西界安吉銅峴山。南界餘杭馬頭關。北界吳興桃塢嶺。東南界杭縣界頭村。東西七十九里。南北四十五里。距省九十里。

山脈 自安吉來。銅嶺高標三十四丈。楊濠嶺並峙焉。東支爲銅官山。鍊銅灘。北迤爲莫干嶺。西人每於此避暑。南支石胡梯嶺。箬嶺。梯子嶺。蟠山嶺。卸車嶺。橫岡嶺。峙於餘杭界上。迤爲岑嶺。長鄭嶺。自莫干以北入吳興。箬嶺以東入杭縣。

水系 東苕溪又名餘不溪。自杭縣來。納禹溪。分封溪。又分洪家澗。崇美河。八字橋水。其經流入德清界。餘英溪自餘杭來。納安吉之合溪。銅峴之雙溪。納莫干山等水。下入吳興。湘溪卽菴畫溪。發源界嶺。至後溪塘河。下入德清。

物產 武康石色黑而潤。浙中假山。多藉此爲山脚。絲類有鵝脂絲。山地亦蠶。其名曰

玉色種。鹽鹵種。

實業 農田額徵二萬五千兩以上。邑小地偏。不遘商賈貨利。水稻兩月可穫。故以六
十日爲種名。

教育 縣立高等小學。附國民學校者二所。國民學校九所。女子小學一所。民性愿而
近道。習醇而敏於爲善。故可教也。學生人數甚少。常列最後第二席云。

城市 漢初平間置縣。在今治西五里之銀山。今徙烏回山。累土爲繚垣。今尙無城市。
廛不盛。縣前舖有千秋橋。

鄉鎮 東鄉二都市。在封山南麓。東南鄉楊墳市。在禹山南麓。下柏鎮之商況較盛。南
鄉上柏鎮與之齊名。此鄉有波斯村。古人徠遠之紀念也。西南鄉有九都市。北鄉三
橋埠。東北鄉之長安市。皆爲農商交易之所。

交通 莫干山因西人與歐美通信。郵電至夏日最繁。由縣西北四十里。至三橋埠。有
航船。由三橋陸行二十七里登山。有山轎。縣治水程七十二里至塘樓。附小輪船。普
省。由上海至莫干山者。多由火車至嘉興。易小輪船至菱湖。易民船至三橋埠。

第一百四章 安吉縣

安吉縣治北緯三十度四十分。東經三度七分。

沿革 秦置鄣郡。漢廢郡爲故鄣縣。後漢中平初分置安吉縣。隋廢故鄣。並省安吉。沈

法興復置。唐初屬桃州。復屬湖州。後因之。明正德升州。清以來爲縣。

疆界 東界武康銅峴山。西界安徽廣德苦峴山五嶺。南界孝豐沿干市。北界長興縣

方山。東南界餘杭獨松關。西南界安徽寧國下峴山。東西八十里。南北七十里。東南

至省城三百里。

山脈 自安徽廣德來者爲大五嶺。孝豐界山棧嶺。至挿花嶺。界嶺至環山嶺。南迤爲

獨松嶺。石莢嶺。銅菱嶺。至餘杭界。而縣北龍潭嶺。培富嶺。二大支。則入於長興界。

水系 苕溪自孝豐流入。經東嶽廟。梅溪市。至小渡口市。入長興界。枝流有東溪。祥溪。

梅園溪。豐食溪。吳渚溪。丁埠港。裏溪。梅家山溪。柴溪。後陽溪。前陽溪。渾泥港。杜家溪。

橫溪。芝溪。豬婆港。四公溪。魯家溪。銀山溪。莊溪。徐溪。

物產 特產之藥。有自然銅。自明以來。礦產銅錫已著。山中多桐子。可榨油。荻浦桑皮。

紙可疊爲帳。青松里善製鹿網。可致生鹿。梅溪石門中產石耳。能止熱。金花梨亦佳。實業。農田額徵二萬三千兩以上。賦繁事劇。其土瘠薄。故鮮富室。罕積聚。其小民不出境事商賈。不習工藝。故多貧。蠶汎時有繭捐局。

教育。縣立高等小學校二。國民學校五。女子國民學校二。已漸升高等小學校。校風之安靜。或勝於鄰縣。校數之少。恒列統計最後之第二席云。

城市。唐開元時。始移治玉磬山。明初始修城。有四門。瀕大溪。引水爲壕。鑿壕爲池。僅通舟楫。歲久城圯壕湮。屢有修濬。

鄉鎮。縣北梅溪鎮。爲土貨外貨吞吐之口。渡闊二十八丈。下游小溪口。有橋有市。縣北有遞舖鎮。距城二十里。附近楊樹村一帶。交易於其間。縣東錢坑市。在廟施嶺西麓。亦大山嶺中之佳境也。

交通。吳興有航船至梅溪。爲安吉孝豐出入之門戶。陸行三十里。卽達縣城。若由水道。上溯過於迂緩。縣南郵路。由遞舖鎮折入孝豐。民間往來。則不取道於遞舖。西北支路。由嚴興橋通安徽廣德。沿途經橋梁九。路頗坦平。

第一百五十五章 孝豐縣

孝豐縣治。北緯三十度三十一分。東經三度五分。

沿革。故障地。後漢中平二年置原鄉縣。屬丹陽郡。吳屬吳興郡。隋省入綏安。唐省入

長城。復爲安吉地。明成化二十三年析置孝豐。正德改屬安吉州。清屬湖州府。

疆界。東界武康菱湖。西界安徽廣德苦峴山金鵝嶺。南界臨安烏山關。北界安吉沿

干溪。東南界餘杭幽嶺。西南界於潛耶採關。東西一百三十里。南北六十里。至省二百五十里。

山脈。天目山已見前章。仙丈峯有靈壽木可爲杖。藥草熬膏。點鐵箭。殪虎。曰虎箭。

水系。西南諸水。自天目發源。至長潭合併而爲一。經塘福鳥牆壩而直瀉於湖。近日

堤岸坍百餘丈。以致小港日闕。大港日淤。今堅築石埭。抵禦水力。以免橫射。蓋苕溪

發源於廣苕山。至獅子渡入安吉界。枝流石門溪。浮塘溪。深溪。景溪。橫溪。合而勢盛。

東濱溪出大海嶺。大溪出市嶺。龍安溪出梅家山。西畝溪出界山。則分流入安吉界。

物產。毛竹爲大宗。歲值百萬元。茶葉木炭次之。絲繭又次之。蠶汎時有繭捐扇。糧食

豐年可足食。礦產探勘未確。棉有白子黑子二種。山地或種蕎麥爲食。

實業 山地皆以種竹爲生。亦按畝納糧。額徵銀二萬二千兩以上。森林年久。皆自然

發達。燒炭窯甚多。供吳興各縣之用。水確藉水力自舂。搗竹如泥。以造黃紙白紙。

教育 縣立高等小學。及女子高等小學。均在城中。通學甚便。國民學校。全境共計三

十餘所。王氏私立高等小學。尤見精神。

城鎮 城東門外臨河。直達梅溪。有蓬船。城內惟縣門前十字街。商況較盛。居民約計

數千家。市人視聽閒靜。未嘗馳騫紛華。漢縣故城。實安吉舊治之天目鄉也。

鄉鎮 東鄉白水灣。南鄉港口。北鄉唐福鎮。西鄉杭杆。西圩。章村。河圩。均爲鄉鎮。中較

盛者。不過居民一二百家。商店二三十家。唐福爲最。亦不過六十家。此外礮溪市。販

溪市。報福市。亦鄉民走集之所。東地沃而近修。西地瘠而近鄙。林篁僻遠。易服難馴。

交通 孝豐郵路北行二十五里。至遞鋪。又二十里。至安吉。三十里。至梅溪。計縣城至

梅溪一日。由梅溪乘船至吳興。換小輪至省。則程途甚便。若由孝豐逾嶺至餘杭。則

崎嶇不便。行人甚少。西北通安徽廣德寧國。萑苻不靖。商旅甚稀。

第一百六章 鄞縣

鄞縣治。北緯二十九度四十五分。東經四度五十七分。

沿革 秦漢會稽郡地。唐武德四年。置鄞州治句章。旋廢。開元末改明州。治鄞縣。梁開

平二年。更名鄞縣。宋爲慶元府治。元爲路治。明清寧波府治。民國會稽道治。

疆界 東界鎮海隴東河。南界奉化傅河壩。西界慈谿潘壘嶺。北界鎮海磚橋舖。東西

六十五里。南北六十六里。距省西南四百八十里。

山脈 四明山在縣南一百五十里。由天台來。已詳前章。鄞人喜以四明自號。如寧波

會號爲四明公所。銀行稱四明銀行。報館有四明日報。洵寧波列縣之望矣。

水系 甬江經流自慈谿九里浦入界。經縣治北郭壩。至張家堰。入鎮海界。枝流南塘

出四明。經蜜巖、櫟社、石碛、包南門、西門入甬江。裏弄港、新塘河、西塘河、各支稍小。鄞

江自奉化來。合前塘河、銅盆浦、鄞奉橋、後塘河、至大石碛。入甬江。惟東錢湖不入甬

物產 植物櫻樹。可爲櫻帽、櫻鞋。鄞山蔗田。可製糖、冰、稻、麥、稷、菽、蓖麻。並盛。山藥尤多。

海產有鱸、鱸、鱸、鱸、鮓、鮓、鮓、鮓、蛤、蟹、蚶、蠔、螺、蠣、江搖柱、淡菜、獺、吹沙、石首等魚。昆布近

年絲繭業尤盛。甞有山藍、鄞奉繭捐局。兼理奉化繭市。龍山小南門有茶捐局。

實業 水產講習會頗盛。鴻興公司。就內地鐵錳鎢。養發明染料。和豐紗廠。自新正大興、火柴公司。規模闊壯。農田額徵八萬三千兩以上。寧波衛屯田尙存。

教育 省立第四師範中學。縣立甲種工商二校。均有特長。縣立高等小學。四高等小學。附國民學校十。國民學校一百四十二所。縣立女子師範。得省款補助。

城市 城臨甬江。有老江橋。跨奉化江。聯合百丈街。西塢輪船碼頭在焉。有新江橋。跨餘姚江口。餘姚輪船碼頭在焉。下游爲永寧、鎮海、海門。各碼頭。又下爲江天、北京碼頭。英國領事在此。洋關以西。老馬路、新馬路。皆通商之重地也。

鄉鎮 大嵩所爲東錢湖入海之口。有鹽場街最盛。其他東鄉寶幢市、定橋市、雲龍磯市、四港市、莫枝堰市、韓嶺鎮、石碇市、樸社市、章村街、靈岩街、高橋鎮、布金市、並繁盛。交通 輪船直達上海。有招商太古、老公茂、寧紹四公司。温州海門、定海。皆通海輪。爲浙海之總匯。滬杭甬南段。自此起點。以達曹娥江。鎮海餘姚西塢。俱通內河小輪。山東福建沿海帆船。運費比輪船稍輕。所裝貨物較多。

第一百七十七章 慈谿縣

慈谿縣治。北緯三十度一分。東經四度四十九分。

沿革 漢句章縣屬會稽郡。東部都尉治。晉以後移置入鄞縣。唐開元二十六年。析鄞

縣三孝鄉置慈谿。屬明州。宋元屬慶元。明清屬寧波府。

疆界 東界鎮海梅林溼鷗鷺鋪。南界鄞縣鍾乳山潘巖嶺。西界餘姚桐下湖。北至海

中桑嶼黃牛山。與海鹽相望。東西一百里。南北九十里。西北至省四百三十里。

山脈 南爲四明北脈。硤石嶺。孔隄。烏巖山。黃墓山。至姜湖嶺。縣北爲會稽之東脈。若

長溪嶺。西懸嶺。孔家嶺。竹山嶺。杜湖嶺。皆綿亘相屬。而北支盡於海。

水系 甬江上源。自餘姚之姚江來。過丈亭。卽名丈亭江。後江之水。會於丈亭鎮。樟橋

港汶溪管山浦長溪白龍溪所會也。又納漁溪。車廡溪。大隱溪。至梅林壩。流入鄞縣

慈谿界。惟藍溪出大蛟山。西入餘姚界。餘姚之洋浦經縣北入海。淹浦則受杜湖之

水入海。松浦亦受杜湖之水。經三眼橋受鎮海山北大河。經松浦聞自入海。

物產 棉花爲大宗。有大蘆中蘆。早蒴遲蒴各種。歲值約三百萬元。茶葉竹次之。糧食

惟北鄉不敷民食其餘三鄉略有餘。杭稻種稔之饒。稱嘉種焉。原有牧地。家畜亦養。實業。僑商出洋甚多。在日本者爲盛。東山頭吳錦堂爲之領袖。致資千萬。曾捐二十萬。設錦堂學校。又捐修杜白二湖水利。費欸約十萬元。農田額征四萬八千兩以上。教育。縣立高等小學在慈湖書院舊址。倚山面湖。爲城北之勝。中城亦有高等小學。通學適中。國民學校全縣一百一十餘所。乙種商校一所。

城市。車站在南門外。城由南門至縣前。直街及橫街。成十字式。較繁盛。水碼頭則在東門外。市民多茂美之才。人慎刑而易治。

鄉鎮。北鄉寮關。鳴鶴場爲鮭業重地。觀海衛爲沿海扼塞。今海塘日拓。距海已遠。所有沈師橋。慈北裘市。掌起橋。必家埭。均有殷實商人。奮迹於外。輸入資產甚厚。縣南之謳思橋。廬江縣西之二六市。三七市。祝渡鎮。商業亦盛。

交通。慈谿通寧波鐵路。每日往返各五次。但需二小時。即達。西至百官。曹娥。由小輪。船入省。亦輪軌近接。然仍多由寧波至滬。由滬而杭者。計時更捷。小輪船溯姚江過境。惟沿河車廡。阿姆鎮往來由之。

第一百八章 奉化縣

奉化縣治。北緯二十九度四十五分。東經四度五十七分。

沿革 漢置鄞縣屬會稽郡。隋省入句章。唐開元二十六年析鄞縣置奉化縣。元升州。明清以來復爲縣。

疆界 東界鄞縣藤嶺。西界新昌六詔嶺。嵗縣剡嶺。南界寧海柵墟嶺。北界鄞縣北渡。東南十廟碛臨海。與象山相望。東西一百七十里。南北一百五里。距省五百六十里。山脈 山有銅礦。爲四明之南幹。趨趨嶺高百丈。寺後嶺。雪竇嶺。在其附近。南盤嶺。西晦嶺在其西。六詔嶺北高八中丈。由三界大山入嵗縣界。磨心嶺入新昌界。橫溪嶺。童公嶺入寧海界。柵墟嶺與雲蓋嶺亦相連。道陳嶺則入於鄞縣界。

水系 奉化江卽鄞江上源。發於六詔嶺。經柏坑溪口。大埠江口。各市。至三江口。有金溪合縣溪。經大堰街。大橋鎮。及縣治。南渡鎮。方橋市。注入之。東北流至北渡鎮。入鄞縣界。枝流有北溪。棠溪。皆入奉化江。

物產 工廠成績。在商品陳列所者最多。松柏、梓、檉、黃楊、產四明之頂。枇杷、林檎、柑、橘。

果物亦蕃。青櫛子極甘。白竹產結鱗。菸葉產上蹕亭下六詔。江瑤柱四月易得。

實業 農田額徵三萬八千兩以上。土狹民稠。日以墾闢爲事。瀕海小民。業網罟舟楫。

習於風濤。山坡海澗。亦資生計。故力業而有餘。精勤公司。改良竹器。遠銷上海焉。

教育 縣立高等小學四。高等小學附國明學校廿一。國民學校一百四十有六。女子

高等小學附國民學校一所。

城市 左臨大澤。右傍鳳山。玉几當前。錦屏列後。周七里。關四門。穴水門二。自東南臨

龍溪以西。爲文昌溪。北抵陵谷。皆不設壕。

鄉鎮 東鄉大橋鎮。有惠政大橋。距城一里半。又東則西塢鎮。跨居敬橋。又東則鄞奉

橋在界上。亦往來之衝。他如裘村鎮。葦湖鎮。吳家埠。白杜鎮。松巖市。塔山司。南渡鎮。

山隍橋市。陡豐橋市。亦比戶可封。家給人足。工商之實效也。西北惟亭下鎮。尙繁盛。

交通 鄞江輪船公司。由鄞縣上溯奉化。西塢輪船公司。則由鄞縣上溯陡豐。至西塢。

西北亭下鎮。亦通航船。亭下之西北。至上虞縣之東。餘姚之南。則行者趨。商旅皆

繞四明而避其艱也。

第一百九章 鎮海縣

鎮海縣治。北緯三十度一分。東經五度零五分。

沿革 鄞縣句章地。吳越置望海縣。宋太平興國初更名定海縣。元明因之。清康熙二

十六年。別置定海於舟山。故改定海爲鎮海。今因之。

疆界 東北切近海岸。界定鎮洋汎。西北界乍浦汎。海島有虎蹲蛟門至七姊妹山。南

界鄞縣阿育王山。西界鄞縣浦橋。西北界慈谿松浦閘。東南界象山旗頭山青龍港。東西二百九十里。南北二百五十七里。西北距省五百三十里。

山脈 由四明經奉化鄞縣來在南爲佈陣嶺。算山嶺。穿山。孔墅嶺。育王嶺。獅子嶺。啓霞嶺。挺出爲崎頭山。在北則有龍山。石塘山。龜山。及海上澎湖山。

水系 甬江自鄞經白沙市至縣經招寶山脚入海爲大浹江。鄞縣通津橋入界經義安橋市入海。曰小浹江。中大河出巾子山會前大河入慈谿。上河會中河至穿山入海。出北大河。受風浦澗水。經龍山所入慈谿界。

物產 濱海斥鹵利在漁鹽。昆布如繩索狀。大葉似菜。海獺大如狗。毛著水不濡。水母

一名蛇魚。形如覆笠。腹下血如芰。謂之頭。蝦立其上。以蝦爲目。穿長清泉鹽行本地。實業。農田額徵二萬九千兩以上。土瘠俗勤。耕織猶未足以自給。故服賈於海上者。能以愛敬之道。經營商業。握錢業金融之樞要。其工匠所製金銀首飾電鍍尤精美。教育。縣立高等小學一。高等小學附國民學校三十二所。國民學校五十所。女子高等小學附國民學校三所。

城市。薄海爲城。東連招寶山。出澗口。南環以江。北負巨海。城周九里。闢五門。自南門渡江一里有江南市。招寶山巔有威遠城。與縣城唇齒相應。礮台總台官駐焉。

鄉鎮。穿山所當濱海要衝。跨山爲城。有輪船貿易。爲海晏一都之鎮。霧臺所西負育王山。南西北有月城。明湯和所築。爲海晏三都之鎮。龍山所城。與龍山場相接。爲縣北要鎮。並爲海疆要鎮。其他柴橋鎮。石湫市。康頭市。梅山市。孔浦市。白沙市亦盛。交通。甯波出海之口。但上海輪船。直至甯波附輪者。必另由小輪船。往來於甯波。上海輪船。不在鎮海停輪也。但鎮海人營小輪業者甚多。不但甬江流域。若長江浙江各流域支流。多有鎮海人駛行小輪船。惜乎戴生昌。竟挂日商之旭旗也。

第一百十章 象山縣

象山縣治北緯二十九度三十四分。東經五度一十三分。

沿革 秦爲鄞地。吳爲寧海地。隋爲臨海地。唐神龍元年置象山縣。屬台州。廣德二年

屬明州。宋屬慶元府。元屬慶元路。明清屬寧波府。今屬會稽道。

疆域 東南皆界海岸。南至甯海秋蘆門海港。西至寧海蓋蒼山。西北至奉化界鄞港

中白石山。北到烏嶼山。東北到翁山。東西二百里。南北二百五十里。今析其南境爲

南田縣治。距省七百五十里。

山脈 天台東幹爲大箭嶺。象山爲之主。東至錢倉山。北突出爲石門山。東引龍嶼山。

至羊角暗礁。與蝦蟆砲台相望。內抱良港。沿海燈籠山。青門山。羊背山。桃仁山。極多。

水系 東大河出象鼻東北。至賢良磯入海。西大河出其南。至小礮門入海。龍溪發於

小石坑山。至永鎮橋入海。緣溪出蒙頂山。至潘埠入海。東嶺水至礮口入海。浮礁港

至上鷺山入海。

物產 木犀紅而香烈。海苔生海水中如亂髮。乾之可以遠銷內地。芥辣亦爲番菜所

重。鱈魚易捕。每得必成雙。

實業 農田額徵一萬三千兩以上。樵山漁海。衣食自足。樂守畝畝。不出里巷。有最佳之港灣。不能發展工商之業。

教育 城內有縣立私立高等小學。全境國民學校五十餘所。女學惟城內一校。亦國民之初級。

城市 象城北依象麓。南俯鯨波。東迴文峯。西聯丹嶠。關四門。設敵臺。然距港灣稍遠。於形勢交通。均未足扼要。故市況亦不能繁盛。居民猶二千家以上云。

鄉鎮 錢倉所在縣東北。爵溪所在縣東。自明初以來。爲海防重地。設有千戶。築城鑿池。以防未然。今日縣境鄉鎮。轉以腹地之牆頭市。西周市。闌圍較盛。可通舟於內海。洋心市。珠溪市。塗茨市。等次之。石浦設廳。廢入南田。撥歸本縣。地方繁盛。數倍縣治。交通 由牆頭黃溪。有渡船至夾芭嘴。附於海遊。至寧波輪船。一宿可達。間日開行一次。西周市。西澤市。皆爲輪船所經。但不能抵岸。必須渡船。牆頭距縣治。只三十五里。是以行者往來較便。石浦爲寧波海門之中衢。輪船極便。每春末。魚汛時。民船尤多。

第一百一十一章 南田縣

南田縣治北緯二十九度八分。東經五度二十一分。

沿革 前清光緒三十二年。以寧波水利通判。改設南田廳。民國元年二月。改稱爲縣。

并將舊有石浦廳併入焉。二年以石浦劃還象山。所領六大島而已。

疆界 南田島四面皆際海。北距石浦城半島與象山分界。南臨三門灣。形勢壯闊。東

盡東海。東北有牛欄山狗頭山列島。東南有北魚山南魚山列島。西接寧海灣內羣島。以台寧嶼海舌山天明山分界。東西三百里。南北二百里。領海廣遠。距省八百里。

山脈 天台大幹。東迤爲象山海角。石浦以南。山連海斷。南田大島。卽牛頭山。北有北

盤基山。上有黃金壇。爲最高處。縣南有石門嶺。島之東北大灣。島有花峙山。其次壇

頭島。卽狗頭山。其附近小島九。西有大島巖。面積亞於南田。其南大佛頭山。爲三門

之標準。附近小島七。西北羅漢山較平。有小島八。東南雙魚小島二。

水系 龍潭背發源。由鴨浦入海。百丈發源。由鶴浦入海。別有灣門港。珠門港。林門港。

物產 海產蝸蟬蛇母禪塗傑步。島民或以魚爲糧。人居篁竹蘆葦間。穀不足食。或仰

給於內地。其水稻、桂花糯、紅壳糯、黃壳糯、紅淮白、白淮白、亦號嘉種。

實業 土地瘠薄。歲徵僅千六百兩有奇。附加四百八十元。須內地協濟。膏腴地曰大南田。小南田。爲縣南平洋。島中所經營農業。開屯編戶。歲納地租六千四百五十元。教育 縣立高等小學一。高等小學附國民學校一。國民學校十五所。女子高等小學及國民學校各一。

城市 荒島設縣。因山爲城。北倚石屋山。惜未能就海岸灣澳深闊處。建立碼頭。則林門港之東。濬港開市。當念意大利覬覦之恥。以青島、威海、九龍、廣州灣爲鑑也。

鄉鎮 下灣門港、林門港、金漆門、螺絲畧、鶴浦、凡可以泊舟之處。皆可以發展工商。今各港但有少數魚船。其次惟西二島之龍泉塘、坦塘。適於居民。大安塘、吉慶塘、雙連塘。稍有農村。其餘則漁村生活狀況。更不如農家也。

交通 縣北海岸。石浦廳舊治。有輪船停泊。與定海及海門交通頗便。縣城之郵信。皆由石浦轉交。自石浦海峽而西。有輪船郵路。達海游港。至於各島居民。雖有一帆千里之能力。然未能有定期之交通機關也。

第一百一十二章 定海縣

定海縣治北緯二十九度三十九分。東經五度二十八分。

沿革 春秋甬東地。唐開元二十六年。析鄞縣置翁山縣。又名翁洲。大歷中廢。宋熙寧

六年置昌國縣。元爲昌國洲。明復爲縣。又改昌國衛爲定海衛。清爲定海廳。今改縣。疆界 在大海中。舟山大島居其中。西界鎮海之蛟門。南有六橫。隔海與象山相望。北

有衢山。與江蘇崇明洋面相接。東極裏事山。外事山。漁父列島之雙兄弟山。東西三百六十里。南北三百二十里。距七百六十里。

山脈 會稽四明大幹。突出東海角。熱潮激盪。裂爲羣島。皆山峰之高者。見於海面也。

元名舟山。康熙御書定海山。城在大椎山下。鎮鼇山峙於西北。東由沈家門踰海爲普陀山。以及佛頂諸山。點綴蓮花洋面。北支爲岱山衢山。南支爲六橫山。而岱山之東支。磨盤山。雞籠山。菜花山。西福山。東福山。裏事山。外事山。屹立爲省東砥石焉。

水系 西北黃馬溪。正北九曲河。西之岑港。皆各入海。東北白泉湖。可潴水灌田。

物產 大韭大薤。皆取爲島名。普陀石蒜。若龍爪。山茶。若珊瑚樹。靈峯方竹。尤奇。番薯

來自日本。石花菜、鹿角菜、紫草、皆海苔別類。有風味。雞骨樹亦奇。蕎麥亦充民食。實業 農田額徵一萬二千兩以上。漁汛之期以陽曆五六月爲盛。地點以岱山爲適。中彈壓匪徒。依懲治盜匪法。以衛民生。農人仿種洋棉。比原有白子棉黑子棉尤佳。教育 縣立高等小學附國民學校者三。國民學校二十有九。女子高等小學附國民學校者二。

城市 有城門四。水門二。宋之昌國衛故城。清初因其遺址而葺之。海道輻輳。南接閩廣。東聯日本。北控高麗。商舶轉輸。百貨畢備。環城河出壘石山。由平水礮入海。

鄉鎮 定海鄉鎮。當以普陀爲最盛。梯航求福。爲極樂地。沈家門爲本島東南之市。近於普陀。商業較盛。縣北大沙鎮、小沙鎮、東北十字鎮、西北岑港鎮、頗覺岑窳。縣北羣島。岱山漁鹽之利最饒。有宮前鎮。設郵政。無異一縣治。南則大榭六橫。居民亦庶。交通 上海平安公司。有寶華輪船。開行穿山定海。因穿山距定海八十里。郵程最近。若由鎮海逕至定海。計海程一百二十里。由定海東經沈家門至普陀。爲香客航路。由定海南至石浦二百里。爲越東輪船赴海門之孔道。其他小島。以漁舟往來。

第一百一十三章 紹興縣

紹興縣治北緯三十度五分。東經四度四分。

沿革 禹會諸侯於會稽。春秋越國所都。秦會稽郡地。後漢爲郡治。山陰爲秦縣。亦因會稽山得名。隋始置會稽。唐之越州。宋紹興初升府。治山陰。會稽二縣。元明清仍之。民國併山會二縣。以紹興府名爲縣名。而屬於會稽道。

疆界 東界上虞曹娥江。南界嵊縣嵎口溪。西界諸暨金牛嶺。北至海岸。沙隄轉徙無常。隔海卽嘉興澉浦。山陰地東西九十八里。南北百一十里。會稽地東西九十二里。南北百三十里。在省城東南一百三十八里。

山脈 會稽山脈已見前章。臥龍山。亭山。雲門山。玉山。若耶山。豐山。刻石山。皆其支脈。水系 運河自蕭山西興至錢清接縣城。又東接曹娥。南接嵊縣之蒿壩。錢清江由浦陽諸暨來。經錢清鎮入海。曹娥江自嵊縣入界。東折而北。至曹娥廟前。至上虞龍山下。又名舜江。折而入海。鑑湖古大。今小。已詳前章。

物產 紹酒名著全國。味醇而不烈。各省公讞必用之。京莊尤爲大宗。東浦出品優美。

乘製燒酒。阮社村五加皮高粱玫瑰木瓜各酒。遠勝洋酒。其服絲布。其食魚鹽稻果實業。農田額徵一十四萬兩以上。埒於杭縣。無甚貧甚富者。一夫居十畝之田。累世不失。周清新著蔬菜園藝教科書。最切實用。曹娥曾設絲廠。蠶汛時有繭捐局。

教育 世習法律專門之學。興隸亦多識字。省立第五師範中學兩校。城內高等小學。縣立者二。私立者四。縣立女子師範并附小學。城鄉國民學校。共一百四十二所。

城市 城區最繁盛之處。以大路爲最。有柯亭。東湖。七星巖。孫端公園。各名勝地。紹興圍區。卽駐防於此。今天蟾舞臺頗盛。句踐舊都。范蠡故壘。當共勉爲臥薪嘗膽也。

鄉鎮 曹娥。安昌。統捐。重地。華舍。鎮產綢。下方橋。產緞。有航船達東浦。馬鞍。馬山。孫端。皆有航船。通斗門。河道墟。長塘。皆有航船。通陶堰。漓渚。鎮有若霞氏製藥所。甚有效。平水市。因平水茶著名。三江所。瀝海所。皆海疆要地。白洋。黃家堰。昔有巡檢。今裁。

交通 杭紹鐵路尙未成。有輪船二艘。由曹娥過縣城。每日開行二次。一日。或一夜。可由紹興達西興。以至省城。若東至曹娥。乘火車。東出寧波。亦甚便利。至於上溯漓渚。下達斗門。均用帆船。斗門以外。惟江北人駛行駁船云。

第一百一十四章 蕭山縣

蕭山縣治。北緯三十度一十二分。東經三度四十五分。

沿革 秦漢餘暨縣。吳太元二年更名永興縣。隋開皇省。唐初復置。天寶初。移治更名。

蕭山卽在縣治。漢時名已著。唐以後沿而不改。

疆界 西北錢塘江。與杭縣分界。東有浦陽江。與紹興分界。南界諸暨。嶽嶺。西南界富

陽黃嶺。東北至海。東西六十二里。南北九十里。至省城三十里。

山脈 蕭山在治西一里。爲縣之鎮。漢已著名。其脈來自會稽。南有嶽嶺。虎爪山。臨江

山。爲會稽西支。北至龔山。鼈子門。明湯克寬。胡宗憲。敗倭處。陶朱山。美女山。產銅鉛。

水系 海在縣北五十里。一名北海。浙江自富陽建甌下。賴西興塘。西江塘。捍之。爲紹

蕭兩縣保障。一名定王江。浦陽江自諸暨而下。經臨浦。漁浦。以入於錢塘。運河自西

興至錢清二十里。以時修濬。公私皆利。湘湖在城西二里。本爲民田。四面皆山。宋政

和間。縣令楊時。因以爲湖。民資魚販。遂無惡歲。其他落星湖。西陵湖。亦資灌溉。

物產 茗山產佳茗。蕭釀出金井。與越酒並重。湘湖鮑最美。蓴菜尤嫩。芥菜子甘如蜜。

菜曬乾可久貯。棉有彭家、青山、南翔、南滙、嘯唵、崧廈各種。蠶有樺子種、圓頭種。

實業 蕭山臨浦永明電燈公司營業發達。百工日競。農田額徵四萬八千兩以上。南沙等處大半育蠶爲業。其沙地亦有公租。牧地有牧租。蠶汛時有繭捐局。

教育 楊龜山游定夫講學之地。縣立高等小學一。高等小學附國民學校者三。國民學校三十二所。

城市 縣治商況以市中心橋爲中心。有東橋市、西橋市、城門四、水門三。近年交通益便。市上門面多改易新式。家庭工業漸合組工廠。

鄉鎮 臨浦有小杭州之號。義橋次之。聞家堰又次之。西興亦因衝要而繁盛。錢清柯橋所前皆因水運利便而發達。蠡山鎮則因名山而著。其他如漁浦市多民船。上下留下陳設有鹽警。又有長河鎮。在西興南五里。近日進步頗速。瓜瀝鎮市面亦熱鬧。交通 縣城至西興十里。爲運河小輪之起點。由西興至江岸鐵嶺關義渡。至北岸山上廟。卽乘閘口火車。入省城。縣之東南錢清鎮柯橋鎮皆爲小輪碼頭。東達紹興曹娥。縣南支河民船通所前臨浦。而臨浦義橋聞家堰則爲諸杭小輪所經之地。

第一百一十五章 諸暨縣

諸暨縣治。北緯二十九度四十四分。東經三度四十六分。

沿革 秦置。屬會稽郡。唐屬越州。吳越改名暨陽。旋復名諸暨。宋屬紹興府。元升州。至

正間。改諸全州。旋改縣。明初亦改諸全州。尋降縣。復名諸暨。相沿至今。

疆界 東界紹興博古嶺。西界富陽五洩山及浦陽界。南界義烏善坑嶺。北界蕭山兔

石頭。東南界嵊縣宣家山。東陽白水嶺。東西百六十里。南北百十里。至省城二百里。

山脈 由會稽來。以五洩山爲最峻。凡三洩。懸三十餘丈。中二洩不可至。土人號瀑布

爲洩。可借水力生電。設碾磨。縣治西之長山。一名陶朱山。又西有櫛山。北有苧蘿山。

水系 浣江卽浦陽江。由浦江縣來。東北流。土人以流經苧蘿山。因名浣浦。一曰浣渚。

經安華市王家井至縣南。有橫山港合裏浦來。會而水益盛。分而爲二。曰下東江。下

西江。合於三港口。下西水之水較大。爲正流焉。北經姚公埠以北。入蕭山縣界。

物產 國貨絲茶並爲大宗。其蠶曰桂圓種。曰拗子種。歲值鉅萬。紫石英。寶珠石。文石

皆有用。陶器多可適用。其稻名天花落。紅廣秬。江山早。紅花秋。白花秋。

實業 農田額徵五萬二千兩以上。有陂池灌溉之利。絲布魚鹽之饒。其商賈工作。皆簡樸不事浮費。烏龍山有煤礦公司。瓜子山亦有煤礦。可開。蠶沈時設繭捐局。

教育 縣立中學一。縣立高小二十六。女子高小一。國民學校三百餘。乙種工業學校一。又有女子職業學校。蠶桑講習所。在省師範生及中小學生人數。咸冠於各縣。城市 氣象發皇。有電燈工廠。左臨澆水。右倚長山。東門曰禹封玉帛。西門曰句乘雲物。西門曰蠡湖煙月。北門曰暨浦禾桑。又有水門三。以通小舟。

鄉鎮 諸暨上游鄉鎮。以牌頭爲要。下游趙家埠直埠姚公埠三江口爲要。草塔在縣西。楓橋在三江口之支流楓橋港。巔口亦有支港通舟楫。此外橫山港之橫山市。裏浦港之裏浦市。亦著。大橋市及山環市。亦水陸津要。石壁脚街。在東陽縣之交。亦爲衝途。

交通 諸杭小輪船公司。有小輪船二艘。由縣屬姚公埠起。至省城一日程。二船一往一復。楓橋有公司帆船。至三江口。由輪船拖行。縣城之帆船。至姚公埠。即用輪拖。由縣城以上。只可行竹排。

第一百一十六章 餘姚縣

餘姚縣治。北緯三十度五分。東經四度三十五分。

沿革。舜之餘裔。南遷姚江。又名舜水。秦置餘姚縣。屬會稽郡。隋省入句章。唐武德復

設縣。兼置姚州。旋罷屬越州。宋屬紹興府元升州。明清仍設縣。

疆界。東界慈谿。下湖橋石門山。西界上虞。小渣湖筆竹嶺。南界嵊縣。黎州山。北包懸

泥山。跨海。界海鹽縣。東西六十里。南北二百六十里。距省三百一十里。

山脈。西四明之幹。泉四十二道。投空而下。曰白水山。其他龍泉山。隙山。大蘭山。眉山。

皆由四明而接於會稽。海中之山。則有黃山。勝山。長橫。西霍。扁礁。毳山。爲其支脈。

水系。海岸在縣北岸三十五里。鹽場周圍百三十餘里。人民排海而居。螿石鞏固。曰

蓮花塘。姚江出太平山。至上虞。通明壩。乃東折北。十餘里。流過城南。又東過鹹池。滙

又十餘里。而入於慈谿界。而爲前江。凡二百里。一名舜江。菁江會西南。諸水悉入於

姚江。燭溪湖在東北十八里。三面界山。東橫河引之。以注入姚江。

物產。魚鹽材木。山林湖海之利頗饒。越窰舊製甚佳。其蠶曰大元種。特產有仙人掌。

當春夏雷雨驟作。俄產白水山崖石上立採可得。北鄉多棉。南鄉多稻。藥物多。麥冬。實業。農田額徵七萬六千兩以上。耕稼陶漁。有虞氏之遺風。未墜。輪軌大通。就時懋遷。陸守忠著機械。丁師袖珍。陸海望著農產製造。紗廠已設。而中輟。餘上有繭捐局。教育。縣立乙種農業一。在縣城西北。農事試驗場。限於地。尙未展拓。高等小學一。高等小學附國民學校六。國民學校百有三所。

城市。吳將朱然舊築。元季方國珍復築之。明備倭患。乃漸完葺。四面引江水爲池。南北各立水門。通舟楫。去海百里。夾江居民萬家。江南得三之二。前明又築江南城。鄉鎮。臨山衛。滸山所二城。前明本爲海防要地。今海塘展拓。二城距海已遠。實爲腹地之鄉鎮。臨山當縣之西北。第四門。廊廈周巷。鄭巷。各鎮因以發展。滸山當縣東北。石堰。坎鎮。天元市。庵東市。因以發展。若三山。若眉山。若廟山。昔有巡檢。今裁。

交通。自寧波通商以來。於甬江桃花渡。設有餘姚輪船碼頭。經慈谿。泝流而上。今火車更捷。輪船運輸稍衰。但粗重貨物。仍由民船裝載。境內郵路。惟臨山一線由陸路。東北赴慈谿之觀海衛。亦由陸路。若方橋。天元市。坎鎮。皆通航運。

第一百一十七章 上虞縣

上虞縣治。北緯二十九度五十八分。東經四度二十四分。

沿革 秦置上虞縣屬會稽郡。隋省入會稽。唐貞元中復置屬越州。宋屬紹興府。後因之。後漢分上虞置始寧縣。隋省。今在縣境。

疆界 東界餘姚。通明壩。新壩。西界紹興。曹娥江。黃家堰。西南界嵊縣。車騎山。覆卮山。北至於海。與海鹽相望。東西五十三里。南北一百二十里。至省城二百八十里。

山脉 南自嵊縣來。統名南山。以覆卮山爲主峯。蘭芎山有三嶺。而嶸山在其西南。縣治長者山。金罄山甚近。東山在縣西南四十五里。爲晉太傅謝安所居。附近握登山。有舜母廟。銅山已竭。縣北五癸山。皆小邱。而北盡於海。

水道 上虞以曹娥江爲大。上源由新昌嵊縣來。支流自龍山出。舜江。縣東通明江。源出餘姚江。其西自運河入於江。五夫河在縣東北。納夏蓋。白雲。上妃。湖水。東達餘姚。西橫注於江。西溪湖在縣門外。三十六湖。水利鍾焉。

物產 沿海產鹽。漁人布網沙灘。潮退而魚在罟。不勞而獲。斥鹵之地宜棉。棗子。榨油。

亦爲大宗。茶業亦盛。香狸之毛可爲筆。苧草可爲席。山地亦食蕎麥。

實業 農業有春澤墾牧公司。龍山畜牧公司。全境額徵銀六萬九千餘兩。工業有貧民習藝所。出品多綿織物。

教育 縣立高等小學三所在城。一崧廈章鎮各一。女子高等小學一在城內。乙種農業學校一在城內。國民學校百餘所。

城市 南市繁盛。歷年既久。信用較著。爲全縣之菁華。百官鎮雖日漸繁盛。不及縣城根本深厚也。

鄉鎮 北鄉崧廈鎮。內河外海。形勢最雄厚。其人民多營錢業。雖百官鎮亦不及也。縣城至百官之間有梁湖。乘姚江之上游。市集亦盛。百官以北。小越。謝家塘。馬渚。以北。上塘。孫魏。馬家堰。皆有市集。章鎮濱曹娥江。爲新昌縣要道。商業亦盛。

交通 縣境百官鎮。現已通火車。直達寧波。出海至爲便捷。逾曹娥即通紹興運河。晉省亦便。縣城距百官。只四十里。百官之郵路四達。更重於縣城。五夫。馬渚。因鐵路所經。附近商民。於此上下焉。

一百一十八章 嵊縣

嵊縣治北緯二十九度三十五分。東經四度一十四分。

沿革 秦置嵊縣。屬會稽郡。相沿至唐。武德四年兼置嵊縣剡城縣旋廢。吳越改名贍

縣。宋宣和八年更名嵊縣。後因之。

疆界 東界奉化陸照嶺。南界新昌胡厓。西南界東陽白峰嶺。西界諸暨勞績嶺。西北界紹興孫家嶺。北界紹興池湖。東北界上虞郁樹嶺。東西三百七十六里。南北一百七十六里。距省三百二十五里。

山脈 嵊山在縣西北。爲西四明之幹。舜皇山及茅嶺嵒大山。爲會稽之南幹。剡山尤爲西北之望。大白山在西。清楓嶺在北。姥山則綿亘於新昌界。礪石鑛脈相連。

水系 剡溪數源。西溪自東陽縣入境。會剡源溪羅松溪。富關溪。江田溪。至縣南有東西二港。東自新昌。西自東陽東境北流入境。會合而入於剡溪。又北至嵊溪村。會嵊溪。北至三界。下游爲紹興上虞。此則三縣之交也。

物產 太白山有鳥如雞。采五色。能吐綬長尺。昔剡箋名滿全國。有種箋。玉版箋。澄心

堂箋、粉雲羅箋、敲冰紙，今南屏紙銷尚多。蠶有大興種最良。茶葉、菸葉、白朮並盛。實業 農田額徵三萬八千兩以上。俗尚勤儉。工廠所製竹器、簾器均足以資實用。不作無益。蠶汛時有繭捐局。

教育 在萬山中。士知好學。縣立中學暨高等小學合爲一校。由二戴書院改。現正建築中校。縣城私立剡山高等小學人數最多。愛華女學亦著。教育家有服務蒙古者。城市 居民萬餘家。商業以市心街爲盛。每年絲市、茶市之際，更爲繁榮。上海輸入現銀甚多。市民好古。尊卑之秩序尤嚴。城建於孫吳。剡令賀齊所築。

鄉鎮 西鄉崇仁鎮。人民五千家。最爲富庶。其次爲兩頭門。太平亦繁盛。又次則富潤市、長樂鎮、石璜鎮、郭來市，亦萃於西北。東鄉惟浦口市。商業尚佳。民居較少。北方多山村。無著名之市集。以仙巖村較大。東北三界鎮。與紹興上虞毗連。

交通 由縣治乘市船。北經三界、章家埠。至百官。百四十里。計程一日半。卽與輪船火車聯絡。但晉省。由蒿壩運河。至東關小輪碼頭。不取道於百官。若縣南上游水盛時。舟楫可至兩頭門。支流至黃澤。及兩頭門上游太平。但通竹排而不通舟。

第一百一十九章 新昌縣

新昌縣治北緯二十九度三十一分。東經四度十四分。

沿革 本剡縣地。吳越析置屬越州。宋以後沿之。得名較早。他省同名新昌已更。此地

仍舊。唐有沃州寨。今新昌人多自署沃州。或稱沃邑。學校亦有沃東沃西之目。

疆界 東界寧海黃柏尖。東南界天台開嶺。南界東陽彩煙山。西南至嵛縣穿巖山。西

至嵛縣烏山溪。花鈿嶺。北至嵛縣後溪。東北至奉化黃罕嶺。東北二百二十里。南北

一百四十五里。距省三百二十五里。

山脈 天台北支入境。以萬年山爲最峻。可以觀海。佛寺最盛。縣東沃州山。高五百餘

丈。天姥在其南。黃罕在其下。與西四明相連。

水系 東溪卽剡之東源。一名東港。出天台之石梁。瀑布飛流。西北入界。經斑竹市至

至縣治。下流至張家納潛溪入嵛縣界。西港出東陽。東入界北流。爲黃婆灘。經澄潭

梅渚二市。入嵛縣界。

物產 綠茶爲出口大宗。絲繭次之。藥材以白朮爲最多。菸草亦盛。礦產有礆石。礦脈

綿亘西鄉。長四十里。禹餘糧在水簾洞。石如拳。碎之。餈如麻豆。可救荒。云禹所餘也。實業。農田額徵一萬五千兩以上。地瘠民儉。財賦不足。當上邑之十二。不遠行商。不尙華麗。其蠶種曰石灰。曰中圓。並良。蠶汛時有繭捐局。

教育。縣立高等小學一。在縣治。四鄉各有鄉立高等小學一。城區國民學校九。各鄉國民學校。共八十餘所。女子小學三所。

城市。南門大街最繁盛。東門次之。居民不過三千餘家。亦無殷實大商店。溪山明秀。民樸而文。城東因有捍水石隄。城附於堤。堤愈堅。城愈壯。外侮橫流。不能侵也。

鄉鎮。東鄉大市聚。西鄉澄潭。梅渚。北鄉黃宅。皆商業殷盛。爲鄉民所蒼萃。南鄉班竹市。因香客往返。所售香燭紙箔。亦爲大宗。儒香鎮在縣東。與天台寧波往來較便。故商況發達。

交通。西北距西縣四十里。半日可達。陸行居多。水路惟通竹排。以便運貨。縣南陸行通天台山徑崎嶇。惟朝山者出其途。班竹山前。因以成班竹市焉。西南有陸路。與東陽東境相通。循西港水濱以往來焉。

第一百二十章 臨海縣

臨海縣治北緯二十八度五十三分。東經四度三十九分。

沿革 秦漢會稽郡。回浦縣。吳置臨海郡。治臨海縣。徙章安縣。隋省章安入臨海。屬處

州永嘉郡。唐爲台州治。元爲路治。明清爲府治。今府廢縣存。

疆界 東至大海牛頭山。西界仙居黃沙嶺。南界黃巖黃土嶺。北界天台杜潭嶺。東北

界寧海桐巖嶺。東西二百四十里。南北一百五十里。在省東南三百里。

山脈 筆架山有銅礦脈。卽天台東南脈之最要者。城內有顧龍巾子。郭外有靖江。少
兩。蓋竹。白鶴。眞隱。龍符。半頭。芙蓉。東掖。樓石。新婦。石鼓。玉峴。金鼈。合旗。東刊。白楓。雲
峯。仙巖等。形勢險要。足資攻守。聖賢仙佛之過化。有關於人心之觀感也。

水系 靈江由仙居來。江來帶韋羌溪。西溪。南溪。朱溪。義成溪。大橫溪。北帶金坑水。大
陳坑水。榨溪。白水溪。始豐溪。潮溱溪。諸水中北以始豐爲大。南以大橫爲大。始豐亦
爲靈江北源。所帶有周坑水。清溪。螺溪。倒溪等小水云。

物產 台蠶以台札爲尤美。台蜚尤多。煙苗絕。台茶復盛。台絲亦國貨大宗。台朮亦爲

藥用大宗。烏有鬼車。獸有鮫鯉。礦物則有河頭金礦鐵砂。東鄉黃銅。西鄉無煙煤。

實業 丁漕四萬兩以上。漕八千石以上。衛所屯丁六千以上。農民負擔已重。工藝畫

絹名曰台栲。雙經紅邊。銷行頗廣。漁船一千四百號。商船二百餘號。有水產講習會。

教育 省立水產學校。在海門鎮。第六中學在縣城北山磊落巖。甲種商種學校。在海

門南葭沚鎮。縣立高等小學一。私立洵浦高等小學一。國民學校百數十處。

城市 十市街最繁盛。上至柴陽橋。下至攬秀樓。舊爲府治。天台人居多。黃巖次之。聚

居二三萬家。城有七門。今存其五。負山瀕水。城東有東湖。亦資水利。

鄉鎮 海門控舊台屬六縣。海船通上海者六。今存其上。航寧波者四。航温州者二。航

定海等處一。有振市公司。岩頭有統捐局。縣北塗下橋鎮。章安鎮。縣東大田鎮。兩頭

門。東隄縣南汎橋鎮。縣西張家渡白水洋。均繁庶。花橋昔駐縣丞。港灣亦闊。

交通 海門有小輪船。聯絡海舶。乘小輪至臨海縣城。計程一百二十里。縣東塗下橋

章安。郵路皆會於海門。縣南之汎橋水家洋。縣北之大田東隄鎮兩頭門。郵路皆會

於縣城。北赴天台。西赴仙居。因水急而淺狹。故舍舟遵陸焉。

第一百二十一章 黃巖縣

黃巖縣治北緯二十八度四十一分。東經四度五十分。

沿革 秦回浦。漢章安。隋臨海。舊地。唐上元二年置永寧縣。屬台州。天授初。更名黃巖。元升州。明清以來皆設縣。

疆界 東界大海。西界仙居蒼山。南界樂清盤山。北界臨海成鋪嶺。東南界溫嶺新河。西南界永嘉塵山。東西廣三百二十里。南北六十里。距省七百三十二里。

山脈 由括蒼來。東鎮山在縣東。奇石高拔。爲高麗頂。昔高麗船朝宋。望以膜拜者。盤龍山石巒崎嶇。盤迴十里。將旗嶺爲舊日營屯。永寧山因舊縣得名。明嘉靖官軍平倭於此。而民以寧縣西松巖鷺峯有紫霄碧潭翠屏之勝。

水系 海在縣東百里。由海乘潮抵城下。江曰永寧江。亦曰澂江。大源出縣西南塵山。長三百餘里。小源平淺不通舟。東南有官河自溫嶺來。合於永寧江。以下達臨海之海門。其他青湖白湖。咸得灌溉之利。

物產 龍頭魚一名鱗。身如膏髓。柔骨無鱗。商陸爲植物如人形者。一名章柳。穿山甲。

似鯉而四足。能陸能水。

實業 農田額徵三萬七千兩以上。民淳物茂。家給人足。近世逐商舶而擁厚資者。崛起海澨。路橋仁壽堂。衛生。皸裂油。臭蟲香。頗銷暢於上海。工藝翻篁竹器。尤合美術教育。縣立中學在城內。私立扶雅中學在新橋。當縣治東南。計城內高等小學一兩等。二各鄉鎮兩等十處。國民學校公私共一百二十七處。乙種農業一處。

城市 城周七里。高二丈。厚三丈。有五門。北倚江流。右瀕西港。復於東南鑿河環之。海通以來。闌闔殷闐。人文彌盛。

鄉鎮 路橋在東南。臨溫要道。煙火萬家。商業鼎盛。甯溪在西鄉。貿易亦盛。爲仙居孔道。烏巖名最著。近年亦發達。南鄉之院橋。亦適中之商市。北鄉只十里。鄉人多赴城購物。故無市集。黃巖場因鹺業自成市集。長山浦原有巡檢。今裁。金清港有統捐局。交通 海門有小輪船。與海輪相接。乘潮至黃巖縣城。由縣西溯永甯江而上。帆船可達烏巖。距城郵路四十五里。又西郵程十五里。至甯溪。縣南之路橋。則爲溫嶺航船郵路之衝途。

第一百二十二章 天台縣

天台縣治北緯二十九度九分。東經四度三十四分。

沿革 秦回浦漢章安地。吳置始平。晉宋以後稱始豐。隋省入臨海。唐復置更名唐興。

屬台州。吳越始更名天台。後仍之。台州實由此得名。

疆界 東界寧海筋竹嶺。西界東陽大盆山。南界臨海杜潭。北界新昌石壘寨。西南界

仙居紫籜山。東西二百二十九里。南北七十五里。距省五百五十里。

山脈 天台山脈已詳前章。縣城北距華頂山六十里而遙。所經五峯山之國清寺有

七級浮屠。隋時物也。又有小塔七。再上爲金地嶺銀地嶺。有塔頭寺。又上則歷高明

寺至龍王堂。以達華頂觀日。西則瓊臺觀月。卽桐柏也。

水系 石梁瀑布。瓊臺瀑布。水源之最奇者。高數十仞。可敵馬力數百匹。方議利用以

運機械。石梁流入新昌縣境。瓊臺爲桐溪之源。流於始豐溪。會倒溪。歛溪。大淡溪。諸

水流入臨海界。

物產 國貨出口。以雲霧茶爲大宗。天台采藥。暢銷各省者亦鉅。米少麥多。足敷本地

民食雜糧亦多。林業素稱發達。礦業以鐵砂爲最著。煤苗業已發現。尙未開採。

實業 普通土木竹工以外。無特別工藝。鍊鐵工人。淘砂鍊冶。製農具。厨具。切於實用。民風淳樸。致力尤勤。農田額徵二萬一千兩以上。仿種灰子。綠子。洋棉。所獲亦多。

教育 縣立中學。因校士館改。縣立高等小學。由文明書院改設。國民學校五處。各鄉鎮有鄉立高等小學及國民學校共百三十區。

城市 城有八門。民船碼頭。在小西門外溪頭。繁盛街道自西而東。商肆以布莊米莊南貨爲多。

鄉鎮 東鄉以坦頭市爲重。小西鄉山茅鎮亦較盛。大西鄉平頭潭其南有寒巖明巖各勝地。北鄉龍王堂在羣山中。成一市集。南鄉百步莊爲天台臨海分界之處。其餘若山口鎮在關嶺之下。設在統捐分卡。亦紹興新昌衝途也。

交通 天台縣郵路南距臨海一百二十里。爲出入之孔道。東距珠岙郵路七十里。又東三十里。達海游港。因輪船較少。行旅亦遠。不如臨海之盛。縣北山道崎嶇。惟遊山者進香者。不辭跋涉之勞焉。縣城有民船下達臨海一日程。上行須二日程。

第一百二十三章 仙居縣

仙居縣治。北緯二十八度五十一分。東經四度十八分。

沿革 晉析始豐縣地。置樂安縣。隋省入臨海。唐廢而旋復。吳越移治。更名永安。宋景

德四年。更名仙居。元明清以來仍之。

疆界 東界臨海界嶺。西界縉雲風門。南界永嘉道者山。北界天台祝家巖。東南界黃

巖五部山。西北界永康郭坦山。東西一百二十里。南北一百四十里。至省七百里。

山脈 括蒼山已見前章。韋羌山迤其西。五部嶺亘於東南。有水簾巖奇觀。界於黃岩

福應山羣巒拱列。溪澗紆迴。治則爲近郊之勝。亂則爲藪盜之區。落嶺有鉛礦。

水系 永安溪源出東陽。有二源。曰大溪。小溪。或名櫟溪。又名萍溪。其西南源。出縉雲

者曰龍溪。納峇裏溪。四烏溪。韋羌溪。山西溪。至官橋路市。與萍流合。而水始盛。此溪

曹村以土。不可通舟。曹州以小空通小艇。又合永南溪。至縣治。有白水溪來會。又東

會朱溪。入臨海界。湖湖。蕁湖。磬湖。皆瀦水以灌田。

物產 鳳尾龍鬚。皆草之奇者。紫草。產紫巖山石上。菖蒲有九節至十二節者。山楂紅

子可食。仙人掌則爲隱花植物。又有野朮，俗名天生朮，治病甚驗。藥材爲出品大宗。實業 農田額徵一萬四千兩以上。平民習藝，所有特別鑲嵌花蕊石器、西式鏡架及各項木器頗合用。舊產棉之地，能仿種洋棉。

教育 縣立安洲高等小學校一，高等小學附國民學校五，國民學校三十，女子小學二所。士多光明俊偉，能世其業。

城市 有城門五。其西南小門曰省耕，舊治在西郊演武場。近倚管山，環以白水。東嶺南峯，誠爲畫境。地薄而市不蠶，故昔年俗吏願作湖州烏歸，不作台州天仙也。

鄉鎮 田頭鎮在縣西，舊設巡檢，久廢。今永安溪上有皤灘鎮。官路橋市，水道經流，商務較盛。柏溪舖在峇裏溪，圳口莊在韋羌溪，民居安樂。南溪上陳市，朱溪之廈閣鎮，黃梁陳鎮，一姓數姓之業，延世久長，誠仙境之可居者也。

交通 仙居郵路東四十里至白水洋，又二十里至張家渡，至三十里至臨海。陸行一日，與輪船碼頭聯絡。西五十里至皤灘，十五里至橫溪鎮，六十里壺鎮，六十里至永康縣。兩縣之間相距三日程。

第一百二十四章 寧海縣

寧海縣治北緯二十九度二十四分東經四度五十三分。

沿革 晉永和三年置寧海縣屬臨海郡。隋省入章安。唐武德四年復置。吳越徙治仍其名。宋以後沿之。

疆界 東界象山。西溪嶺。西界天台白溪源。南界臨海寧和嶺。北界奉化柵墟嶺。東南入海爲牛頭洋。卽南田界。西北界新昌杉木嶺。東西一百九十里。南北二百六十五里。距省六百五十里。

山脈 天台東幹綿亘爲臥龍嶺。自西徂東。突出爲象山。其南支海游嶺。至健跳山。以成海峽。其來脈有桑洲。桐巖。二嶺。威繼光討倭時。控扼要通。筆架山有銅礦。

水系 海游溪出海游嶺。東流五十里入海。海游港深闊可泊小輪船。東溪出天台。水內有鐵沙可冶。會寧和溪入海。天台發源入海者。有上白溪。出華頂峯。合大溪。由雙港會湖。瀆溪入海。

物產 金縷產青雷潭。獺鰻形似鰻。魚鱧取於巨魚腹中。對蝦大而味美。比目魚一名

箸葉魚。俗呼爲鞋底魚。銅吮魚。喙有一針。石帆魚。生於海中石穴。望潮魚。隨潮而至。實業。農田額徵二萬九千兩以上。僻在海隅。民安耕釣。其大家多優裕。其小民力業而寡求。婦女不出街市。舊以爲美俗。

教育。縣立高等小學一在城內。鄉鎮皆兩等小學。海游、橫溪、口、百巖各一。國民學校四十六所。女子小學二所。

城市。舊在海游。唐永昌閒徙今治。扼象山三門兩海灣之脊。有城門五。小北門在西。北。昔年形勢重在內地。故曰望台。曰朝京。

鄉鎮。海游形勢港灣。實重於縣治。可見唐以前沿海設治。亦重交通。健跳所城爲海游外蔽。海防重地。其南亭旁鎮。台州府同知已裁。近擬設縣。西塾統捐局。設於鳧溪。亦扼要。縣南百里梅畧鎮。舊有鐵場。亦防倭時古戍也。

交通。海游港有小輪船。達石浦。爲出入之門戶。有輪船二隻。象山灣內各小埠。皆藉此以往來。然運貨出口。仍賴民船爲多。海游郵路北至沙柳。南至亭旁。其西至珠畧者分而爲三。北經桑洲至縣治。南至兩頭門臨海。西至天台。

第一百二十五章 温嶺縣

温嶺縣治。北緯二十八度二十五分。東經四度五十九分。

沿革 秦回浦。漢章安。唐黃巖地。明成化五年。始割黃巖南界太平。繁昌。方巖三鄉地。置太平縣。清因之。民國避重名。以縣境温嶺爲縣名。

疆界 東際大海。有新河所。南際大海。有隘頑所。西界樂清。石橋。北界黃巖。有小塘嶺。東西七十五里。南北八十三里。距省八百一十二里。

山脈 温嶺在縣西十里。一名温嶠嶺。温州由此得名。北雁蕩之支脈。綿亘爲漫遊嶺。東支突出爲林頭嶺。屹爲海中松門山。隱伏者再。迤爲台州列島。南爲玉環。

水系 海在縣東南四十餘里。曰大閩港。南臨驪洋。迂江在縣東。源出王城山之桃嶺。一名月河。東流合諸山水。爲新建河。經縣北。爲官塘河。今爲金清港。西南達温嶺鎮。

温嶺東南抵縣城。北通黃巖。爲舟楫交會之衝。大溪出樂安縣。大安山小溪源出胡霧嶺。合流爲百漿渚。入於官塘河。又有橫湖。在縣東南。納三十六溪。足資灌溉。

物產 山產柘絲。作琴絃。清亮勝桑蠶。山田多產。色白者。上。淡黃者。下。松門鰲。特鮮美。

草蓆出渭川莞田。候潮草葉間有莢如榆。潮至則開。退則合。

實業 農田額徵二萬六千兩以上。鹽業由黃巖場兼管。商人多販米至上海、舟山、廣東、獲利亦厚。西鄉東垵有金姓陶業。所製磁碗。行銷沿海附近一帶。

教育 縣立高等小學六。高等小學附國民學校三。國民學校三十有四。乙種農業學校。已按年添班。

城市 前明嘉靖時築城。有城門六。四門外曰小南門。小西門。水門二。曰上水洞。下水洞。縣治南二里石盤山。峯巒錯列。泉石競勝。可爲公園。

鄉鎮 松門衛舊城。舊有船直抵日本。今河頭有統捐局。箬裏江廈埠亦有分局。下塘角市。當金清港入海口。鴛嶼市。爲月河與金清港交會處。石砧市。爲月河分支與金清港交會。潘郎鎮。臨大溪上。李塩橋市。箬王鎮。臨運糧河。以溫嶺河之溫嶺市爲著。交通 溫嶺市距縣西郵路十五里。縣治郵路。航船至路橋。計程六十里。又四十里。而達於海門。縣東松門之郵路亦距海門水程百里。縣東北之新河所澤國鎮。縣西北之大溪潘郎院橋。亦皆會於路橋。

第一百二十六章 蘭谿縣

蘭谿縣治。北緯二十九度一十五分。東經三度十分。

沿革 秦烏傷縣地。復漢長山縣地。隋金華縣地。唐咸亨二年置蘭谿縣。屬婺州。元升

州。明降縣屬金華府。清因之。民國曾爲金華道尹治所。

疆界 東界金華竹馬館。南界湯溪赤井橋。西南界龍游游埠。西界壽昌檀村。西北界

建德白雁岐。東北界浦江橫木。東西七十五里。南北七十餘里。距省三百六十五里。

山脈 自金華來。洞巖山高百丈。有洞六。高眉山峙其北。又北爲盤山。盤巨二十餘里。

爲正幹。支脈大雲山不甚高。而延袤數里。是爲蘭陰。西則山繞谷深。爲萬松源。可以

保固。並擅桐漆材木之利。南則各山迤邐而來。截然而止。爲南住山。

水系 浙江二港。婺港自金華入界。八石溪洞源溪。匯諸山之水入焉。衢港自龍游入

界。游埠溪及永昌溪入焉。二港合於蘭陰山下。如縠紋。又名澱水。又會乾溪。芝溪大

梅溪。北三十里之香山下。又名香溪。有香溪渡。至將軍崖。西入建德縣界。

物產 玉蘭出香山。無葉而花。白有香。蘭蒨在香溪。縣因以得名。有麥蘭風蘭瑞蘭雙

頭蘭果實則有湛裏源之楊梅。白石燒灰爲建築要需。紫石如硃。出柱竿山。可寫字。實業 農田額徵五萬七千兩以上。地方工商發達。上海各公司多設分莊於此。如商務印書館。亦爲上游各縣發行圖書之總滙也。蠶汛時有繭捐局。

教育 縣立高等小學一。高等小學附國民學校九。國民學校三百四十一所。女子高等小學一所。國民學校四所。小學校之數冠於各縣。人數則列第二。

城市 城周二里。舊址甚隘。金衢二港。商舶所薈萃。城外市場日拓。綿亘河濱。建築華侈。逾於昔年。金衢二郡城。設道治而商業日盛。道治移而商務不減。蘭谿團區駐焉。鄉鎮 衢港有游埠鎮。其枝流有諸葛市。永昌鎮。爲縣西要埠。勢如鼎列。婺港內曹家埠。稍遜。蘭港下游水埠頭。下阻桃源壁峰。烏石張莫諸灘。而洲上埠頗發達。又越施家金家各灘。而楊公埠亦盛。他若大梅溪之橫木市。亦鄉社所聚。

交通 蘭谿以上。輪船公司航路。東至金華。西至衢縣常山。均擬大加疏濬。約計民國十年十月。接續下游開工。十一年以後。蘭谿上游。始可駛行輪船。今日金衢民船。皆以蘭谿爲中心。每至此必停泊。上下其貨云。

第一百二十七章 金華縣

金華縣治。北緯二十九度十分。東經三度二十一分。

沿革 秦會稽郡烏傷縣地。漢末置長山縣。吳寶鼎初置東陽郡治此。隋改吳興。繼改

吳寧。終改金華。唐宋婺州治此。元升路。明清改金華府治。今升道而不治此。

疆界 東界義烏航慈溪。東南界武義石龍頭。西南界湯溪白龍溪。西至蘭谿柵頭。北

至蘭谿盤泉。東北界浦江太陽嶺。東西九十三里。南北六十八里。省南五百五十里。

山脈 金華山一名長山。綿巨縣北。如憑玉几。會稽之西幹也。來脈由東陽大盆嶺入

界。東山高千餘丈。周三百里。至道山石磴縈紆。山頂平曠。南山高千數仞。周四百餘

里。與栝蒼連。白沙山舊產銅。在縣南二十里。石門高三百丈。如三級。俗謂之龍門。

水系 婺港又名雙溪。東溪一名東陽江。自東陽會義烏之水來注。孝順溪。鄉溪。赤松

溪。入焉。南溪出縉雲縣雪峯。合永康武義之水來注。松溪。梅溪。上干溪。入焉。兩溪繞

城。波紋如澱。合曰澱溪。西流受白沙溪。桐溪。盤溪。諸水。入蘭谿界。

物產 金華火腿。名著全國。舊時府屬各縣皆產之。銷路極盛。農人養豚。工人醃臘。遂

成一方風氣。金華酒銷路少。穀有香粳。花穀紅稻。山鄉多種稌。蔬類則有紅花菜。

實業 農田額征六萬七千兩以上。金華火腿公司在杭設分莊。上海亦設立火腿公

所。腿業公所。京莊漢莊。各省南貨店。無不以金華火腿爲招牌。馳譽四遠。名不虛傳。

教育 縣立高等小學二。高等小學附國民學校十有八。國民學校一百有七。所。乙種

工業商業各一所。其他改良私塾。歲有補助。師範畢業生。或不安於其鄉云。

城市 城始於宋。修於元。繕於明。周九里有七門。南臨大溪。三面環濠。昔爲府治。規模

較爲闊大。東北門外二里有東關市。今城內設有高等審檢分廳。及地方廳。

鄉鎮 低田市在義烏界上。航慈溪之交。孝順鎮因孝順溪得名。含香市在蕩溪上。雙

溪口南。玉壺水所注。二仙橋跨赤仙溪上。亦有市。姚環埠。安地市。均梅溪樂土。其他

上河市。澧浦市。橫店市。臨江市。羅店市。曹宅市。皆有貿易。

交通 乘蘭谿之上游。可順流至省城。近年桐廬以下。有小輪船。桐廬以上至蘭谿。沂

流至此。亦有公司船。有定時定價。與輪船聯絡。東陽。義烏。永康。武義。水程必由此以

出入。

第一百二十八章 東陽縣

東陽縣治。北緯二十九度二十七分。東經三度五十五分。

沿革 秦烏傷諸暨縣地。後漢分置吳寧縣。吳屬東陽郡。隋廢。唐垂拱二年析義烏置

東陽縣。宋以後郡名廢。縣名不廢。

疆界 東界天台梅枝嶺。南界永康五斗。西南界義烏下墅。西北界義烏蒲塘。北界諸

暨顏家畝。東北界嵯縣白峰。東西一百七十二里。南北一百二十八里。距省三百里。

山脈 大盆山在縣東南百三十里。爲天台會稽幹脈中樞。高五百丈。周百三十里餘。

其傍有小盆山。分支爲烏舞巖。南午嶺迤於三邱山。夏山上有禹廟。高七百丈。四面

峭絕。頂有湖。冬夏不涸。馬駿嶺險阻。阨塞。明嘉靖時倭寇深入。憑此禦之。

系水 東陽溪出大小盆山。屈曲山礮。二百里。始至縣治北五里。俗謂之河埠。西入義

烏境。至培磊市。與畫溪合。橫溪亦出大盆山。入畫溪。又檀溪。荆浦溪。定安溪。皆入東

陽江。惟檀溪源出東南楊坑龍湫。餘皆出大盆山。

物產 其桑比浙西大二三倍。櫛可作屐。櫛可插田。南棗出山豆巾。榧出玉山。蓮出湖

塘東陽酒但銷鄰近。桑皮造紙。柏酒造燭。以及松炭栗炭。皆可獲利。碧蓮菜味亦美。實業。農田額徵四萬六千兩以上。蔣腿產額之多。冠於金華各屬。洵實業專家。華新染織廠。在城內西街。方仁豐布號。發行各種布疋。其棉種曰矮腳棉。紫棉。白子棉。教育。縣立中學校。早已成立。高學小學十三所。高等小學附國民學校廿六所。國民學校一百三十四所。女子高等小學附國民學校一所。

城市。舊有土城周十里。中爲子城。明嘉靖時。縮改爲石城。周一千三百三十五丈。共四門。東門外有還珠亭。

鄉鎮。縣北鄉鎮。以上盧市爲最要。因其北通橫山港諸暨。爲出入孔道。東鄉之巍山鎮。距城五十里。繁盛等於縣治。附近林頭市。縣東永寧鎮。宋時已有茶市。曾設巡檢。今裁。白坦鎮在大白溪上。河頭水頭二埠。與麻車埠鼎列。銅坑溪口。有綠竹口埠。

交通。東陽水行出金華蘭谿。淺淤不能暢行。是以郵路取道於東北四十六里之義烏縣。若由東陽來省。則以北出諸暨爲最便。水盛時。九十里至諸暨。可乘民船。順流下。水淺時。又北行五十里。至趙家埠。由縣北至趙家埠。百四十里。一日可達。

第一百二十九章 義烏縣

義烏縣治北緯二十九度一十九分。東經三度四十三分。

沿革 秦隋之間皆名烏傷縣。唐武德四年置綢州。尋廢。改名義烏縣。以迄於今。後人

喜吉語。故不言傷而言義。

疆界 東界東陽下崑溪。南界永康香嶺。西南界金華何樓子。西北界浦江蒲墟。東北

界東陽愛頭。東西六十里。南北一百一十七里。距省五百三十里。

山脈 義烏山爲金華北支。由大盆山迤於東陽北境者而來。界上藤角岩。風車嶺。迤

爲三聖山。過孟宅村。崛起爲金峯尖。而白馬山。黃蘗山以西。夫人峯。五雲山特起。留

山以南。是爲銅山。督軍坑有礮礮。鐵巖山。飛瀑百丈。壯義烏軍禦倭之氣焉。

水系 東江卽東陽江。由東陽來。經縣西南九里。一名九里江。又名烏傷溪。畫溪自東

陽來入東江。縣北之深溪與酥溪二水相合。亦入東江。流經佛堂鎮。會葛溪入金華

縣界。

物產 以火腿南棗爲大宗。甘蔗次之。由温州移植。製糖者亦多。檣樹產雲黃山。楓香

木產香山柿有紅珠野貓數種。箭竹產青潭山。戚繼光義烏軍昔年射擊之利器也。實業 農田額徵四萬二千兩以上。種稻多晚稞。其種曰八十日。九十日。亦有早稻。曰六十日。其收益最豐者。曰三百粒。山地仍有種蕎麥爲食者。

教育 縣立高等小學五所。高等小學附國民學校十有七所。國民學校一百一十三所。其學校學生之比例統計之數。或在杭縣之上。勇哉。

縣治 無郭無城。亦無市井習氣。千家聚居於繡湖之上。今淤爲蘆蕩。原有八景。亦不盡可考。舊志周三里。修石門。亦傾圮殆盡。湖水可灌田百頃。宜加疏濬以蓄蓄焉。

鎮鄉 南鄉之佛堂鎮。西北二十五里。上溪鎮。與江灣鼎立而三。東鄉有廿三里鎮。北鄉有酥溪鎮。尙未設郵遞。西鄉市鎮少。民氣強。昔戚繼光所招義烏兵。皆二十八都人。至今民風猶昔。無名之英雄大可用也。

交通 郵路北距牌頭八十里。又四十里達諸暨。爲晉省要道。西南十五里至江灣。又十五里至佛堂鎮。又九十里至金華。水路距縣十里之東江橋有小船。可順流至佛堂。達金華蘭谿。又東南四十里。亦有郵路赴東陽。

第一百三十章 永康縣

永康縣治。北緯二十八度五十七分。東經三度四十二分。

沿革 秦烏傷縣地。吳赤烏八年置永康縣。屬會稽郡。寶鼎初分屬東陽郡。越六朝至

隋末廢。唐武德初。改置縉雲縣。兼置麗州。旋廢州。復名永康縣。至今仍之。

疆界 東界仙居馬鬃嶺。東南界縉雲南岡嶺。西界武義楊公橋。北界義烏杳嶺。東北

界東陽四路口。東西二百六十五里。南北百里。距省五百三十里。

山脈 大盆嶺。西支曰八盤嶺。險峻錯峙。西迤爲白巖。方巖。靈巖。龍窟山。有小空洞。

陳同甫讀書處。近有銅山。宋時曾設場於此。又縣南之石城山。其脈則自縉雲來。四

圍嶮呀。相傳黃帝遊此。近有歷山舜井。雖由附會。足見吾民樂舜之揖讓也。

山系 永康港一名南溪。出縉雲。北流入境。合李溪。諸水至城下。有華溪。自東北密浦

山合烏江。鶴鳴。雲溪。酥溪。諸水。西南流來會。水勢始盛。西折而北。合大銅川。小銅川

之水。至桐琴市。入武義縣界。

物產 茯苓。自生者佳。種者五年始掘。山產香薷。香附。天門冬。甚多。花有水仙。茉莉。菊

山中有千花桃花酒。可治病。白魚清而肥。果物以橘爲最多。桃李旣盛。稻種亦良。實業 農田額徵三萬六十兩以上。溪流漂激。土燥而瘠。工多粗劣。持斧鑿者不及雕鏤。操機杼者不及錦綺。秉針線者不及組繡。攻澤飾者不及文章。

教育 縣立中學一。高等小學在縣城者五。各鄉高等小學二十九所。國民學校二百七十二所。女學有師範講習所。學生人類之多。列各縣之第三位。

城市 吳時舊城久圯。惟北倚山。南阻水。以爲固。明時建東西二門。壘石爲樓。東曰在德。西曰多助。

鄉鎮 桐琴市爲全境水道出入之咽喉。閩里殷蕃。東有派溪市。居民二百家。距方巖五里。舊曆八九月。因廟會而商務盛。芝英市距城東三十里。千家聚處。爲附近古山市。金城市販貨之中心。

交通 乘武義金華之上游。由金華陸行幹路只一日程。郵路必經武康。則須二日。南行八十里達縉雲。卽甌江流域。東南九十里至壺鎮。又東六十里至橫溪。十五里至縉灘。五十里至仙居。卽椒江流域。山道僻。故行人稀。郵件亦間日一發云。

第一百三十一章 武義縣

武義縣治。北緯二十八度二十四分。東經三度二十八分。

沿革 本烏傷永康地。唐天授二年。置武義縣。屬婺州。尋更名武成。旋復名武義。唐以後沿之。

疆界 東至永康楊公橋。南至縉雲小箬頭。西南至麗水應和。西界金華長山。北界金華梅公山。縱橫皆六十里。距省五百里。

山脈 自永康來者曰八素嶺。有八潭。相去各一里。西爲雲霧山。南爲翠微山。自縉雲來脈曰稽句山。嶺路崎嶇。有龍門關。爲要隘。北爲鐵心山。花羽巖。大雪山。百義山。西迤爲銅釜山。燕山嶺。大阿嶺。入湯溪界。

水系 永康溪自永康縣流入。本縣原係永康地。故仍其名。經東皋市。西北流會武義港。至縣城北五里。南會熟溪。又北會八素溪。至履坦鎮。東北流入金華縣界。熟溪出宣平東北流入界。經下楊市。苦竹市。入永康溪。灌田歲熟故名。

物產 老檀生石倉嶺。高十餘丈。潭筍以未出土者爲佳。石竹小而密。土人植之以爲

籬。特產定風草不隨風而偃。白陽山有五色石。

實業 農田額徵二萬九千兩以上。棉業可興。男勤田畝。女工紡織。無狗馬踟躕之戲。鮮綺繡戴勝之觀。無論村落僻塢。卽城市之民。無不笠料饒黍。稼穡是事。

教育 縣立高等小學三。一在城。一在東泉。一在王寨。國民學校共計七十四所。女子國民學校一所。

城市 城周十里。有門五。及小門四。共九門。舊志不敢言九門。諱其似京城也。北門曰迎恩。民國後改稱武義。以爲武昌起義紀念焉。城距河濱五里。故市塵上下貨不便。鄉鎮 履坦鎮爲縣之首鎮。臨河通舟。赴金華要津。三角店在西鄉。通宣平要路。故亦繁盛。東泉在永康界上。爲縣東繁盛之地。內白鎮在東北。附近上菱道鎮。下菱道鎮。鼎列而三。

交通 縣治乘金華上游。水淺溯流不易。郵路陸程七十里。由縣治上溯水道更淺。且多紆折。郵路陸行。凡五十里。東南至縉雲。西南至宣平。山徑崎嶇。無直達之郵路。商旅行者亦少。

第一百三十二章 浦江縣

浦江縣治北緯二十九度二十八分。東經三度二十九分。

沿革 漢末孫權析烏傷諸暨地置豐安縣。隋省。唐天寶中分義烏蘭谿富陽三縣地置浦陽縣。吳越更名浦江。宋以後沿之。

疆界 東界諸暨楊家埠。東南界義烏戚村橋。南界金華太陽嶺。西南界蘭谿洪塘。西界建德井坑嶺。北界富陽金嶺下。東北界桐廬松山坑。東西一百二十里。南北一百四十里。距省五百五十里。

山脈 由東陽來以烏蜀山爲最要。突然中起。衆峯羅列。法華巖、轉輪巖、密溪巖、南至龍門山。迤於縣東者曰花山。曰雞冠山。而五路嶺巨於縣南。西至深鼻嶺。峭拔千仞。水系 浦陽江出深鼻山。溪流清澈。經縣治。納西溪、東溪。又南納澄溪。左溪。北納深溪。東北流入諸暨界。卽浣江上源。又有東湖溪。及西湖、椒湖。共爲三湖。北入富陽縣界。爲壺源江。灌溉之利亦普。梅溪出西雷山。西南入蘭谿界。

物產 石榴出鐵甲山。佳蟹出潮溪。薑菜卽芸薑。交春而抽莖。俗名油菜。並爲美味。高

苜、莧菜、茄、芋、蔬類極繁。茶葉、火腿、蠶絲爲輸出大宗。

實業 農田額徵三萬一千兩以上。民不欠賦。力農務本。以儉嗇自全。無珍貨鉅商。以阜其利。商人運貨出外者。以火腿爲多。近年尤發達。

教育 縣立高等小學四所。在城一。黃宅湖山平安張各一。高等小學附國民學校十有四所。國民學校一百三十六所。國民學校多男女合校。照定章辦理。

城市 周五里。城門四。偏門五。四門各有小門。及水門一。啓閉有時。以防盜寇。邑居既壯。人情大安。縣前大街。商塵頗盛。

鄉鎮 橫溪鎮。墩頭鎮。橫木市。均在梅溪流域。人煙稠密。近於蘭谿。故市況並盛。浦陽流域所不及也。東鄉傅宅市。馬劍鎮。南鄉潘宅市。皆不逮此。北鄉村落。散布嶺麓。無大市集。

交通 浦江晉省。東四十里至白馬橋。又東北四十里至牌頭。又四十里至諸暨。可順流附輪船入省。或西南陸行一百二十里至蘭谿。亦郵路所經。赴義烏則越步虛嶺。尙不甚高。至金華之太陽嶺。山路頗峻。

第一百三十三章 湯溪縣

湯溪縣治。北緯二十九度五分。東經三度六分。

沿革 漢烏傷太末二縣地。隋以後爲金華縣地。明成化中。分金華蘭谿及龍游遂昌

地置湯溪縣。清以來沿之。

疆界 東界金華白龍溪。南界遂昌銀嶺。西界龍游湖鎮。北界蘭谿樟林。東西四十三里。南北一百一十里。距省五百里。

山脉 銀嶺山脈。自縉雲宣平北境。蜿蜒而來。舊爲銀嶺寨。山溪深險。福民山在其東南。高數百丈。峯巒聳秀。林木蒼鬱。爲一縣勝地。山林之利民之福也。相近有屏風山。香爐山。皆象其形。鐵甲山。拱衛縣西。亦因以遏止內亂也。

水系 湯溪上源爲厚大溪。又號石溪。派溪。出於安和山。下游爲羅埠溪。入於浙水。又小有龍溪。亦入浙之川流。出裡溪嶺。又名裡溪。可伐木順流下。縣東之白沙溪。出遂昌北流。過縣境。入金華界。浙江上自龍游來。下入蘭谿。距城二十里。亦號潏江云。

物產 蚌珠。出白馬潭。白石。出白沙溪。鱮魚。出白馬潭。人以爲神。不敢捕。有豪隴鳥羽。

毛五色。時飛集金華山中。

實業 農田額徵二萬四千兩以上。棉莖高。生育尙良。其土礪。其俗龐。襪乘耒而無外慕。不喜牽車服賈以走遠方。

教育 縣立高等小學一。國民學校八十。女學未興。士好禮讓。家絃戶誦。人知自奮。但私塾散渙。不能合羣。亦共和教育之憂。學校經費之撙節。實爲各縣之最少數。

城市 北郭阻山。不通衢路。故不關門。或曰明成化時所閉。城周三里。惟東西南三門焉。西門曰通衢。市肆較爲整齊。

鄉鎮 衢港南岸。近列兩大市鎮。羅埠鎮在縣治之北。洋埠鎮在縣之西。其繁盛或過於縣城。羅埠鎮北三里之葉灣市。如附庸之國。洋埠鎮東唐家橋亦然。縣南縣東。酤坊水碓。散布嶺脚山背。青草黃壇。鄉風敦樸。有古道焉。

交通 縣治東北距蘭谿郵程五十里。南逾銀嶺至張村。商旅由此以通遂昌。羅埠東距蘭谿二十五里。西至洋埠鎮。亦同居衝要。行人水陸並進。絡繹於途。不比遂昌道上。僅有村莊也。

第一百三十四章 衢縣

衢縣治北緯二十九度二分。東經二度三十五分。

沿革 秦會稽郡太末縣地。後漢初平中置新安縣。晉太康初更名信安。唐爲衢州治。

改縣曰西安。又分設盈川縣。旋省。元衢州路治。明清衢州府治。民國改衢縣。

疆界 東界龍游烏頭舖。西界常山源湖舖。南界遂昌大竹嶺。北界遂安灰嶺。西南界

江山後溪。東北界龍游大路口。東西七十五里。南北二百里。在省西南六百里。

山脈 分南北二支。南曰爛柯山脈。來自楓嶺。有疊石山、望城嶺、響谷山、破谷山。各支

北曰崢嶸山脈。來自仙霞馬金嶺。有銀坑之源頭嶺。號銀銅北峰。及姜孟嶺。東山嶺

而繡峰一支。則東進於壽昌縣。

水系 衢江源出仙霞自江山來至城西。信安溪自開化常山來會。又東流北會拓溪。

一名攢溪。又東會銀坑水。又東定陽溪自遂安南境來。會卽古之盈川。今有盈川市。

又東流入龍游界。

物產 銅礦跨衢遂德常等縣。在縣西北百里。西山南山皆有煤。茶不多而北山最佳。

香繖黃潤芬芳。味不佳。可供清玩。蜜羅柑皮瓢。皆可食。土澁加以提煉。可抵洋澁。實業。日升機器碾米廠。已購辦機件。農田額徵五萬八千兩以上。衢州所原有屯田。

許天籟發明化礦鐵爐。化驗五金鉛銻等。製法尙佳。工費亦省。經農商部准予專利。教育。省立第八師範中學所在。縣立高等小學一。高等小學附國民小學七。國民學校四十有七。鄉校曾設教員養成所。豫備改良。教科未合。經部視學所糾正。

城市。周十三里。門六。三面浚濠。西阻溪水。城內孔聖家廟。大宗南支。聚居者百餘家。城西北倚崢嶸山。卽龜峰也。三國時吳將軍鄧平守崢嶸鎮卽此。

鄉鎮。航埠在縣之上游。有東鎮在東北岸。西鎮在西南鎮。夾河並峙。航船渡船梭織。其下。洵不愧爲航埠也。盈川埠爲衢港出入大門。屏風灘上。安仁埠如二門。楊村灘。上。樟樹潭鎮。近於堂奧矣。縣南石室街。學室埠。因近城而發達也。

交通。衢港自開化常山來。乘上游而達蘭谿入省。今桐廬有小輪船。而公司船泝流。至衢。上達常山。疏濬桐江以上。約需四五年。衢縣當可通小輪船。北至遂安。南至江山。郵程皆陸行。商船則常山爲多。江山亦多水運。

第一百三十五章 龍游縣

龍游縣治北緯二十九度八分。東經二度五十二分。

沿革 句踐之地。西至姑蔑。秦漢太末縣。歷晉宋至隋。始省入金華。唐武德四年。改置

穀州。及太末白石二縣。旋省入信安。貞觀置龍邱縣。吳越始改龍游。後因之。

疆界 東界湯溪。西界衢縣盈川。南界遂昌馬越口。北界壽昌梅嶺。東北界蘭谿石碇。

東西一百二十里。南北一百五十里。至省五百里。

山脈 縣因龍邱山得名。在治東九十里。九峰特秀。狀若芙蓉。南有靈山。塔山。聖壇山。

鳥道縈紆八十曲。岑山。皆楓嶺支脈。縣北之梅嶺。三元嶺。筆架山。橫山。石峯。爲仙霞

之東支。

水系 衢港自衢縣盈川入界。或名盈川溪。至縣北卽稱澱溪。唐置穀州。以此有靈溪。

自遂昌北境入界。經靈山之麓。及太蓮峰下。至縣東。會於澱水。又東流經湖鎮入於

蘭谿縣界。

物產 神仙稻。可藝於旱地。白穀糲。紅穀糲。鐵漿糲。白芒糲。草鞋糲。臙脂糲。烏嘴糲。皆

晚熟可釀酒。薯蕷有紫白二種。貨品菸葉、屏紙、黃蠟、柿漆、竹器、龍鬚草席並佳。

實業 農田額徵四萬五千兩以上。工業則有改良紙廠在溪口渡。號曰南屏紙。質粗而淡黃。爲包裹之用。其商賈遠及秦滇蜀。視萬里若比舍。故俗有遍地龍游之語。

教育 縣立高等小學六所。女子高等小學一所。國民學校城鄉共九十六所。鄉校以溪口爲盛。

城市 城始肇於姑蔑。其地在澱水南三里。東門臨薄溪。卽今泊宅灘。城圯復修者屢。縣北五里有穀波亭。人民多孝弟而敦親族。

鄉鎮 湖鎮市原有巡檢。今裁。地居縣東扼要。產菸葉。明以來卽稱繁盛。臨築溪之上。近接洋埠。縣南靈山鎮。爲靈山港上第一集合場。附近溪口渡一帶。有富庶氣象。西鄉之龍興埠。北鄉之茶圩埠。雖各據一方之形勢。然西北偏僻。不如東南遠矣。

交通 衢港通衢。衢縣江山常山開化。皆由此順流赴省。近接蘭谿。郵路自縣城南行一百二十里至遂昌。中間雖靈山鎮亦未設郵遞。馬戍村以南卽入遂昌界。郵件間日一發也。

第一百三十六章 江山縣

江山縣治。北緯二十八度四十七分。東經二度二十一分。

沿革 本太末信安地。唐武德四年。置須江縣。屬衢州。旋省。永昌初復設。吳越更名江

山縣。南宋更名禮賢縣。元復名移治。明以後沿之。

疆界 東界衢縣青山。西界江西玉山栗木。南界福建浦城縣小竿頭嶺底。北界常山

竹荆。東南界遂昌東嶺嶺底。西南界江西廣豐縣社後。東西廣一百三十里。南北一

百三十里。距省七百里。

山脈 仙霞在縣南百里。亘二十里。二十六曲。三百六十級。因山爲塹。南嶺巨幹。天目

天台。皆其支脈。嶺有六。曰窰。曰茶。曰大竿。曰小竿。曰梨。曰楓。有安民。六石。青隴。木城。

二渡。五關。如蜀之劍閣。獨秀峯尤特峻。而縣治則因江郎山得名。煤礦則在狀元山。

水系 浙江南源出仙霞。東西二源會於峽口。淺澗石澗。夏則泛濫甚闊。至清湖會和

睦市水始盛。至縣城北入衢縣境。西北有文溪入常山境。西有大橋廣渡。皆入江西。

物產 江郎山緋桃花。華而不實。朱蘭燦於仙霞嶺。亦美觀。山產紫草。可以染燭。孝義

竹、鳳尾竹，尤爲名產。近年產額日多。

實業 禮賢煤礦公司收原有私礦十餘處運省。在開口設廠分銷。農田額徵四萬兩有奇。工藝則有貧民工藝廠白鶴牌各線襪。沃壤殷富。實業家易於著手也。

教育 縣立高等小學一。高等小學附國民學校二。國民學校五十有一。女子高等小學一。國民學校二。理學之邦。民樸魯而鯁直。

城市 城左踞文溪。右倚西山。足恃爲險。故不穿壕。然雪泉之水。舊由西入。穿街市東出。在深谷中。宛然一聚落。然閩贛之交。地方衝要。生齒日滋。比閩如櫛焉。

鄉鎮 清湖鎮商務爲全縣中心。較縣城猶過之。有徵收分局。江西玉山廣豐兩縣。昔年均由此辦貨。其次爲峽口。凡二十八都之貿易。皆歸納於此。官溪爲新進之市場。距江西界上尤近。是以官溪漸發達。清湖峽口漸衰。

交通 舊爲浙閩要道。自縣南念八都。踰仙霞嶺至福建浦城縣一百十里。可乘閩江上游。順流達福建省城。本縣在浙江最上游。峽口鎮可通木牌運貨。清湖渡可通小船。縣城民船至衢縣。只一日程。由公司船四日至桐廬。又一日至省。

第一百三十七章 常山縣

常山縣治北緯二十八度五十五分。東經二度一十一分。

沿革 漢太末縣地。孫權置定陽縣。隋省入信安。唐武德四年復置定陽縣。旋廢。咸亨

中改置常山縣。宋更名信安。元復名常山。明清以後仍之。

疆界 東界衢縣雙牌。西界江西玉山縣草萍。南至江山竹荆。北至開化界首。東西八

十里。南北六十里。距省六百里。

山脈 常山在縣東三十里。頂有湖。一名信安嶺。由仙霞開化嶺來。又名湖山。有益智

山。采菊山。菱湖嶺。三衢山。各支脈。其南則木棉嶺。金山。文岩。草萍山。寶蓋洞。中蓬山。

與江山犬牙相錯。實長江浙江分界之大嶺也。

水系 信安溪一名馬金溪。又名金川。自開化馬金嶺來。疊石突出溪中。名金川灘。有

馬廼溪。亦自開化來。會水盛可行大船。繞郭而東。文溪自江山北境來。會又東。會招

賢溪諸水。入衢縣界。

物產 開化紙實盛於常山。大小厚薄名目甚衆。玉版紙尤細。綿紙竹紙尤多。昔年奏

本紙、曆日紙、科舉紙、冊紙、各省多來縣采。今爲洋紙所奪。宜力謀恢復也。

實業 農田額徵二萬四千兩以上。農家仿種洋棉。成績亦佳。產土糖僅居少數。合義烏平陽所產。不足以抵日本臺灣糖之十一也。

教育 縣立高等小學一。高等小學附國民學校五。國民學校五十六。女子國民學校一所。其民之研究醫學商學者甚多。昔本朱子呂東萊張南軒講學處。故其俗純實。城市 延袤三里。東西南北四門外。又有小東小南二門。大水門三。小水門四。贛商有留居市上者。城北有浮橋。行人便之。常開統捐局。兼管開化而駐於常山。

鄉鎮 草萍鎮爲浙贛分界地。曾設驛站。附近有新亭村。白石街。贛商常來。爲陸路市集繁盛之處。縣城之下游。有塘埠正當渡口。招賢鎮店肆較多。各村莊如菱湖。烏麥。樟樹。桐山。松香。油麻。漆山。亦見民生之裕。

交通 縣西南陸行郵路六十里。至江西玉山縣。乘上饒之上游。往來甚便。是以輪船公司。自桐廬而上。置公司船直至常山。航路郵路亦止於此。東距衢縣只一日程。航埠常有航船出發。名副其實矣。三江場鹽。由此運銷江西廣信境。

第一百三十八章 開化縣

開化縣治。北緯二十九度九分。東經二度六分。

沿革 本太未定陽常山地。宋太平興國六年置開化縣。屬衢州。蓋因開化場而得名。

升場爲縣。迄今不改。

疆界 東界常山深山嶺。西界江西德興白沙。西南界江西玉山菱塘嶺。西北界安徽婺源際嶺。東北界遂安閩嶺。東西二百九十里。南北二百三十里。距省六百九十里。山脈 開化嶺爲仙霞一大支。或曰乘鳳嶺。閩嶺。隨地異名。白石嶺。大舉嶺。盤巨界上。松木嶺。金竹嶺。百際嶺。實統於馬金嶺。至縣治北之鍾山。形如覆釜。東北蟠桃山。岩壁峻立。王母山。高而銳。中有龍湫。鋤苗發現。且有金精石。

水系 馬金溪。百際溪。二水建甌下。合流經馬金鎮。名曰金溪。南繞城北而襟城東。又南流至華埠。有信安水。從江西玉山之北境流入界。經白沙關。名白沙水。至航頭合池堆溪。東南流。會於華埠。始容小舟。南至界首村入常山境。

物產 種杉爲生。三四十年始一伐。土產以杉爲上。薑漆次之。炭又次之。合薑漆炭之

利。只當杉五之一。礦物則有六都大尖塢。八都烏哨場。明季璫擾。故封禁久之。

實業 農田額徵一萬八千兩以上。杉利盛時。歲值十萬金。故戶鮮逋賦。然必仰給徵人之拚本。伐時謂之拚山。行於吳下。爲棟梁之用。

教育 縣立高等小學二。高等小學附國民學校一。國民學校二十一所。女子學校只一處。是則開化之始也。

城市 東臨金溪。西倚山阜。南北據平壤。關門六。東北及東南皆有門。築石堤於鍾山之麓。以禦龍潭之水。其土著鄉民不識縣。縣民不識省。故出疆者少。

鄉鎮 華埠鎮設有警察分所。原有營曰華埠營。附近皂角村。舊時產額頗盛。近爲外洋肥皂所奪。上游馬金鎮。水深五尺。亦可通舟。孔埠村。莊埠村。皆由埠而降爲村者。大濠溪上之水碓村。國民格物。享有自然之利。不讓泰西水學也。

交通 郵路自縣南三十里至華埠。又五十里至常山。開化至常山陸行只一日程。或陸行至華埠。順流而下。若民船由常山上溯至華埠。須二日程。惟開化商人用小舟以運貨耳。

第一百三十九章 建德縣

建德縣治北緯二十九度三十七分。東經三度三分。

沿革 秦漢富春縣地。吳黃武四年始置建德縣。隋省入金華。唐武德四年復置。屬嚴州。旋廢。永淳初復置。通天二年始爲睦州治。宋升建德府。元升路。明清爲嚴州府治。今廢府。縣名仍舊。

疆界 東界桐廬安仁牌。西界壽昌菱塘。南界蘭谿花塘。北界分水胥嶺。東南界浦江。井硎。東西一百三十里。南北一百二十里。在省西南二百七十里。

山脈 胥嶺來自昱嶺。分蛇嶺、雪嶺、告嶺、茅山、紗帽山、石母嶺、湫山各支。東南之楓樹嶺、青田嶺。則來自金華。西南之舊嶺、新嶺、塔路嶺、馬目山。則來自仙霞。

水系 新安江自安徽歙縣入浙省淳安。東流入界。合洋溪。下涯溪。西溪。蒼溪。胥溪。至縣城之南。東陽江合婺衢二港。自蘭谿北流入界。合麻車溪。大洋溪。至縣城之東南。與徽港之新安江合。經大浪灘、烏石灘、會胥溪、清渚港。至七里灘。入桐廬界。

物產 早稻、晚稻、紅稻、白稻、秋糯、晚糯。及豆、麥並盛。薺菜俗名山芥菜。海瑞濟饑草木。

有綠葱根、蕨粉、葛粉、檫子、筍扭根、野苧根、苦楝子、仙遺子、榔樹根、山苦蕒、老鴉饅頭、實業、農田額徵三萬五千兩以上。鐵山尙資冶課。銀山、銅山、礦竭坑存。森林場所。自萬壽山至烏龍山綿亘二十餘里。領用官荒兼購民地。培苗造林已支七千餘元。教育省立森林第九師範中學。皆在城內。縣立高等小學附國民學校五。國民學校六十六。文獻則三元及第。風俗則九世同居。校風至今尙嚴。洵不媿爲建德矣。城市一名羅城。南臨江。西南臨湖。東北倚山。唐時周十九里。方臘亂後縮爲周十二里。洪武後又縮爲周八里。門有五。今由府治縮爲縣治。市面更淡。建德團區駐焉。鄉鎮新安江上。江村埠、洋溪鎮、下涯埠、下施家埠、十里埠、小里埠、胥口埠。貿易並盛。以洋溪爲領袖。枝流苔溪之三多鎮。胥溪之乾元鎮。生意亦佳。蘭谿下游。浙江經流。麻車埠西北。大洋鎮最盛。小洋村及洋尾埠附之。洋貨流行。洋油、洋煙尤多。銷耗也。交通自嚴東關以上。至蘭谿水運至繁。今議疏濬桐江以上。自第一期工竣即可從事於此。約計民國九年十月至十年十月嚴關以上。可行駛小輪船。現在僅有公司船逐日行駛。已勝於尋常民船也。統捐局扼嚴東關。防止繞越焉。

第一百四十章 淳安縣

淳安縣治。北緯二十九度三十二分。東經二度三十五分。

沿革 漢丹陽郡吳析爲新都郡。漢歙縣地。吳析爲始新縣。隋唐廢新安設遂安郡。唐改睦州移治建德。而始新在隋爲雉山縣。亦曾爲睦州治。唐移治改青溪。宋宣和三年更名淳化。紹興初又改淳安。元明清以後仍之。

疆界 東界建德銅官嶺。西界遂安楊嶺。南界遂安安礪嶺。北界昌化銅坑菴獨石。東南界壽昌遼嶺。東北界分水塔嶺。西北界安徽歙縣深渡。東西廣一百七十里。南北一百五十里。東北至省城三百六十里。

山脈 由安徽來。礦脈亦由歙嶺來。西鄉劍門山之錒礦豐富。和村山銀礦。馬山銅礦。獅子山。澤家山。煤礦。均在西鄉。北支爲開脚嶺之鉛礦。南支爲羅山鐵礦。東迤茶園鎮石山。亦可爲建築材料。他若錦沙村錦石。龜鶴二山青碧石。著名尤早。

水系 新安江自安徽歙縣街口入界。經威坪。會雲源溪。東至縣城。會進賢溪。南至港口。會遂安來之遼溪。又東經藻河埠。茶園鎮。會錦溪。入建德界。

物產 烏麻子名巨勝。有黃、白、黑三種。苦楝子名金鈴。其茶則鳩坑最著。木竹可爲杖。實業 農業額徵四萬八千兩以上。農家仿種洋棉。風氣漸開。土磽產薄。民貧俗愿。邑名淳安。足副其實。

教育 縣立高等小學一。高等小學附國民學校一。國民學校百一十一所。女學未興。家敦仁讓。戶習儉約。亦所長也。

城市 城南枕新安江。北連岡阜。賀齊築迄唐神功。閱四百八十九年。常爲郡治。子城周二里。今縣乃其舊址。明海瑞令此建四門。東嚴陵。西新安。南青溪。北石峽。

鄉鎮 威坪鎮。宋時平方臘所置巡司。今久廢。距縣治六十里。入皖要道。水陸之衝。有統捐局。上游黃光潭設有分局。次港口鎮。舊稱港口司。遂安出入門戶。市集亦盛。茶園鎮在縣東。有茶園渡。附近唐石埠。藻河埠。及上游之息村埠。亦有市集。

交通 浙水自浙嶺來。安徽歙縣街口鎮。爲屯溪船入浙要津。縣之上游有威坪。縣之下游有港口。皆擬俟嚴東桐江疏濬以後。繼續開鑿。豫計民國十年以後。可行駛小輪船。城河淤塞。現已從事修濬。三江場鹽。由街口運安徽休寧黟歙三縣。

第一百四十一章 桐廬縣

桐廬縣治。北緯二十九度五十二分。東經二度一十一分。

沿革 秦漢富春地。吳黃武四年。置桐廬縣。屬吳郡。隋省。仁壽中復置。屬遂安郡。唐徙

治。吳越屬杭州。宋屬睦州。元屬建德路。明清屬嚴州府。今屬金華道。

疆界 東界富陽東梓日。西界建德安仁牌。南界浦江蕩父。北界分水畢嶺。東北界新

登白峯嶺。東西九十七里。南北一百三十二里。距省一百九十里。

山脈 桐君山在縣東二里。縣以此名。相連者曰鳳凰山。形如鳳翅。此天目南之九嶺。

由新登來者。嚴陵山。一名富春山。在縣西三十里。人號嚴陵瀨。有東西二釣臺。此昱

嶺。東峽嶺。自建德來者。兩大名山相等。東南桃花山。天巖青田嶺。則來自金華也。

水系 桐溪在縣東北三里。上源即於潛紫溪。自分水南溪。一名天目溪。入縣爲桐溪。

自分水以下。溪中十八灘。錯立爲險。入桐江。即浙之正流。自建德七里灘。下會蘆茨

溪。清渚港。至縣治合江亭。二水始合。小輪暢行。東北流。會窄溪。入於富陽界。

物產 桐溪大猗桐樹。垂蔭數畝。望之似廬。縣以此名。桐廬酒名灑落泉。乃嚴瀨水所

釀芽茶、葦茶最佳。白雲源林木足供薪炭。絲綿草紙、生漆日多。槐花、烏梅亦爲染料。實業 農田額徵二萬五千兩以上。近有組織公司開採皇甫村煤礦者。蠶汎時設桐分繭捐局兼理分水蠶市。

教育 縣立高等小學一。高等小學附國民學校一。國民學校五十所。女子高等小學附國民學校一所。自清季興學先覺之洞觀世界直言殉道者以袁公爽秋爲烈焉。城市 雙溪合流開元以來卽治桐江口舟車旁午井閩綺錯古稱佳邑今爲輪埠市况彌繁。

鄉鎮 窄溪埠既當窄溪之口又與新登港口隔江相對如十字街故有小輪船碼頭。上游柴埠鎮水深二丈江中有九里洲亦便停泊清渚港有芝廬鎮桐江分水港有舊縣鎮及元村埠浪石埠窄溪支流有鬪岡鎮及富陽界上黃山埠商務並盛。

交通 錢江小輪由省城上溯至桐廬計一日程若由此上溯輪船不能駛改用公司帆船今議收捐疏濬自桐廬起至嚴東關止如桐廬之下灘頭以上溜江灘烏石灘二重動閘擬民國八年十月開工限一年完竣。

第一百四十二章 遂安縣

遂安縣治。北緯二十九度二十六分。東經二度五十五分。

沿革 漢歙縣地。吳析爲新定縣。晉太康初。更名遂安縣。屬新安郡。隋省入新安。仁壽

中復爲遂安郡。宋有遂安軍。郡名軍名次第廢。縣名仍舊。

疆界 東界淳安界橋。西界安徽休寧縣積雪嶺。南界衢縣黃連嶺。北界淳安楊嶺。西

南界開化馬金嶺。東西一百二十里。南北一百二十四里。距省五百里。

山脈 歙嶺爲省界。阨塞。莫若武強山。唐末鄉民保此破黃巢。又分爲霞元峯。大連嶺。

烏石山。金山。下丙山。各支。西南有雞曲嶺。積雪嶺。至黃連嶺。巖石險峻。有石英山。產

白石英。洪銅嶺。唐時已置銅場。東南大坑山。入於壽昌。

水系 武強溪出武強山。亦名靖武山。自安徽歙縣入界。爲坑。厦村。會迴溪。霞元溪。華

溪。大連溪。前溪。靈巖溪。至縣治。東會龍溪。南匯鳳林港。各支。北匯東亭溪。至東亭鎮。

又東流入淳安縣界。爲遼溪。鳳林港。匯有銅山下萊溪。諸水。

物產 花果山。民不種蔬。焚其地而鋤之。卽得蔓菁。油漆並美。五都民無重資。而負薪

爲業。

實業 農田額徵二萬五千兩以上。僻居巖谷。依山附水。俗尙勤樸。嫁尙粧資。高者至破產不計。每年佈施飯僧張燈設醮之費。亦爲鉅款。苟移辦實業。百廢具舉矣。

教育 縣立高等小學一。高等小學附國民學校十七。國民學校七十所。女學有私立

貞文一校已奉教育部褒獎。

城市 城舊在木連村溪北。唐時徙五獅山之南。是爲今治。有門五。西南曰小西門。東南二里有霧山。峭立爲一縣之望。

鄉鎮 鳳林鎮在縣東南四十里。原有巡司久廢。武強溪上有橫沿鎮。連溪上有郭村鎮。畧網溪與鳳林港之交有安陽鎮。東亭溪與武強溪之交。有東亭鎮。東亭嶺袖東鄉。安陽在南鄉。橋沿在北鄉。並稱繁盛。西鄉惟銅興橋銅山村。希望將來而已。

交通 由遂安至淳安之港口七十里。河流淺隘。郵程用陸行。縣治以上水深者不過五尺至七尺。近淳安界。則水深丈餘。船可暢行。南赴衢縣。郵路南行一百零五里。取道於上方鎮。爲黃連嶺北之咽喉。昔日道里記所稱之上方村。今已大有進步矣。

第一百四十三章 壽昌縣

壽昌縣治。北緯二十九度二十四分。東經二度五十五分。

沿革 漢富春地。吳置新昌縣。晉太康初更名壽昌。隋廢。唐永昌初復置。載初元年廢。神龍初復置。相沿至今。

疆界 東界建德菱塘。西界遂安黃連嶺。南界龍游梅嶺。北界淳安杜瀆。東南界蘭谿。

賭山 西南界衢縣鵝籠山。東西一百一十里。南北九十里。至省城三百八十里。

山脈 梅嶺在縣南。仙霞東支。界於龍游。宋都臨安。凡閩廣荆湖贛人來者。皆經其下。元時尙爲戍守。今取道蘭谿。無復行者。長嶺與淳安遂安相連。金臺山壁立千仞。可以眺遠。大蔥巖亦高峻。有俯視金衢之概。

水系 壽昌溪源出縣西鵝籠山。流至大同鎮與交溪會。曰大同溪。又繞流至縣治。有艾溪自南來會。周溪自北來會。出壽昌港。卽東北入於新安江。卽建德縣界。又東南有常樂溪。入龍游界。

物產 黃漆與遂安淳安並美。又出桐油。蜜山怪石崔巍。石窟中蜜蜂居之。可取蜜。農

產米麥足食。其陸稻早穀。一里周。並爲嘉種。大豆尤佳。

實業 農田額徵一萬八千兩以上。棉業可興。四山之中。地狹而瘠。民畜而野。昔舟車不通。商賈不行。今設乙種商業學校。商智已開。共知企業。

教育 縣城高等小學。而外。屏山高等小學。遠足會。尤重精神教育。國民學校共一十八所。女子高等小學。附國民學校者一所。

城市 原名郭邑里。設縣後屢火。徙東之白艾里。後復徙郭邑里。城周一里二十步。設四里。規樞隘甚。治西有彭顯山。下有西湖。可溉民田。

鄉鎮 上游以大同鎮爲最要。兩頭埠次之。下游以更樓鎮爲衝。而壽昌港尤爲出入之門戶。與建德分界者曰羅桐埠。水深七尺。泊舟亦便。爲東鄉之領袖。新市橋已降而爲新市村。

交通 乘建德之上游。惟支流太狹。舟行迂滯。郵路由建德陸行至此。計八十里。只一日程。故行人多不泝流而遵陸。若赴省順流亦便。南赴龍游。有大麥嶺山路無直達之郵程。

章一百四十四章 分水縣

分水縣治。北緯三十度一分。東經二度五十三分。

沿革 本富春桐廬地。唐武德四年。置分水縣屬嚴州。旋省入桐廬。如意初。改置武盛縣。神龍初。復名分水。寶應二年。析置昭德縣。大歷六年。省入。後仍之。

疆界 東界新登廣陵溪。西界淳安塔嶺。南界建德胥嶺。北界於潛印渚溪。東南至桐廬畢嶺。東北界臨安栗礪口。東西一百四十里。南北一百七十里。距省二百八十里。山脈 自天目南分支爲鐵鍊山。陽安嶺。白毛尖山。朱岡山。樟樹塢。泥尖山。栗樹山。至縣治北之雙溪山爲第一支。九宮山。峽嶺。眠牛山。十八學士山。至於香山爲第二支。桐嶺介於新登桐廬之過脈者爲第三支。

水系 天目溪卽於潛之紫溪。合昌化之柳溪。流入縣境。至縣治。有前溪自淳安入境。合羅伍溪諸水。至縣治東南。與天目溪合流。經畢浦鎮。入桐廬界。有灘七。其他廣陵溪等水。皆入天目溪之細流耳。

物產 分水茶產天尊巖。味芳辣。金色鯉。產龍潭。穀物有餘。絲繭亦多出口。桐油木炭。

銷路亦旺。竹木編排運出。松杉之用尤廣。山果以栗爲多。

實業 農田額徵一萬一千兩以下。產棉之地。能仿種洋棉。較本地棉更高。是以逐漸推廣。山多田少。水淺戶穰。地狹民稠。木炭紙茶終歲所入。僅足三分之一。故貿遷者多。教育 縣立高等小學校一。在縣治中。國民學校共三十九所。女子國民學校一所。其人士雋良。好文雅。喜誦讀。重功名。而社會則奉象教。崇鬼神。

縣治 無城郭。街市卽以縣治爲名。東西長里許。商務較十年前更盛。商權皆紹興人操之。

鄉鎮 舊分十管。近分六鄉。縣東畢浦鎮交易較盛。爲桐廬水陸往返之津要。西南百江鎮。爲赴淳安孔道。臨水而不通舟。下游有鳳市。商況稍衰。其次如馬家塢。略有交易。東北有府軍埠。

交通 乘桐廬之上游。水陸皆七十里。實止六十五里。一日可達。上溯於潛六十里。亦一日可達。是以由縣至省。爲兩日程。陸行由臨安餘杭。尚須四日。故水行者便。西通淳安至安徽。西北通昌化。南通建德。東通新登。均有陸路。但行旅甚少。無直達郵信。

第一百四十五章 永嘉縣

永嘉縣治北緯二十八度。東經四度二十一分。

沿革 漢初爲東甌國。後爲會稽郡地。後漢置永寧縣。吳屬臨海郡。晉置永嘉郡。治永寧。隋改名永嘉縣。唐温州治。宋瑞安府治。元温州路治。明清温州府治。今甌海道治。疆界 東南際海。西界青田安溪。南界瑞安麗塘。北界仙居柘溪箬嶺。東北界樂清館頭。東西一百六十九里。南北三百二十里。在省東南六百五十里。

山脈 北接括蒼山脈。分桃嶺、楓樹山、大元山、靈山、沙龍山、大瑪瑙山、谷山、孤山、筆尖山等支。南接南雁蕩山脈。有見幻嶺、石鼓山、后社山、橫塘山。至縣治東之華蓋山。而芙蓉嶺、雷峯山、東迤於大海。有青巖、黃巖、虎頭嶼、諸山。前明倭寇曾犯此。

水系 甌江。或名蜃江。慎江。亦名永嘉江。自青田流入境。曰大峙門。北會韓埠港。又南會上戍港鐵場水。東南流經金堡村。東流至縣北。柘溪港合南溪港。嶺北溪張溪。明鏡溪。蓬溪。正溪。諸水一大支來會。北岸過烏牛村入樂清界。南岸經狀元橋。盡於海。物產 白穀出種玉。哇陶隱居所遺。歲兩熟。豆麥脂麻。箇籐筍。立秋時生。松樟檜杉。檜

權洞柏森林並茂。溫柑則有朱欒、蜜櫛、金豆、蓮、美國、今禁阻。染料則紅花、靛青二種實業。農田額徵四萬二千兩以上。溫州衛原有屯田。額徵一萬五千兩以上。工作品以皮箱爲最。甌綢亦成大莊。茶葉棧四所。貿易額頗鉅。水產講習會。合舊溫屬辦理。教育。省立第十師範中學。均在城內。縣立高等小學八。高等小學附國民學校十二。國民學校七十所。乙種農工業各一所。尤尙實用。

城市。晉大寧立郡城。東西附山。南環會昌湖。北臨甌江。郭璞所定。諸山如北斗。故名斗城。時有白鹿啣花。又。鹿城。仙門河口有太史碼頭。

鄉鎮。甌江口有狀元橋鎮。毛竹橋鎮。相距只二里。並爲著埠。水深六丈。尤便停泊巨船。韓埠在韓埠港口。原爲汎地。塘下鎮臨塘河。商業並臻繁盛。他如上蒲街下蒲街新橋街、碧蓮市、寺前街、倉河街、錦春坊、蒲鞋市、溫溪街亦爲商店所集。

交通。由上海直放溫州。招商局有輪船一隻。茶市最盛時二隻。由上海循寧波海門內海在海門換船至溫州者三隻。由塘河至瑞安小輪二隻。民船可上溯至青田麗水。灘淺流急。易下而難上。

第一百四十六章 麗水縣

麗水縣治。北緯二十八度二十五分。東經三度二十五分。

沿革 秦回浦。漢章安。吳松陽地。隋開皇置括蒼縣。爲處州永嘉郡治。唐改麗水縣。爲

處州縉雲郡治。元爲處州路治。清爲處州府治。民國廢府存縣。

疆界 東界青田。臚原寨。東北界縉雲。西南界景寧。西界松陽。西北界宣平。東西九十里。南北百二十里。在省南七百里。

山脈 括蒼山爲一縣之鎮。治在小括蒼山之東。萬象山之東北。最高曰釋山。上有夫子廟。山經盤紆。連接九盤嶺。亦名蓮城山。絕頂有眉巖。其南之大梁山。則爲楓嶺山脈之岡阜相連者也。

水系 西北遂昌松陽之水。合西南龍泉雲和諸水。滙爲大港。離縣十餘里。宣平之水會焉。是爲大溪。一名洄溪。一名洞溪。麗水源出縣北之麗陽山。西南流入大溪。縉雲所出之好溪下流。至縣東滙爲大港正流。亦呼麗水。經金村東南流入青田界。

物產 栝爲處州別名。松身柏葉卽欏樹。栝蒼卽以此著。杉樟檉栲並盛。餘如茶。藤。靛。

青桐油、茶油、柏油，出產繁多。尤以靛青、桐油等爲大宗。花之奇者曰子午花。藥屬金石者有磁石、雲母石。屬草木者有苓、朮、何首烏、茱萸、木棉，惟棉種不佳，亟須改良。

實業 農田額徵一萬六千兩以上。多山少田，勤於樹藝，儉嗇樸素，賦輸素辦，利用織

廠出品甚佳。通銷甌婺。山多產鐵，民間取沙淘洗，故有坑稅。置爐采煉，故有爐稅。

教育 縣立高等小學及國民學校，管教合式。奉教育部獎。乙種農業，亦趨重實用之

職業。女子師範二所。四鄉兩等各一國民學校，共六十七所。

城市 唐中和間，盧約據此，得黃牛臥處，卽今治。依山爲城，憑帶崗阜，易守難攻，阻大

溪爲險，故無濠。先賢端木子裔遷居此城，又一支在青田。

鄉鎮 碧湖鎮爲縣治上游重要市集。水深一丈三尺，舟楫泊其南。陸路亦扼要，故爲

數縣商務中心。東北卻金館爲縉雲要道。昔皆爲汎地，今裁銀場村在大嶺背之北。

交通 乘青田永嘉之上游，有舟楫可通。湍流險阻，九十里間，三十六灘。郵路陸行，仍

依河流曲折而止。計一百五十里。縣治東北有縉雲郵路。縣西四十里至碧湖，西北

通松陽，西南通雲和，均有郵路。

第一百四十七章 青田縣

青田縣治北緯二十八度九分。東經三度五十三分。

沿革 秦回浦。漢章安。隋枯蒼地。唐景雲二年置青田縣。屬處州。歷五代宋元明清皆不變。洵福地也。

疆界 東界永嘉安溪。南界瑞安烏杉。西界麗水金村。北界縉雲盧塘。東西一百四十里。南北一百五十里。由縣至省九百三十五里。

山脈 山分南北二條。皆枯蒼山之分支。多石含鉄鑛。北條自縉雲入境。中有丹山。爲葉法善鍊丹處。南條自麗水入境。有石門山洞懸瀑布。爲邑名勝。劉基讀書於此。又有南田山。劉基故宅在焉。最著者爲閣公方山。有圖書洞。卽青石印章所出。運銷歐美。年達數十萬。正南諸山皆遙接南雁蕩山脈。西南三石山又遙接楓嶺山脈也。

水系 大溪由麗水險灘流入。東南會禎埠水。北會海溪於海口市。又東南會冲坑水。東流會芝溪、舢溪、石藤溪。又東南流。有小溪合景寧諸水來會。兩溪合而水盛。東南繞縣治之西。向南折東。又南納顧溪。東入永嘉界。河流不暢。故民國二年水災最烈。

物產 南田稻產南田山上。沃土不虞水旱。麻麥諸蔬少生焉。青果味與福建同。花之

大者曰木芙蓉。石門壁立數百丈。簾花垂滿如錦。蔗田有糖蔗竹蔗二種。

實業 農田額徵一萬二千兩以上。平民習藝所出品。條格花布、文明柳條布、愛國布、

網紋石髮布、桂花布、以芝鶴爲商標。國人樂用之。石製燭盤、煙盆、煙嘴、水池、並佳。

教育 縣立高等小學附國民學校者十五。國民學校十一。其餘鄉校。多由私塾改良。

帶經而鋤。至於科學。以體操爲最。故青田士子在本國本省軍警界。皆佔優勢。

城市 前臨大溪。後負丹山。左以龍門橋水爲池。右以永濟橋水爲池。昔丹山龍津二

門稍下。倭寇陟山窺我。設雲梯攻七晝夜。乃解。後商民移丹山門於龜山之麓焉。

鄉鎮 石帆市位於險灘下。禎埠市位於灘頭下。海口市位於高沙嶺脚。芝溪市船寮

市位於石門洞下。凡灘河之市。多在大灘下。以便夜泊。各支流湍急。故有村無市集。

交通 由永嘉溯甌江而上。一百二十里。水深二丈。淺亦九尺。自甌至青。一潮可達。故

航船暢行。縣治以上。祇有小舟也。陸路東南逾白沙嶺至瑞安。西越高沙嶺陽山領

通麗水。其西南路泰順之路。尤爲寥寂。界上有銀坑山。

第一百四十八章 縉雲縣

縉雲縣治。北緯二十八度三十七分。東經三度三十八分。

沿革 黃帝以雲紀官。縉雲以官名山。相傳黃帝巡狩於此。唐萬歲登封。初置縉雲縣。

并置縉雲郡。宋以後郡廢。縣存。浙江縣名之最古者。

疆界 東至仙居。南至青田。西至麗水。北至永康。西南到宣平。西北到武義。東西一百

六十里。南北一百七十里。距省六百七十里。

山脈 括蒼大盆之幹橫絕東北。屹然突起仙都。本名縉雲山。玉柱峯之絕巔。上有鼎

湖。殆古時火山之口也。縣西黃龍山、大姥山、馮公嶺、茭嶺、桃花嶺、險逾劍閣。一人守

險。萬夫莫開。

水系 一曰好溪。出大盆山。西南匯諸水。經仙都曰練溪。歷魯聖橋。會棠溪。經壺鎮。永

濟堰。至縣治。南會貞溪。入麗水界。二曰南源溪。卽建陽溪。出雪峯山。縣北諸水會之。

入永康縣。亦謂之南溪。卽金華南港之上源也。

物產 農產稻、麥、豆、歲三熟。筆筍出葛竹山。管溪官山薪竹亦饒。近歲蠶桑日多。棉、苧

各布並盛。新出各種花布。以國旗牌者尤佳。南屏紙歲產五萬擔。

實業 農田額徵二萬三千兩以上。東蒙巖澗水流急。有自然碓。人民曉然於水力之利用。浙省有碓稅者。凡一十四縣。厚生織布有限公司。在東門內。愛國布甚精美。教育 縣立高等小學五所。在城者一。壺鎮仙都趙梁新建各一。國民學校。城內二所。各鄉二十三所。

縣治 無城。惟有東南北三關門。北門多盜。築城二十餘丈。以便防守。由居民修理。東北有吏治山。筮仕山中。亦隱而在下矣。縣治南有官堰。水利興焉。

鄉鎮 好溪上游魯聖橋。鄉俗孝敬。與重義橋相連。常溪口下有壺鎮。扼九曲溪之尾。閩爲全縣之首鎮。建陽溪上有新建市。河陽市。商肆亞於壺鎮。溪下有小溪市。已近於永康界。若東鄉蘆塘市。北鄉之黃碧街。界牌市。略有小本經營而已。

交通 乘麗水上游。相距九十里。水陸皆一日程。爲出甌海要道。北八十里至永康。可由武義通金華蘭谿。順流晉省。壺鎮亦九十里通永康。又東六十里至橫溪鎮。由蟠灘以達仙居。

第一百四十九章 松陽縣

松陽縣治北緯二十八度二十六分。東經三度一分。

沿革 吳孫權析漢章安地置松陽縣。屬會稽郡。唐設松州。旋廢。吳越更名長松。旋改

白龍。宋咸平二年復名松陽。至今沿之。

疆界 東界麗水。南界雲和。西界龍泉。北界宣平。西北界遂昌。東西一百九十里。南北一百三十里。由縣至省一千零三十五里。

山脈 山出銀鉛錫礦。縣北竹嶠嶺。頂上出泉。其脈自大盆雪峯來。馬鞍山之銀。唐時頗盛。若橫山在縣南者。有龍華、玉冰、膳礮、塘山各山。羣峰羅列。實與楓嶺山脈。蜿蜒相屬。

水系 松溪自遂昌來。至界首村。南經舊治鎮。又東南至篤埠頭。有大竹溪自南來會。宣平之雙溪亦南流而會於縣治之西南。又東南流。經黃居鋪。循居口。流入麗水河。界卽大港也。范成大修通濟堰以溉松遂。民到於今稱之。

物產 榛、蕨於塞外。此間荒山亦產之。花之美者曰鶴頂紅。松石出卯山。有怪石如松。

枝葉宛然。白蠟紙漆等貨。並能行遠。菸草產額。近十萬元。木材暢銷省城。歲值鉅萬。實業。農田額徵一萬四千兩以上。土法開礦。年久而淺層已竭。必須購開礦機器。始可深求。惟信用未著。未能集成鉅款也。礪礪之區。蓄洩及時。歲始有秋。亦稱樂土。

教育。縣立高等小學一。高等小學附國民學校者二。國民學校一百餘處。女子高等小學附國民學校各二。

縣治。有四關。東曰光華。南曰濟川。西曰金屏。北曰鳳臻。以百仞山爲縣城之鎮。山麓有白龍津。吳越因以名縣焉。商市漸繁。統捐局駐焉。繁盛處爲縣前大街。

鄉鎮。舊治鎮又名舊市。或名古市。繁盛過於縣城。附近有馬埠、黃埠。皆沿松溪。下游循居口。亦有市集。然猶不如舊治之盛。商品亦多古物。附近有飛來菴。則未可信爲事實也。鄉俗各家。多置祭田。安土重遷。風俗淳厚。

交通。郵路由縣西北二十五里古市。又三十五里至遂昌。可出龍游。以乘省城上游。由縣東南八十里之碧湖。又四十里至麗水。而乘永嘉上游。可以出海。鄰縣惟縣北六十里至宣平。

第一百五十五章 遂昌縣

遂昌縣治北緯二十八度三十四分。東經二度五十分。

沿革 吳赤烏二年析太末置平昌縣。晉太康初更名遂昌。隋廢復置。唐武德省入松

陽。景雲初復置。唐以後沿之。

疆界 東界松陽。南界龍泉。西界江山。北界龍游。東西南北皆一百里。距省城九百三十里。

山脈 括蒼西幹爲馬戍嶺。一名侵雲嶺。凡赤津嶺龍津嶺周公嶺并爲險塞。綿亘相接。自東而西。唐山有金石巖。明景泰中礦丁流而爲賊焉。縣南之君子山。二山如揖。稱大小君子。附見妙高百馬諸山。則由仙霞楓嶺之來脈也。

水系 呂川出貴義嶺。經縣治之南。又經金岸鎮。濂溪口入松陽界。爲松溪。蔡溪出攀竹嶺。經玉村口鎮。合住溪。東川梭溪入於衢縣界。而東川則自福建浦城縣入境。惟官溪則出侵雲嶺。爲馬戍源。北流卽龍游之靈溪。

物產 特產有舞竹。冬夏一色。風起則枝梢拂地。有棕竹鳳尾竹。移自麗水。唐山沼中。

有金鯽百數。貨物以木柴、靛青、竹筍爲多。民食則蕃薯當十分之三。烏穀之種亦佳。實業 農田額徵一萬四千兩以上。工作品能造書紙。皆家庭小工作。尙未能合羣設立公司。民勤耕讀。知務本焉。鐵砂最多。若能提鍊爲針、釘，亦可抵制外貨也。

教育 縣立高等小學一。國民學校四十有八。女學未興。城鄉私塾充斥。家庭教育尙稱馴謹。惟國家世界觀念頗薄弱也。

城市 關門四。東曰迎恩。北曰朝天。蓋舊屬溫處道處州府。恩指道府而言。北則視京城省城如天上。民國以來。改東關爲金甌。北關爲啓蒙。以開民智。居民三百餘家。

鄉鎮 金岸鎮當縣治下游。若唇齒相依。玉村口鎮爲衢之上游。桐竹材木所出。際下市距福建浦城極近。與柘岱口市並立於東川之上。而梭溪之湖山鎮。大柘市。有幽勝之風景。惟遊人甚少。各鎮尙未通郵遞。鄉居父老不聞外事。亦樂境也。

交通 乘松陽麗水之上游。灘險難行。郵路東南三十五里。至古市。又二十五里。至松陽。爲出海之要道。縣北距龍游一百二十里。爲晉省之要道。麗水松陽晉省者。亦多取道於此。

第一百五十一章 龍泉縣

龍泉縣治。北緯二十八度七分。東經二度三十九分。

沿革 回浦松陽地。唐乾元二年。置龍泉縣。屬處州。宋宣和中。更名劍川。紹興初。仍復名龍泉。元以後仍之。

疆界 東界雲和。南界景寧。西界慶元。北界遂昌。東西一百七十里。南北二百里。距省一千一百二十里。

山脈 山出銅礦。名曰豫章山。其村其水皆以豫章名。有九龍井。飛瀑九道。自岩頂下注百仞。又琉華山。山頂寬平。有湖深不可測。上下卽琉田。居民以陶爲業。昂山匡山。皆楓嶺支脈。孝義山亦產銅。與豫章齊名。今礦之上層已竭。須以機器深鑿也。

水系 大溪出仙霞東南。有小梅溪。小海溪。秦溪。蔣溪。漿溪。數源并合。始爲大溪。又納豫章溪。錦川溪。獨源溪。至縣治。東納大貴溪。南納鐵杓溪。又東納白雁溪。安仁溪。武溪。入雲和界。縣南有劍池。相傳歐冶子鑄劍處。縣名所由得。今用以淬礪。多得名劍物產 稻種來自占城。旱湖稻則種於旱地。赤米色赤。鷓鴣斑則因其色名之。花奇者

有佛桑。墨草可烏鬚髮。紫草可爲染料。豔草可驅汗氣。花布、機布、毛邊紙、香菇並佳實業。農田額徵一萬八千兩以上。昔哥窰龍泉窰磁器一瓶一鉢博數十金。今西人樂購吾國古磁。今磁業工廠仿造洋磁與古爲新。則絲茶外可鼎立第三也。

教育 縣立高等小學一。高等小學附國民學校二。國民學校三十九。女子小學一。里巷弦誦相聞。家塾中積書教子者多。

城市 關門曰東觀光。南通越。西奉真。北豐盈。縣治西北有九姑山。今改名九穀山。示重農也。金鼇山改名經學山。示立教也。市上貨物少。民用亦儉。統捐局收入最少。

鄉鎮 章窰在南宋時兄弟各主一窰。哥窰以兄而著也。龍泉窰以地而著也。其磁青瑩純粹。無瑕如美玉。其一淺白斷文。號百圾碎。冠絕當世。今本縣本省家藏者已不能多得。大溪上道太鎮。安仁溪之安仁鎮。住溪之住溪鎮。武溪之武溪鎮。略有貿易交通。郵路由縣東一百二十五里至雲和。循麗水青田以至永嘉。爲赴省赴京之道。縣南惟通郵慶元。西南九十里至八都。逾嶺至福建界二十里至富嶺。又三十里至浦城。亦浙閩往來之要道。

第一百五十二章 慶元縣

慶元縣治北緯二十七度四十一分。東經二度三十五分。

沿革 本括蒼龍泉地。宋慶元三年置縣。卽以年號爲縣名。明初省入龍泉。洪武十四年復置。清以來沿之。

疆界 東界福建省壽寧縣。有界岡尖。岡根山。界外有魚頭澗。南至福建省政和縣。有水口山對雞山。界外有石牛山。西至福建松溪縣。有騎龍山。西南有黃防隘。北至龍泉。東南至景寧。東西二百三十里。南北一百二十五里。至省一千三十里。

山脈 由仙霞楓嶺至縣境爲橫嶺。連亘入閩。舊志松源石壁天馬石龍鳳皇百丈諸山。今圖之九漈山梅均嶺石柱山獅子巖賢良山岡根山。皆可括於橫嶺。實省南最重之分水嶺也。

水系 芸溪出縣北。合槎溪。入閩爲松溪東源。竹口溪亦入於松溪。舉溪出縣東南。合魚頭溪。入閩爲壽寧魚頭澗。縣西北梅溪。爲龍泉上源。高溪南洋溪爲景寧上源。物產 朱簞香可食。相思木甚奇。山中有山牛。及野豬。又有鎗豬。漢豬。烏有烏鷓。食糧。

則以蕃薯爲多。鐵礦豐富。質亦精良。煉成農具。廚具。銷路甚廣。

實業 農田額徵一萬四千兩以上。俗知尙農。土瘠而所穫不豐。民用節儉。故生活程度甚低。舟楫不通。舶來品亦少。

教育 俗薄文藝。舊志譏其無登鄉薦者。今高等小學畢業。來省升學者。亦爲難得。現有高等小學二。國民學校三十三。女學未興。女德亦未漓也。

城市 小邑介在閩浙之間。利害當東南之半。城門四。東仁豐。南濟川。西薰阜。北雲龍。東北有望京臺。

鄉鎮 竹口鎮、新宍市。皆距松溪近。兩省易於通。有無。東鄉舉溪市地亦適中。爲鄉民交易之場。西北八都鎮。亦因新宍竹口而發達。其他則黃榴村、古樹、糧坳、梅坳、白柘、洋楓樹坪、桃坑。各村落亦欣欣有生意焉。

交通 郵路北行百里至小梅。又九十里而至龍泉。循雲和麗水青田而達永嘉。然河流之交通。則赴閩比赴浙尤便。因界上不盡有大山限也。松溪以外。如政和、浦城亦頗便利。若東出景寧。尙無直達郵路也。

第一百五十三章 雲和縣

雲和縣北緯二十八度六分。東經三度五分。

沿革 本麗水縣地。明景泰三年。析麗水之浮雲元和二鄉之地。置縣曰雲和。清以來因之。

疆界 東至麗水。南至景寧。西至龍泉。北至松陽。東西八十里。南北六十里。至省城七百一十里。

山脈 自楓嶺來之山曰霧溪嶺。有昭陽山、高胥岩、佛兜山、百林山、綿亘不絕。其高挿千仞者曰大雄峰。支脉曰婁狗山。北境有大壯山、遙遙相對。飛鳳山在其西北。則由松陽聯於大益山也。

水系 大溪自龍泉東流入境。至七赤鎮。東北流至杜郊街。東流折東南至渡船頭。有浮雲溪、合霧溪、安溪、雲檀溪、新碭溪。縣治北流來注。東經石塘街。有石塘坑。之在界上相會。東流入麗水縣界。

物產 觀音粉。一名白澹泥。和米粉蒸食。可療飢。花之奇花名珍珠。山有鬻松、雨松。三

鬚松、同根松。所產灰炭、葛渣、塘魚、竹木、雜稅頗旺。

實業 農田額徵僅六千四百兩有奇。土人得洋棉子種。業已播種。收效頗捷。發展可期。土瘠民貧。俗儉。尚樸素。力耕勤織。衣食聊足自給。惟工商悉資外販。客民居多。教育 縣立高等小學二所。皆在城內。女子高等小學。附有國民學校。其他城內國民學校三所。各鄉國民學校四十三所。教會在城內。設立高初小學各一所。

城市 關門二。東曰青陽。西曰阜民。南曰迎薰。居民三千餘家。西北鳳凰山。秀拔數十丈。今改風篁以種竹。白龍山環拱東南。今改百農以種芋。皆尚實也。

鄉鎮 七赤鎮在縣西南三十里。有七赤渡。附近有沙埠頭。爲全縣之首鎮。若浮雲溪上漂頭街。雲矚溪上雲矚街。以及東鄉石塘街。漂頭附近村頭街。皆名街市。而商業不見發達。

交通 郵路由縣西北至碧湖九十里。又四十里而達麗水。雖偏僻之地。然東南通景寧。正西通龍泉。郵路略具丁字街之形式。西南不便直達慶元。正東不便直達青田。則山道阻之也。

第一百五十四章 宣平縣

宣平縣治北緯二十八度三十九分。東經三度五分。

沿革 本麗水地。明景泰三年析置宣平縣。清以來沿之。

疆界 東界麗水西溪。及縉雲界。南界麗水黃茅洋。西界松陽陳寮。北界武義後陶。西南界雲和白岸口。西北界遂昌周塢。東西一百六十里。南北一百四十里。至省六十里。

山脈 山出銀礦。一曰余高山。二曰龔坑山。其他多鐵礦。樊嶺橫亘。東接栝蒼。曰太阿嶺。曰迴龍山。地勢險仄。台山層巒疊嶂。龔坑在焉。南迤爲曳嶺。爲玉巖山。爲獅面巖。足資控扼。

水系 雙溪亦曰坦溪。東北出樊嶺者曰樊川。與坦溪相合。又名東溪。至縣治。又西納茭溪。又有午溪申溪。交縈於桃溪。至縣南之通仙渡。又東南流入於松陽縣界。水淺流急。灘石尤多。

物產 紫花芥卽辣芥。盧樓筍出盧敖洞。竹豚如鼠。食竹根。捕之味甚美。墨山出山墨。

客入取之以點磁器。冬蘭產於雙巖。香遍谷口。接骨草爲外科要藥。貨物蓮竹爲多。實業 農田額徵僅六千七百兩有奇。地方木商由湯溪放排至蘭谿。爲商務大宗。工藝未發展。惟市上洋貨極少。亦可見其儉德。

教育 縣立高等小學二所。一在城內。一在親仁鄉之桃村市。城內國民學校四所。各鄉三十七所。

城市 宣平南關曰迎恩。亦指溫處而言。民國以來。改爲道南縣西五里倚白馬山。有石巖飛瀑之奇。明初於宣慈鄉置巡司。卽今縣治。居民五百餘家。

鄉鎮 全縣無著名之大鎮。東西兩鄉各鄉村。且無市集。南鄉有洩嶺腳市。周坦市。梁村市。北鄉有俞源市。小妃市。大抵定期之商業。數日始開市一次。鄉民有終身不涉城市者。惟桃村市居民多於縣治。商店亦較他市爲盛。

交通 宣平乘麗水上游。灘險難行。只放排不通舟。郵路南行六十里。取道松陽縣。開日一發。公署文牘。學校報章以外。尋常商人通信甚少。北至武義有二路。東至麗水縉雲。道路亦甚崎嶇。但無直達郵路。

第一百五十五章 景寧縣

景寧縣治。北緯二十七度五十五分。東經三度十二分。

沿革 昔本青田縣柔遠鄉地。明初置沐溪巡司。景泰三年始置縣。名曰景寧。清以來因之。

疆界 東界青田。商界泰順。西界慶元。北界雲和。東西二百二十里。南北一百九十里。由縣達省九百一十里。

山脈 楓嶺幹脈。橫過浙閩之界者。曰青草隘。西北突起飛雲峯。東北突起求雨尖。聯絡馬面山、蓮花嶺。若縣北之泗州嶺。西自龍泉。東至青田。別爲一支。分爲道士段、坳頭岩、石牛山、石柱嶺。各支。其礦。阮嶺曰烏鐵巖。最要之地曰綠銅隘。

水系 彪溪自慶元來。一名南洋溪。英川自龍泉來。相合曰山溪。南納梅石澗。會於源溪村。北納豐源水。至縣治。有沐鶴溪來。會東北流折東。經雪水村。曰綠山溪。東流至鶴口村。入青田界。

物產 翼魚出山溪間。有翼四足。能飛立樹梢。張口注水。鳥飲其水。魚目漸閉。鳥俟其

腐而吞之。大蛤一名跳魚。夏日常多。

實業 農田額徵僅六千九百兩有奇。人民鑿井耕田。其勞苦多而所得少。能愛鄉土。而不輕棄祖業。亦所長也。山谷遐阻。商賈罕集。卽本省人亦調查不詳。

教育 縣立高等小學附設國民學校者二。國民學校三。國民學校專教女子者一。學校數及學生人數。恒列七十五。縣之未近設教員講習所。力求進步。

縣治 關門四。東曰行春。南曰統政。西曰毓秀。北曰拱宸。縣南敕木山。高數千仞。雖恃屏蔽。實爲文明障礙。市面極淡。縣治北印山。方正如印。地方官咸重其職守焉。

鄉鎮 山溪之上有大均村市。外卸村市。田埠。大抵由村民設肆。稍備必需之飲食品。他如沙灣市嶺脚茶堂。皆由鄉村設茶館。爲交易之始。其貨物則祀神之香燭紙爆。及日用油鹽醬醋而已。

交通 郵路由縣西北六十里至雲和縣。若晉省大路則由東北行一日抵麗水。西南至泰順縣一都。亦一日程。西距慶元。陸路可通。尙無直達之郵程。河流至梁埠頭村。以下始通木筏。順流達青田。鶴溪附近水深七尺。可行小舟。

第一百五十六章 瑞安縣

瑞安縣治。北緯二十七度四十八分。東經四度一十七分。

沿革 秦漢會稽郡地。吳置維陽縣。改名安陽縣。屬臨安郡。晉太康初。改安固縣。隋省

入永嘉。唐武德八年復置。天復二年更名瑞安縣。後仍之。

疆界 東盡大海。西界泰順龍鬬山。南界平陽飛雲渡。北界永嘉。東西三百二十里。南

北六十七里。距省一千三百里。

山脈 雁蕩山脈。分兩大支。南支起泰順界。有雲頂山。白岩山。大周山。破坦山。紫竹山。

牛皮嶺。大湖嶺。而夷於南岸塘。北支起青田界。分塘頭山。臥雲山。白鶴尖。大藏山。等

支。惟雙峯山。林家山。蓮峯山。永豐嶺。丁畧山。相浦山。大龍山。脈最長。延爲沙岙各島。

水系 飛雲江自泰順東灣入界。納桂溪。至巒口村納泗溪。小巒口村納潦門溪。皆自

青岡境上來。又東納半溪陶溪。在仙降市白塔村數折至縣治。南岸有塘河。又東至

九里江。北岸有塘河。入於海。

物產 稻名磊晚無芒。與他穀異。邵公嶼榕樹。垂蔭數畝。茶則胡嶺最佳。海濱風味如

蠶醬、蠟房、海月、西施舌並佳。

實業 農田額徵二萬七千兩以上。民之秀者精研水利。有專家崛起。但地方尙未能集鉅款實行。

教育 縣立中學爲卓公祠舊址。高等小學三。縣城及河鄉港鄉各一。女子高等小學在城者一。國民學校在城十餘校。在鄉者五十九所。

城市 縣城西引西湖。水門曰永清。東引東湖。水門曰環璧。河渠流通。市廛因以日盛。而絃誦興。衣冠之族萃焉。

鄉鎮 沙園所在十七都。梅頭寨在五都。巡檢司在清泉鄉。東山江口。昔皆設防之重地。今著名市集在平陽接近者。以林垵爲最要。其次則爲仙降市。北則有分水城與永嘉分界。而西北大畷街距城一百六十里。尤爲重要。

交通 由塘河行駛小輪船。自縣北十里之莘塍。又北經塘下、白象、漁田等處。至永嘉爲出海入省要道。凡平陽縣泰順縣之出海入省者。皆假道於此。此河之東有航船郵路。通雙穗場。沿海民船。以福建爲多。

第一百五十七章 樂清縣

樂清縣治北緯二十八度九分。東經四度三十一分。

沿革 秦回浦。漢永寧地。晉寧康三年置樂成縣。隋唐初復置。吳越更名樂清。宋元以後仍之。

疆界 東至海濱。西界永嘉柘溪桐嶺。北界仙居。東北到黃巖。海外與玉環羣島相望。東西二百五里。南北一百九十五里。距省千里。

山脈 北雁蕩山爲全縣之鎮。由枯蒼幹脈仙居黃巖之南。崛起爲百丈巖。延長爲界牌嶺。西與永嘉各山聯屬。曰長蛇嶺。曰蕭茅嶺。曰玉甌峯。其亘於東北者。曰盤山嶺。奎星山。縣在鸚嶺。明時倭寇犯此。海濱山勢一落千丈。屹然爲玉環之祖山。

水系 永樂界河入甌江。爲永嘉樂清分界。又東爲館頭江。雁蕩九折諸溪所匯歸而成。至館頭鎮。入于甌江。西河爲運河六十里。溉田二十餘萬畝。東溪西溪合流爲運河。在縣治東。一名官塘河。入於海。北有石埭河。白龍河。芙蓉溪。各自東流入海。

物產 雁山薯蕷。有紅白二色。產於巖石竹樹間。萼湖以產萼得名。茶則龍湫背最佳。

藥則有何首烏、金銀花、烏則有錦鷄、翠碧、金雀、搗崖、鷓鴣、獸則山羊、田狗、香狸、獾、豬、實業 農田額徵二萬四千兩以上。工商人赴上海營業者，歲有增益，以新聞界爲最。活字排印，爲文明進化之利器焉。

教育 縣立高等小學三。高等小學附國民學校三。鄉立國民學校八十七所。女子高等小學一。國民學校六。

城市 東北貼山無濠，南附河，西附溪，故曰二水縈帶。爲門六，小門四，敵臺十八座。明季備倭力戰，以免參將張鈇守土之功也。

鄉鎮 盤石衛在茗嶼鄉。蒲岐所鑄鐵汎在瑞應鄉。二城舊爲海防重地。官塘河上之柳市鎮。萬橋港上之湖邊街。白龍河上虹橋鎮。白溪之白溪街。近因河流海港而發達。其他鸚頭埠、芙蓉街、白象街，亦覺生意興隆。東鄉大荊及竹嶼，均有徵收分局。

交通 水程距永嘉九十里。只通航船。東北循郵路。由虹橋大荊亦可達海門。玉環郵信。由蒲岐所渡海送達。計程七十里。以轉達坎門楚門。陸路郵遞惟南鄉之柳市一處而已。

第一百五十八章 平陽縣

平陽縣治。北緯二十七度四十一分。東經四度一十二分。

沿革 吳安陽地。晉置始陽縣。更名橫陽。隋省入永嘉。唐復置橫陽。吳越更名平陽。元升爲州。明清爲縣。今仍之。

疆界 東極大海。西界泰順笠帽山。南至福建福鼎縣海濱鼠尾礁。北至瑞安縣散嶼。東西一百五十里。南北二百一十五里。至省一千三百五十里。

山脈 鐵礦之脈。由泰順瑞安綿亘入境。迤爲三。銀礦脈。一在焦溪山。七都高明水尾。一在天井洋。一在赤巖山。而宋陽山之礬礦。尤爲廣大。全縣山鎮。則以南雁蕩山爲主。已詳前章。

水系 龍江又名橫陽江。又名始陽江。又名錢倉江。南港合莒溪。平水溪。燥溪。北港合順溪。金溪。會而爲一。又東納梅溪。至江口塘。連河自瑞安。經縣城至此相會。有南運。在南岸入於海。此外沿浦赤溪。宋浦入海。小水甚多。

物產 礬產。南港爲本縣出口重要商品。茶則二港皆產之。價格較礬尤大。海產繁多。

製造品有糖、紙、土布、雨傘等數種。菸葉及鐵米皆有出口。

實業 農田額徵二萬八千兩以上。古鼇頭及鎮下關爲海濱捕魚重要港口。礬商多。甬入本縣曾組織平陽礬業股份有限公司經營未善。

教育 縣立高等小學四。城內及江南、北港、南港各一。國民學校城鄉共計一百二十三所。女子高等小學附國民學校一所。

城市 晉太康間舊築。代有增拓。有城門三。水門二。南門卽水門。曰通濟。商業不甚發達。因城北運河及東塘河不能行小輪船。且逼近山林不易展拓。

鄉鎮 金鄉衛城在江南鄉。爲前明海防要地。宋埠寨城由民堡改。在七都。今不甚著。古鼇頭爲全縣商業中心。茶、礬、海產所萃。由帆船裝運出口。江南鄉之宜山、南港之靈溪、北溪之水頭街商業頗有可觀。

交通 縣治距瑞安郵路三十里。附輪船達溫州。縣南郵路三十里至古鼇頭。十五里至儀山。又十里至錢庫。又十五里至金鄉。古鼇頭有支路。西七十里至北港。西南七十里至林溪。鼇江上下游有民船往來南北二港。以及沿海各島。

第一百五十九章 泰順縣

泰順縣治北緯二十七度三十五分。東經三度二十分。

沿革 本永嘉地。明景泰二年始置泰順縣。清以後仍之。

疆界 東界瑞安。西界福建壽寧縣黃羊隘。南界福建福安縣交溪。北界景寧。東西六十里。南北百八十里。至省城一千五百里。

山脈 縣治萬羅山。北天關。南地軸。東飛龍。西舞鳳。前招文筆。後引鳳皇。環境仙山。由慶元之橫嶺來。南迤爲盧阮嶺。卽分水嶺。泉發隴上。東西分派。東有莒岡龍鬬諸山。大巖山入平陽境。

水系 縣西界上之水。皆入於雙港溪。縣東錦溪小溪之水。合爲靜安渡溪。又納界上之嶺下溪。會雙港溪之水。是爲交溪。入於閩。縣西北有仙居溪。合洪口溪。莒岡溪。窄口溪。爲百丈口溪。過東灣街。東入瑞安縣界。實爲飛雲江之上源。惟窄口下之活溪。係由青田縣南境流入百丈口正流。

物產 茶爲山產大宗。香菇次之。泰尤爲藥用上品。茯苓亦多。米糧以外。山中多食玉

蜀黍。礦產已開者則有河流中之鐵沙。製造品則竹器尤廉。裏光紙亦著名。

實業 縣立貧民工廠。以外皆家庭工作。勝家縫衣機器。甚適用。土瘠農薄。額徵只五千七百餘兩。附加稅不過千四百元。民俗敦樸。洋貨流行不多。

教育 縣立高等小學三。在縣城者一。在義翔鎮者二。國民學校。全境共四十二所。改良私塾五十餘所。女學尙未成立。教會學校在南門外平溪村。

城市 有四門。商市在西門。東門大街。居民千餘家。語言與永嘉相同。風景佳處。以天關爲最。地軸亦足以對峙。

鄉鎮 縣西四十里西溪鎮。爲赴福建壽寧縣要地。東鄉仕洋鎮。距分水關十五里。爲赴福建福鼎縣要地。洪口街有舟楫。直通瑞安飛雲江。東灣臨水。商市亦盛。南鄉龜伏街距福建壽寧最近。歸仁鎮。居民全操閩語。義翔鎮。全操麗水語。

交通 郵路由縣東北一百三十里。至黃壇。又東三十里。至大密。又東一百六十里。至瑞安。郵件間二三日始一發。於鄰境景寧慶元平陽。亦無直達之郵路。入閩道路尤艱阻。行旅極少。陸路至省九日。經景寧麗水縉雲東陽諸暨。往來者甚多。

第一百六十章 玉環縣

玉環縣治。北緯二十八度十二分。東經四度四十五分。

沿革 太平寰宇記。始載玉環山。舊名木嶼。一名木榴。一名地肺。明洪武患倭寇。徙民

於內地。清雍正五年。展復。築城設官立學。爲玉環同知。後名玉環廳。民國改爲縣治。疆界 孤懸大海。介在溫台之間。東西闊五十里。南北長九十里。周七百里。北倚溫嶺。

由楚門所渡海峽。不過里許。西蔽樂清。距鑄鐵約四十里。距蒲歧約七十里。皆一潮可達。東南有黃坎二門。出爲大洋。距省九百二十里。距京五千一百二十里。

山脈 南嶺大幹。至雁蕩而盡於海。起伏隱見。崛起玉環。最高處田螺尖。象其形也。縣城在中青山。東青山西青山之間。又有桃花嶺。大巖頭。錦屏山。木岡山。金竹山。考功

山。皆在島上。若大烏山。雞冠山。花巖嶼。沙嶼。則散爲海中。而翠雲窩。珠簾島。尤勝。水道 玉環城外有天開河。爲雍正築城時。雷雨衝刷而成。長一千三百二十丈。直通

後蛟浦。他若牛頭山之大密溪。高椅山之小密溪。尖巖之小溪。皆入海之小水也。物產 虎叉山有鐵樹二株。踰四五年一發。爲島中特產。海產魚類極繁。農產次之。工

藝甚少。錦漆、山桃、花蕭、墨梳、山椒、土漆、虎豆、黃鼠、石蚶、海馬，多內地所未見也。

實業 航業爲拓殖第一事。漁業亦爲海島之特長。斥鹵宜棉。昔日紡織之業亦盛。今有仿製草帽綆者。賦稅至薄。七十五縣中獨無附加稅。授田開墾。歲納地租。

教育 縣立鄉立小學而外。特出之士。有負笈海上以留學海外者。最新之科學。如潛水艇。無線電。有青年志士專心研究。他日當自效於吾國海軍也。

城市 因山爲城。因城溶池。雄峙海上。壇廟軍營官廳學校室廬倉廩悉如內地。墩臺烽墩。遊巡哨探。作鎮爲藩。與定海南田鼎立爲浙海三島縣焉。

鄉鎮 玉環島上鄉鎮。首推坎門。在本島之東西。由海門至温州輪船。必經坎門。縣城在中央。郵件出入。以坎門爲門戶。他如縣南之小疊村。東南以三合潭村。西南之陳澳村。東北之東青村。招徠農氓。迺疆迺理。比於內地。小疊保衛團尤勇敢云。

交通 天開河直抵城下。商民舟楫可通。兵船出哨甚捷。東青山之北海峽有渡頭。可達楚門。島民習於航海。有沙船至臺灣澎湖。南至呂宋。非利賓羣島。我國民冒險進取之精神固已南極南洋。東向太平洋。而西向大西洋也。

大中華浙江省地理志後序

余知閩侯有林子久矣。今春省城報章盛傳西湖職業教育觀之文。則林傳甲之名。徧馳兩浙焉。前此遊西湖名流才子。嘯傲湖山。膏盲泉石。人將疑西湖爲流連荒亡之地。自林子觀之。孰農。孰林。孰蠶。孰茶。孰漁。孰圃。孰工。孰商。甚至僧道迷信。富室驕奢。窮氓勞動。無不關於職業教育。余誦其文。訪其居。至圖書館。問餘杭章仲銘。始知在圖書閱覽室第一席。日日挾冊而至。把筆不休。六時課外。放迹湖上者。卽林子也。再訪之。遇江蘇繆子才於座。子才佐太炎籙邊。於林子在黑龍江十年事。知其詳。他日遇之塗。則瑞安林桐莊。共談水利焉。時當夏節。可以少休。則林子又與其家亮生少將。述塞上詩。尋新得句。洵所謂惜秒陰者乎。余爲東道主。是以於林子之遊。當躡屐以從。林子四海爲家。雖子身在浙。而永定林謫卿知事。延之家居。寓水亭址。亦和靖舊名也。林子教育得自家庭。林下老人。世稱女聖。不但林氏大姓。若永定。若瑞安。與閩侯。隔縣隔省。亦親若同胞。友恭和樂。卽他縣他省他姓之人。林子亦未嘗不視若同胞。林子愛人以德。國人愛林子也。亦以德。余爲浙人。終身在浙。或未得盡交七十五縣之人。聞七十五縣之事。

林子遊各省。尤汲汲以教育窮鄉僻縣爲亟。是以各縣父老學生。多所諮詢。天下士友。天下士不信然歟。余從林子徧謁西湖先烈先賢祠墓。林子皆有題詠。於文學則重白蘇。武功則重岳子。徘徊孤山。瞻拜三林。蓋自視爲西湖主人矣。尙友千古。而後可垂諸千古。邦人君子。方以白傅與先紹述著作爲至交。擬奉先著作附祀白祠。紹述爲文。典則高古。世人研習者少。號曰澀體。林子方弱冠時。詞必已出。琢句雕章。有聲江漢間。今爲白祠附祀。樊著作碑記。其文格與著作。綿絳二篇。差堪鼎足。余已壽之梨棗。將附於昌黎香山晴川諸老之後焉。夫林子者大中華之林子也。湖山佳處。不欲久留。新編大中華浙江省地理志。自本年四月四日海軍無線電畢業生。玉環曹肅。自海上殷殷請業。遂爲新少年宣講臺領袖。來浙於法政師範農蠶工商中小各校。皆有講演。合數千人智識於一篇。余丁巳之夏。浙中戒嚴。奉楊公檄委。駐電局監視。於電報一章。亦任調畫。林子旣表玉環曹母之墓。復刊紹述附祀之碑。金石之文。永爲兩浙文獻考證。今林躬任校刊。又刻。以三月之力。編印一省地志。不支公帑分文。則林子他日以浙者徧志各。而成。亦易事耳。紹興樊鎮漱圃氏謹述林子之志。爲後序焉。

大中華浙江省地理志釋文

浙江方言特有之字。彙爲釋文。僅得大意。俟浙江方言考詳之。

形聲字

山類 嶠 嶠浦 峇 仙居峇裏溪窟也 嶢 上虞嶢山 嶮 縣以山名

水類 澹 白澹泥 澶 烏龍澶餘杭 淬 海寧淬江 澈 澈浦

土類 塹 黃泥塹 垌 七垌深 坎 遂安坎廈村 圳 仙居圳口莊 埕 溫嶺東埕

石類 礮 北郭礮 礪 湯溪黃礪鄉

木類 櫛 諸暨櫛山 栳 慶元黃栳村 榧 此果江以北鮮有

草類 蒨 蘭蒨 蒨 早蒨棉 蓼 即野薄荷 菰 可爲席出上虞

竹類 箒 箒鹽出長林場行舊處屬 筵 織布器 篔 筍名立秋時生

雨類 霏 霏霏所

魚類 鱖 龍頭魚 鮎 鮎 鮎 鮎

虫類 蟻 蛤屬或作蟾

音釋

霽

霽水在吳興、直狎切、音喋、洽韻、雨也、

月

半月山在海塘、齊陽切、音牆、

舂

馬舂吳舂、甌海常用、以代舉字、讀若渙字、書所無、

放

放頭村、在臨安、說文、旌旗之游、放塞之貌、集韻與偃同、

拏

手拏鎮在昌化、集韻、鳥八切、音歛、

耗

雨雪量以耗計、讀若毛、

魁

魁口富陽地、新登界、讀若燕、廣韻、醜去聲、墟名、在富春渚上、

康

康頭市、在鎮海、集韻、趨玉切、音促、舍也、

傘

石傘音薦、以土石遮水也、

寬

以竹通水、讀如現、白居易石函記、錢塘湖南有寬、

◎大中華浙江省地理志校勘記

- 啓事 四 第十二行 毋諉爲經費難籌 籌誤壽
- 凡例 二 第五行 今以最近浙江水陸道里記 今誤令
- 凡例 三 第七行 本編字字期有根據 下一字誤作學
- 緯度 四 第七行 青田 樂清 青田 下列青田二字重複應刪
- 經度 五 第十二行 日出必早 誤出必
- 日月 七 第八行 曆書 曆誤歷
- 南界 一三 第九行 景寧 誤倒置
- 區域 一九 第七行 烏程 烏誤烏
- 區域 一九 第十三行 義烏下 落武義二字
- 舟山 四二 第二行 島嶼甚多 甚誤其
- 温州灣 四九 第十一行 普陀之西甚淺 甚誤其
- 温州灣 五〇 第十三行 變遷不常 不誤大
- 温州灣 五〇 第十二行 沙埕港 埕誤一

太湖	五九	第十行	吳興三十九漣 漣誤淒 天目 目誤自
椒江	六五	第五行	出奉化東南 化誤天
甌江	六七	第五行	小溪來注 注誤往
器用	九八	第四行	于忠肅像 于誤於
孔教	九九	第四行	國教之深入人心者 落入字
省議會	一一二	第十三行	省單行章程由全省公民之公議誤將程由二字排下
教育行政	一四三	第七行	機要文牘 牘誤作省
專門實業	一四七	第四行	法院前 法誤於
專門實業	一四八	第十行	每名年給 名誤省
工業	一五五	第十行	可至萬萬元以上 落一萬字
商業	一五八	第八行	膾炙人口 炙誤炎
公園	一五九	第三行	晉處士 處誤慮 第七行 德清 誤德興
道路	一六四	第十行	至於金華 金華誤易華
輪船	一六五	第五行	寧波貿易 易誤金
海寧	一七三	第一二行	海寧縣 寧誤甯 以騎縫標目爲正文

閩侯林奎騰氏出版書目

代微積淺釋 武昌衡州時務學堂課本 長沙算報館刊本

微積集證 圖史通義 湖南督學部院署刊本 正本存大學藏書樓

中國文學史 京師大學講義本 金陵翻印本 成都翻印本 通行本

孔教救國篇 山西宗聖會初版 黑龍江再版 上海尊孔會三版

林下詩存 林下老人遺著 上海商務印書館印本 黑龍江省新出版書
上海商務印書館寄售

共和國教科書 女子歷史 林下老人遺著 上海商務印書館印本

黑龍江教育日記四冊 民國元二三四各一冊 商務印書館本 每冊八角

黑龍江教育狀況 鄉土志 教科書 史論 詩集 共十種 皆商務印書館本

察哈爾鄉土志 中國地學會本 遊青島坊子張店各種 山東社會教育印本

公文法程 商用文法 實驗貨幣學 均北京琉璃廠共和印刷局本

大中華易縣地理志 地理雜誌本 易水水源 易學進階 均共和本

大中華安徽省地理志 安徽黃省長鑒定教育司省教育會同校刊

大中華江蘇省地理志 正在校印中 在上海出版

至聖紀元二千四百六十九年
中華民國七年

七月七月初版

大中華浙江省地理志

定價大洋二圓



分售處	總發行	印刷所	印刷者	編輯所	校勘者	總纂者
北京中國地學會	浙江印刷公司	浙江印刷公司	餘姚周佩芳	浙江圖書館	閩侯林懷民	閩侯林傳甲
各省大書坊	北京孔教會經世報館					

